















Hystori vnd wun-  
derbarlich legend Katharine von  
Senis / der hailigen juncckfraw-  
en / mit sampt zwayen predi-  
gen / die ain von diser hai-  
ligen Katarina / die an-  
der von sant Vin-  
centio prediger  
ordens.







## Von vatter vnd

mütter der hailigen juncckfraw-  
wen Katherina von Senis:



S was ain man  
in d stat Senis/  
In dem Lannd  
Chossie/ genant  
Jacobus/d was  
ein schlechter keü  
scher mensch-on  
vntreüw. Er het

got vor augen / vnd hütet sich vor  
sünden. Do jm sein freünd nun tod  
waren nam er ain frawen die hieß  
mit namē Lapa die was auch frum  
vñ ordenlich in dem hauf / vñ was  
fast berhafft / alle jar gewan sy ain  
kind / etwo zway mit ainander: Die  
selb Lapa sagt irem beichtiger von  
irem man Jacob / das er nye so zornig  
würdt das er ainich überflüssig  
wort aufs seinem mund lies / noch  
kain vngedultigs / Aber wen er sa-  
he das ain mensch vngedultig vnd  
zornig was. so strafft er in güttlich  
vnd sprach. Vns zimbt nit das wir  
vntugendlich vnd zornig seyen / vñ  
zoch in daruon wo er kund: Die fra-  
we sagt auch daz man jm zū ainem  
mal nam was er hette / mit gewalt  
vnd vnrecht / dannocht mochte er  
nitt geleiden das man flücht / oder  
übel wort redt. So aber s in fraw  
vngedultig ward / so straffet er sy  
süffiglich vnd sprach sein gewonli-  
che wort / Dir sey gesagt ain gütter  
tag / du allerliebste vnd laf daruon  
got würt jm villeicht sein vnrecht-  
tün zū erkennen geben / das er noch  
möchte werden vnser beschirmer /

das er vns noch wol möcht wider  
ergötzen / Vnd das geschach / das  
man der warhait innen ward. Sy  
waren baide so warhaffte / das sy  
nymmer misstheten / vnd alles ir ge-  
find toist nimmer vnzüchtige wort  
reden / oder hören redn. Die lieb La-  
pa hett bey irem man Jacob. frö-  
kind. Es geschach auch ains mals  
dz ir tochter aine mit namen Bona-  
ventura von irs mans gesellen ai-  
nem hoit verlasne böse wort / dar-  
uon ward sy also ser betrübt das sy  
siech ward / vñ abnam. Do fraget  
sy ir man / der hieß Nicolaus / was  
ir gebiäch. Do sprach sy / ich bin in  
meins vaters hauf also gwesen dz  
ich kain solich verlasne red nie hab  
gehört / Ich sag dir für war / wöl-  
len sy sich des nit massen / so würdt  
ich sterbē. Darab nam ir man groß  
wunder / vnd wriet es sein gsellen  
vnd hütet sich auch selb daruor.



# Katherina

Wie sant katherina  
geboren ward.

**O**Er genant Jacobus was  
ain ferber zü der hohen  
Señ. Do sy nun bayde etwo lang  
zeit mit ainander hetten vertriben/  
Am letzten gewan die lieb frauw  
Lapa zway töchterlin mitainander  
die ain hieß sy Johannā / die ander  
hieß sy Katherinā. Johāna lebt nit  
lang / aber Katherinam zoch sy mit  
grossen fleiß / wan sy verjach offt/  
kain kind wär ir nye lieber gewes-  
en dan die sällig Katherina / wann  
sy was das lest kind. Do nun das  
lieb kind ward das es reden kund /  
für es zühand als ain sällige weiß  
vnd vernünfftige wort vnd werck  
daz es allen menschē als lieb ward  
das es die mütter kain weil gehabt  
mocht vor den freunden / wann al-  
len leuten was wee nach dem kurz  
weilligen kind. Alle die da traurig  
oder betrübet waren den vergieng  
es alles sambt / so sy zü dem kind ka-  
men / das sy all wunder dauon na-  
men / wann sy mercklichen bey im  
vergassen aller irer widerwertig-  
keit / vnd halt etwas mit götlichen  
genaden berüret wurden. Sy ver-  
jach mir in der beicht dz sy das Aue  
maria geleernet het do sy fünff jar  
alt ward / vnd wen sy ain stieg auf  
oder ab gieng so knyet sy nider auff  
ycklicher staffel besonder. vñ sprach  
das Aue maria auff seinen Edlen  
knyelachen.

# von Benis

Da stund Katerina  
vor der prediger closter / vnd  
wurd verzuckt.



**W**ad do die lieb sällig Kathe-  
rina nu sechs jar alt ward  
do wolt sy aines tags gon  
zü irer schwöster bonauentura mit  
irem brüder Stephano / der was  
nit vil öltter dan sy / Vnd do sy nun  
wider wolten haimgon. do kamen  
sy auff ainen weg der hieß Valle-  
piata / do hüb das kind auff sein au-  
gen / do sach es auff der Prediger  
Kirchen ain schönes hauf / das was  
künigklich gezieret / in dem saß der  
hailmacher Jesus auff ainem kay-  
serlichen tron / vnd was geklaidet  
als ain bischoff / vnd het ain päpst-  
liche hauben auff seinem haupt / vñ  
drey zwölffspoten saßen bey im / Pe-  
trus / Johannes / vnd Jacob / do sa-  
he sy iren schöpffer an mitt ganzer

begird ires hertzen. Vñ der herri het in sy gesteckt sein augen seine maie statt / vnd lachtet sy lieblich an / vnd mit seiner gerechten hand thet er über sy dz zaichen des hailigen creuzes / Daruon ward sy als gar mitt jm verainet / das sy ir selb vergaf / vnd des wegs den sy gon solt / vnd stünd also vn bewegt an ainer stat vñnd sach über sich / Aber ir brüder Stephanus gieng etwan verz für sich / vnd mainet daz kind gieng jm nach / darnach krot er sich vmb vnd sach es dort verz von jm ston / vnd das es ymmerzū über sich sach / do rüfft er dem kind mitt lauter stym / was er erschreyen mocht. das halff alles nit / do gieng er aber bas hyn zū / vnd schry sy an / Aber sy thet nit dergleichen als ob sy gon wölt / vñ stünd also still / Darnach gieng er hyn zū ir / vnd nam sy bey der hand vnd zoch sy nach jm / vñnd sprach / was tust du mi da / warüb geest du nit haim. Do thet sy als ain mensch das von ain geschwinden schlaff erwachet ist / vnd sprach / O lieber brüder / herest du gesehen daz ich gesehen hab / du herest mich nit also geirret / Darnach sach sy aber über sich / do sach sy sein nimer. do ward sy bitterlichen wainen / vnd klaget ser vnd jämerlich / das sy die augen het nider gelassen / Vnd vō der zeit was fürbas alles ir thün vnd ir lassen / vnd all ir sitten / als ains alten menschen / vnd thet kain kindtlich werck fürbas meer / Also / das alle menschen die es sahen wunder namen vō irer weisheit / wān sy was von disem gesicht also durchleucht

worden leiblich vnd gaistlich / das sy mit vnwürdigen haimlichen bekennt in der beicht / das sy aigentlichen weft die gewonhait der alten vätter in der wüste / vnd ir haylige werck / Sy weft auch die werck etlicher hailign / sonderlich die werck vnd übung des würdigen vatters sancti Dominici / das wist sy nicht von kaines menschen leer / Es het auch nit gelesen in den büchern daz siben jätig kind / sy kund es von der einsprechung des hailigen gaists / von dem was ir auch eingeflossen ain hitzige begird / den selbigen hayligen nach zū volgen / nach allem irem vermügen / als sy das auch bewysen hat.

### Wie das kind di sciplin nam.

Acherina das jung töchterlin sücht haimlich stöt / das sy iren leib da möcht gaiflen / vnd da disciplin nemen / dem bild volgten vil kind nach. Ir hyn der vñ beysassen lieffen emssiglichen zū jm / das sy hören wolten ir götliche wort / vnd das sy volgen wolten iren wercken nach irem vermügen / Sy giengen auch mitt ir an haimlich stöt / vñ schlügen sich dan als lang bis sy als vil gebeetet het als vil sy dann auffsat. Sy begert kains trosts / noch kainer kurtzweil noch kains kindliche spils mit den kinden zū haben / wān sy was zū allen zeiten bekümmert mit gebeet vnd mit götlicher betrachtung. Sy schwaig emssiglichen / vnd redet gar selten vnd af gar wenig. Ir mäter

## Katerina

saget mir / das es offte wär ain stieg  
auff gangen das es die stasseln mit  
den fassen nym̄t berürt / daz mocht  
sy mir auch selb nitt gelaugnen / do  
ich sy darumb fraget. Vnd ir müter  
sorget offte sy würd fallen so sy die  
stiegen allso behendiglich gieng /  
Es geschach auch etwann / das sy  
floch die beywohnung der menschn̄  
wan̄ sy was geren ainig

## Katherina bett ain

begird das sy geren wär gewesen  
ain ainsidel / darumb gieng sy in ain  
hol vnder ainen velsen.



**D**as kind het ains tags soli-  
che begird ee es siben jar alt  
warde / das es solt allain  
sein als ain ainsidel / darumb nam  
es mit jm ain prott / vnd gieng auß  
seins vaters haus allain / vnd kam  
zü dem haus seiner schwöster Bon-  
nauentura / das stünd nahend bey

## von Benis

der stat thor / vnn̄d durch das thor  
gieng das zart kind / vnd do es sach  
das es also öd was. das nit vil men-  
schen noch h. üser da waren als in  
der stat / Do gedacht es / es wär die  
wüst / do gieng es fürbaß / vñ fand  
ain hol vnder ainem velsen. darein  
gieng es mit freüden / vnn̄d geniel-  
im gar wol / vnd mainet / es wölle  
fürbaß da beleiben / vnd zü hanndt  
knyet es nider vnd ward inprünsti-  
klich anbeeten den / den es anlach-  
end het lieblich auff der kirchen ge-  
sehen. Secht / do es nun also begir-  
lich beeten ward / do ward ir leibe  
erhebt von dem erdrich langsam /  
ye lenger vnd ye lenger vnd ye hö-  
her / bis das er kam zü aller oberest  
an den velsen in dem hol / also stün-  
de es bis zü Non zeit in den lüfften /  
on alle auffenthaltung / Darnach  
ließ es sich wider nider auff die er-  
den / do ward jm eingesprochen vō  
gott / es solt nit da beleiben / es solt  
wider haim keren in seines vatters  
haus. Do nun das kind sach das es  
ainen so verre weg haim het / ge-  
dacht es / sein freünd würden zür-  
nen das es als lang auß wär gewe-  
sen / do empfalch es sich got vnn̄d  
gieng zü seiner geschweyen Lysa /  
die dannocht lebt / vnd deren saget  
es haimlich sein nodt. Secht / do  
kam ain wolcken / vnn̄d zucket das  
kind auff / vñ fürt es durch die lüffte  
vnd ließ es nider on allen schaden  
innerhalb der stat thor / also das sy  
schnelliglich haim kam. Do main-  
ten sein freünd / es wär bey seiner  
schwester Bonauentura gewesen /  
vnn̄d darumb belib das haimlich /

bis das es öltter ward / do veriach sy das irem Reichtuatter durch die eer gottes.

## Wie sy got ir keisch hait verhief.

**U**n dem gesicht (do sy den schöpffer des ersten sach) wurden auß irem hertzen des ersten gereüt alle irdische ding vnd gewan solche überflüssige lieb zü gottes Sun / das ir alle zeitliche ding waren als ain stoub / vnd dar von het sy groß begird das sy ir rainigkait möcht behalten. Vnd do sy nu gieng in das sibend jar / do was sy in ainem geträcht / ob sy ir rainigkait got geloben sölt / do rüffe sy an die künigin des hymels / Mariam die müter gotes / vnd bat sy / das sy ir erwürb vmb ir kind / das er ir zü erkennen gäb / was im aller loblichest wär von ir. Do ward ir eingetrochen / keuschait zü loben / also gehief sy got ir rainigkait mit grosser begird / vnd mit grossen gaislichen freüden.

**N**un sag ich das wol zü ainem grossen wunder / daz das hertz des jungen kints seer entzündet ward nach dem hail der selen / das es auß genömenlich vnd besonder lieb het die hailigen / die sich fleissigklich geübt hetten vmb das hail der seelen. Do thet ir kund vnser herr / das der lieb herr sant Dominicus seinen orden gestiftet hett vmb das hail der seel / darumb eert es fürbas den orden mitt grossen fleiß / Vnd wenn es sach / das die prediger für sein tür

giengen so mercket es die stöt da ir füß gegangen waren / vnd kufft die tritt so sy hyn kamen. Sy hett auch groß begird das sy in den selben orden kömen wär gar geren / Vnd veriach mir. das sy offte gedacht het sy wölt lauffen in ain frembd land vnd wölt kommen in der Prediger closter / als die sällig Zuzrosina gethon het / Von dem götlichen ernst vnd fürsatz den sy het / vnd von seinen hailigen wercken / vnd von seinen Zersamen sitten / erschracken seine freünd / vnd verwunderten sich / vnd das ganz hauf gefind erschracken von seiner weishait / vnd alle menschen die ir weishait sahen / namen wunder von ir.

**D**auon sag ich ains das wol zü verwundern ist: das geschach nach dem sy nun etwas über die Siben jar kommen was / das hort ich auß dem mund irer müter / das im sein müter ains tags gab liechtlach vñ pfenning / vnd sprach zü im / Gang in die kirchen vnd bitt den Pfarrer das er richt / das mir ain Mess gesprochen werde von dem hailigen sant Anthoni / vnd opffer die liechtlach vnd das gelt auff den altar / Das thet das kind mit freüden / vñ belait in der kirchen bey der mess / bis die mess gesprochen ward. Do sy nun widerumb haim came / do ward ir müter zornig / das sy also lang auß gewesen was / vñ sprach / Seyen verflucht die zungen die gesprochen haben / du würdest nit her wider haim kommen. Do schwaig das juncckfreülin ain weil / vnd für sein müter an ain egck vnd sprach /

## Katherina

fraw vnd mütter / wenn ich etwas wider eüch thü / so sollent ir mich straffen / als billich vnnnd recht ist / der worten / das ich fürbaß dester gehorsamer sey / Aber ich bitt eüch das ir behüten eüwer zungen / vnd nit flüchent / weder gütem noch bösem / wann es gezymbt eüerer wüdigkait nit / vnnnd ist mir ain bitteres leiden an meinem hertzen . Do das die mütter horte / do nam sy großes wunder von irer tochter / doch thet sy nit der gleich / vnd sprach / wo bist du nun also lang gewesen . Do sprach sy / zwar ich hon anders nit gethon dann die Mess gehöret / die du gefrümpft hast . Vnd die mütter sagt es seinem vatter Jacobo / vnd sprach / sich also hat die tochter geredt / des lobet er got .

## Wie sy sich zieret

**O** sy nu mit grossen wunder volbracht het ir jungen tag / vnd nun kōmen was zū zwölff jaren / do wurden ir vatter vnd mütter betrachten / wie sy mit ir thūn wölten / vnd forscheten nach ainem frummen mann . wañ sy westen nit üderal omb ir glübt die sy geton het / vñ die mütter gedachte sy wurden sy hoch vnd wol versehen omb ir über natürliche weisheit / daruñ bleeret sy ir tochter / sy solt sich zierlich auffmachen / vnnnd solt ir antlüz wäschen / vnd ir hartzieren . Des thet die hailig Katherina ains nit / wañ sy begert nyemāñ wol zū gefallen dan got allain . Do

## von Benis

bat die mütter die öltern tochter Bonauentura / sy solt ir schwöster dar zū bringen das sy ir volget . Das tet Bonauentura / vnd bracht ir schwöster Katherina dar zū / das sy sich zieret nach der mütter willen / wañ die schwöster hett sy besonder lieb / vñ darumb so thet sy es durch iren willen . Aber doch wolt das got nit lang leiden / wañ dieselb Bonauentura starb kurtzlichen an ain kind / wañ got hasset es zū mal seer / wer seine diener irret / oder bringet von güten dingen . Die selb Bonauentura was zū mal eersam gewesen an iren worten / vñ an iren sitten / aber darumb das sy ir schwöster wolt gezogen haben von gott zū der welt / do ward sy erschlagen von got / vñ starb ains herten bitteren tods / aber doch ward sy behalten von dem geheet irer schwöster Katherina / das ward ir von got kund gethon / das veriach sy mit haimlich / Vnd do ir schwöster verschaiden was / do köret sy sich hitziglichen von der üpigen welt / vnd het große reü über ir sünd / darumb das sy irer schwöster geuolget het / vnnnd mit grosser reü viel sy nider mitt der lieben frauen Maria magdalena zū den füßen vnser lieben herren Jesu christi vnd bewainet ir sünd . ¶ Sy thet mir auch offft ain ganze beicht / vñ wenn sy an dise sünd kam / so wainet sy / vnd seüßzet als bitterlichen als ob sy ain todtschlag gethon het . Darumb fragt ich sy / ob sy gedachte hett / das sy ir gelübt brechen wölte / oder ob sy sich darumb also gezieret het / das sy den leüten dester baß ge

fiele. Do sprach sy / Es wär ir in ir hertz nye tömen das sy ir gelübt brechen wölt / So wär es ir auch ain rechte pein das sy die leüt sehen sölt wañ durch kaim fenster sach sy nimmer herab. Do sprach ich. wie möcht rest du mit solcher weiß vn̄ gezierd die hell verdienet haben / nun was es doch nit überflüssig Do sprach sy nach meinem geduncken / het mich mein Schwester des mals lieber dan got. Do sprach ich / es wär nit als gröflich wider got / vnd wider die gebot vn̄sers heren / als sy wönett. Do hüb sy ire augen auff gen got dem allmächtigen / vnd rüffet mit lauterer stym. Ach herre got / wie ainen gaislichen vater hab ich der mein sünd also entschuldiget / Do kurt sy sich gen mit vnd sprach. Lieber vatter Solt ain arme vnd schmähe creatur als vil zeit darmit vergon / bis sy sich also gezieret / die von got vnuerdinet als vil genad empfangen hat / mich bedunckt halt Mitt der hellischen pein möcht ich die sünd nicht gebessert haben / hett mir gott nit geholfen. Secht / do müst ich schweigen.

### Wie sy vatter vnd

mütter / vnd iren freunden / verjach / sy het got dem heren ir rainigkait gelobt.

**S**echt / do sy die nodt überwunden hett / do trachtet der böf gais (der allweg ain ver hinder ist alles gütten) ain andern syn / vnd ward die freünd



all anfechten / das sy ir ainen gemahel gäben / wann sy die ainen tochter verloren hetten / des solten sy an der andern ergötzet werden. Do sy in des nit volgen wolt / do klagten sy es ainem prediger / der was ir güter freünd / vnd baten in fast / das er mit irer tochter Katherinen darvon reden solt. Do ward er Katherina fast ansprechen / als er gehaisfen was / vnd do er hort iren stäten fürsätze / das sy so gar in göttlicher lieb engündet was / do sprach er zu ir / Seidt du dir als vestigklich hast fürgesetzt keüschait zu halten / so ist dir nichts bessers / dann das du dir dein har abschneidest / so werdenn sy villeicht schweigen. Do schnaid die lieb Katherina ir von stundan selber ir har ab / vnd leget es auff ain tüch. Das ward ir müter mercken / vnd fraget sy / was sy darmit maint / darüb gab sy ir ain frembde

## Katerina

## von Benis

antwort / do zoch sy ir das tuch vñ  
dem haupt / vñ sach das sy beschorn  
was / do schray sy vor zoren laut /  
waffen / das der man vnd kind zü-  
lieffen / vñ sprach zü ir / du aller-  
böste maid / hast du das darfür / das  
du damit gesigen wöllest / sich. vnd  
das dein hertz darvon solt zerbrech-  
en / dannocht müst du ainen man  
nemen. Sy wurden auch zü radt /  
das sy ir kain kamer noch kain statt  
lassen wolten / darinn sy ir haim-  
lichait mitt irem gemahel Christo  
fürbas gehalten möcht / vnd schick-  
ten sy in die kuchen / vnd alles / das  
in dem hauf was zü thun das leg-  
ten sy ir auff / der worten. das sy ired  
gemahels vergäse. Do erwölet ir  
die hailig junckfraw Katherina  
selber ain zell von der leer des haili-  
gen gaists in ir selbs hertzen / vnd  
maint / darauf wölt sy nymmer kom-  
men durch kainer sach willen. So  
ich erwann / vil zü thun het besun-  
der / oder ainen verren weg faren  
wolt / so sprach sy zü mir / machend  
euch ain zell in euerem gemüt / vnd  
darauf sollen ir nit kommen. Vnd  
kurtzlich / alle schmachait die sy kun-  
den ertrachten / die meerten sy täg-  
lich gen ir / mit worten vñ mit wer-  
cken / vnd mit schlegen / Dannocht  
dienet sy in allen mit frölichem ant-  
litz. Do fragt ich sy ain mal / wie sy  
als frölich gesein möcht / do sagt sy  
mir in haimlichait / wenn sy ir vat-  
ter ansprach vmb ainen gemahel /  
so nam sy ir das in iren syn / er mai-  
nete vnsern herren Jesum christum  
So es aber die mäter thet / so nam  
sy ired für / es wär Maria / wenn es

aber theten ir brüder / oder das an-  
der hauf gefind / so nam sy ired für /  
sy mainten die hailigen zwölffpot-  
ten / Vnd wenn sy in dienet / so het  
sy in irem syn / sy diene vnserm her-  
ren Jesu christo. Darumb gedaucht  
sy zü allen zeitten / wie das sy wär  
in Sancta sanctorum / vnd nitt in  
der kuchen. ¶ Do sy nun kain be-  
schlofne stat het / do machet sy sich  
in ired jungen Brüders kamer / der  
was des mals nit da haim / darinn  
het sy allen ired trost. Do geschach  
es ains tags das ir vatter Jacobus  
eingieng / vñ fand sy in ainem win-  
ckel knyen / vnd beeten / vñnd sahe  
das ain weisse tauben saß auff ired  
schaitel / vnd do er eingieng do slog  
sy zü dem fenster auß / Do fraget er  
sy / was tauben in der kammer ge-  
flogen wär. Do sprach sy / ich hon  
kain tauben noch kainen anderen  
vogel heüt gesehen. Des verwun-  
dert sich ir vatter seer / aber er saget  
es hernach / das er es oft gesehen  
het. ¶ Do nun dise junckfraw Ka-  
therina vil anfechtung gelitten het  
do viel ir in ir hertz / das sy geren in  
den Prediger orden kommen wär /  
vnd maint sy wölt es thun / vñnd  
wurd denn ledig von dem anstre-  
ngen ired freünd. Darumb rüffte sy  
got an mit stätem ernst / das er ir fü-  
gen wölt das sy in denselben orden  
käm. Do trost sy got in dem schlaff  
mit ainem schönen gesicht / vnd sy  
gdaucht wie sy sach vil hailger vät-  
ter / die stiffter der orden gewesen  
waren / vñnder denen sach sy auch  
den lieben herren sant Dominicū /  
der trüg ain gar zarte durchleuchte



liligen in seiner hand / die brane  
 ymmer zu / vnd verbran doch nitt /  
 Do sprachen die vater all zu ir / nun  
 erwöl dir diser orden ainen vnder  
 vnß / da dich dunckt / in dem du got  
 aller bast dienen mügst. Do richtet  
 sy ire augen zu sant Dominico / do  
 sach sy das er in der andern hand  
 het das klaid der schwestern / die da  
 haissen / die schwöster von der reu  
 sanct Dominici / Do gieng er zu ir  
 vnd sprach / Allerliebste tochter / ge  
 hab dich wol / wañ du solt sicherli  
 chen wissen / das du noch geklaidet  
 würst mit disem klaid nach deiner  
 begird. Do empfieng sy in mit gros  
 sen freuden / vnd dancket got mit  
 wainenden augen / Vnd von dem  
 gesicht ward sy also keck / das sy des  
 tags all ir brüder / vnd all ir freünd  
 zu samien lüd / vnd sprach künlich  
 vñ weißlich zu in. Ir lieben freünd  
 ir habt mich offte vnd vil angespro  
 chen mit ainem zeitlichen gemahel  
 das ist mir mit ganzem hertzen wi  
 der gewesen. als ir selber wol wist  
 vnd gemerckt hat / Aber darumb /  
 das ich von dem göttlichen gebott  
 billich vndertänig sein soll / so hon  
 ich nit vil bis her wider euch begert  
 Aber nu ist es zeit das ich euch mei  
 nen syn sag / darumb las ich euch  
 wissen / das ich got mein rainigkait  
 gelobet hab / do ich ain kind was  
 bey sibem jaren / das hab ich in mei  
 ner kindthait gethon / So ich nun  
 kōmen bin zu meinem Kelichen al  
 ter / vnd zu meinen sinnen / so ist es  
 mir noch festiglich in meinem her  
 tzen / Ja also vest / das man die her  
 ten stain bas erwachen möcht dan

man mich von disem fürsatz bring  
 gen möchte / vnd darumb sag ich  
 euch / das ir darvon lassen / wañ ir  
 verlierent all eüwer arbeit. Ich sol  
 vnd will got meer gehorsam sein  
 dann euch / wölt ir mich aber selber  
 also in eüerm hauf haben / so will  
 ich uch also getreulich dienen nach  
 allem meinem vermügen / als kain  
 magt. wölt ir mich aber austreiben  
 darumb will ich nitt von meinem  
 gemahel lassen / wann er ist als ge  
 waltig vnd als reich / das er mir  
 wol hat zu geben / wa ich bin / alles  
 das mir nott ist. Vnd do sy das ge  
 horten / do brachen sy all auß mitt  
 wainen vnd mit seufftzen / vnd mo  
 chten ir vor wainen kain antwort  
 geben / vnd sy verwunderten sich /  
 das ain als stillschweigende toch  
 ter als künlich vnd als weißlich ge  
 reden kund: Sy merckten auch das  
 sy sich irs vater s hauf ee verwegen  
 wölte / danz das sy ainen man ne  
 men wölte. Do nun der vatter an  
 die tauben / vnd an andere wunder  
 die er gemerckt het / vñ darumb das  
 er got meer forcht dann die andern  
 Do sprach er zu ir / du allerliebste to  
 chter / beschirm vnns gott / das wir  
 wider gottes willen nit streiten vñ  
 dem hailigen fürsatz gots / das ha  
 ben wir wol gemercket lange zeit /  
 vnd nun sehen wir das offenlich  
 mit vnsern augen / darumb tu was  
 dir füget / vnd als dich der hailig  
 gaist leert. Bit got für vns / der dich  
 in deinen kindlichen tagen mit sei  
 ner genad fürsehen hatt / Do kōret  
 er sich zu seiner wirtin vnd sprach /  
 nyemandt soll meiner allerlieften

## Katerina

tochter laid thün fürbas / vnd trug  
das fürbas yemand ir laid thü / wie  
künden kain als würdigen tochter-  
man gefunden haben. noch so wol  
versorget haben mit ain man. Wir  
bedürffen nit klagen / so wir got an-  
pfangen haben für den menschen /  
den schöpffer vnd den hailmacher  
aller welt / für den tödtlichen men-  
schen. ¶ Aber die müter was betrü-  
bet mit dan die andern all / wan sy  
het gar ain fleissige liebe zü ir / Aber  
dise hailige junckfrau Katherina  
fröwet sich in got / vnd dancket im.  
das sy got het erhört / vnd dancket  
auch iren freunden demütiglich.

**Da beetet sant Ka-**  
therina in irem kämmerlin.



**S**echt / do sy nun gesicheret  
was von der gnad gotes /  
do begert sy das man ir ain  
kämmer lief die ver von den leütten

## von Genis

wär / des ward sy gewert. Mit wö-  
licher strengkait sy da lebt / vnd mit  
wöllicher hertigkait sy iren leib da  
köstiget / das kan kain zung aussagn  
¶ In diser kammer seind wol als  
vil / von diser junckfrauen / wun-  
derlicher werck volbracht / als die  
wunderlichn werck seind gewesen  
der alten väter in Egipto / vnd als  
vil seind sy wunnderbarlicher / als  
vil sy on menschlich leer / vnd on  
bild / in dem hauf ired vatters vol-  
bracht seind / wann von kindhait  
auff af sy gar selten flaisch / vnd do  
sy öltter ward / het sy sich als lanng  
darvor gehüt / das sy sein on schade  
ired leibs nit geschmecken mocht /  
Das lond eüch nit wunderen. Ich  
kam aines tags zü ir / do was sy als  
krancf das sy gar nahend verdorbē  
was / wann alles das ir krafft gab  
das af syuit / Do thet ich ain zucker  
in ain wasser / vnd gab ired zü trinck-  
en. das ir leblich ader wider kämen  
Do sy das mercket / do sprach sy zü  
mir / dz klain leben das noch in mir  
ist das wölt ir mit wasser gar ver-  
derben. Do fragt ich sy / wie sy das  
maint / do verständig ich an ired ant-  
wurt / das sy sich bitterer vnd vnges-  
chmackter kost als lanng gewönet  
het / das ir flaisch vñ all lustig speiß  
wee thätten / vnd ir schad wären.  
¶ Ich wais es in der warhait / vñ  
will es bezeügen vor aller chüsten-  
hait / das es ir ain gröfere pein was  
das sy essen solt / dan kain hungeri-  
gen / das nit essen ymer gesein mag  
Warüb gieng sy dan zü tisch / nit  
darumb. das sy iren leib gepeinigen  
möcht mit essen / Den wein tranck

sy/aber sy müscher in das er kainen geschmack het nach wein. Vnd do sy fünfzeihen jar alt ward/ do trancke sy zūmal kainen wein mer/ vnd tranck fürbaß nun lauters wasser/ vnd darnach af sy nur trucken prot vnd roche kreütter. Aber do sy nun wol was vmb zwainzig jar/wolt sy nit anders essen dann rohe kreüter/wie siech od wie tranck sy was. Also het sy iren leib gewönt grober speiß/ das ir mag kain gute speiß behalten mocht/ wann kain kostliche speiß wolt sy essen/ vnnnd mocht sy halt nit verdöwen/ vnnnd für alles zūhand widet von ir. Ich sprich nit das es ain wunder sey/ich sprich aber daz/das ich offte gesprochen hab/das halt alles ir let n wol ain wunder gewesen ist/ wann von nature mocht sy es nit erzeiget hon/ noch vō gewonhait/ dan nur das sy mit got als gar vergotet was daz kain zeitlich ding bey ir beleiben mocht/ ¶ Wir wollen das sagen/daz wir mit vnsern augen von ir gesehen haben/ die zeit die wir bey ir genonet haben/ das sy offte grossen smerzen laid/vnd vnleidenliche arbeit. vnnnd auch lebet on hilff liblicher speiß/ vnnnd das sy dannocht allen menschen zaigt ain frölichs antlüz Du solt nit gedencen/das es an ir gemacht sey mit kainen listen/ oder von gewonhait/oder das du ir mügest nach genolgen/wann es seind sunnderlich gaben von got/ die da kōmen von vōll des gaissts/wann so der gaisst ist vol götlicher genadē vnnnd süßigkeit/ so flüßt es in den leib/das er halt deßer kressstiger ist.

vñ allen vngemach deßer baß überwindt von der süßigkeit/ die die sel dem lib mittailt. ¶ Wie möchtern die halgen marterer vnd marterin so über natürliche marter vnd hunger als frölichen gelitten habenn/ dan nur allain von der überflüssigen gnaden des gaissts. der d ijt mit dem leib also veraint/ das sy dz gut vnd auch das böß mitainander tailen. Daruon sprach chriustus in dem Ewangeli/ der manich lebt nit allain des prots/er lebt halt auch des wort gotes. ¶ Sy macht ain bedē von hobelspanen/oder sy leget sich auff ain bloß piert/ darauff leget sy weder iuch noch küßn/noch goltter/ noch decklach/ nur als sy d f s tags gegangen was/ allso leget sy sich auch die nacht auff das brett/ ¶ Zū dem ersten wachet sy biß zū Metten zeit/ Aber darnach schlieff sy offte in zwayen tagen kaum ain halb stund/es wär dan das sy groffer siechtung dar zū brächt. Sy sagt mir selber/daz ir kain abstinenz nie schwärer ware worden dann das wachen. Ich sprich/ wen sy het vernünfftig leüt die von got mit ir redten/das erwan hundert tag hyngringen das sy weder bey tag noch bey nacht schliesse/ vnd weder afs noch tranck/vñ dabey was sy dannocht frölich vnd frisch. ¶ Sy sagt mir auch/ es wär die best rüwe irem leib/ die sy in diser zeit haben mocht. wen sy mit verständigen vernünfftigen leüten redt von got. das mercken wir auch selber wol/das es wor was/wañ es geschach offte/wen sy von gott mit mir redet

## Katherina von Benis

oder von seiner grundlosen barm-  
 hertzigkeit / oder tugend / das mich  
 schlaffen ward. so sprach sy zu mir  
 Ach wie mügt ir eüwer seel solichs  
 nutz berauben mit dem schlaff / sy  
 redt aber etwo lang ce sy es merckt  
 daz ich schlief. Sy nam all tag drey  
 disciplin / als sant Dominicus thet  
 mit ainer eifnin keten / aine für sich  
 die anndern für die lebendigen / die  
 dritten für die todten. Do fraget ich  
 sy aines mals wie lang sy disciplin  
 nam / Do sprach sy schnelligklich /  
 auff anderthalb stund. vnd schlach  
 mich emssiglich vn̄ gewonlich als  
 lang bis mein blüt vnz auff meine  
 füß fleußt. Vñ so ir mütter Lapa hö-  
 ret das schlahen. das sy sich mit der  
 eifnin keten schlüg. so ward sy laut  
 wainen vnd schreien. Tochter toch-  
 ter du wilt verzund an dir selb schul-  
 dig werden / wann ich sihe es mit  
 meinn augen das du dich ertöden  
 wilt / vnd vorrechtem laid ward sy  
 anfraussen ir har / vnd schray / vnd  
 thet als fraißlichen / das all ir nach-  
 baren züliefen / vnd wolten bese-  
 hen was der alten mütter grosser  
 ding beschehen wären.

**Wie sy mit irer müt-  
 ter in das wildbad für / vñnd wie  
 sy darnach in den orden kam**

**A** Vñ gedaucht sy / sie wär nit  
 sicher ires magthumbs / es  
 wär dan̄ das sy nach irer be-  
 gird in den orden kām / do lag sy ir-  
 en freunden mit grossen ernst an /  
 das sy ir werben solten / das sy ain  
 pfründ gewun̄ bey den schwestern  
 die da genant seind / von der reüw



sant Dominici / das verzoeh die mü-  
 ter so sy lengst mocht / vnd darumb  
 trachtet sy: sie solt mit ir in ain wild  
 bad faren. Do sprach Katherina ir  
 tochter / sy wolt es gern thun. Vnd  
 do sy nun dar kamen. do verköret sy  
 den selbē lust in ain bitterkait / wan̄  
 sy saß / da das wasser am haiffesten  
 was / vnd ließ das siedig wasser vff  
 iren blossen leib gon / der wo: ten /  
 das sy kainen trost het von dem gü-  
 ten bad. Do fragt ich sy. vnd sprach  
 wie mochtest du nu das siedig was-  
 ser geleiden das du nit stirbest. Do  
 sprach Katherina / Do ich in dem  
 hitzigen wasser also saß / do geda-  
 chte ich ymmerzū an die peine der  
 hell / vnd des fegfeüers / das ich die  
 auch wol verdient het / vnd bat got  
 das er jm die pein zū lob het vnd zū  
 Keren / für die sünd / mit den ich die  
 hellisch pein verdient het / Vnd do  
 gewan ich ain ganzes vertrauen  
 ich wär gewert worden / do ward

mir das siedig wasser leidenlich/al so/daz mir dauon nichts geschach/ Aber doch thet mir das hais wasser hart wee. Darnach lag sy der mütter aber an mit vnmaßigem grossem ernst/daz sy reden solt vñ den orden. Do kam sy dar vñ ward die frawen ernstlichen bitten daz sy ir tochter nāmen in ir gesellschaft. Do sprachen sy/ Ir wißt wol das vnser weiß also ist/das wir kein junckfrawen nemen zū vnns / besunder die also jung ist/wir nemen nur betagt wittwen/die ainen güten leumbdñ haben / vñnd die got geren dienen. Die antwort sagt sy ir tochter/ Des erschraek sy nit hart/ wan sy fröwete sich des gelübts das ir der lieb vater sant Dominicus gethon het/ vñ bat die mäter daz sy vmb die red nit abließ / vñd daz sy es mer an sy versüchte. Das thet sy / Do gaben sy ir aber die vouige antwort. Do geschah es/daz Katherina siech wurde/villeicht von der grossen hitz die sy in dem bad empfangen het / wann an allem irem leib waren ir vil geschwer außgefallen/vñd klain blätterlin/das ir anlüz kaum ain menschliche gestalt het/ Do saß die traurig vñd betrübt mäter bey dem bedt wann ir das kind vor allen kunden lieb was/vñd alle die erzney die sy kund betrachten die thet sy ir / Do sprach sy zū der mäter/ allerliebste mäter/sücht ir gern daz ich gesund wurd so schicken/das ich in den orden kum/ wann ich weiß wol/geschicht es nit das mich sant Dominicus (der mir täglich rufft zū seinem dienst) nit genesen laßt. Do sy das

wort geschach/do erschraek die mäter/vñd kam zū den frawen die da haissen die schwestern vñ sant Dominicus reuñ / vñd bat mit grosser begird das sy erhören wölten ir geheet vmb ir tochter. Do wurden sy all verwandlen ir antwort/vñnd sprachen/sy ist nit gar schön/darüb so wöllen wir sy empfahen durch euer grosse begird/war sy aber gar schön/so müsten wir vns besorgen dz vns leiden darnach gieng/wan die menschen nun böß seind. Do sprach die mäter/kumend dar mitt mir/vñd sehen sy / Do giengen etwan vil frawen mit ir. die die gaistlichsten vñd strengsten waren/vñ sahen die junckfraw die mocht bey sollichem siechtagen nit schön sein/aber doch het sy von natur kein überflüssige gestalt / Do ward sy als weißlich reden mit in/vñd ir grosse begird in erzaigñ/das sy all erschraeken/vñd mit grossen freüden sagten sy iren schwöstern was sy gesehen vñd gehört hetten/vñ empfien gen sy ainmütiglichen. Do enpoten sy irer mäter / wenn sy gesund wurd so solt sy sie zū in fñrn in der prediger kirchñ / das die frawen all gegenwürtig wāren/vñd auch die brüder/die ir aufrichter wāren / so wolten sy sie klaiden nach irer gewonhait. Do daz der junckfrawen gesagt ward / do ward sy wainen vor freüden/vñd dancket got/vñd sant Dominico/ Do bat sy got mit ernst daz er ir hällfe das sy schier gesund wurd/vñd das geschach/vñd zū hand kamen sy/vñd all brüder vñd schwöstern / vñd legten ir

## Katherina

an / das klaid / das sy lang begere  
het. ¶ Der würdig vatter sant Do-  
minicus hett in Lomparten beköret  
bey hunderttausent kezer. danocht  
heten die maister der kätzer die kirch  
en vnnder sich bracht als ir rechtes  
erb ( als sy laider noch etlich haben  
in Hispanier land ) dabey heten die  
Bischoff / vnd die anderen pfaffen  
kainen gewalt / allso / daz sy beetlen  
müßten / wann sy mochten irem ir-  
sal nit widerston. Do das der lieb-  
hailig sanct Dominicus ersach / do  
mocht er sein nit geleiden / vnd hieß  
zū im kommen etlich layen / die gott  
forchten / vnd het ainen radt mit im  
wie sy wider bringen möchten die  
selben kirchen / vnd den kätzer an-  
gesigen / vnd bracht sy dartzū daz sy  
zū sammen schwüren mit ayden sy  
wölten treulich ainander helffen.  
nach aller irer krafft. Vnd die frau-  
wen müßten auch schwören / daz sy  
iren mannen daran kain irsal wöl-  
ten sein / vnd in dartzū helffen wöl-  
ten / nach allem irem vermügend /  
Do gehieß in der hailig vatter sant  
Dominicus das Ewig leben / wer  
sy steüret daran / vnd gab in den na-  
men / daz sy solten haissen / die Brü-  
der von der Ritterschafft Jesu chri-  
sti. Vnd der worten / das man sy er-  
kannet vnder annderen wellichen  
leüten / vnd sy och on schrecken toist  
ansprechen wa es not was / do may-  
net er / sy solten ain besonder zaichn  
tragen / weis vnd schwarz / mann  
vnd frawen / zū ainem zaichen daz  
sy fürbaß demütig wölten sein / vnd  
keüsch / Vnd nennet in ain sonder-  
liche zal die sy täglich beetten solten

## von Benis

Pater noster vnd Aue maria für  
yegliche tagzeit. ¶ Do nu der hay-  
lig Dominicus vō diser welt schied  
do het die kätzer ey als fast abgenō-  
men / das es nit nodt was das man  
wider sy stritte / vnd darumb wol-  
ten sy nymer nach der Ritterschafft  
haissen / vnd wolten nun haissen  
die schwöster von der Keüw sant  
Dominici / Das thetten sy im zū ai-  
ner Ker / darumb / das er ir leerer ge-  
wesen ist. Alle die zū im geschworn  
heten / bliben all stät bis an ir end /  
wann sy toisten nit mann fürbaß  
nemen / darüb daz sy mit iren man-  
nen als gaislich gelebt hetten / Vñ  
nach irem todt gefiel etlichen wit-  
wen die selbig weis als wol / daz sy  
in nachuolgten / Vnd darumb na-  
men sy langsam zū / daz der Orden  
auch kam in Hispanier land / Vnd  
dartzū zwungen sy die Prediger daz  
sy in geschriben gäben wie sy leben  
solten nach der regel als sant Do-  
minicus auffgesetzt het. Das tet ain  
würdiger vatter Prediger Ordens /  
vnd gab in es geschriben / das haist  
noch heüt ir Regel / Aber es ist kain  
regel / darumb daz die dreü ding nit  
daran ston / die dan in allen regeln  
stond / wann sy waren kains ver-  
bunden / Vnd ir yegliche hett dan-  
nocht ir aygen haup / vnd müßten  
sich selb besorgen / vnd beetten für ir  
zeit / Als vor gesagt ist / Vnd des sel-  
ben leben begere die hailig Kather-  
ina / darumb daz sy irer keüsch für-  
baß sicher wäre / vnd das man sy  
fürbaß meer vmb kainen man toist  
ansprechen.

## Das sy niemand ge leert het dann Christus.

**N**emptwar/do nun die hay  
lig Katherina daz klaid het  
angelegt redet sy mit ir sel-  
ber vnd sprach / du bist nun getret-  
ten in ain gaistlichs leben / darumb  
solt du nicht leben als bis her / das  
weltlich leben ist nun vergangen /  
vnd ain neuwes gaistliches leben ist  
kōmen / wan der schwarz mantel  
den du tregst der bedeüt / daz du de-  
mütig sein solt / vnd darumb soltu  
wissen was du thüst / wan du müst  
gon durch ain engen weg / durch  
den wenig leüt gegangnen seind /  
Sy sagt ir für / daz sy mit fleis ir  
schweigen halten wolt. als sy auch  
thet / wann ir beichtiger den sy vor  
mir het / der sagt / daz sy in dreyen ja-  
ren kain wort mit kainen menschn  
nie geredt het / on die beicht / vn̄ auß  
irer zell kam sy den ganzen tag nit  
dan̄ als vil sy zū kirchn̄ gieng / wan̄  
in irem aigen hauf was sy wol in  
der wüste / Sy af ain bitten nymer  
sy het sich vor durch wainet / sy ma-  
chet ir selber ain stat da sy wachet /  
die weil die prediger ir brüder schlie-  
fen so manet sy / vnd wen̄ sy dann  
das ander zaichen zū Mettin wur-  
den leüten / so sprach sy / her / meine  
brüder vnd deine diener haben ge-  
schlafen bis her / so hon ich dieweil  
für sy geheetet / der worten / das du  
sy beschirmest vor allem übel / vnd  
vor der betrügnus des bösen gaists  
¶ Unser herz Jesus christus wolt  
seine schäslach nit lassen ir gon / er  
sandt ir kainen engel der sy leert / so

het sy sunst kain maister dan̄ in / do  
veriach sy mir ains mals haimlich  
vn̄ sprach. Ir sollend wissen für die  
ganzen warhait / alles daz gehöret  
zū dem weg des ewigen hailis / das  
hat mich kain man geleeret / Mich  
hat es nyemand geleert dann er sel-  
ber / vnd der maister / der allerliebste  
gemabel meiner seel Jesus christus  
¶ Er hat mich oft geleert mit seinem  
götlichen mund / vnnd mit seinem  
einsprechen / So ist er mir auch et-  
wan erschienen / vn̄ hat von mund  
zū mund mit mir geredt. als ich yetz  
mit euch da red. ¶ Wann zūhandt  
do sy sich eingespert het in ir zell do  
erschien ir vnser hailmacher Jesus  
christus / vn̄ vnderwis sy gantzlich  
aller der ding die irer seel nütz wa-  
ren. Sy veriach mir auch / das er ir  
erschinen wär in mangerlay weis  
¶ Vnd das sy die stymm etwan hort  
mit iren leiblichen oren. Des ersten  
het sy etwan sorg es wär ain trüg-  
nus des bösen gaists / Das thet im  
nit zorn / vnd lobt es halt vn̄ sprach  
Der mensch soll allzeit in forchten  
sein / wann es ist geschriben. Sälig  
ist der man der alle zeit vorchtig  
oder erschrocken ist.

## Wie der herz Jesus sy leeret den vnderscheid der gaist.

¶ It du so will ich dich lee-  
ren ainen vnderscheid zwī-  
schen dir vn̄ deinem feind.  
Do sprach sy / das bit ich dich recht  
fleissiglich. Do sprach er / ich will  
dich leeren / das dir vnnd auch an-  
dern leüten nütz ist. Es sprechen et-



lich maister der leere / mein erscheinung die geschich des ersten mit erschrecken / vnd darnach so wirt ain mensch ye lenger ye sich ter. Es ist auch also / es sacht sich des ersten an mit bitterkeit / aber darnach so wirt es ye lenger ye süßer / Darwider ist des feinds gesicht / des ersten ist es frölich vnd sicher / vnd trostlich / aber es wirt hyn nach ye lenger ye forchtsamer / vnd ye bitterer. ¶ Mein erscheinung vnd mein weg die haben sollich vnderscheid von seinen wegen / daz ist die ganz warhait / Die weg meiner gebort vnd reu sein des ersten hãrb / vnd scheinen als vnmüglich / vnd werden ye lenger ye süßer vnd giriger / Aber seine weg duncken des ersten gar lustig vnd süß / aber hyn nach so seind sy ye lenger ye bitterer / vnd ye schödlicher. ¶ Noch will ich dir ain anders zaitchen geben / das ist noch sicherer vnd gewärlicher / Du

solt sicher sein das ich es bin / so sich in der seel meeren wirt die bekantnuß der warhait / wañ die selb bekantnuß ist gar notdürfftig / das mich der mensch bekenne / vnd sich selber auch bekenn / von der selben bekantnuß so kumbt / das sich der mensch selber vernichtet vnd verschmähert / vnd mich eeret. ¶ Von meiner gesicht wirt die seel demütiget / wañ sy bekennt ir schñödigkeit vnd verschmächet sich dester meer / Darwider ist der feinnd ain vatter der lügen / ain künig aller hoffertigen. vñ darumb mag er mit seinem gesicht nitt geben das er selber nitt hat / vnd darumb wirt die seel übermütig / vnd schätzt sich etwas sein / darvon bleibt sy hoffertig / vñ aufblasen als d wind / Darumb schätz es nu in dir selb so wirst du zühand briessen ob das gesicht vö der warhait gannig / oder von der missag / wañ die warhait macht die seel demütig / vñ die missag macht die seel hoffertig vnd eytel.

### Wie der herz emssig

lich bey ir wonet.

¶ Und zühand ward ir gott meeren sein gesicht / vñ ward ir emssiglichen offenbaren sein haimliche iugend / Also daz sy selber sprach / zway liebe menschen haben als emssiglich / vnd als freüntlich nye bey ainander gewonet / mein herz Jesus chustus sey als emssiglich vnd als freüntlich bey mir gewesen. Sy läß oder sy beete sy trachte od sy wacht / oder schlieff so tröstet er sy mit seinem gesicht in



manigerlayweiss. Es geschach auch  
 etwen wen sy mitt den leuten redet  
 das sy ain gesicht sach / vñ mit dem  
 gemüt redt sy mit got / vnd mit der  
 zungen redt sy mit den leuten / aber  
 doch mocht dasselb nit lang beston  
 wan sein gesicht zoch die seel als hi  
 gichtlich zu Christo irem gemahel /  
 das sy kurzlich entzuckt ward / vnd  
 beraubt irer aussern sinnen. ¶ Der  
 wunder was als vil die gott mit ir  
 thett / ain mensch müst stainin sein  
 gewesen / das nit bewegt wär wor  
 den zu ainer reu vnd zu ainer süffig  
 kait / wan wer die grossen wunder  
 hort die gott mitt ainem tödtlichen  
 menschen gethon het / der müst ge  
 denncken / diser dinger aller ir ich  
 mich selber / wan schickte ich mich  
 selber darzu / mir thätte gott auch  
 gülich. Der trost vnd freud die der  
 schöpffer gibt / der ist allem irdisch  
 en trost vngleich / dannocht geet  
 die hell nach disem / vnd das himel  
 reich nach dem / das verstat der böf  
 gaist gar wol / vñ so er nitt bas  
 mag / so radt er den seinen sy sollen  
 kain glauben daran habn / die wun  
 der seyen zu groß / als ob gott gröf  
 sere wunder nit vermüg. Der alten  
 zaichen seind die menschen vtrütz  
 worden / vnd darumb müß got der  
 herz neue wunder würcken / ob er  
 die üppigen welt damit gewaichn  
 möcht / wann sy köret sich an klaine  
 zaichen nymmer / Aber doch helffen  
 die neuen zaichn als wenig als die  
 alten / an weltlichen vnd an gaist  
 lichen hertzen. Darumb spricht got  
 in der ewigen weisheit büch. Der  
 vichlich mensch verstat nit götlich

ding / vnd dunckt in nu ain tothait  
 sein. Doch hatt der herz in der alten  
 ee mit grossen wunder auch nicks  
 versaumbt / do er den kindern von  
 Israhel vorgeeng all tag in ainer  
 wolckn saul. Also das in alles volk  
 sach mit iren leiblichen augen / vnd  
 die ganngen nacht in ainer feurin  
 saul / also das sy all dauon gesahen  
 vnd kains andern liecht bedorfften  
 Vnd das das wasser auf ainander  
 gieng als zwu mauren. Vnd ander  
 zaichen vil die man in der bibel fin  
 det / darumb sol nyemant dise wun  
 der widersprechen. die got mit diser  
 junckfrawen gethon hat / wan got  
 vermag alle ding / das wolten die  
 grünnigen lieger vnd nachreder nit  
 bedenckn noch glauben die grossen  
 wunder vnd zaichen die sy mit iren  
 augen vor in sahen / Ach mein herz  
 wie oft haben sy von dir gesproch  
 en / deine zaichen seyen nit von got.  
 sy seyen von dem bösen gaiste. Do  
 sy nit allain sahen ire wunderliche  
 zaichen / sy sahen halt auch / das al  
 les ir leben ain wunder was / Ich  
 spuch / vnd het sy nitt meer gelitten  
 dan sy laid von vnbeschaiden mai  
 stern / sy wär wol ain marterin ge  
 wesen. Sy heten sy geren geweist  
 den gemainen weg / den sy selber  
 giengen / vñ verständig nit das der  
 herz christus selber maister was / vñ  
 das sy auß dem weg nit treten tost  
 den er ir selber zaiget vnd leeret

**Do erwarbe sy mit**  
 von got gesundthait seel vnd leibs

**I**X sollen wissen do ich des er  
 sten hort von irer hailigkait /



do machet ich mich zü ir / vnd erforschet in manigerlay weise ob dise ding wor wären oder nit / wan ich wol an etliche frawen etwas trug nuf funden het / wann die frawen haben offte nit starcke haupt / vñ dar umb so werden sy etwan dester ein fälliger vom bösen gaist / Vnd dar umb so stünd ich in ainem grossen zweiffel / do kam mir in meinen sin Wår das sy mir möchte erwerben ain ungewonliche reüw über mein sünd / so wolt ich glauben das alle ire werck kämen von dem hailigen gaist / do gieng ich zü stund zü ir. vñ bat sy dz sy got bat das er mit mein sünd vergab. Do antwort sy mit frölich / vnd sprach / recht geren. Do sprach ich / Ich kan nit gereuen / ich hab dan ain bull darüber nach Römischen sitten. Do ward sy sich befinnen vñ sprach / was bullen wolt ir haben. Do sprach ich / für die bullen wolt ich haben ain ungewon-

liche grosse reüw : Do sprach sy / sy wolt es gänglich thun. Also schied ich von ir. Es was wol umb die letzten zeit des tags. vnd des morgens frü ward ich siech / also dz ich mich müst legen nider / do was sy in ain hauf das was nit ver von vnser woung / vnd do sy bueffet das ich siech was / stünd sy auff von irem bedt / wan sy lag an ainer sucht / vñ sprach zü iren gespielen / Wir sollen gon vnsern brüder Raimundū beschawen. Do sprachen sy / es ist nit not. Sy was velleicht siecher dann ich / dānocht gieng sy siechlich nach irer weif / vnd kam mit iren gespielen zü mir / vnd sprach / wie gehabt ir eüch / Do was ich als franck das ich ir kaum antwurten mocht / vnd sprach / fraw Warumb seyt ir her kōmen. ir mügt velleicht wirser dan ich / das thet ich ir zü eern / vñ stünd auff / vñ saß an ain ander bedt / das stünd nahent dabey / vnd het gleich vergessen des gelübdes / das sy mir gethon het / vñnd hailiger ding / do waren mir meine sünd als gegenwertig / vnd ward sy klarlichen erkennen / zü hand gedaucht mich wie ich stünd vor ainem strengen vñ gerechten Richter / vnd das ich verurteilt wår zü dem tod als die bösen leüt / do thet mir selb richter grosse treüw. er erlöset mich mit seinem verdienen von dem tod / da ich mit dem gerechten gericht verdammet was / vnd legt mir an seine klaiden vñ bracht mich wider in sein aigen hauf / vnd dingt mich zü ainem diener / Do ich dise ding ward merckñ das sein barmherzigkait also groß

was wider meine sünd / die ich all-  
 miten klarlichen erkannt. do ward  
 ich bitterlich wainen / das ich mich  
 sein seer schampfte / aber ich mochte  
 es nit gelassen / wan ich forcht / mir  
 wolt mein hertz zerbrechen vor rech-  
 ter reu. Do das die weiß junckfrau  
 sach / schwig sy etwo lang / Secht  
 do ward ich mich verundern vō  
 der vngwornlichen vnd neuen reu  
 Eya do kam mir erst in mein sin dz  
 gelübt / das sy mir den vordern tag  
 gethon het / do fort ich mich zu ir vñ  
 sprach / Ist das nit die bull vmb die  
 ich gestern gebeten hab. Do sprach  
 sy / ja sy ist es / Do stünd sy auff vnd  
 schlug mich auff die achseln / vñnd  
 sprach / ir solt gedenccken 8 gab gots  
 Also schied sy von dannen / do blib  
 ich bey mein gesellen Nicolao mitt  
 freuden. ¶ Es geschach auch zu ai-  
 nem anderen mal / do was sy gar  
 siech / vnd lag im bedt / do sender sy  
 nach mir / do ward sy mir sagen so  
 liche grosse wunder / der ich nie ge-  
 leich gehöret het bey meinen tagen.  
 Secht do was ich vndanckbar der  
 gnaden die mir vor widerfarn wa-  
 ren / vñ ward aber etwas zweiflen  
 vñ gedacht in mir selber / sich hastu  
 darfür dz die grosse ding wor sind /  
 vnd vor rechtem wunder wolt ich  
 sy haben angesehen / vnd do ich al-  
 so darfach / do sach ich ir anlüz nit  
 vnd sach ain manlichs anlüz / der  
 het seine augen also in mich gsteckt  
 das ich erschracke / sein anlüz was  
 gestalt als ob er in ainem mitlen al-  
 ter wär / vnd er sach mich als festig  
 klich an / das ich gar seer erschraek /  
 vnd als ob er mich straffen wolte /

vmb meinen vnglauben / vñnd er  
 het nit gar ain langen part / vñ der  
 was liechtbraun / Vnd er was als  
 gewaltig gestalt / das er mir damit  
 erzaigen wolt sein maifestet / do hüb  
 ich auf meine hend / vnd ward laut  
 rüffen vor rechtem erschreckenn / O  
 wer ist es der mich also ansicht. Do  
 sprach es / er ist der / 8 da ist / zūhand  
 sach ich sein anlüz nymer / vñ sach  
 nu das angesicht der junckfrawen.  
 Vnd von dem gesicht ward ich für  
 bas erleücht / vñ also gesterckt / das  
 ich on allen zweifel gelaubet was  
 sy mir sager.

### Da sagt sy irem beichtiger.

**D**iese junckfraw sager irem  
 beichtiger ( der ich vnwir-  
 diger bin ainer gewesenn )  
 Do sy ains mals beeter / do erschien  
 ir der herz vñ sprach / tochter / waist  
 du wer ich bin / vñ wer du bist / Ich  
 bins der ich bin / aber du bist nit / die  
 du bist / Waist du die zway ding so  
 mag dich der böß nymer betriegen /  
 vñ wirst entrinnen seinen stricken /  
 vnd kainem ding wirst du verhen-  
 gen das wider mein gebot ist / vnd  
 wirst gewinnen all gnad / vnd all  
 tugend. ¶ Die creatur ist nit von ir  
 selber / so hat sy nichts von ir selber.  
 darumb bedürffen wir nit sprechñ.  
 das etwas vnser sey / so wir selber  
 nit vnser sind / wan in der warhait  
 sind wir des / der vns gemacht hat  
 Aber der schöpffer hatt sein wesen  
 von jm selv / vnd von kain andern  
 Darumb ist er der / der da ist.

## Katherina

**Z**u ain andern mal erschien er ir  
aber / vnd sprach. Tochter bedenck  
mich / thüst du das / so will ich dich  
bedencken on zwifel. Sy saget mir  
haimlich wie sy die wort verstand-  
en het / sy verstünd es also / Tochter  
bist vmb nichts besorgett / weder  
leiblich noch gaisstlich / wañ dz wil  
ich selber aufrichten getreulich / be-  
denck vñ betracht die ding die mich  
angond / wañ daran ligt alle dein  
säligkeit. Vnd darumb wenn wir  
vns etwan forchten so wir sorgfel-  
tig waren / ich oder mein brüder / so  
sprach sy gewonlich zü vns / Sich  
was haben wir sorg vmb vns selb  
empfelhen es der götlichen fürsich-  
tigkeit / wañ seine augen richt er zü  
allen zeiten gegen vns auff / vñnd  
fürsicht vnser säligkeit.

**H**ie für sy auff dem  
möri mit irer geselschafft den  
bösen gaissten.



## von Benis

**D**arumb / das ich eüch ain  
vorbild möcht tragen mitt  
meinen menschlichen wer-  
cken / so wolt ich den bösen gaisst  
mit gewalt überwinden mitt der  
pein des Creützs / Darumb wolt ir  
starck sein / das ir mügt überwindē  
all feindlich böß gaisst / so hebt auff  
eüch das creütz / vñnd halten es für  
ain widerbungung / wann es sich  
er wol ain widerbungüg ist / wañ  
als vil ir durch mein willen leiden  
als vil werden ir gleicher gen mir.  
Darumb liebe tochter / so empfach  
durch meinen willen das saur für  
das süß / vnd das süß für das saur /  
thüst du das / so würst du on allen  
zweifel starck sein wider alle ding  
die dir zü handen kōmen / Das thet  
sy mit solichem fleiß / das sy grossen  
lust dauon het / wenn man sy betrü-  
bet / allß / das sy kain zeitlich dingg  
als seer widerbracht als leiden vnd  
trübsal. daz veriach sy mir haimlich  
Do sich nun die bösen gaisst hetten  
gesammelt. do vmbgaben sy sie mit  
ainer vnzalbarlichen menge / vnd  
fachten sy an / des ersten mit bösen  
gelüsten vnd gedanken / vnd mitt  
flaischlichen dinggen / schlaffend vñ  
wachend / brachten sy ir für / trüg-  
liche bild in maniger lay weis / dar-  
mit sy Katerinā betriegen möchten  
Do stünd sy krestiglichen auff wi-  
der ir aigen blüt vnd flaisch / vñnd  
ward sich marttern vñnd schlagen  
mit eisnin keten / noch mer dan vor  
also daz das plüt über die schultern  
flos / Aber darumb liessen sy nit ab /  
sy namen an sich frömbd leib / vnd  
kamen zü ir mitt ainer vngemessen.

grossen schare / als ob sy ain mitleiden mitt ir hetten / vnd als ob sy sie trösten wölten / vnd gütten radt geben / vnd sprachen / Du arme / warumb peinigestu dich also vmbsonst du hast doch nichts dauon / Hastu es darfür das du es langmüßig treiben / du magst sein nit zukömen / du wöllest dann schuldig werden an dein eigen leib. Es ist besser das du keuschait lassst / dann das du ewig verderbest / Du bist jung / vñ zymbt dir wol das du noch frölich seyest / Wiltu got wolgefallen / so thū als ander leüt / vnd nim dir ainen man das du die welt meereß / damit gefelstu got wol / wann die frawen in der alten Ze haben all mann genömen / Sara / Rebecca / Lya / vñ Rachel / vñ ander vil meer / Warumb hastu dich nu diß sonderlichē leben vnderwunden / vnd angenömen / Dise wort vnd andere vil wurden sy mit ir reden. Aber die hailig junkfraw Katherina beetet ymmerzū / vñ empfalch sich irem gemahel Christo Jesu / vñ gab den bösen gaisten ain antwort nit / wann so sy geren gesehen hetten das sy verzaget war / so sprach sy nit anderst dan also / Ich getraw meinem herren Jesu christo / vnd mir selber nit.

**S**y gab vns vnd den die mit ir wonten die leer / das wir nimmer solten disputiern mit den bösen gaisten / wann er begeret es / das man mit im streit mit Worten / wann er hatt ain gedingen auff sein grosse hübschait / das er mainet er gefige / Do ð feind sach das sein red nit an ir hals / do krot er sich zū ain grossen

streit mit ir / vñnd wurden an sich bilden frawen vnd man / vnd wurden sich schendlichen vñ vnshämlichen mit aina nder bekümmern / vnd wurffen iren augen für vneersame werck / vnd iren oren böse vñ schalckhafftige wort / Vñ die gantzmenge der bösen gaist lieff vmb sy vnd lüden vnd reizten sy zū bösen dingen / Vñ alle die schmachait die sy kunden erdencken / bewisen sy ir. Aber got was allzeit mit ir / der die seinen nimmer verlast. O heri mein got / wie bitter was ir leiden / do sy mitt zügethonen augen müß sehen die ding die ir aller widerst waren. Vnd das leiden was ir aller größt. do sy gedaucht / ir gemahel christus het sich also vñ ir geferrt / das er ir kein hilf erzaiget / weder sichtiglich noch vnichtiglich / vnd dannoch ließ sy nitt ab / sy schlug vñ peiniget ir flaisch on vnderlaß / wann das leeret sy vns auch / vñ sprach / es geschicht offte das die seel träg würt / von den lystigen sünden des bösen gaists / vnd dester aufferer würt so sy enpfindet sunderer gnaden vnd trosts / so last sy etwan dester meer ab an lesen / an beeten / oder an anderer gütter übung / darvon würt der böß gaist ser erfreuet / Vnd darumb sol der mensch von kainer vdrüg dester minder beeten / er sol es nun dester meer tün. Do ward Katherina herfür nemen den hailigen haf vnd sprach / du aller schmäbste du bist nit würdig das du kein trost habest / O du vnßalige sünnderin / wölt dich got überheben der ewigē pein / so soltest du dise willig ewig-

## Katherina

## von Benis

klich leiden die weil du lebest / nun  
 hast du doch dich leidens vertröst /  
 vñ außerswölt durch seinen willen  
 stand auff vnd laß nit vnderwegñ  
 das du gewonlichen thüst. ¶ Sy  
 saget mir / ir zell wär als vol böser  
 gaist das sy nit anders begert dann  
 das sy ain weil entruñen wär. In  
 der kirchen beetet sy dester gerner /  
 wañ sy tousten sölicher bosheit nitt  
 treiben / wiewol sy ir in der kirchen  
 auch genüg laid theten. Wie offte sy  
 in die zelle gieng / fand sy ain vngemefne  
 meng der bösen gaist darin  
 recht als die muckñ flugen sy in der  
 zell hyn vñ her mit grosser vngestü  
 migkait vnd sprachen schändliche  
 wort / vnd theten vnsägliche werck  
 So ward sy den als lang rüffen zü  
 got / bis das das hellisch leiden we  
 ger ward. Do sy nun das leiden vil  
 tag geliten het / do sprach ain böser  
 gaist zü ir / der was velleicht kecker  
 vñ böser dan die andern / Du arme  
 was wilt du nun thun / wir wölln  
 nymmer von dir gelassen die weil du  
 lebst so wölln wir dich also üben.  
 bis du vns wirst volgen. Do ant  
 wurt sy im vnd sprach Ich hon die  
 pein erwölet für den trost / vnd als  
 ain widerbungung / vñ darumb ist  
 es mir gar trostlich / vnd durch den  
 namen meins hailmachers wil ich  
 die pein leiden als lanng als es im  
 gefelt. Do füren sy auß mit grossen  
 schanden / der gantz conuent der bö  
 sen gaist / vnd do erschain ain groß  
 liecht in der zell / vnd in dem liecht  
 sach sy den herren Jesum christum /  
 als er genagelt was an dem creütz  
 mit seinen fliessenden wunden / do

ward er mitt mir redenn von dem  
 creütz / vnd sprach / Katherina toch  
 ter meine / sich an wie vil hon ich ge  
 litten durch deinen willen / darumb  
 so sol dir nichts schwär sein das du  
 auch leidest durch meinen willen /  
 Do sprach sy zü im / O herz wo wa  
 rest du / do mein hertz also gemüert  
 ward mit solcher bosheit. Sprach  
 er / ich was in deinem hertzen. Do  
 sprach sy / dein warhait wert ewig  
 klich / vnd die eer deiner maiestat /  
 wie mäg ich glauben das du in mei  
 nem hertzen seyst gewesen / dieweil  
 es als vol was vnsauberer gedenc  
 Do sprach der herz / brachten dir die  
 werck fröwd oder traurigkait. Do  
 sprach sy / sy brachten mir überflüssi  
 ge traurigkait. Do sprach er / Wer  
 wochet das / das du traurig wärest  
 vnd doch kein trost noch keinen  
 lust von diesen dingen hettest dann  
 ich. das macht dz ich verholen was  
 in deinem hertzen / wann wäre ich  
 nit da gewesen die gedenc wären  
 dir durch dein hertz gegangen / vnd  
 hettest ain lust darvon gehabt / Aber  
 mein gegenwertigkait worckt / das  
 du ain misfallen darin hettest / vnd  
 so du sy geren vertriben hettest / so  
 möchtest du das nit getün / darumb  
 wärest du ganz traurig / do lief ich  
 dich dan geren in der trübsal also  
 lang als deiner seel nütz was / aber  
 do es zeit was sendet ich auß mein  
 schein / do wardest du geleert / das du  
 die pein gern woltest tragen durch  
 meinen willen / do fluhē sy zühand  
 von meiner gegenwertigkait / wañ  
 mein trost ligt nitt an den peinen /  
 er ligt daran / das sich der mensch

willigklich leidet / Darumb liebe tochter du hast treülichen gestritten / doch mit meiner krafft vnd nit mit deiner / dannocht hastu groß gnad vmb mich verdienet / vndd will dir fürbaß noch ofter vnd freüntlicher erscheinen dann vor / Zühand verschwand er aber / vñ von seiner gegenwertigkeit was sy erfülle worden mit als überflüssiger süßigkeit. daz es nu ain spot wär der es schub oder sagt. Sunderlich het sy besonder süßigkeit an irem hertzen daz der herz Jesus zü ir gesprochen het. Katharina mein tochter / vnd darnach bat sy iren beichtiger das er sy auch allso hieß / der worten / das ir trost darvon erneüert würd.

### Da redet der herz

Jesus freüntlich mit ir / vnd beetet ir tagzeit mit ir

**N**ach wonet ir gemabel Christus als freüntlich vnd als emssigklich bey ir / das es ain spot wär / vñ vngelaublich. der es alles beschub / er erschien ir öfter dan vor / als er ir gehaissen het / vnd was auch lennger bey ir dann vor. Vñ aines mals erschien er ir mit seiner würdigen müter Maria / vñ er nam offst mit jm sanctü Dominicü vnd ettwenn Mariã magdalenã / oder Johannem den ewangelisten / oder sant Peter / oder sant Pauls / vnd ander hailigen auch / Etwenn ainen oder meer / wie es jm süget / aber er kam emssigklich allain / vnd redet mit ir als ain freünd mit dem andern. **S**y sagt mir auch haimlich / vnd mit scham / das vnser herz



Jesus cristus offst hyn vñ her durch die zell mit ir gieng / vnd ir zeit mit ir laß / als zwen püester mit ainander lesen / sy laß ye ain verßvnd der gottes sun Jesus den andern. Wie ain erschrockenlichs wunder ist daz vnd ist vnerhöit in aller diser welt. hett er das ain mal gethon so wär wol zü reden darvon / Ich gesweig das er das offst gethon hatt / **O** wie ain freüntschafft / **O** wie ain trost / hat ir hertz davon empfangen / das betrachten alle hertzen / **O** wie ain zarter korschüler das gewesen mag sein / darvon hat der feind nit an zü schreiben / darvon er nit auff zü lösen fand / wañ der oberst Papst mit seinem ablaß selber gegenwertig was / **O** mensch gedencck andächtiglich den abgrund götlicher genädigkeit / das er ye ainen hailigen eeret anderst dann den andern /

**Z**ü ainem mal ward sy mit mir reden von irer lernung / vnd sprach

## Katherina

Meiner gespilen aine hett mir aines mals das A b c ganz geschriben / vñ do ich vil wochen daran geleernet het / do wolt nichts in mich kommen / do was mir laid das ich mein zeit also verlieren solt / vñnd darumb macht ich mich ains morgens an vnsern herren / vñnd bat in mit ganzem hertzen / vñnd sprach / O heri wär es dein lob / das ich dir die tagzeit solt sprechen / so bitt ich dich das du mich das selber leereest / wñ von mir selber kan ich es mit nichten begreiffen noch behalten / ist des nicht so will ich geren beleben in meiner ainfeltikait / vñnd wil mein zeit vertreiben mit beeten vñ mit betrachten. Do geschach ain wunderbarlich ding / ee das sy auff stünd von irem beet / do kund sy all zeit als redlich lesen als kain geleerter man auff allem erdrich / vñnd kund in den büchern süchen Hymnus vñnd Lektion / als man sy nach ordnung nach ainander lesen soll / das west sy alles von der leer des obersten maisters. Aber daz het got verhenget zü ainem wunder / vñnd zü ainem zeichen / das man sach das sy geleernt het von ainem neuwen maister / wann sy kund lesen all ir zeit / vñnd ain wort nit büchstaben / vñnd bekant halt den büchstaben nit wol. Seind das nit neuw Pariser / vñnd neuw maister / die vor lesen lernen ee das sy das a b c lernen / deren maister haben wir kainen in vnser schul / Alle menschn mügen brieffen bey der neuwen kunst das sy neuw maister geleeret haen. Den vers damit man ain yetliche zeit an

## von Benis

hebt / den las sy offt Teütsch / Deus in adiutorium meum intende / aber doch kund sy nit latein verstou. Do ich dise ding hort mit mein oren / do nam ich grof wunder darab / vñnd dauon besunder / das sy lesen kund vñnd überal nit büchstaben.

## Wie sy vnser herz im vermähelt.

**A** On diser junckfrawen mügen wir wol sprechen / das sy meer geflogen hab von ainer tugend in die ander / dan gegangen / darüb ward sy got emssig klich anligen das er ir verlich woe vñ stäte treu / die von kainer widerwertigkait zerstört möcht werden / Do antwurt ir der herz vñnd sprach Ich will mich dir vermähelen mit treuen. Vñnd als offt sy darumb bat als offt gab er ir die antwurd / Do geschach es aines mals an der fastnacht / dz die leüt üppig wirtschafft hetten mit essen vñ mit trincken / do versperret sy sich in ain kamer / do kam vnser lieber heri Jesus christus aber zü ir / vñnd sprach / darumb das du alle üppige wirtschafft durch meinen willen lassent / vñnd deinen trost allain an mir süchest / so will ich heüt mit dir aufrichten ain reichliche wirtschafft / vñnd ain fröliche hochzeit / vñnd will mich dir getreülichen vermähelen / als ich dir verhaissen hon. Vñnd die weil der heri also mit ir redt. do erschien ir Maria die mütter gottes / vñnd wolt auch bey der hochzeit sein. Es kam auch züder hochzeit sant Johannes der ewangelist / vñnd hailig zwölffpot /



vnd der würdig hailig sant Pauls / vnd ir hailiger vater sant Dominicus / vnnder den allen für auch der lieb David / vnnd het sein saitterey vnd harpffen / vnd sein saittenspil / in seiner hand / vnd schlug als meisterlich auff / das erklang gar süßig klich wol. Vñ do der gemahel Christus also saß bey seiner gemahelin Katherine / do tratt hynzü die müter vnd magt Maria. vnd wolt die junckfrawen Katherinā dem jung heren Jesu christi zū der ee geben / darumb nam sy die rechten hand Katherinen. vnd raicht iren finger irem sun Jesu christo / vnd sprach / Ich bit dich / dz du dise tochter wöldest vermählen in wasser treü. Das theten sy baide nitt vngerer / vnnd waren sein halt baide fast fro von ganzem herzen / vnd zūhand stieß er ir an ir rechte hand / an don gold finger / ain guldins vnnd kostperlichs ringlin / vnd sprach / Ich dein schöpffer vnd dein behalter vermähel mich dir in rechter treü / vñ das fingerlin bleibt allzeit vnuerferet / bis das du ewige hochzeit mit mir haben wirst in dem himmelreich / darumb liebe tochter / würck manlich / wann alles das dir fürbaß zūhanden kumpt von meiner fürsichtigkeit / das wirst du gelücklichen überwinden / du bist nun gefestnet mit der sterck der treü / do er das geschpach vergieng dz gesicht / aber das fingerlin trüg sy allzeit die weil sy lebt an irer hand / vnd ich sach es auch alle zeit / als sy mirs haimlich veriach / aber sunnst mocht es kein mensch sehen. Das fingerlin hett

ain hübschen stain / der was über schön / vnd in dem ring het es vier hymlich margariten.

## Wie sy vnnsere herz auff der zell traib.

**N**ülichen darnach do Christus sein gemahel bestätet het mit ganzen treüen / vñ gefigniert het mit seinem aigen fingerlin / dz er fürbaß sicher an ir was das sy im nit entrinnen mochte / do hieß er sy auß gon auß irer zelle / in der sy manige jar vnuertröffenlich gefessen was. Sy sagt mir haimlich / wenn sy der herz hieß auß gon zū anderen leütten / das wär ir ain solichs leiden das ir hertz möcht zer spalten sein. Do sy nun aines tags ir zeit gelesen het / do sprach der herz Nun gang yetz zū tisch / wann die deinen essen yetz / vnd kum denn da her. wider zū mir. Do ward Katherina jämmerlichen klagen vñ wintzen / vnd sprach mit wainenden augen. Aller süßester herz Jesus meiner / warumb treibst du doch mich arme von dir / ach hon ich erzürnet dein gewaltigste Maiestat / so peinig den leib der da leit vor deinen füßen / darzū will ich das mein ochgeren thun / das es gebüßet werde / leg mir nur nit auff die herten peit das du dich von mir schaidest / was will ich ir wirtschafft / ich hon ain essen das sy nitt wissen / Hat doch der mensch sein leben nit allain vñ dem prott / Ja es würt auch die seel lebenndig von den worten / die da gond auß deinem mund. Du waißt wol das ich alle menschen geflohē

## Katherina

hab / der worten / das ich dich fund  
mein herz vnd mein got / Vnd nun  
ich vnwürdige dich funden hab vñ  
von deinen genaden freüntlich be-  
fessen / so soll ich dich lassen / vñ soll  
mich mitt den vnstätten menschen  
bekümmern / Vnd so ich in den auß-  
fern dingen bekümmert wurd / so  
wirfst du mich verschmähen / o herz  
thü das ding nit / Dise wort sprach  
sy mer mit wainen vñ mit seüßzen  
dan mit den worten / vnd vor rech-  
tem ernnst viel sy jm zü süßen . Do  
sprach der herz / allerliebste tochter /  
laßs das sein / wann vns gezimbt  
wol zü volbringen alle gerechtkait  
das du dir nit allain nütz solt sein /  
du solt auch andern lüten nütz sein  
Waistu das ich gebotten hab / mich  
vnd den nächsten lieb zü haben / in  
dem ligt alle ee vnd Propheten / vñ  
darumb wil ich das du die zway ge-  
bot erfüllest . Gedennck wie ich dir  
von jugend auff in deinem herzen  
gesagt hon / grossen ernnst zü haben  
vmb die seel / vnd woltest etwenn  
manns klaiden an dich genommen  
haben / das du den seelen geholffen  
hettest / warumb klagst du dan yetz  
das ich dich haif des du lang bege-  
ret gast . Do sprach sy / herz dein wil  
werd / vnd nit der mein / wann ich  
bin die vinnsternuß / so bist du das  
licht / ich bin es nit die ich da bin /  
aber du bist der du bist . Ich bin ain  
tönn / so bist du die weißhait . Aber  
ich bit dich / thar ich es gesprechen /  
wie mag ich den seelen nütz gesein .  
du waist wol das dem fräwischen  
geschlecht nit sügt zü predigen / Vñ  
nit zimbt zü wonen bey den manen

## von Benis

Do sprach er / got ist nichts vnmüg-  
lich zü thün / ich geüß mein genade  
wo ich hyn will / Alle dinng seind  
mir gleich zü thün / mir ist ain En-  
gel als ring zü schaffen als ain an-  
dern . Von mir ist geschriben / er hat  
alle ding gethon die er will / darüb  
was bist du besorgt vmb das mein /  
hast du mich nit darfür / wenn ich  
etwas will . ich kan es wol schicken  
das es geschicht . Du solt wissen das  
yetz grosse hochfart in der welt ist /  
sonder an geleerten leüten / die sich  
weiß duncken / das es mein gerecht-  
tigkait nit lenger mag geleidn / dar-  
umb will ich in senden fröwliche  
geschlecht / die vñ natur vnwissend  
seind vñnd blöd / Aber von meiner  
krachte sollen sy gereichtt werden  
mit weißhait / in zü schanden / wöl-  
len sy sich aber bekennen / vnd wöl-  
len sich noch demütigen . vnd mein  
leer annemen / die in zübracht wirt  
durch francke säflin / vnd wöllen  
ir nachuolgen . nach dem als sy dan  
genad von gott empfahen / so will  
ich denn mein barmherzigkait mit  
in thün / Verschmähen sy aber dise  
hailig ertzney / so müssen sy also ver-  
schmächet werden vor meinem ge-  
rechten gericht . das sy alle dise welt  
verschmähen wirt / Darumb so haif  
ich dich / das du gehorsam seyest on  
alles widersprechen / vnd offentlich  
gangest vnder den leüten / wañ ich  
will dich nymer gar verlassen wo  
du bist / vnd will dich offte beschaw-  
en nach meiner gewonhait . Secht  
do ward sy ir haupt demütiglich n-  
nainen vor got / vnd von stund an  
gieng sy auß der zell / vñ gieng mitt

item hauf gefind zü tisch. Dise ding alle hon ich geschribē nach der warhait / des schwörich vor got / das ich nichts darzū gelegt hab / noch darvon genōmen / dann als ich es mit meinen aygen augen selber oft vñ vil gesehen / vnd selber gehört hab / oder von andern personen gehört / den wol zū glauben was / Vnd sicherlich / do ich das büch beschribē / do kam mir vil dings in mein syn / daran ich vor nye gedacht het. Also das mich oft gedaucht / sy wār gegenwärtig / vnd hulff mir dictiern vñ zū latein bringen / auch viel mir mercklich etwen ein / wie ich schreiben solte / als ob es mir getraumbt het. ¶ Dise Katherina was mit dem leib bey den leütten / aber mit irem gemüt was sy bey irem gemahel Christo / Vnd alles das sy sunst hort oder sach das was ir ain bitere marter / Ain jar was ir oft als ain tag / vnd so sy allerschierest mocht / so lief sy in ir zell zū dem der da lieb het ir seel / vnd wenn sy in dann da fand / so umbfieng sy in süßigklich. vnd hūb in begirlich / vnd beetet in an würdigklich vnd schon.

**Da ward Katherina verzuckt.**

**U**nd zū hand von den götlichen genaden ward sy leichen bey den leüten wonen / vnd das sy in dest minder swär wār / do ward sy zū greiffen wes in dem hauf nott was / dannocht lief sy nitt vnderwegen ir andächtiges gebeet / vnd abstinenz / Sy wüsch

was in der kuchen nott was / vñ keret ires vatters hauf / vnd alles das da nott was zū dem tische / oder in der kuchen / das thet sy frölich / vnd das ist wol zū wundern das sy von kainem aufferen geschäft geirret ward an irer verainnung ires gemahels / wann er sy genestnet het mit seim fingerlin. Sy ward wol tausent mal entzuckt das wir es sahen mit vnsern augen / ich vñ mein brüder / zū hand so sy nun innerliche gedacht an iren gemahel / so ward sy beraubt irer aufferen sin / darnach zoch es ir die hend vnd ir füß in ain ander / also das aller ir leib schwelk vnd dürr ward / das man sy leicht zerbrochen het / wa man sy berüret het / vnd ire augen waren beschlossen. Es geschach aines mals das sy entzucket ward / vnd das haupt lag ir krumbs / do das ir mütter Lapparsach. do het sy irer weiß vergessen vnd für dar vnd wolt ir das haupt recht gelegt haben / vnd do ir gespil schray / do lief sy ab / vnd do sy zū ir selber kam / do thet ir das haupt vñ die keel wee / als der sy bitterlichen geschlagen het darauff / Do sprach sy zū mir / het mich mein müter yetz und lenger hingeruckt so het sy mir den hals abbrochen. Es geschach oft / wen sy also entzuckt ward das sy dan von der erd auferhebt ward vnd in den lüften stünd on all widerhab / das ir einpünnstiger gaist den leib in den lüften nach im zoch.

**Da viel sy in das feür in andacht.**



**E**s geschach ains mals das sy gebraten solt haben bey dem feur / do ward aber erzucht ir gaisst / vnd ließ den spiß liegen / vnd ir geschwey Lysa buet für sy / vnd was sy gewonlich thet / das thet sy für sy / Vnd do sy nun alle geessen hetten do lag sy dannoch an ainer stat / do sagt ir Lysa für / sy wolt als lanng wachen bis sy sach wie es ain end vmb sy name / Vnd über ain klaine weil kam Lysa hyn wider. do sach sy das man ain groß feur het gemacht / vnd kolen het an geschüt / wañ sy darbey ferben wolten ire tücher / vnd do sach sy das Katherina lag in den glüenden kolen / do schray sy / vnd wainett / vnd sprach / Ach helffent alle sampt Katherina ist gleich verbunnen / vnd also für sy hyn dar schnelligklich / vnd zoch Katherinam heraus / do was kein zaichen ains feurwers an

allem irem leib nitt / noch an allem irem gewännndt was weder stoub noch aschen. **E**s geschach aines mals das sy beetet in der Prediger kirchen / bey ainer gemalten saulen mit bilden / daran heten die leüt ketzen gesteckt für die bild / der selben liechter viel Katherina ains auff ir haupt / do erzagt got aber ain wunder / wañ das liechtlin verbrian auff irem haupt / als auff ainem stain / vnd das irem weyler nye kein laid geschach. Das zaichen ist ir oft widerfahren das man sy auß dem feur oder auß den kolen gezogen hat.

**W**ie ir vatter ir erlaubte allmüßen zü geben.

**S** nun die hailig Katherina zü allen zeiten ain barmherziges hertz het in irem leib gegen armen leütten / wann sy sücht sy allwegen haim / wo sy die wefte / Darüb gieng sy aines mals zü irem vatter / vnd begeret von im das er ir erlaubte / das sy allmüßen gäb armen leütten / von dem das er in seinem hauf het. Das erlaubet er ir miltigklichen / vnd sprach offentlich zü seinem gesind / nyemand sol meiner tochter Katherina wören / was sy durch got gäbe / vnd gäb sy halt alles hyn / das ich in meinem hauf het / wañ ich hon ir ganz dar zü erlaubnus geben. Des was Katherina fro / vnd wa sy weft arm leüt den gab sy miltigklich was sy fand. Vnd do höret sy von haufarmen leütten sagen / wie nordürfftig



sy wärn / vnd schambten sich doch zu bettlen. Do thet Katherina als der lieb herr sant Nicolaus / vñ machet sich des morgens frü guff / vnd trüg mit ir koren / vnd wein / vnd öl vnd was sy in irem hauf hett / vnd alles was sy nur zu wegen bringen mocht / vñ ertragen kund. das nam sy. vñ kam an die tür der armen leüt vñnd legt in das hauf was sy dan dar bracht het / do thet got aber ain zaichen mitt ir / der allwegen bey ir was / wann die thür fand sy allzeit offen ston / so schlaich sy dan wider auß / vnd zoch die thür wider heimlichen nach ir zu.

**Katherina lag ains** mals siech / do hort sy von ainer armen frawen sagen / do stünd sy auf von irer franckhait vnd bracht der armen frawen das allmüsen.

**S**y lag ains mals siech / das sy auff geschwollen was / von der schaitel bis auff die solen / das sy von dem bedt nit kōmen mocht / Do hōret sy von ainer armen witwen / das sy vnd ir tochter grossen hunger litten / do bat sy iren gemahel Chrustū / das er ir als vil krafft verlihe das sy der frawen möcht zu hilf kōmen / das geschach ee das der tag des morgens ye auff gieng / do stünd sy frischlichen auff vonn der gab gottes / als ob sy nye krankt wär gewesen / vnd gieng in dem hauf vmb vnd klaubet zu samen alles das sy in dem hauf sannd / das der armen frawen möcht nütze gesein. vnd lūd auf sich ain vaf mit öl / vnd ain glas mit wein vñ sonst allerlay schob sy in ainen sack / was darein mocht / ains nam sy an den gelincken arm / das annder an den gerechten arm / das dritt auff die schulteren / vnd band den ains vnder die gürtel / also hett sy sich aufgeladen das wir alle maineten es het wol hundert pfund gewegen / das trüg sy alles sampt geringlich als ob sy nur ain ärbis trüge / Vnd wolt es der armen frauwen bringen / Vñnd do man die tag glocken des morgens leyten ward do gieng Katherina auß / wann es toist vor niemandt auß gon. Vnd do sy nun kōmen was zu der selben herberg / do sy dann hyn wolt / do wolt gott der allmächtig ir gemahel ( der allweg mit ir was ) sein wunder von seinem gewalt da erzaiigen / wann die bürde die Katerina trüg ward

# Katherina

# von Benis

also schwär das sy die ainen trit nit verrer getragen mocht/do gedachte sy/der heri wolt also mitt ir spilen/vnd küsst in an/vnd zūhand ward es etwas weger vnnd pesser/allso das sy doch an die tür kam/do fand sy das nach dem willen gottes die tür eben offen stünd/do griff sy mit der hand hinein/vnd da legt sy nider ir pürdin/das erhal also laute das die arm frau erwacht/dauon wolt sy bald entrinnen/do mochte sy aber ain trit nit gethün-wan got wolt es also haben-vnd ward also siech als vor/daruon ward sy seer betrübt/vnnd schmozett gen irem gemahel vnd irem gesponsen Jesu chusto/vnd sprach/Sich du aller-süßester herie/warumb gefelle es dir so wol das du mich also hye zū schanden wilt bringen/wer da für hyn geet der wirt gedencken ob ich toet sey worden/oder hast du dein barmherzigkait an mir vergessen/oder warumb thüst du doch das/Ich bitt dich heri/das du mir helfest das ich widerumb haim kumē. Also hūb sy sich auff vnd kroch mer dan sy gieng/also das sy dannocht vor tags widerumb haim kame/do het ir die arm frau nachgesehen/das sy an der person wol gedaucht wie es Katherina wäre/vnnd do die haylige Katherina widerumb haim kam do leget sy sich wider nider/vnd was als siech als vor.

Wie vnser heri zu ir kam in aines betlers weis.



**S**y was ains mals in 8 pre- diger kirchen/do kam der heri chistus als ain armer beetler zū ir/vnnd bat Katherinam durch got das sy im etwas gāb. Do sprach Katherina/sy het yetz nichts bey ir/das sy im etwas geben künd das er wartete bis das sy haim kām so wolt sy im denn ettwas geben/ Der arm betler sprach gar getursticklich/er möcht recht also lang nit gewarten/das sy im nur gāb was sy bey ir hett. Do ward Katherina wee zū mütt das sy im nitt zū geben het/do het sy nur ain klains silbuns crüzlin an ainem pater noster hangen/das für ir in ir hand/das gab sy dem armen betler frölichn. Das nam der arm vnd für mit fröwen.

von danen / als ob er nur durch des  
 creützlin wegen wär dar kommen  
 Die selben nacht erschyn ir der hail  
 macher aller welt. vñ het das creütz  
 lin in seiner hand / das sy im geben  
 het / das was durch legt mit kostper  
 lichen stainenn. Do sprach er zu ir /  
 Tochter Katherina kennest du das  
 creützlin. Do sprach sy / Ja / es was  
 aber als schön vnd als kostlich nitt  
 do es mein was. Do sprach der herr  
 das hast du mir gestert geben von  
 rechter liebe vnd miltigkait deines  
 hertzen / vñnd die stain die darinn  
 seind die bedeüten die selben liebe /  
 vñnd ich gelob dir / das ich es mei  
 nem vater also zaigen will ( als du  
 es yezund sichst ) an dem jüngsten  
 tag / vor allen engeln vnd menschen  
 / zu ainer merung deines lones /  
 mit dem verschwand er / Do ver  
 stünd Katerina wol daz es der herr  
 Chistus was / vnd nur also mit ir  
 sein spil gehabt hett / wann ir hertz  
 het er erfüllt mit allen gnaden vnd  
 tugenden.

## Wie vnser herze

aber zu ir kam / vnd erschin ir  
 in der gestalt ains ar  
 men betlers.

**A** Ins tags was sy in 8 kirch  
 er beliben nach der Tertz /  
 nur sy vnd ir gespil / do er  
 schin ir aber der herr Jesus chistus  
 in der form vnd gestalt aines jüng  
 lings. wol bey dreyunddreysig jarn

der gieng gar bloß vnd het gar we  
 nig klaiden an seinem leib / der batte  
 sy / sy solt in steüren zu ainem klaid.  
 Do sprach sy. Allerliebster sun / bait  
 nur ain klain weil / bis das ich auß  
 der Capellen kumme / so will ich dir  
 zühand ainen rock geben / do gieng  
 Katherina zühand behendiglich  
 auß der Cappel / vñ iren vnder rock  
 zoch sy ab / der het mitt ermel / vñnd  
 gab in dem betler mit grossen freü  
 den. Den betler benügt nit. vnd bat  
 sy aber künlich / vñ sprach / eya liebe  
 fraw was soll mir das wollin ge  
 wand / ich het dann ain leinins dar  
 zu / Das wolt sy im williglich aber  
 geren geben / vnd sprach / Sich du  
 allerliebster / kum her nach mir so  
 will ich dir es geben / Sy nannt in  
 allerliebster / vñ weßt doch nit das  
 es der allerliebste was. Also gieng  
 sy vor / vnd gieng ir der betler hyn  
 den nach / Vñnd do kam sy in ired  
 vatters haus / vnd der betler gieng  
 ir ymmer zu hinnden nach / als ob  
 im gar wee wär nach diser gab /  
 Do gieng Katherina in die kamer /  
 vnd süchet ob sy icht fund / do fand  
 sy ain humeral / vñnd ain hembdt /  
 das was irer freünd ains gewesen.  
 das nam sy / vnd gab aber dem bet  
 ler mitt grossen freüden / wann sy  
 maint er wär gar nottig gewesen /  
 Diser betler wolt sich nitt benügen  
 lassen / vnd bat aber vmb mer / vnd  
 sprach / liebe fraw / wie sol ich thun  
 mit meinem rock der nit ermel hat /  
 ich mag meine arm nitt bedecken /  
 gebt mir zwen ermel auch / das ich  
 mein straf gang / vnd ain ganzes

## Katherina

klaid an. Katherina ward nitt zornig von dem emssigen bettlen dises betlers / vnd was ir nur laid das sy forcht / sy hett jm nichts zū geben / vnd süchet überall in dem hauf ob sy icht fund / Do sach sy eben ainen neüwen rock / der was irs vatters magt / an ainer stangen / den het sy danocht nye angettagen / den zucht sy wol bald herab vnd trennet die ermel daruon vnd gab sy dem armen / danocht het er ir geren noch meer abgenömen / vnd sprach / Liebe fraw / ir habt mich wol beklaidt das müß eüch der vergelten / durch des willen ir es gethon habt / vnn ich hab aber noch ainen gesellen in dem Spital / dem wär auch gar gleich als nodt das er auch mer klaidet het / wölte ir jm icht senden / ich wölte jm daz gar gern von eüch bringen. Do was sy aber begirig / vnd het es geren gethon / vñ kainen vnmüt noch zoren gewan sy nye von seinem streitigē betlen. vñ was nur bekümmert in ir selber dz sy jm nichts zū senden het / wan man het in irem hauf vor ir eingesperrt alles das in dem hauf was / dz sy es nit alles armen leüten gāb / darumb gdacht sy in ir selber. du hast der armen magt schaden genüg gethon daz du ir die ermel hast genommen / so hon ich nur ainen rock an / so schämpte ich mich das ich nackennd gienge. Do sprach sy zū dem armen / Du allerliebster / ich gābe jm geren meinen rock / so füget es mir nicht / darumb bitt ich dich / das du es nitt für übel habest / ich thāt es geren. Do ward der betler lachen / vñ sprach / ich sich

## von Benis

wol das du mir geren gābest möchtest du es thün / do gab er ir ain zai-chen ee er von ir schiede / das er der heri was / vnd das er sein kurzweil vñ sein spil gern mitt ir gehabt het. Als er selb spricht / mein wirtschafft vnn wollust will ich haben mitt den kindern der menschchen / Das der heri aller Engel da wol erzaget mit seinem vnuertrossen betlen Vnd an der nächsten nacht / do erschien der hailigen Katherina aber der heri Jesus christus an irem ge-heet / in der gestalt des selben betlers / vñ het den rock in seiner hand den sy jm gegeben hett / der was durchschlagen mitt kostperlichenn vnd mitt scheinenden margariten / Do sprach er zū ir / Du allerliebste tochter kennst du den rock. Sprach sy / ja / er was aber nit also gezieret Sprach der heri / Disen rock hastu mir gegeben mit grosser miltigkeit deines hertzen / der worten / das ich nit erfriere / darumb so will ich dir hynwider geben. ain klaid von meinem aigen leib / das dein seel vnn deinen leib beschirmen wirt vor aller schödlicher kette / als lang / bis daz du geklaidet würest mit eern vnd mit würdigkait vor den engeln Das klaid ist allen mensche vn-sichtig / aber du würest sein wol empfinden. Secht do zoch er auf der wunden seiner mitlreichen seitten mitt sein götlichen henden ain klaid: das was blütfarb / vnn darauf füren allenthalben licht streimen / Das klaid leget er ir selber an mit seinen henden / vnd sprach. Das klaid solt du tragen hye auf erden / mit seiner



krafft/zü ainem zaichen/vñ zü ainer  
gemahelschaft des klaides der eern/  
vñ damit verswand der herz von ir  
Vnd das klaid het soliche krafft/dz  
sy fürbas nymmer meer als übel froz  
als vor/vnd gieng fürbas Summer  
vnd Winter in ainem klaid.

### Da gab Katherina wein durch got.



**E**s vatters haus gefind hett  
ain vaf mitt wein / daruon  
trücken sy als lang / bis das  
der wein krafftlos warde / vnd ab-  
nam / do brüeffet es Katherina / vnd  
wolt des weins den armen nymmer  
geben / wañ sy gab inen nur des pe-  
sten / vnd nit des krencksten / Vnd  
darüb theten sy ain ander vaf auff  
daruon gab sy miltiglichñ armen  
leüten. Vñ do sy des kranckē weins  
nymmer heten / do truncken sy des pe-

sten den Katherina haimlich hett  
auffgethon / vnd den gab sy noch  
miltiglicher den armen dann vor /  
Sy gedacht / sy künnden es für das  
nit wol mercken / aber sy het vil tag  
vorheraus gelassen täglichen / Do  
sy das vaf eichten / do schatzten sy  
das gefinnd würde auff das maist  
wol. xx. tag daruon trincken. Vnd  
do sy nu ain monat getruncken her-  
ten / gieng er dannoch als hoch / vñ  
was als güt vñ wolgeschmack das  
sy gdaucht / sy heten nie kain bessern  
wein getruncken / vnd do namen sy  
grosse wunder alle sampt / das das  
vaf als lang gieng / vnd der wein  
als güt was / do gab sy miltiglich-  
en durch gott / vnd meer dann vor /  
wañ sy wist wol von wañen das  
zaichen gieng / aber die andern wif-  
ten sein nit / bey allem dem trincken  
das das ganz haus gefind thet / vnd  
bey allem hingeben / das sy thet / vñ  
vor geton het ee man den wein hett  
auffgethon / do gieng das vaf als  
lang bis der neüw wein kam / das  
was wol auff drey monadt. Do sy  
nun die andern vaf all gefüllt her-  
ten mit neuem wein / do sprach der  
kellner / lārent das vaf auf / dauon  
wir yetz getruncken haben. das wir  
ain neüen wein darein thūen / wañ  
es ist noch meer in der kälter. Do  
sprach sy / wir haben nächten ain  
grosse fläschē vol heraus genōmen  
do gieng er dannoch gar schon vñ  
lauter / vnd ist noch nit lār. Do spra-  
che er aber / gond / vnd lārend auf  
das vaf / wann ich mag nit lenger  
beiten / vnd brechen es auff vñ tünd  
es zü dem neüwen wein. Do sy das

# Katherina

vafs aussprachen / do geschach ain  
groß wunder / das wir bey vnsern  
zeiten nie des gleichē heten gesehen  
Wan das vaf was dannoch des  
andern nachtes fast gegangen / do  
sach man ain tropffen weins darin  
nit / vnd es was als trucken als ob  
in manigem jare kein wein darein  
kōmen wār / do verstūden sy aller  
erst daz es ain götlich gab gewesen  
was / vnd lobten got den herrn / vñ  
sagten jm grossen danck.

## Da ward Katerina

übel gehandelt von der sun-  
der siechen frawen  
Theta.

**O** Je hailig Katerina het ain  
groß mitleiden mitt armen  
leuten. das es kaum zū glau-  
ben ist / vñnd hett noch ain grössers  
zū den siechen. Es was ains mals  
ain arme ellende fraw die hieß The-  
ta / die was der sunder siechen / über  
die het sy ain grosse barmhertzigait /  
vnd dienet ir frū vnd spat / vnd gab  
ir was ir not was / vñnd kochet irs  
mit iren henniden. Des was Theta  
gar vndanckbar / vnd so sy ir ye nit  
dienet nach irem willen / so schalte  
sy Katherinā / vnd flüchet ir. Do ge-  
schach es ains tags das sy zū lanng  
auf was gewesen / an irem gebeet /  
Do sprach Theta gar vntugentlich  
vnd spotlichen zū ir / Seit got will  
kōmen liebe fraw künigin von den  
puñen ( also hieß die gegennd da  
ires vatters hauf stünd. O ( sprach  
sy ) wie ain eersame künigin das ist

# von Benis

die den ganzen tag steckt in der pre-  
diger kirchen / vnd die ir brüder nim-  
mer mag gnüg gesehen. Do ward  
Katherina nit vngedultig. vnd ant-  
wurt ir güttiglich / vnd sprach / ich  
bin zū lang auf gewesen mein liebe  
mütter / ich will es yetz alles pessern  
vñ das thet sy auch. Do das ir müt-  
ter höret do ward sy zornig auff Ka-  
therinā / vnd sprach zū ir / Ich will  
nit das du Theta dienest / wann du  
möchtest auch aussertzig werdenn:  
Do sprach Katherina / ich mag dar-  
von nit lassen / wann es will es got  
also von mir haben / von des we-  
gen müß ich es thūn.

## Da dient die hailig

junctfraw Katerina ainer andern  
frawen / die ir ganz abhold vñnd  
hässig was / mitt namen gehaißen  
Palmaria. ain böses weib.



**I**n der statt Senis was ain  
 frauw die hieß Palmaria /  
 die was ires ordens / die was  
 der hailigen junckfrawen Katheri  
 na als vnſäglich vngnädig / das sy  
 ſie nit wol mocht anſehñ / ſy mocht  
 ſy halt nit hõrn nennen on groß ley  
 den ires hertzen / ſy redet ir frũ vnd  
 ſpat nach / offenlich vnd haimlich /  
 vnd verkõret ir alle ire werck / vñnd  
 das erzaygt ſy ir mit Worten vñ mit  
 wercken. Das laid Katherina alles  
 gedultigklich / aber got wolt es nitt  
 leiden / vnd verhenget über die ſelb  
 en Palmariã das ſy gar ſiech ward  
 Do beſchawet ſy ſie / vnd trõſtet ſy /  
 vñ dienet ir williglichen / das halff  
 alles nitt / vnd ſy gebot den iren / ſy  
 ſolten Katerinã auß dem hauß trei  
 ben / das wolt got nitt vngerochen  
 laſſen / vñ Palmaria ward zũ hand  
 als ſiech / das ir das geſprãch gãch  
 lichen gelag / das man mainett ſy  
 wõlt als bald on alle gotzrecht ver  
 ſchaiden ſein. Do ward Katherina  
 von allem irem hertzen betrübt das  
 ſy von iren wegen verlor̄n ſolt wer  
 den. Do ruffet ſy vnſern herren an  
 mitt groſſer begird its hertzen / vnd  
 ſprach / O herz bin ich darumb ge  
 born worden / das ich ain viſach ſoll  
 ſein das dein Creatur verloren ſoll  
 werden / Ich ſolt meiner Schwõ  
 ſter billich ain fürderung ſein zũ  
 dem ewigen leben / der müß ich ain  
 hindernuß ſein / Herz thũ das bitter  
 vrtail nitt über ſy / es wãr peſſer ich  
 wãr nye geboren worden / dann  
 das die ſeel ( die du mit deinem koſt  
 peren vñnd würdigen blutt erlöſet

hast ) von meinen wegen ſolt ver  
 dambt werden / O wee mir armen  
 ſeind das die gelübdt die du mir ge  
 thon haſt. das mein ſchwester ewig  
 klichñ von meinen wegen brinnen  
 müß / ich hon kein zweiffel ich hab  
 es mitt meinen ſünden verdienet /  
 aber darumb will ich nit ablaſſen /  
 ich will dein götliche vnd gnädige  
 barmhertzigkait als lanng anrũf  
 fen / bißs mein ſchwõſter von dem  
 ewigen todt erlöſet wirdt . Do die  
 hailig Katerina diſe wort vnd der  
 gleichen geſprochen het / do ward ir  
 von got dem allmechtigen kund ge  
 ton / in wõlchen nöten die ſeel diſer  
 frauwen wãr. Vnd do ward ir zũge  
 ſprochen von got / er möcht ſein vñ  
 ſeiner groſſen gerechtigkeit wegen  
 nit laſſen / er müß ain ſolliche vnuer  
 diente gerechtigkeit büſſen. Do viel  
 Katherina nider für iren gemahel  
 chriſtum vnſern herren / vnd ſprach /  
 von diſer ſtat will ich nit kõmen es  
 ſey dan̄ das du barmhertzigkait thũſt  
 mit meiner ſwõſter / büß mich vmb  
 all die ſünd die ſy gethon hatt / wañ  
 ich bin ſchuldig daran / vnd ſy nitt /  
 vnd darumb ſo bit ich dich du barm  
 hertziger gott durch all dein genad  
 das du ſy nicht verſchaiden laſſeſt /  
 biß das ſy ſich mit dir verricht / Do  
 was Katherinen gebeett als kreff  
 tig gegen gott / das die ſeel auß dem  
 leib nit kõmen mocht / wie wol das  
 was das ſy drey tag zũ dem tod ge  
 zogen het / vnd drey nãcht mit groſ  
 ſen ängſten / das ſich alle die wun  
 derten die ſy kanten / vnd mitleiden  
 mit ir heten / vnd die ſelben drey tag

## Katherina

beetet Katherina mit wainenden  
augen / vnd mit grossen zähern / vñ  
darumb so thet der herr als ob er es  
nit lenger verziehen töst / vñ sandt  
sein götlich liecht in die sel der siech  
en strawen Palmariam / vnd verly  
he ir durch das gebeet vnd fürbiten  
der hailigen Katherinen / das sy be-  
känit ir schuld / vnd verjach ir sünd.  
Do ir dz geoffenbart ward / do lief  
sy behendiglich über sy / Vnd do sy  
Katerinā ersach do ward sy erfreut  
mitt grossen freuden / Vnnd die sy  
vor geschweicht hett der enpot sy yetz  
ker vnd würdigkait / vnd verjach ir  
schuld als vil sy mocht mit zaichen  
vñ mit wincken / also ward Palma-  
ria bewart mit chrißtenlichen sacra-  
menten / vnd starb.

**Da kamen leüt zu**  
ir die begerten irs segens.



## von Benis

**N**ach den geschichten allen /  
do kamen in kurzer zeit dar-  
nach gar vil menschen al-  
lenthalb her / mann vnd frauwen  
zū Katherinen in andacht / vnd kni-  
eten für sy nider / vñnd begerten irs  
hailigen segens / von ir / Do sahe  
die hailig junckfrau Katherina  
mit solchem grossen fleiß an ir edle  
zarte seele / das sy ires knyens vñnd  
ire auffern gebärd wenig mercket /  
do hort ir beichtiger daz ettlich dar-  
umb gemurmelt hetten das sy die  
knyenden menschen nit hieß auff-  
ston. Do sprach sy / es waist gott  
wol daz ich mitt sollichem fleiß hon  
angesehen ir seel / das ich ir leiplich  
gebärd wenig mercket / vñnd was  
als vil bekümert mit iren selen das  
ich auff iren leib nit mocht mercken  
Do sprach ich / Ich bitt dich das du  
mir sagest / magstu dan die seel gese-  
hen / Do sprach Katerina / wissend  
lieber vater / in beicht weiß willich  
eüch sagen / do Palmaria verdam-  
met was zū dem ewigen feuer von  
irer sünd wegen / do lag ich mei-  
nem hailmacher Jesu Christo als  
lang an / vnd bat in als lang bis dz  
er sy der hellischen pein erledigett /  
do thet mir got die genad das ich ir  
clare seel sach / vnd darumb kumbt  
noch selten ain mensch zū mir ich  
sech sein seel / in wölichem Adel sy  
beschaffen ist. O vater meiner / vnd  
solt ir sehen wie klar ain beschaid-  
ne seel ist / ich hon kain zweiffel / vñ  
wår es möglich / ir starben ee hun-  
dert töde ee das ir ain solliche kost-  
lichen edlen seel verderben lieffen /

Es ist kein ding so klar nitt in diser welt das ich gleichen müg zü der seel klarhait / Do batt ich sy das sy mir den anfang sagt wie es dartzü kommen wär / das sy die seel sehen möchte. Do sprach sy / do Palmaria verschaiden was / do kam der herz zü mir / vñnd ir seel / do sy behalten was worden / Vñnd secht / do ich ir seel ansach / do was sy als wunnig klich vñ als schön das ich es mit keinen Worten aussprechen mag / doch was sy dannocht nit clarificiert / sy was nur als sy der schöpffer hett / vñnd als sy was do sy auß dem tauß für / also zaiget mir sy der herz. Do sprach der herz zü mir / nymwar aller liebste tochter / dise seel ist vō deinen wegen behalten worden / dunket sy dich nit zart vñ schön / es soll niemant kein arbeit zü schwär sein durch ainer solchen sel willen / das sy nitt verloren werde / Ich bin der schönst / von dem alle schönhait geflossen ist / dannocht ward ich gefangen von der grossen schöne wegen der seel / daz ich herab kam von dem hymelreich auff das erdtrich / Dartzü vergoß ich mein rosenfarbes blütt / der Worten / das ich die schönen seel erlöste / Also sollen ir billich noch arbeiten das kein also zarte creatur verderb. Sich / darum hon ich die seel dir gerzaigt / der Worten / das du noch begiriger werdest zü dem hail der seel / vñnd das du ander leütt auch dartzü bingest / nach dem als ich dir die genad gebe. Do dancket sy irem hymelischen gemahel / vñnd sprach / herz ich bit dich: daz du mir die genad thüest / vñnd mich

fürbas sehen lassest aller der menschen sel die zü mir gond / der Worten / das mir dester ernster sey vñnd ir hail. Do sprach er / das will ich tün / darumb das du also getreulich gearbeit vñ gebeten hast vñnd das hail diser seel. Nymwar ich will dir geben deiner seel soliche liecht / das du mit den sinnen deiner seel aigenlichen magst ansehen die schön vñ die klarhait aller der seele die zü dir kommen / als aigenlich du iren leib sichst mitt den außern sinnen / Du solt nit allain sehen die selen die zü dir kōmen. du solt halt die sehen für die du nun begirlich bittest. **O** irdischer mensch bekenn deinen Adel / vñnd dein grosse würdigkait. die dein schöpffer an dich geleet hat / vñnd mach dich selber nicht schmäch. **O** tödtlicher mensch gedennck wie zü grossen eeren dich gott der herz geordnet hat / vñnd mach dem seel nitt mailig vñ schwartz mit deinen sünden / vñnd merck / wie schwartz der böß gaist ist worden nur von ainer sünd / Wir seyen nit teüfel / wir seyen jm aber gleich mit vnsern sündē. **O** wir offte fürenn durch **S**trömbd weg / vñnd das vns begegneten vnbekannt personen die wir nye gesehen hetten / vñnd trügen zymlichs klaid / vñ waren güter sitten vor den leüten. aber der grund was böß / die bekant Katherina zü hand so sys nur ansach / mitt den selben wolt sy nitt reden / vñ fort ir antlüz von jm. So sy dan nit woltē ablassen / so sprach sy über laut / Wir sollen vnser sünd des ersten richten / das wir kommen auß

den stricken des bösen gaissts. so söl-  
 len wir denn von got reden / Wenn  
 sy dann solliche wort gesprache / so  
 brach sy sich von in so sy beldest mo-  
 chte / so wir in dann nachgiengen  
 so waren sy behafft mit sünden / in  
 den sy verherten wolten on reüw /  
**E**ines mals kam ain frauw zü  
 vns (die was laider ains hohen pre-  
 laten schlaffweib) die redet mit ir /  
 Vnd ich was auch gegenwertig /  
 vñ die erzaiet ir hailigkait mitt iren  
 schönen klaidern / vnd mitt iren ge-  
 berden / vnd wa sich die frauw hyn-  
 köret so köret sich Katherina an ain  
 ander end / also das sy die jüekfrau-  
 nye an mocht sehen / daruon name  
 mich groß wunder / doch ward ich  
 innen wer sy was / Vnd darnach  
 ward ich mit Katherina haimlich  
 reden dauon / Do sprach sy zü mir /  
 Herr / es gieng ain sollicher vnsau-  
 berer geschmack von ir / vnd hetten  
 ir den schmack geschmeckt / es wär  
 alles das außs eüch gefaren das in  
 eüch ist / Das ist ain erschrockenlich  
 dinng / so die seel ir schöne verleüßt  
 das sy den als häßlich ist / vnd als  
 übel schmeckt.

### Da dienett sy ainer schwöster ires ordens.

**A**In frauw hieß Andrea / die  
 was auch des ordens von  
 der reü sanct Dominici / die  
 het ain schödlichs gschwer an dem  
 hertzen / genannt der krebs / der außs  
 ymmer zü vmb sich. das es ye lenger  
 ye böser ward / vnd das es also seer  
 schmecken ward / das nyemant bey  
 ir bleiben mocht / do daz Katherina



horte / do kam sy zü ir / vnd dienet ir  
 willigklich / vñnd stünd zü ir vñnd  
 wüsch ir ir seere / vnd verband irs  
 mit tüchlen / vnd ir nasen verhüb sy  
 nymer vorir / Also das sich die alt-  
 müter oft wundert von der groß-  
 sen gedult vñ leidlichait diser jüek-  
 frauen. Do das der feind sach / do  
 het er sy gern geirret in solicher gro-  
 ser demütigkait / vnd machet aines  
 tags das ain sollicher vnsäglicher  
 schmack von ir gieng / das die liebñ  
 Katherina gedaucht es wölt alles  
 auß ir das in ir was / des het sy ain  
 hailigen zoren wider sich selber vñ  
 sprach / wiltu mein schwöster scheü-  
 hen die erlöset ist mit dem blüt vn-  
 sers lieben herren Jesu Christi / du  
 möchtest als siech werdenn als sy /  
 oder noch siecher / als wor als gott  
 lebt du müßt es büßen / vñnd gieng  
 dar vnd hüb iren mund vnd ir naf  
 über ir schmeckends geschwer / das  
 doch vnsauber schmacket / vnd lief

den vnmaßigen faulen geschmack in sich gon / bis das sy daucht sy het irem leib angefiget / Do ward die siech frau rüffen mit lautter stym / Allerliebste tochter laß ab / vnd verderb dich selber nit mit ain solichn vnfaubern geschmack vn gestanck / Do das der bößs gaist sach das er überwunden was worden / bracht er die siechen schwöster an / das sy ain verdüessen gewan an irem dienen / doch müßt sy sich etwas zwingen / darnach gewan sy ain grosse vngened zu ir / vnd die erzaigett sy ir mercklichen / Vnd wen sy etwan lang auß was / so het sy ain bösen argwon auff sy / vnd zig sy / sy hett ir bößhait getriben an vnendlichn stöten. Das ist der bösen leüt recht so sy von dem bösenfeind angefochten werden so ist es das erst / das sy sich ergeren an gütten wercken ires nächsten / von denen sy sich billich bessern solten / Vnd da mitt sy iren lon meren solten / damit verdienen sy pein / Darvon spricht Isaias der prophet / Die ain verblendtes gemüt haben die haissen das güt böß / vnd das böß güt. Katherina verstünd wol / das sy der bößs gaist darzü trib vnnd dienet ir begirlichen als vor / vnd vnuerdrossenlichen : Darnach ward Andrea offennlichen reden Katherina wär kain raine magt / Do die red für ir schwösteren kam / do mach en sich die alten auff vnd wolten es baß erfahren / vnd giengen zu der siechen Andream / das sy die warhait erfahren wolten / Do lief Andrea von irer red nit / vnd bewärt es also das sy wonten es wor

Do sandten sy nach der juncckfrawen mit grosser vngstümigkeit / vnd wurden sy all übel handelen mit schmähen vnd mit spötlichen worten / vnd sprachen / wie bist du nun also vertailt worden / das du deinen magthumbe verloren hast. Do sprach Katherina ir lieben frawen vnd schwösteren / ich bin warlichen ain juncckfraw / Vnd wie vil sy ir schändliche wort züsprachen so trib Katherina ymmerzü die ainen red in der warhait ich bin noch ain raine juncckfraw / Dannoche lief sy nit ab sy dienet ir widerwertigerin vnd wenn sy ir nimmer bedorffte so gieng sy in ir zell / vn klaget irem gemahel ir not / vnd sprach / Du allergewaltigister gespons meiner / du waist wol das die juncckfrawen schämig sind / vnd kain solche böß red wol leiden mügen / Du waist auch wol / das der vatter der lugin dise missag gedicht hat / der worten das ich von disem diennst abließe / Herz mein gott du waist mein vnschuld wol / darumb bit ich dich das du mir zü hilff kunnest / vnd nit gestattest / das der bößs gaist wider mich gefig / Do sy die vnd anndere wort gesprache mitt überflüss gem grossen wainen / Do erschien ir der erlöser aller diser welt / vnd hett in seiner gerechten hand ain guldine kron die was durch zieret mit margariten / vnnd mitt edlem gestain / vnd in seiner lingken hand trüg er ain kron von dornen / vnd sprach zü ir / du aller liebste tochter du waist wol / das du der kron aine tragen müßt / darumb erwöl was du wilt

## Katherina

## von Benis

wilt du die guldin kron hye tragen in diser welt/so müst du dort tragñ die tomin/Aber wilt du hye tragen die domin kron/so will ich die guldin kron behalten dir in das ewig leben. Do sprach Katherina / Herz ich hon dir meinen willen langest auffgeben/ darumb füg mir nichts das ich nit wöll/ Aber du wilt das wir deinem leiden zü allen zeitten nachfolgen/vnd darumb so erwöl ich mir das leiden für ain widerbungung/ vnd also für sy behendlich dar / vnnnd zuckt jm die domin kron mit baiden henden auß seiner hand/vnd trucket sy als geschwind auff ir haupt/das sy der stechenden dornen darnach über vil tage empfand. Do sprach der herz. alle ding seind in meinem gewalt / vnd darumb will ich den argkron leichtlich leschen wenn ich will/ also leichtiglich ich in verhenget hab/ Darumb verbring den diennst den du angefangen hast/ laß dich den feind nit irren / wann ich will dir ain eerliche signuß geben / Wann das er dir zü schanden gethon hatt das wirt dir noch zü grossen eeren kymmen. Darvon gewan Katherina grossen trost vnd fröwd. Dise rede kam für ir mütter Zappa / die ward betrübet von ganzem irem hertzen(aber doch weßt sy es wol) die kam zü ir/vñ wainet/ vnd schry vnd sprach zü ir / ich hon dir es offte gesagt / das du der schmeckenden frauen nit dienen soltest/ nun sich wie sy dir gelonet hatt/vnd kumbst du mer zü ir/so solt du nymmer sprechen das du mein kinnd seyest. Do

kyet Katherina nider für ir mütter vnd sprach/Liebe mütter/nun laß vns got täglichen vnser danckparhait nit entgelten/vnd er tailt vnns sein barmhertzigkait mitt/vnd darumb do der hailmacher aller welt grossen spot laid von vnsern wegen an dem crüz/do ließ er dannoch nicht ab/er verbracht vnser ewiges hail/Wiß liebe mütter./ vnd dienet ich ir nicht / so diene ir nyemandt/ so möcht sy also sterben vngewarlich/ so möchten wir schuldig werden an irem tod/ sy ist von dem bösen gaist verlait worden/ aber gott möcht sy noch wol erleuchten das sy iren irsal erkannte/Also erwarb Katherina genad vmb ir mütter / do gienge sy frölich zü irem siechen wider / vnd dienet ir williglichen als ob sy ir nye kein vntreu gethon hett / Do das die siech sach / do erschrack sy / vnnnd gewan reüw über ir sünd/do wolt got sein gesponsen clarificieren/vnd ließ Andream ain schönes liechts gesicht sehen/sy gedaucht/wie Katherina in die kammer gienge zü irem bedt/ do sach sy ain vngemessenes liecht/das was also zart vnd als lieblich/ das sy vergaß alles ires schmerzenn/ do sach sy vmb sich / vnnnd wolt sehen von wannen das neu liecht kam / wann sy bey iren tagen kein solichs liecht nye gesehen hett/ do sach sy Katherinam an/vnd sach das sy das wunnlich liecht allenthalben het vmbgeben/vnd das ir menschlichs antlüz verwandelt was worden/vnd ain clar engelisch antlüz gewunnen het/ Vnd von dem götlichen liecht



ward Andrea erleuchtet / das sy be-  
 kannt ir schuld / vnd het auch reuwo  
 darüber / vnd darumb rüfft sy mitt  
 ganzem hertzen / es wâr ir laid das  
 sy ir verfluchte zung an der wirti-  
 digen junckfrawen also gewerzet  
 het / Do sy das gesicht mit iren leib-  
 lichen augen ain gütte weil ansach  
 do verschwand es / do ward sy seuff-  
 tzen vnd seer wainen / vnd bat Ka-  
 therinam das sy irs vergäbe / das sy  
 als schwärlich wider sy gesündigt  
 het / vnd sy als falschlichen vermä-  
 ret het. Do Katherina das horte do  
 viel sy omb sy / vnd trost sy wie sy  
 mocht vnd sprach / aller liebste müt-  
 ter mein / ich waißs wol das eüch  
 der böß gaist also betrogen hat / vñ  
 darumb zig ich es den bösen gaist /  
 vnd eüch nitt / Ich solt eüch billich  
 dancken das ir mir mein rainigkait  
 also erhollen habt. Also veriach An-  
 drea offentlichen ir sünd / vnd wider  
 redet die missagung vor allen den /  
 da sy es vor geredt het / vnd sprach /  
 ir schuld mitt grossen seufftzen vnd  
 wainen / vnd sprach / ich hon sy nitt  
 allain für ain raine junckfraw / ich  
 hon sy halt für ain hailigin / vnd  
 das sy des hailigen gaists vol ist /  
 Do baten wir sy fleissighen war-  
 umb sy als künlichen hailig hießs /  
 do sy in das sager / do sprach sy / da  
 hon ich biß her nit gewißt was ain  
 hailiger trost ist / oder was ain inn-  
 wendige süßigkait ist / bißs ich er-  
 leucht bin worden von dem liecht /  
 das die junckfrawen ombgebñ hat.  
 Do fragten sy ernstlichen / ob sy  
 es mit iren leiblichen augen gesehñ  
 het. Do sprach sy. Ja / aber doch kan

ich es mit menschlichen worten nit  
 aussprechen die klarheit des liechts  
 vnd der gesuntheit die ich empfand  
 in meiner seel. Also gab sy Katheri-  
 ninen Kerlichen wider ir n gütten  
 leumbden / vnd meret ir Ker vnder  
 allen menschen / vñ der güt leumbt  
 vnd lob ward täglich überal ge-  
 braitet / vnd ir grosse hailigkait kam  
 bißs gen Rom / Sy kam auch für  
 vnsern hailigen vatter den Papst  
 Gregorium den ailfften / vnd für  
 den Papst Urbanum / die waren ir  
 gar günstig / vnd namen radt von  
 ir / Vnd ich bin offte ir Tilmätsch  
 gewesenn so der Papst Gregorius  
 mit ir redet / wann sy kund nit La-  
 tein reden. Ir hailigkait kam auch  
 für die Cardinäl / vnd für die Pre-  
 laten zu Rome / wann got wolt ir  
 laisten was er ir gelobt het / wann  
 dar mitt wolt sy der böß gaist ver-  
 worffen haben / darumb ward sy  
 gewirdiger. Aber doch versüchet sy  
 der böß gaist / vnd do Andrea ir ge-  
 schwer ains tags het auffgebundñ  
 do schmactt sy ainen neüwen vnd  
 übernatürlichen bösen geschmack /  
 der von dem bösen gaist gemachet  
 was / das alles ir ingedärm bewe-  
 get ward / vnd ir mag wolt verdor-  
 ben sein von dem bitteren gschmack  
 Do ward Katerina zornlich redñ  
 mit irem aigen leib / vnd sprach / als  
 wor der höchst got vnd her lebt /  
 vnd der süß gemahel ir einer seele /  
 als wor müß das geessen werden /  
 das du also scheüchest in dem inge-  
 därm / vnd do für sy dar / vñ wüsch  
 ir geschweer gar schon / vnd ir vn-  
 sauberkeit die sy darvon wüsch die

## Katherina

gof sy in ain schüsselin / vnd tranck  
es alles auf / do macht der herz ( in  
des lieb sy es thet ) das tranck als  
rain / das ir nye kein schad darvon  
geschach / vnd was als süß / das sy  
nye bessers tranck getruncken hett /  
Als sy selber zu mir sprach / es was  
als süß vnd als wolgeschmack das  
ich bessers tranck nye getruncken  
hab / seyde ich geboren ward / vnd  
schmecket ainen vnmaßigen süßen  
geschmack.

## Wie sy tranck aufs der seitten vnser herren.



**A**Empft war: do sy an 8 nâch  
sten nachte an irem gebeet  
was / do erschein ir der herz  
Jesus an dem creütz genagelt / vnd  
zaiget ir sein hailige fünff wunden  
vnd stünnd / vnd sprach von dem  
Creütz herab zu ir / Du allerliebste

## von Benis

tochter Katherina / du hast manch-  
en grossen streit durch meinen wil-  
len erlitten / die hast du all bis her  
mit meiner hilf überwunden / vnd  
darumb bistu mir genâm vñ werd  
Aber daz du gester gethon hast das  
hat mir bas gefallen dan alles daz  
du noch nye gethon hast / Du hast  
verschmâcht den trost deins leibs /  
vnd den bösen leumbd der mensche  
Vnd hast überwunden die anfech-  
tung des bösen gaists / Aber das ist  
das gröst / daz du hast vndertreten  
dein aigne natur / vnd von der ein-  
pünstigen lieb die du zu mir hast /  
so hastu frölich getruncken ain vn-  
saubers vngesâmes getranck : Ich  
sag dir darûb daz du dein natur als  
gar überwunden hast mit dem ge-  
tranck / so will ich dir ain getranck  
geben das ûbertreffenlich ist vnd  
vngewonlichen allen menschen.  
Nembt war / do hûb er ir auff die  
wunden seiner gerechten seiten an  
iren mund / vnd sprach. Trinck toch-  
ter meine auf meiner gerechten seit-  
ten ain getranck / von dem dein seel  
mit solicher süßigkeit erfüllt wirt /  
das dein leib darvon wirt wunder-  
berlich widerbracht / den du durch  
mein willen gedemütigt hast / vnd  
griff mit seiner hand vñ dem creütz  
vnd zoch ir haupt an sein puß / vnd  
an die wunden seiner seiten / daz sy  
da trincken solt. Do ir der himlisch  
kûng erlaubt het die süß ûberflüssig  
wirtschafft / do hûb sy iren mund  
mit grosser begir ired hertz an den  
prunnen des ewigen leben ain güt  
weil das gund ir der herz wol / Do  
tranck sy daz sy wol gestalt ward /

leiblich vnd gaislich / Also daz sy in  
 zwelff wochen kein essen noch trin-  
 cken nie enbaif. weder wasser noch  
 wein / weder met / noch ainicher lay  
 auch ander tranck. Sy enbaif auch  
 kaines bitten nymmer / weder prot /  
 noch kraut / noch wurzeln / noch al-  
 les des / das man geessen kan noch  
 mag / bis an den Auffarttag / wan  
 die gesichte geschach Inuocavit / an  
 dem ersten sonntag in der fasten / vñ  
 dannocht was sy zü allen zeiten frö-  
 lich vnd wolgemüt / Als der Apo-  
 stel spricht / das die frucht des haili-  
 gen gaissts send frid vnd freud vnd  
 liebe / Was sy da süffigkait vñ trost  
 empfangen hab / das ist vns vnbe-  
 kannt / als den blinden die farb /  
 Sicherlich das sy also vngeessen  
 vnd vngetruncken belait als lang  
 das bedarff nyemant verwundern  
 Wan die maister sprechen vñ schrei-  
 ben es / daz in dem Paradeis sey ain  
 poum / wer der frucht eßs den hun-  
 gert fürbaß nit mer / Sol dann der  
 schöpffer nit meer vermügen dann  
 die creatur. Dem Helyas bracht der  
 engel ain äscher kühlin / der belait  
 vierzig tag vngeessen vñ vnge-  
 truncken. ¶ Dise ding alle hat er  
 ir verhaissen / wann er erschien ir ai-  
 nes mals in irer kamer do sy beetet /  
 vnd sprach zü ir / du allerliebste toch-  
 ter Katherina / du solt wissen / das  
 du noch faren solt ellend weeg / in  
 den solt du begabt werden mit mei-  
 nen neuen gaben / also das all crea-  
 tur dauon erschrecken werden / vnd  
 allen flaischlichen menschen unge-  
 laublich werden / vnd von der über-  
 flüssigen lieb die ich dir erzaiñ wil

werden auch die daran zweiffelen  
 die ich lieb hon / vnd werden geden-  
 cken / es sey ain anfechtung / ich wil  
 dich begiessen mit solichen überflüs-  
 sigen gnaden / das es alles wunder-  
 lichen fließen würt in deinen leib /  
 das er gewinnen würt ain neues le-  
 ben / vnd ain neue weis / so würt  
 dein hertz denn entzünd mit solicher  
 begird vmb das hail deins nächstñ  
 dz du wirst vergessen der fröwis-  
 en natur / vnd wirst gewinnen ain  
 neuen wandel / Du wirst nit meer  
 scheühen die beywohnung der men-  
 schen / als du vor gethon hast / wan  
 du wirst kein arbeit scheühen durch  
 das hail irer seele / darnon werden  
 sich vil menschen ergeren / das soll  
 dich nit betrüben / vnd solt dir auch  
 nit fürchten / wan ich will zü allen  
 zeiten mit dir sein / vnd will dich er-  
 lösen von den vnzüchtigen zungen  
 vnd vnwarhafftigem volck / Folg  
 manlich nach der einsprechung des  
 hailigen gaissts / wan vil seelen wil  
 ich erlösen durch dich vñ dem grun-  
 de der hell. ¶ Dise wort sprach der  
 herr oft zü ir. Do sprach Katherina  
 du bist mein herr vñ mein got / aber  
 ich bin dein schmähe vñ unwirdige  
 diern / dein will werd zü allen zeit-  
 ten / Aber ich bitt dich herr meiner /  
 das du mein gedenckest nach deine  
 grossen barmhertzigkait / vnd küm  
 mir zü hilff / Also verschwand der  
 herr Jesus chistus.

**D**ise junckfraw ward fast  
 darnach trachten / wie die  
 wandlung würt werden  
 die ir d herr het gehaissen / do ward  
 sich die götlich gnad von tag zü tag

## Katherina

als großlich in irem hertzen meren  
das sy selber daruon erschrack. Sy  
verriach mir / daz nach dem gelübde  
dz ir got geton het / do sy tranck den  
kostpern wein auß seiner götlichen  
seiten / das ir hertz überflüssig ward  
erfült mit götlicher gnaden. vñ mit  
haimlichem trost / vñd besonder so  
sy gotes leichnam enpsieng / das es  
halt überflüssig sloß in iren leib / vñ  
darin also gewurtzlet ward / das sy  
kains leiblichen essen nye bedorffte /  
Wenn sy aber essen müßt / so ward  
es ir gar saur / vñd mocht es nit ver  
döwen / vñd recht als es eingangn  
was allso für es wider auß / Man  
künd es mit federn nit ausschreiben  
wie vnßägliche grosse marter sy litt  
so sy essen müßt. Do sy am ersten die  
weiß anhüb do was es vngelaub  
lichen allen menschen / vñd halt  
auch irem hauß gesinnd / von allen  
denen die gwonlich bey ir wonten  
vmb die wunderlichen gab des her  
ren hiessen sy es ain anfechtung des  
bösen gaists. In den selben irsale  
viel auch Thomas / der vor mir ir  
beichtuatter was. Er forcht der böß  
gaist het sich gebildet in ainm engel  
des liechts / vñd gebot ir / sy solt nit  
lassen sy solt alltag etwas essen / vñ  
solc kainem gesicht glauben / do er  
ir das widerriet. Do sprach sy hyn  
wider / sy enpsünd sein in der war  
hait das sy gesunnder wär so sy nit  
äß dann so sy äß / vñd wär stercker  
dann so sy nit äß / wann so sy äß so  
ward sy gewonlich krank. Dan  
nocht lief er nit ab / sy solt ye essen /  
Des was Katerina gehorsam nach  
allem irem vermügen / vñd äß als

## von Benis

lanng bis sy krank ward / sy ward  
halt als siech dz sy nahend tod wär  
wan gott wolt das kain flaischlich  
speiß durch die stat gieng die er mit  
dem blüt seins götlichen hertzen ge  
weicht het. Do sprach sy zū irem bei  
chtiger / Lieber vatter / wär das ich  
als vil vastet das ich darumb sturb  
wölten ir mirs nit weren / das ich  
an mir selber schuldig würde. Do  
sprach er / Ja / das thät ich on allen  
zweifel. Do sprach sy / so ist dz noch  
größer das ich von dem essen ster  
ben solt dann von dem fasten / so ir  
wol secht vñd offt gemerckt haben  
das ich von dem essen verderben  
will / warumb weren ir mir nit daz  
essen / als ir mir das fasten wören /  
Do mocht ich sy nit widerreden /  
wann ich sach das sy die zaichen  
des tods an ir hett / doch het sy kain  
flaisch / noch kain sölich speiß gees  
sen / wann das mocht sy zū mal nit  
hyncin bringen / nach dem vñd sy  
getruncken het auß dem hertzen des  
herren / Wenn sy halt auß / so äß sy  
nur prot vñd roche kreüter / vñd fa  
sten speiß. Do sprach der bechtiger  
So thū fürbaß als dich der hailig  
gaist leeret / Ich künd es mit der fe  
der nit alles geschreibn was sy von  
irem hauß genossen gelitten hat / vñ  
von den die ir besonnderlich haim  
lich waren / wan sy wolten nit ver  
ston das es neu gaben wären von  
got / die ir got über miltiglich geben  
het seiner gemähelin / vñ die da auf  
gangen was über die hohen berg /  
der wort vñd der werck / Sy schatz  
ten nach den werckn deren die dan  
nocht in dem tal lagen / vñd main

ten sy solt ain gemain leben haben vnd wolten nitt gedencen / das sy ain besondere genad dartzu traibe / Sy warn vिलleicht etwas erblindt von dem widerglast des klaren liechtes / vñ darumb toisten sy fräuenlich murmlen über den liechten sterren / von der sy geleernet solten haben die wolten sy leren / Die in der finnsternuß sassen die strafften das liecht / vnd brachten iren beichtuatter dartzu auch / vnd darumb kam sy in groß angst / wan ir was daz laid das sy solich ergerung von ir numen. Sy thet auch nit wider den willen des herren / sy het auch ain wunderbarlichen leerer / darumb mocht sy kain schlechte weiß haben / vñnd macht sich zu irem gemahel / vñnd rüfft in an mit haissen zähern / vnd mit großem ernst / das er ir zu erkennen gab das er es also haben wolt Vnd besonder von irem beichtiger vnd zu dem sprach sy / ich muß gott mer gehorsam sein dann dem menschen. Do sprach er / man solt allen gaissten nitt glauben / wan der böß gaisst bildett sich offft in ainen engel des liechts / sy solt irer aignen weiß nit volgen / Doch erhört sy der herr vñnd erleuchtet iren beichtiger das verwandelt ward sein red / hetten sy all gedacht an die wunder die sy offft mit iren augen gesehen hetten / so hetten sy billich verstanden / das sy bey sölichñ wündern kain schlecht weiß gehaben möchte / wann hetten sy die grossen gnad verstanden sy heten iren finger gelegt über irn mund / daz sy der red nit gethon hetten. Es geschach offft daz ich es sach

mit meinen augen / vnd die andern auch die bey vns waren / das sy gar nichtz aß noch tranck dann nur ain kalts wasser / das sy als krank was das wir maineten sy wolt yetzundt sterben / vñnd in ainer kurzen weil on alle leiblich erzney ward sy als gesund / vñnd also krefftig / das sy auffstünd / vnd gieng / vnd geringlich arbaitt / als ob sy nye siech gewesen wär / sy thet vngehörtes fasten bey vnsern zeitten / wann von der überflüssigen genad des gaissts ward der leib auch gesterckt. Nemt war in der zeit als sy als emssiglich on alle speiß lebet / do fraget sy der beichtiger / ob sy doch nimmer kain begir het nach dem essen. Do sprach Katherina / ich wird als satt so ich gottes leichnam empfangen hon / das ich kains hungers mer enpsind Do sprach er / wirdt dich aber nicht hunngeren so du in nitt empfachst. Do sprach Katherina / von seiner gegenwertigkait / das ich in sich in dem hochwürdigen sacrament / so wird ich also gesattet dz ich an kain essen nimmer gedenc / Oder wen ich halt nur den priester sich der got in sein henden hebt hat. All menschen wunderten sich vö disen dingen / vñ was vnglaublich weltlichen vnd gaisstlichen menschen / Aber laß dich nit vnbillich duncken von den gaisstlichen / wann glaub mit das der glaub nit mer in in wechset dann in ainem andern / es sey dan das die aigen lieb zu mal todt in in sey / wann so die selbigen etwas sehen das sy vnmüglich duncket sein so glauben sy es nit.

## Katherina

**E**s geschach aines mals in der wüsti Thebaidis / do kam ainer der hieß Panthonijs / der batt / das in Pasuncius in sein sammlung empfieng. Das thet er / vnd do die brüder sahen das sein lebenn als herde was / vnd als streng / das sy im nit mochten nachuolgen / do samelten sy sich all vñ giengen zu Pasuncio / mit grosser vngesümmigkeit vñ sprachen / Es sey dann das du Panthonium austreibest / so solt du wissen das wir heüt an dem tag all wölln auß dem Closter gon / Das thetten die / die man für volkōmen menschen hielt / was sollen dan die andern thūn / Etlich sprachen / der heri hatt selber geessen vñd getruncken / es wär doch der knecht nit mächtiger dan der heri / vnd sein wirgige mütter Maria / vñd die zwölffpotten assen allsambt / wer wolt halt über sy sein / oder sich zu in gleichen. Sy sprachen auch / all hailigen vnd allerer heten geessen / vnd geleert mit worten vnd mit wercken / man solt haben ain schlechte weis / vnd kain beündere. Etlich die wolt:n wol reden / vnd sprachen / es wär ain anfechtung von dem bösen gaist / der wölt sy verlaiten. So sprachen etlich flaischlich menschen / sy thāt es durch cittel eer / sy äß haimlich / vnd fastete nit / Solich falsch red thetten sy von ir / die ich selber waiss on zweifel dz im nit also ist / darüb bin ich es schuldig das ich es widerred. wissend ir es nit so will ich es eüch sagen / Die größe der hailigen lige nit an dem fasten / sy ligt an gölicher liebe / Läg es an dem fasten so

## von Bēnis

wär Johannes der tauffer größer dann vnser heri / oder vnser liebe fraw / Von dem der gottes sun selber sprach / Johannes der baptista hat weder geessen noch getruncken Vnd sprechen von im. er sey behaft mit dem bösen gaist / So hatt des menschen sun geessen vnd getruncken / von dem sprechen sy. er sey ain frasz / vñ ain weintrincker. **M**an list auch vil von den hailigen vātern in der wüste / das sy überflüssiges fasten gethon haben / meert dan die zwölffpotten. Man list auch vō ainem hailigen vater / das er in .xxx. jaren nichts anders af dan das er all sonntag den hailigen leichnam vnser heren Jesu christi empfieng / Was sprechen ir aber von Maria Magdalena / die .xxiiij. jar ongeessen was in dem felsen / der da noch steet / was sy auch größer dann die mütter gottes? Sy sprachen auch / dise ding würden ain böß end nemen / sy mainten die sunderlich weis die wär nit güt / als wor ist / wann kain mensch soll von im selber ain besondere weis nemen / Aber wem es got gibt / der sol es danckbarlich nemen / vnd soll die gab gottes nit verschmähen / Die geschafft spricht also / der gerecht mensch soll nit zu vil über sich steigen / vnd soll in der mitte bleiben / Aber dem gott hohe ding offnet / der sol es danckberlich vnd mit forcht annemen / Als von der besundern ordnung gotes / vnd von seiner fürsichtigkeit / Vnd darumb wenn man Katherinā straffe warumb sy nit äß leiblich speis / so sprach sy. ich hon es mit mein sündē

verdient/das ich sein nit mag/Ich  
 ãß geren/so mag ich sein nit/Vnd  
 daran redt sy nit vnwar./wann sy  
 het ganzen glauben/got het es vñ  
 irer sünd wegen über sy verhengt/  
 das man also über sy murmelt vnd  
 darumb sprach sy/ich bitt euch/das  
 ir got für mich bitten/das er mir die  
 sünd vergeb/darmit ich das leiden  
 verdienet hon/So kan es auch nit  
 gesein von der anfechtung des bö-  
 sen gaissts/wann sy volbracht all ir  
 werck mit lieb/vnd mit frid/vnnd  
 mitt freude/Die werck seind wider  
 den bösen gaisst.War die abstinenz  
 gewesen von dem bösen gaisste/so  
 mocht sy es die leng nit erzeügt ha-  
 ben.So der herr Jesus zaichen thet  
 Oder den bösen gaisst außtraib/so  
 sprachen die juden/sich der mensch  
 ist nit von got/der den Sabat nit  
 helt.Also sprachen sy von der junck  
 frauen/dise gesicht seind nit von  
 gott/der Teüfel will sy verlaitten.  
 Von diser red nam sy ir solichs lei-  
 den/vnd solich angst in irem hertz-  
 en/daz ich es mit der federn nit auß  
 schreiben möcht.Also ward ir gaisst  
 gecreüziget/do nam sy sich an vnd  
 af all tag ain mal zü tisch mitt den  
 anderen/vnd versüchet ob sy essen  
 möcht/der worten:daz sich nieman  
 ergern würd an irem fasten/Also  
 nam sy doch hynein/was sy von  
 schlechter kost hett/das af sy gleich  
 sänlich/roch kreüter/vnd rohe kost  
 vnd solich ding das sy zü mal fast  
 verzeret mit iren zenen/das verze-  
 ret sy so sy best mocht/vnd doch al-  
 les mitt grosser bitterkait/Es müst  
 ain vnbarmerziger mensch sein

gewesen den es nit erbarmet hett/  
 aber der substanz mocht sy nit ver-  
 zeren/vnnd für also ganz von ir/  
 kain krefftiges essen af sy nit/weder  
 flaisch/noch visch/noch ayer/noch  
 kãß/noch kain sollich ding/wann  
 das mocht zü mal nit hynein/Ich  
 sahe es ains mals selber/wie bitter  
 lichen saur ir das essen ward/Do  
 sprach ich zü dem volck/ir solt euer  
 murmben lassen/vnd ir solt sy nit  
 also martern.Do ward Katherina  
 lachen/vnd sprach/Lieber vatter/  
 ist es nit besser ich büß mein sünd  
 hye/dann das ich sy büßet on ennd  
 dort in yener welt/Ir murmeln ist  
 mir gar nütz/wann meinem gott  
 vergilt ich mitt der büß die ain end  
 hatt/die büßs die ich billich leiden  
 solt on ennd/Ich wolt geren was  
 euch begegnete/glück oder vnglück  
 das ir denn alle zeit sprächen/von  
 dem will ich mir etwas güts wüch-  
 ern.Thäten ir das/ir würden bald  
 reich:Kalts wasser nam Katheri-  
 na gern hynein/das sy iren gümen  
 darmit erkälte oder feüchtete.

## Von dem hochwirdigen Sacrament.

**S**y het zü allen zeitten vñge-  
 mefne grosse begirde züm  
 würdigen fronneychnam  
 vnser lieben heren/vñ die wüchs  
 von tag zü tag in irem hertzen/alle  
 tag ired lebens/der worten/das ir  
 leib verainet würd mit irem gema-  
 hel Jesu Christo/als auch ir gaisst  
 mit jm ganz vñ gar verainet was/  
 Sy weft wol daz das über natur

## Katherina von Benis



lich Sacrament des leichnam Jesu christi sy verainet mit irem haylmacher / vnd gaistlich gnad würcket in der seel / Darumb ist das Sacrament auffgesetzt / wer es empfalet / des leib wirt gänglich verainet mit dem leib Jesu christi / wie wol das es nit leiblich geschicht / Vnnd darumb empfieng sy emsiglichen den leichnam vnnsers herren Jesu christi. ¶ Es gtschach auch zu ainem mal daz sy groß vngemessen begird hett nach gottes leichnam / do wolt er genüg thun irer begird / vnd hüb ir die wunden seiner seiten an iren mund / vnd wincket ir daz sy trunck sein rosenfarb blüt / wie vil sy wolt / Do tranck sy begirlich auß dem brunnen des Ewigen lebens / vnnd von dem würdigen getranck ward sy in irem herten als gar entzündet mit götlicher lieb daz sy wondt sy würd von lieb sterben / Do daucht den beichtiger wol

das gott etwas wunders mitt ir wochet / do begeret er von ir / daz sy im etwas sagte was ir in irem syn war. Do sprach sy / herz das kan ich nit zu worten bingen. Vnnd do sy aines nachts an irem geheet was / do ward sy entzucket nach gottes leichnam / vnd daran was man ir gar streng baide brüder vnd Schwester / vnd die der samnung vor waren / do thet ir got kund man würd ir des morgens das sacrament geben / do ward sy gar frölich / vñ bat gott das er sy beraiten wölte daz sy würdiglichen möcht empfaben ain als eersams Sacrament / Zühand empfand sy das ain regen viel auff ir sel / recht als ain grosser bach / daz was weder wasser noch sunst fuchtigkait / es was nur das rosenfarb blüt Jesu christi / vnd das was gemüschet mit feur / do empfand sy daz von dem flus ir seel allso geleüttert ward / daz halt auch ir flaischlicher leib rainer ward vñ aller vnfauberkeit / vnd von dem gepresten den sy von iugend auff het. Vnd do es nu tag ward / do gieng sy ir gewonlicher siechttag also seer an / das sy gedaucht sy möcht ainen fusttritt nitte gon / doch het sy kainen zweifel der herz würd ir laisten daz er ir gelobt het / vnnd darvon ward sy sich als frischlich auffheben daz sy all wunder dauon namen: vnd gieng in die capellen / da legt sy sich für den altar / vñ begert das ir beichtiger kām / Aber ir beichtiger Thomas het nit willen das er des selben tags wolt Meß haben / Vnnd do kām im gar gächlingen ein sölliche genad



in sein hertze / das er von geschickte  
 gieng zu dem selben altar / vñ wese  
 nit das Katherina da was / Vnnd  
 do er sy sach / do verstünd er wol  
 das es got selber geordnet het / wañ  
 es was sein gewonhait nitt das er  
 ir auff dem altar mesz sprach / vnd  
 do er die mesz sprach / do gab er ir  
 gotes leichnam / do het sy sich durch  
 wainet / vnd ir anltüz schin / vnnd  
 was rodt / das er darvon erschrack /  
 vnd nam auch großs wunder dar-  
 von / Also was sy den gantzen tag  
 entzuckt in got / das sy niemand ain  
 wort zusprach / in dem nächsten tag  
 darnach batt sy Thomas ir beichti-  
 ger / daz sy jm sagte warumb sy als  
 rot gewesen wär. Do sprach sy / bin  
 ich rodt gewesen des waif ich nit /  
 aber ir solt wissen / do ich gots leich-  
 nam von eüch empfieng / do sach  
 ich kain leiblich ding / aber ich sach  
 mit den innern augen sölich gezierd  
 vnd schmecket ainen als süßen ge-  
 schmack / vnd empfand ainer solich  
 en süßigkait / das ich es zu worten  
 nit bungen kan noch mag / ich hon  
 sölich gezierd gesehen. die mich also  
 gezogen hat / das mir alle reichtum  
 vnd alle gezierd diser welt ist recht  
 als ain mist / darumb wünschet ich  
 vnd bat got / das er mir nit gäb zeit  
 lichen trost / noch gaislichen / vnd  
 dz ich jm nur allain gefallen möcht  
 vñ das ich in on end besitzen möcht  
 Aber doch begeret ich nur das sein  
 will an mir volbracht würde / Do  
 sprach er zu mir / nun sich liebe tochter  
 Katherina / ich hon meinen wil-  
 len also in dich gezogen / das du da-  
 von also gefestnet bist worden / daz

du nun fürbas nimmer mer magst  
 verwandelt werden / noch bewegt  
 von allem dem das dir begegnet /  
 Das merckten alle / die bey ir warn  
 das sy alle ding ließ fürgon / vnnd  
 von kainen dingen betrübet ward /  
 Do sprach sy aber zu irem beichtuat-  
 ter / wist ir wie mir 8 herz des tags  
 thet / er thet mir als ain müter ain-  
 em jungen sun / den sy über massen  
 lieb hat / sy zaiget jm ir prüstlin von  
 verre / vnnd laßt es ain weil wai-  
 nen / vnd des lachet sy denn das es  
 nach ir wainet / vnd laufft dar. vnd  
 umbfacht es / vnd kufft es an seinen  
 mund / darnach beüt sy jm ir brüst-  
 lin mit freuden / vnd laßt es saugen  
 nach allem seinem willen / Also  
 hat mir der herz auch gethon / er zay-  
 get mir die wunden seines hertzen /  
 aber von verre / vnnd von rechter  
 begird / das ich meinen mund gese-  
 zet het an die wunden seiner seiten  
 do ward ich bitterlichen wainen /  
 do ließ er mich ain weil wainen /  
 vnnd ward sein doch lachen / dar-  
 nach lieff er zu mir / vnd nam mein  
 seel an seinen arm / vñ sagt meinen  
 mund an die wunden seiner haili-  
 gen seitten / do ward mein seel als  
 begirig / das sy gantz flos in sein seit-  
 ten / darinnen empfand ich solicher  
 überflüssiger süßigkait / vnd soliche  
 göttliche erkantnuß / wenn ich es  
 eüch künd sagñ. es würd eüch wun-  
 deren das mein hertz nitt zerbrache  
 von inhirziger liebe / vnnd würden  
 wunderen daz das leben ist beliben  
 in meinem leib. ¶ Dise dinng  
 sahen wir an sanct Alexius tag / do  
 nam dise Katerina gotes leichnam

vnnnd do der püester vnsern herren in seiner hand het/do sprach sy.herr ich bin nitt würdig das du gangest vnder mein tuch / vñ do sy das redt do sprach er wol behendiglich her wider / so bin ich aber würdig das du in mich gangest / Vnd do sy empfieng den hailigen fronleichnam Jesu chusti / gedauchte sy / der herr gieng in sy als der visch in das wasser / vnd als das wasser in den fisch Also ward sy ain ding mit got das sy kaum haim kam / vnnnd do gieng sy in ir zell vnd legt sich an ir hültzins bedte / daruon wir voigesagt haben / da lang sy lag vnberueget / darnach ward der leib übersich erhebt / vnd stünd ain stund on alle auffenthaltung also in den lüfften. das sahen drey person mitt iren augen / darnach lief sy sich wider nider auff ir bedt / do ward sy still vñ got reden die tieffesten vñ die schönsten wort / das all ir gespilen die es horten / wurden wainen vor grosser andacht.

**Da wurffen sy die bösen gaist von dem pferde do sy rait.**

**O** As Katherina gros vngemessen leidenn gehebt hatt von den bösen gaisten das künnd nyemandt außgesagen / Sy wurffen sy offte in ain feür / das weder irem leib noch irm klaid nie laid geschach. Es geschach ains mals das wir außgefarn waren vñ wolten nun wider haim faren zü vnser stat Senensis / vnd do wir nun nahend zü der statt kömen waren / do



rait sy mit vns auff ainem eslin / do kam der böß gaist mit grosser vngestümigkait vnd warff sy von dem esel in ain tieffe grüben / also das ir das haupt nider hieng / Vnd do ich sach das sy auff der erdenn lag / do rufft ich ir / do ward sy lachen / vnd sprach / das hat die böß täsch geton. in den selben landen haist man ain sack ain täschen / wan sy maint er verschlunnd alle die selen die im werden möchten / recht als in ain sacke / Do satzten wir sy wider auff den esel / vnd do wir kaum als weit geritten waren als man mit ainem geschos schieffen mag / do kam er aber vñ warff sy mit dem esel vmb in das kot / vnd also lag sy vnder dem esel / vnnnd der esel lag auff ir / do ward sy aber lachen / vnd sprach der esel hat mir mein seiten gewermet / darinn ich den siechtumb leid des darmgichts / Do verspottet sy den bösen gaist dz ir aber kein schad

davon geschach / Also brachten wir sy kaum auff den esel / vnd wir wolten nitt das sy meer auff den Esel saß / wann wir waren nahendt zü der stat kōmen / Vnnd also namen wir sy vnder die arm vnd fürten sy bis in die stat / dannocht lieffen die bösen gaist nicht ab / sy zugen sy ain weil hyn vnd ain weil her / daz wir sy kaum behabten / vnd hetten wir sy nit gehebt so wār sy offt auff daz erdtrich gefallen / Aber sy laid es zü allen zeitten mit freüden / vnd ver-spottet den bösen gaiste / wann sy weßt ir grosse feindschaft wol die sy zü ir hetten / Sy sprachen offt / sy wāren kainen menschen auff erdtrich als feind als ir zü aller zeit vñ ir hailigkeit.

### Ain tille mit ainer

frawen brach ein / vnd viel

**N**ahend bey dem hauf der barmhertzigkaytt was ain fraw / die het Katherinam gar lieb / vnd aines tags saß sy auff ainer tillen / die was nit wol vnder stütz / also das die till niderbrach / vnd die fraw herab viel / das aller ir leib zerknüschet ward / Do lieff alles volck zü / vñ zugen sy auß den stainen vñ auß den hölzern für halb todt / vñ brachten sy an ain bedt / do mocht sy sich nit ombkōren vñ klaget on vnderlaf iren bitern schmerzen aller irer glider. Do daz Katherina innen ward gieng sy zü ir / vñ vermanet sy daz sy geduldig wār / vñ berüret ir iren schmerzñ mit iren hailigen henden / vñ wā sys berürt / da ward ir zühand bas /

Do begeret sy daz sy allen iren smertzen anrüret / Das thet sy / vñ für mit iren henden über allen iren leib recht als da man ains salbert / Do ward sy zühand gesund an allem iren leib / aber sy thet nit dergleichñ bis Katerina herauf kam / do sprach sy zü den Arzten / vñ zü allen den die dar kōmen waren / Katherina / (die da ist ain tochter Lapa) die hat mich aller dinng gesund gemacht / aber ich wolt es vor ir nit reden / dz ir demütigkeit nit betrübet würde / Do namen sy alle groß wunder davon / wā sy sahen wol daz das geschehen was von göttlicher krafft / vñ das es kaines menschen kunst gethon möcht haben / vñ darumb lobeten sy gott den allmächtigen. Das zaichen geschach ee das ich Katherinam erkannte / vñ ee das ich in die stat kam.

### Da batt Katherina

vñ fern heren das er ir hertz nām / des gewert er sy

**R**echt als vñser herz Jesus Christus seiner gemähelin ain besunder leibliche weiß verlihñ het / also verlich er ir ain besundre weiß gaistlich mit hymlich en dingen / vñ mit wunderbarlichen sitten. Ir solt wissen / seyder die junckfraw getruncken het auß der würdigen seiten Jesu chusti / so ist sy als vol gewesen göttlicher gnaden das ir gaist irem schöpffer als stätiglich was angeheft mit einfigem Contemplieren / das sy fürbas mer wenig die außern sinn keret zü leiblichen dingen / wā der herz erschin

# Katherina

# von Venis

ir nit meer haimlich an besundern  
stören / Er erschain ir offentlich wo  
sy was / vnd was sy thet / sy stünd /  
oder sy saß / so het er ir hertz also ent  
zünd mit dem feür götlicher lieb das  
sy sprach zü mir / sy künd nit wörter  
dartzü vinnden das sy es auf legte /  
wann es waren nit sägliche wort.



**E**ins mals bat sy got von ganz  
ein hertzen / das er von ir nãm ir ei-  
gen hertz / vnd iren willen richtete  
nach seinem willen / Do daucht sy  
wie ir gemabel Jesus nach seiner  
gewonhait aber zü ir kãme / vnd ir  
aufsthat ir gelincke seiten / vnd her-  
auf nãm ir eigen hertz / vnd damit  
hynweg für. Also gieng sy lang on  
hertz. wan sy het kain hertz mer. Das  
gesicht sach sy mitt außern sinnen /  
vnd mit den innern / Darumb kam  
sy zü irem beichtiger / vnd sprach / lie-  
ber hertz / ich hab kain hertz in mein  
leib / ich gannng on mein hertz. Des

ward der beichtiger ser lachen. vnd  
strafft sy / vnd sprach. sy solt nit also  
reden. Do sprach sy / warlichen vat-  
ter / als verre ich es verston kan / so  
hon ich gänzlich kain hertz / wann  
der herz erschain mir / vnd thet mir  
auff mein glincke seiten / vnd nam  
mir darauff mein eigen hertze. Do  
sprach ir beichtiger / Sich es ist ain  
schimpff / du möchtest nit geleben  
hertest du kain hertz. Do sprach Ka-  
therina / es ist kain ding vnmüglich  
vor got / ich glaub ye gänzlich ich  
hab kain hertz / Vnd das wort traib  
sy ymmer zü vil tag / Ich leb on al-  
les hertz. Vnd darnach gieng sy ai-  
nes tags auß der Prediger kirchen /  
vnd wolt haim gon / do vmbgab  
sy ain liecht von hymel herab / vnd  
in dem selben liecht erschain ir vn-  
ser herz Jesus chistus / vnd hett ain  
menschen hertz in seinen henden /  
das was liecht / vnd rotfarb / Da  
ward sy zittern vor rechtem schreck-  
en / von der grossen klarhait dises  
liechts. Do ward sich der herz zü ir  
nähnen. vnd nam her sein götlichs  
hertz / das er in seinen henden dar-  
getragen het / vnd an stat ires hertz  
en thet er auff ir gelincken seiten /  
recht als da man ain thürlin auff-  
thut an ainem fenster / vñ mit gros-  
sen freuden setzt er ir sein eign hertz  
an die stat da er ir hertz genommen  
het / Da het er sy warlich wol ergöt-  
zet / das er ir hertz gezucket hett / O  
wie ain gros vngehörer wunder in  
aller diser welt / diser ding nye ge-  
leich gehöret worden ist / Du süßer  
Jesu. wie grossen fleiß legst du auff  
den menschen / vnd wie grosse lieb

erzaigest du vns / das du dein götlichen hertz gesetzt hast in ain irdischen leib / Das hertz / das alle hertzen geschaffen hatt / Das hertz / das da ist ain radtgeb der hailigen Triualtigkait / Das hertz / das da anbeeten die hailigen / vnd all hailigen eeren Vnd von dem alle menschlichen genad vnd ablaß begeren / vnd das all böß gaisst fürchten / vnd fliehen müssen / vnd zü dem all glaubig seelen ain züflucht haben. Du salige Katherina / dich glaub / du habest wenig anfechtung gehebt die zeit von dem bößen gaisst / die du das künlich hertze in deinem tödtlichen leib getragen hast / wann da gedorst sich der böß gaisst nit zü mischen. Nembt war / do der herz sein götlichs hertz gesetzt het in die seligen creatur / die er selber geschaffen het / Do thet er das thürlein mit fleiß wider zü / vnd schied von dannen / aber doch blyb zü allen zeiten ain zaichen des wunders an irer seiten desselben türkins das er auff vnd zü gethon het / als mir ir gespielen sagten / die es mitt iren augen gesehen hetten / Katherina mocht mir auch selber nit geleugnen / do ich sy darumb fraget / Sy empfalch vnserm herin ir hertz nit als vor / sy sprach nun / ich empfilch dir mein hertz / das du es habest in deiner hüt. ¶ Nun solt ir hören wie groß vnaußsprechlich gnad vnd vngemefne wunder das hertz vnseren herren Jesu christi gewürckt hat in dem leib diser junckfrawen / überflüssige leibliche werck worchet es innwendig / vnd auch außwendig / vnd überwundenlichen / Der

offnung vnd bekantnuß gab es innwendig / Wenn sy in die kirchen gieng / vnd ee sy ymer zü dem altar kam so wurden ir große dinng gezaiget / die über all menschlich synn waren / Offt sach sy den herren als ain saugendes kindlin / in des Priesters henden. So sach sy in offt als ain groß kinnd / Sy schmactt auch als ain edlen zarten geschmack / daz sy so vor großem wunder als gebrosten wär an iren kreften. Vnd wenn sy vnseren herren leichnam empfieng oder daz sy in ansach / so gewan sy in irem gemüt soliche vnaußsprechliche große freud / daz das hertz vnseren herren sprang in irem leib mitt ainem solichen laut vnd tumelen das es alle die frauwen horten die vmb sy stunden / Das tumelen was nit ain natürlichs hertz schlagen / wann es bezaigt ain besundere weiß das es außser der natur was / vnd halt über all natur / von der krafft des schöpffer / vñ das ist nit zü wunden / daz das hertz ain übernatürlich bewegung het das über all natur was / Darvon spricht der Prophet / mein hertz vnd mein leib haben sich gestreüt in dem lebendigen got / darumb nennt er in den lebendigen got / wann das sprängen oder die bewegung bezaichnet das leben. Aber wölichen menschen das von natur widersüre das bedeutet den tod. Do kamen die frauwen gen ihm beichtiger / vnd sagten im die großen ding die sy gehört heten do kam er auch / vnd hort es mit seinen oren daz das hertz vnseren herren Jesu christi also gewaltiglich reichnet

## Katherina

in irem leib / do schrib er es an / zü ai-  
ner ewigen gedächtnus / wann ir  
beichtuater Thomas hat dz capitel  
als geschriben Nach disem grossen  
wüder. Do daucht sy / sy wär es nit  
dieselb die sy vor was. darüb sprach  
sy zü im / vater. secht ir nit ich bin es  
nitt die / die ich vor gewesen bin. O  
vater / ich glaub es sey kein mensch  
auff erdtrich / weest es was ich inn  
wendig empfind / wie hert es wär  
es würd gewaicht dauon. Es wär  
kein mensch so hochfertig es würd  
demütig dauon / wan alles das ich  
euch sag / daz ist nichts bey dem das  
ich empfind / vnd das ich nit zü wor-  
ten bungen kan / Als groß freud vñ  
jubilieren hon ich in meinem gmüt  
das mich des selber wunderet das  
mein sel bleibt in meinem leib. Sy  
sprach auch / Ach mein seel ist als in  
hitzig in meinem leib / das mich ge-  
dunckt / das zeitlich feur wär mir  
ain külung darbey / vnd von der sel-  
ben hitz bin ich erneüweret worden  
mit ainer neuen demütigkeit vñnd  
lautterkeit / das mich dunckt ich sey  
zü ainem kind worden von vier ja-  
ren. So bin ich so mit grosser lieb  
entzündet worden gegen meinem  
nächsten / das ich frölich vñ willig  
klichen den todt geren leiden wölt  
für ainen yetlichen menschen. Dise  
ding saget sy irem Beichtiger gar  
haimlich. Mit den worten. vnd mit  
andern dingen beweiset sy oft die  
grossen genad die das götlich hertz  
in ir worchet / vnd auch mit grossen  
zaichen / vnd solt man das alles ge-  
schriben hon / so müst man vil büch-  
er dartzü gemacht hon. Darnach ge-

## von Benis

daucht Katherina wie ir hertz auß  
irem leib füre / vnd gieng durch die  
seiten ired hailmachers. in das hertz  
Jesu chusti / vnd da ward ain hertz  
auf den zwayen / Do offenbaret ir  
Christus Jesus grosse ding / bis an  
die haimlichkeit der hailigen Trisal-  
tigkeit. Do daucht sy wie ir hertz ge-  
flossen wär von überiger götlicher  
lieb / rüffet sy von ganzem hertzen /  
vñnd sprach / O hertz / du hast mein  
hertz verwundet. Ir beichtiger Tho-  
mas spricht / dise ding seyen gesche-  
hen an sant Margreta tag. do man  
zalt von chusti geburt M.ccc. lxx. jar  
darnach im selben jar an sant Cla-  
ra abend / gieng Thomas aber zü ir  
vnd bat sy / möcht sy es gethän das  
sy stiller wär vñnder der mess / das  
die priester darvon nit geirret wur-  
den von irem seüßgen / vñ von dem  
reichthum des hertzen Jesu chusti.  
Do gieng Katherina hyn dan bas  
von dem altar / vnd bat got / das er  
iren beichtiger erleuchtet / vñnd im  
zü erkennen gäb / daz sy nit schwei-  
gen möcht / das tunlen das der göt-  
lich gaist in ir thät / des ward sy vñ  
got also geweret / das er sy fürbas  
nit meer darumb straffet / als er sel-  
ber dauon geschriben hat. Ich wär  
(spricht Reimmundus / der nach brü-  
der Thomas ir beichtuater was)  
ich hab von got gelernet das man  
sich an sollicher innwendiger hitze  
vnd begird nitt wol müg auffent-  
halten.

Da erschein ir vnser  
herr / vnd Maria magdalena



**E**s solt wissen. nach dem als die junckfraw Katherina als gar überflüssigklich begossen ward mit göclichen gnaden das sy groß gesichte sach / der will ich ains sagen. Es kam aines mals zü ir der König aller künig / vnnnd bracht mitt im sein wirdige mütter Mariam / vnd Mariā magdalena Do sprach er zü ir / nun sag an was wilt du / wilt du mich. oder wilt du dich. Do ward Katherina wainen vnnnd sprach / O herr / du waist wol was ich will / du waist wol daz ich kein andern willen hab dann den deinen / so hon ich kein ander hertz dann das dein / Do kam ir in iren syne / wie sich Maria Magdalena ganz vnd gar got ergeben hett / do sy wainet bey den füßen vnser herren / do thet ir got genad das sy er-

kannt die süßigkeit / vnd ir empfand vnd der lieb die sy het do sy lag auff den füßen vnser herren Jesu chri- sti / Vnd do sach sy Maria magdalena an / vnd sprach der herr zü ir / Sich du allerliebste tochter Katherina / ich gib dir da durch deins trostes willen Mariam magdalena zu ainer mütter / vñ zü ainer sünnerin das du zü allen zeitten zü ir lauffest mit ainem ganzen wolgetrawen / Do sprach er zü sanct Maria magdalena / ich empfilch dir / daz du sunderlichn vmb sy besorget seyest. Do sprach Katherina zü ir / Liebe fraw sant Maria magdalena / seyde mich die der herr / gottes sun empfolhen hat / so bit ich dich daz du fleissiglich besorget seyest vmb das hail meiner sel. Also vnderwand sy sich fürbas mit der wirdigen frauen sant Maria magdalena / vñ hieß sy allzeit ir mütter. Die drey person / Maria die mütter gotes / vnd Maria magdalena / vnd Katherina / die warn als haimlich vnnnd als emssigklich bey ainander als die haufgenossen in ainem hauf / vnd giengen mit ainander / vnd redten mit ainander / vnd theten ir vnsäglichen trost.

**K**atherina ward ains mals aber entzucket / das sach ich brüder Reinmund mit meinen augen / do redet sy mitt ainer geduncklen stym süsse vnd hohe wort / Do gieng ich hyn zü bas / dz ich es recht gehörn möchte Do sprach sy in Latein / ich hon gesehen die taugen oder haimlichkeit gottes / Das selb wort sprach sy gar offft / vnd über ain klaine weil do sy wider zü iren sinnen kam do sprach

sy es dannocht / Vidi archana dei.  
 Do het ich gern gewist was sy da  
 mit gemainet het / vnd sprach zü ir /  
 Liebe müter ich bit dich das du mir  
 sagest warumb du die wort als oft  
 gesprochen hast / vnd kein annder  
 wort. Do sprach sy / es was nit mög  
 lich das ich ichts anders gesproch  
 het. Do sprach er / was ist dann das  
 neuës / nun hast du mit oft gesagt  
 was dir got kund gethon hat so ich  
 dich nichts gefragt hon / so ich dich  
 yetz frag so wilt du mirs nit sagen.  
 Do sprach sy / daz ich eüch von dem  
 gesicht sagte das ich mit Worten nit  
 begreifen möchte / darumb het ich  
 ain gewissen / vñ wolt meinen her  
 ren vngerer darmit vneren / das  
 ich das wolt zü Worten bringen. dz  
 man nit geworten kan noch mag /  
 wañ ir sollent wiss:n / das ain gar  
 grosser vnderscheid ist vnder gesi  
 chten die man zü Worten bringen  
 mag / dann die man nit zü Worten  
 bringen mag / es scheint als es wi  
 der ainander sey. Darumb mag ich  
 mich nit dartzü naigen das ich ett  
 was darvon sag / von dem das ich  
 gesehen hab / wañ es ist nit säglich  
 nach dem als ich sag / es sey wider  
 ainander / so verstand ich / es sey als  
 gleich / als ain eiszapff gegen glü  
 enden kolen.

### Wie da Katherina

den schmerzen der hailigen  
 fünff wundenzaichen  
 empfieng von vn  
 serm herren



**A**ber müßs ich ains sagen /  
 daz ist geschehen in der stat  
 Pisana / do was ich gegenwertig /  
 vnd sach es mit meinen augen / Do  
 wir gen Pisan kamen / do beherber  
 get vns ain burger / der saß nahent  
 bey de kirchen / die was gewicht in  
 der eer sant Cristina / do wolt sy an  
 ainem Sambstag nit ablassen / ich  
 müß meß sprechen. Das het ich /  
 Do ward sy aber beraubt irer leib  
 lichen synn / vnd belib lang in der  
 kirchen / Do wolten wir gewartet  
 haben bis das sy wider zü iren leib  
 lichen sinnen kömen wär / vnd das  
 wir etwas gaisstlichs trosts von ir  
 gehalten möchte n / Do sahen wir /  
 das sy lang auff dem erdtrich gelee  
 gen was / vnd ( hailiger ding ) do  
 ward sy sich auffrichten / vnd knyet  
 auff ire knye / darnach ward sy auff  
 braiten ir arm vnb ir hend also knie  
 ende / vnd lag mit ainem scheinen



den antlitz / vnd mit zügetonen au-  
gen / vnd aller ir leib was erstarrt  
vñ dürr worden / do viel sy gähling  
nider recht als ain mensch dz durch  
schossen ist / Vnd über ain klaine  
weile kam sy wider zü ir selber / do  
sandt sy nach mir / vñ sprach zü mir  
haimlich / Vater / ir solt wissen das  
ich von den genaden gotes trag an  
meinem leib die wunde Jesu chusti  
Do sprach ich / wie ist das dartzü  
kömen: Do sprach sy. da sach ich das  
sich der herz von himel herab ließ zü  
mir mit ainem grossen liecht / als er  
am creütz genagelt was / Vnd vor  
rechter begird (das ich mein schöp-  
fer geren wär entgegen gangen)  
ward ich mich auffrichten / Nempt  
war / do sach ich das d herz an dem  
creütz vor mir stünd / vnd sach fünff  
flüßs fließend von seinen hailigen  
fünff wunden / die waren durch-  
sichtig / vnd doch blütfar / Vnd die  
selben fünff wunden vnd flüß flus-  
sen mir von seinen hailigen fünff  
wunden zaichen in mein hertz / Do  
verstünd ich wol das got ain wun-  
der mit mir begon wolt / vñ schray  
herz mein gott / ich bit dich / das du  
mir dein wunden nur inwendig  
eintrückest / das sy außwendig nit  
gesehen werden von den menschn:  
Vnd ee das der schein / oder die ro-  
senfarben flüßs / nye zü mir kamen  
do wurden sy verwandelt in ain  
lautters liecht / aber der stral / oder  
wunden zaichn / kam kains in mein  
seittem / wann die zaichen giengen  
im auß seiner gerechten seittem / den  
gerichten weg zü der gelincken seit-  
tem durch mein hertze / Do ward sy

tieff seüßtzgen / vnd sprach zü mir /  
Es ist ain vnsäglicher bitrer smertz  
den ich leid an den sünff stöcken /  
vnd besunder an dem hertzen / Es  
wöll dann got ain neüwes zaichen  
thün an mit sunst mag ich kain lan-  
ge zeit geleben / ich müß ye sterben /  
wirt es in kurtzen tagen nit besser /  
Dise wort marckt ich mit laid / Also  
stünd ich vnd sach sy an mitt fleiß /  
ob ich kain zaichen gesehen möchte  
ires grossen schmerzen / Also gieng  
wir auß der Capellen / vnd ka-  
men an vnser herberg / do gieng sy  
in ir kamer / Secht / do ward sy als  
kranck / das sy kaum reden möchte /  
Do rüffet man vns allen / das wir  
sähen den neüwen jamer / do wur-  
den wir seer wainen / vnd forchten  
wir müßten sy verlieren / die wir in  
got lieb hetten / Wir haben offte ge-  
sehen das sy groß hitz gehabt hatt /  
Vnd do sy groß gesicht sach / das sy  
den kranck ward an dem leib / Aber  
das sy als vngespräch was / das het-  
ten wir nye mee gesehen / Vnd dar-  
nach sassen wir zü tische / do ward  
sy aber mitt mir reden / vnd sprach /  
Sy sach gänzlich wol / es wäre  
dann / das ir got ain neüwe ertzney  
thün wölt / sunst müß sy ye sterben  
Do samlet ich zü samen vnser frün-  
de / vnd bat sy mitt wainenden au-  
gen / das sy vnns hülffen / das wir  
ain besunder gebet für sy thätten /  
das vns got der herz vnser mütter  
vnd vnser maisterin Katerinā len-  
ger fristen wölt / auff das wir nicht  
waisen würden in diser ellennden  
welt / Das wolten sy alle sambt ge-  
ren thün. Do giengen wir alle zü ir

## Katherina

mitt grossen wainen vnd klagen/  
vnd sprachen/Liebe mütter wir wis  
sen wol das du geren wärest bey  
deinem gemahel Jesu christo/ aber  
dein lon wirt nit gemindert/dar  
umb erbarme dich über die / die du  
lassest/ die noch krank seind / Wir  
wissen wol das dir dein gesponnß  
(den du von ganzem hertzen lieb  
hast) nichts mag versagen/ darumb  
bitten wir dich/dz du in bittest/das  
er dich noch lenger bey vnns laß/  
wan es müß vnser tod sein/solten  
wir dich als bald verlieren/darumb  
hilff vns bitten des wir nit erwer  
ben mögen / wann wir vnwirdig  
seind:Do wir die red / vnd annder  
vil gethon hetten mitt wainenden  
augen/do antwort sy/ vnd sprach/  
Langest hon ich im meinen willen  
auffgeben / das ich in den sachen /  
vnd in kainen andern / nichts will  
dann das der herz will/ euer gelück  
sich ich von ganzem hertzen geren/  
aber das kan der herz bas besorgen  
dann kain creature/ sein will werd  
in allen dingen/ Aber ich will gott  
geren bitten das er ain gutes thū /  
Dannoch mochten wir nit gelaß  
sen/wir müsten klagen vnd wai  
nen. Vnd an dem nächsten sambst  
tag gieng sy zū mir vñ sprach/mich  
dunckt der herz wöll euch erhören/  
vnd ich hoffe/ ir werden sein schier  
gewar/ Vnd zügand des morgens  
an dem sonntag empfieng sy gottes  
leichnam von mir vnwirdigen /  
vnd do ward sy aber entzuckt/ vnd  
in der selben entzuckung kam sy al  
ler sach wider/ vnd ward gesterckt  
an allem irem leib. Darvon namen

## von Benis

wir alle gross wunder das sy von  
disem gesicht gesterckt was worden  
wider ir gewonhait / wann sy vor  
allzeit schwach was worden vnd  
dürz / vnd ward also kressig recht  
als ob sy kressig wär worden von  
ainem süßen schlaff/Do sprach ich  
ich getraw gott/ vnser zäher seyen  
für got gangen/ vnd die da geeylet  
hat zū irem gemahel die werd vn  
sern jamer bedenncken/vnd werde  
bey vns bleiben/das geschach auch  
wann do sy zū ir selber wider kam.  
do was sy als frisch wordenn/ das  
wir kain zweiffel daran heten/vns  
het got umb sy erhört Do sprach ich  
zū ir/sag an liebe mütter ist dir noch  
wee. Do sprach sy/nain/vnser herz  
Jesus christus hat euer gbeet erhört  
Wann meine wunden thünd mit  
mit meer wee/sy stercken mich.

## Wie sy got bat vmb

iren beichtuatter/das im got  
gäb wol zū thū

**I**ns mals was ir beichtuat  
ter in der kirchenn/ do was  
ich in dem hauß bey andern  
frauen / die horten das sy bat für  
vil menschen/ vñ besunder für iren  
beichtuatter / darumb weft er nit/  
dann das im gählingen ain soliche  
grosse genad bestünnde/ der er vor  
nye empfunden hett / darvon nam  
er gross wunder/vnd bedacht/von  
wannen nun dise neu genad kum  
men wär / Vnder dem kam aine ir  
gespilen von geschicht/ vnd sprach  
zū im/herz wie fleissiglich hat Ka  
therina für euch gebeeten/ vnd nei  
net im zū wölcher zeit. Do verständig

er wol das die vngewonlich gnad von irem gebeete kōmen was. Do fraget er sy / wie sy gebetet het / Do sprach sy / sy hat gebeet / das im gott geb das ewig leben. Do verjach im Katherina hernach / der herr hett ir verhaissen er wölt es thun.

**E** Das hat Thomas auch von ir geschriben / das die müter gots ains mals zū ir kōmen wār / vnd het sy geseüget mitt der milch ires aigen prüstlins / mitt dem sy geseüget hett den künig der Engel / do empfieng sy vnsägliche süßigkeit. So het sy oft grossen trost von vil hailigen / die ir emsiglichen erscheinen / von sant Johannes dem ewangelisten von sant Dominico / von sant Thomas de Aquino / vnd ir erschin gar oft vnd dick die hailig junckfraw sanct Agnes de monte Pollicano / der legend sy selber geschriben hat / do sy .xxv. jar alt was / von der thet ir der herr kund / sy sol en geleichelton in dem hymelreich nemen mit ainander Katherina vnd Agnes.

## Von sanct Paulus

dem hailigen Apostel / den sy  
sunderlich lieb het

**D** En wredigen Apostel sant Pauls hett Katherina gar lieb. vnd on besunder gnad mocht sy in nit nennen / das bewis ir anlütz mercklich / vnd darumb geschach es aines mals an seinem tag / als er bekōret ward / das sy sich het gericht in ain solichs Contemplieren / das ir gaisst also auffgezogen ward übersich / das sy drey tag



was vnd drey nacht on all leiblich fin / vnd rüret ain ader nit / also das sy meinten sy wār tod / oder sy wölt sterben / Aber etlich sprachē / sy wār villeicht mitt sant Paulus entzucket worden bis in den driten hymmel / Vnd do ir gaisst nun herwider kam do hetten ir die grossen gesicht / die sy gesehen het / ir sinn auffgezogen das sy gieng als ain mensch das da truncken ist / oder schlafft / Do kam ir beichtiger Thomas mitt seinem gesellen / der hieß Donatus vō Florenz / vnd wolten in die wüst gon zū ainem hailigen ainsidel / do giengen sy vor in das hauf diser junckfrawen / vnd sahen wol das sy dan noch nit recht kōmen was zū iren kreffrigen synnen / do sprechen sy / wir wölln gon zū dem gūten menschen / wiltu mit vns / Do sprach sy on synn / das sey / Vnd do Katherina nun das gesprochen hett / do gewan sy soliche reu vnd laid vmb

## Katherina

die sünnde/das sy darumb wainett  
drey tag vnd drey nacht on vnder-  
laf/vnd sprach/ O du aller vnend-  
lichste/vnd du aller böseste vnder  
allen frawen / der got vngemessen  
freüntschafft erzaiget hatt / hast du  
die warhait in dem himel gelernet/  
Ist das die leere die dich der hailig  
gaist geleert hat/ als demütiglich  
Wee das du auff erdtrich gon solt/  
vnd solt also missagen / du wistest  
wol dz du mit den brüder nüt gon  
woltest/vnd dannoch sprachest/  
das sey/ Du aller böseste / wie hast  
du dein beichtigern betrogen / vnd  
die vätter deiner seele / Das klagen  
vnd den jamer traib sy drey tag: das  
sy weder af noch tranck / Von dem  
glicht kund sy dem beichtiger nichts  
gesagen / als sy vor geton het / wan  
es ist gewesen über menschlich sin /  
das man in irdischer zungen nüt  
kan zü worten bringen. ¶ Zü ain  
anderen mal erschain ir aber sant  
Pauls / vnd leeret sy / sy solt on vn-  
derlaf beeten / des volgt sy im gern

## Wie sy sant Domi- nicū / vnd ander hailigen sach

**A** sant Dominicus abend  
sach sy in der kirchen vñ bee-  
tet / do zaigt ir got vil schön  
ding von sant Dominicus / vñ von  
seinen kinden / Von geschicht kam  
brüder Bartholomeus von Senis  
auch in die kirchen / der yetz unnd ist  
ain maister der hailigen geschafft /  
aber deselbē mals was er ir beicht  
uatter / so sy ires beichtigers brüder  
Thomas nit het / oder nit mocht ha-

## von Senis

ben / vnd trauwet im auch als irem  
beichtiger / Do er kam / gieng sy im  
entgegen / vnd sprach / Sy het wol  
etwas haimlichs mit im zü reden /  
Do sassen sy baide nider / do ward  
sy im grosse ding sagen / die sy von  
sant Dominico gesehen vnd gehö-  
ret het / vnd sprach / herz ich sich yetz  
vnd sant Dominicū als gänzlich /  
als ich eüch sich / vnd er ist mir ge-  
genwertiger dan ir / Darnach spra-  
che sy / ich sich den hymelischen vat-  
ter mit meinen augen / vñ sich / das  
sein aingeborner Sun auf gat auf  
seinem hertzen / vnd das er geklaide  
ist mit der angenömen menschait /  
Darnach sprach sy / ich sach das im  
gieng auf sein väterlichen hertzen  
der Zerwürdig Patriarch sant Do-  
minicus / der was vmbgebē mit ai-  
nem grossen liecht. Nembt war / do  
hort sy / daz d' himelisch vater sprach  
sich liebe rochter Katerina / die zwen  
sün hon ich geborn / den ainen hon  
ich natürlich geboren / den andern  
hon ich mir süßlich in grosser lieb  
zügewünst / Darvon nam Kather-  
ina gros wunder / das er disen hai-  
ligen geleichet seinem aingebornen  
sun. Do sprach er meer / mein Sun  
Jesus christus / der ist natürlichen  
vnd ewiglichen von mir geborn /  
vnd in der angenömen menschait  
ist er mit in allen dingen gehorsam  
gewesen bis in den tod / Also glei-  
cher weis (nach seinem vermügn)  
hat mein gewünster sun Domini-  
cus alles sein leben / von kindhait  
auff bis an seinen tod / gericht nach  
mein geboten / die hat er ainich mal  
nie übergangē / vnd sein magthum

leibs vnd der seel / hatt er behalten vnuermailiget / vnd die gnad die er in dem taußf empfangen hat gaistlich / die hat er auch vnuerwerckt behalten / Vnd recht als mein natürlicher sun Jesus chistus / der da ist ain ewigs wort meins munds / offentlichen in der welt geredt hat die ding die er reden solt / vnd hat mitt mir bewäret das er darumb kōmen was / das er die warhait bewären solt / Als er selb auch sprach vor Pilato / Also hat mein gewünster sun Dominicus die warhait offentlich geprediget in der welt / den kätzern als wol als den Christen / Das hat er nit allain gethon / er hat halt die andern auch dartzu bracht / Er hat es nit allain gethon bey seinem leben / er hat es auch nach seinem tod geton durch sein nachfolger. durch die prediget er yetzund / vnnnd wirt noch predigen / Vnd hat außgesendet sein brüder / als mein sun außgesandt hat sein junger / Vñ als mein natürlicher sun ist mein wort / also ist Dominicus ain würdiger verkünder / vñ ain trager meiner wort Darumb hab ich im vñ den seinen sunderlich geben die genad vñ gob das sy verstond die warhait meiner wort / vnd sich dauon nit schaiden / Vnd recht als mein natürlicher sun Jesus chistus alles sein leben / vnd alle seine werck / vnd sein ebenbild vnd all sein leer / gericht hat nach dem hail der seel / also hat mein gewünster sun Dominicus allen sein fleiß gelegt wie er die seelen erlöste von den stricken der irsal / vnd der vntugend / Vnd das was sein erste

mainung darumb er den orden anfieng / von dem grossen ernst den er hett zū den seelen / Darumb sag ich dir das Dominicus allen seinen fleiß darauff gelegt hat / vnd gleichet meinem sun etwa vil in seinen wercken / vnnnd darumb ist dir sein leichnam also gezaiget worden in der gleichnuf meines natürlichen suns. Do Katherina dise ding dem vorgenannten brüder Bartholomeo herwider sagt / do geschach es / das ir leiblicher brüder durch die kirch gieng / der hieß auch Bartholomeus / Do sahe nun Katherina ainen blick ob es ir brüder wär / vnd keret sich zūhand wider zū dem Priester / Secht / do brach sy zūhand auß mit vngemessem wainen vnd seüßzen vnd schwaig gleich still / vñ mocht ain wort nit gesprechen vor bitterm wainen. Do er nun lanng gebaitet hett / do batt er sy / das sy im die red wölt außlegen / vnd im fürbaß sagen. Do mocht sy im vor wintzen vnd vor wainen kain antwort geben / Vnd über ain lange weil do sprach sy / ach wee mir armen vnnnd vnsäligen / wer wirt rechen meine sünd / oder wer wirt büßen mein grofe sünd. Do sprach er / sich was ist die grofe sünd / hast du sy neulich geton. Do sprach sy / habe ir sein nit gesehen von mir vnsäligen frauen / Do mir got zaiget sein wunder do keret ich mich vmb / vnnnd sach / wer da sürgieng. Do sprach er / hast du doch nit ain stund vmbgesehen nur ist es nu ain augenblick gewest Do sprach sy / weft ir wie mich vnser frauw darumb gestraffet hat / ir

## Katherina von Senis

wainten mit mir / do mocht sy aber  
 nymmer gereden / vnd hüb von neu-  
 em wider an zü wainen / vnd beich-  
 tet ir sünd mitt wainenden augen /  
 vnd gieng haym in irs vaters hauß  
 in ir kammer / Do kam sant Pauls  
 aber zü ir / vnd strafft sy hertiglich  
 vmb das vmbsehen / das sy die hai-  
 ligen zeit het vnnützlich angeleget /  
 darumb strafft er sy als hertiglich  
 das sy zü irem beichtuater sprach / sy  
 wölt on allen zweifel lieber zü schä-  
 den werden vor allen menschn die  
 in diser welt wären / dann das sye  
 die schand noch ain mal wölt leid-  
 en die sy hert gelitten / Do sy sannt  
 Pauls straffet / Darnach sprach sy /  
 Nembt war / die weil er mich strafft  
 do sach ich ain weifs scheinendes  
 lämlin / het ich das nit gesehn mein  
 hertz wär mir verdorben vor rech-  
 ter scham / Gedenckt herr wie wer-  
 den wir erschrecken an dem jungst-  
 en tag / so vns chistus selber strafft  
 So ich von aines jengers straff so  
 gethone schand gelitten hab. ¶ Di-  
 se ding saget mir brüder Bartholo-  
 meus / der yetz mein mitwürcker ist /  
 auß seinem mund.

### Da ward katerina

von grosser liebe krank / vnd  
 der herr Jesus kam zü ir

**I**n sölt wissen das die grosse  
 gesicht / vnd die überflüssige  
 gnad gottes / das hertz diser  
 juncckfrauen also erfüllet het / das sy  
 vor rechter lieb siech ward / vnd der  
 siechtum nam als lang zü / bis sy zü  
 bedt kam / vnd nymmer gon mocht



vnd iren gesponsen Jesum nannte  
 sy oft / vñ sprach emsiglich / du aller  
 süßester / vñ allerliebster jüngling /  
 ain sun gottes / Vnd erwan sprach  
 sy darzū / vnd der juncckfraw Ma-  
 ria / In sollichem / vnd mit sollichen  
 gedencken ward sy vnderstützt mit  
 dem blümen der götlichen lieb / das  
 sy vngeschlaffen blaiß / vnd vngees-  
 sen / vnd vngetruncken / vnd ir ge-  
 mabel Jesus chistus erschien ir aber  
 nach seiner gewonhait . Do sprach  
 sy zü jm / du allerliebster herr / war-  
 umb lassestu mich also lang in dem  
 schnöden leib beleiben / darvon ich  
 geirret würd deiner süßen vmbfa-  
 hung / Du waist wol das ich nye-  
 mant lieb hab dann dich / vnd was  
 ich lieb hab / das hab ich lieb durch  
 deinen willen / Herr säre mich von  
 dem kercker meines leibs / von des  
 wegen ich beraubt müß sein der frö-  
 lichen niessung. Soliche wort sagt

sy emffigklich mitt wainenden augen / Des antwort ir der heri aines mals / vnnnd sprach / Du allerliebste tochter Katherina / do ich bey den leütten was do begert ich nit mein willen zü volbringen / ich hett nurgeren verbracht den willen meins vaters / Ich het groß begird lanng vor Ostern / das ich das Osterlamb lin solt essen mitt meinen jungern / Darnach was ich gedultig / vñ baitet bis an die zeit die der vatter dazü geordnet hett . Also solt du auch thun / wie wol das ist / daz du groß begirde darnach hast / das du dich gänglichhen mitt mir veraintest / so müß es doch sein / das du gedultigklich beitest bis an die zeit die ich dir geordnet hab. Do sprach sy / heri gefelt es dir dann nit / so ergang dein will / Aber ich bitt dich ainer beet / das du mich erhörest / das du mir alle die zeit die ich noch leben müß vñ sol / wöllest mittailen dein hailiges bitteres leiden / von dem ersten anfang bis in das letst / derworten / das ich mich mit dir doch müg verainen hie auf erden mit leiden / müg ich mich nit mit dir verainen im hymel mit freuden. Das nam der heri gütigklich an / vnd geweret sy übergnügsamlich / wañ von der zeit empfandt sy täglich an irem hertzen / vnd auch an irem leib / des götlichñ leidens. Vñ als sy mir sagt in haimlichait / so hett Christus kain leiden nye gehebt sy hab es entpfunden. Sy sprach / von dem als chüstus empfangen vnd geboren ward / so het er allzeit sein crüz gehebt in seinem gemüt / vñ der überflüssigen begird

die er het zü menschlichem hail. Jesus Christus der versöner zwischen got vnd dem menschchen / der was erfüllt mit genaden vnd mit weisheit / vnd mit lieb / an dem anfang do er neu empfangen ward / Aber doch wolt er sein nit erzaigen vor dem zymlichen alter / Darumb das chüstus got lieb het / vnd sein nächsten als sichselb / als er solt / do was es im ain grosse pein das got seiner Erberaubt was von der vngheorsam / vñ der mensch seiner freihait / das gieng im als nahendt / das er kaum erbaitet daz er mit seinem tod vnd mit seiner marter got sein Er widerbracht / vnd dem menschchen das hail / das was im nit ain klaine pein / das wissennt die wol die sein empfunden haben / darumb sprach er in dem jungsten abendessen zü seinen jungern. Desiderio desideravi. Mit begird hab ich begert dis Osterlamb mitt eüch zü essen / Das sprach er darumb / das er in zü leze wolt geben das gemäbel fingerlin des ewigen hails / Vnd mit grosser begird seines hertzen der zeit kaum erbaitet. Sy sprach auch von dem wort. Transfer hunc calicem. v. Vater ist es müglich so nym daz leiden von mir / Das er es darumb nit gesprochen het das er der marter gern überhebt wär gewesen / Er hett es darumb gesprochen / das die zeit seines leidens also nahendt was / das er im hulffe / das schier volbracht würd das hail der menschchen / darumb er alle die tag seines lebens so bitteres leiden an seinem hertzen getragen het. das er sein ab kam. Dar

# Katherina

# von Benis

umb sprach er zu Judas / das du tün wilt das thū bald. ¶ Do sprach ich zu ir / nun legen es die lerer gemainlich auß / Christus hab den tod geförcht als ain mensch. Do sprach sy Es ist wor / er hat aber die obberürten wort gesprochen fürderlich / wie ich gesagt hab / Vnd auch darumb das er allen krancken menschen wolt damit ain ebenbild geben / dz sy nit verzagen solten. Do sprach sy die werck vnser herren Jesu christi seind als Edel gewesen / der es anders andächtiglich mercken wolt / das ain yetlicher mensch wol darinnen fund das im nütz wär zu seiner ewigen seligkeit. Vnd darumb das wir krancken auch ainen trost hetten von seiner kranckheit / so hat er sich als kranck vnd forchtsam gestellt / Vnd also finden die starcken auch trost von seiner sterck / vñ das kund sunst nit zu gon dan mit seiner weisheit / Es ist besser man leg es in manigerlay weiß auß dan in ainerlay / der worten / dz es allen menschen nütz sey. Do ich das höret / do schwaig ich / vnd kund nichts darwider sprechen. Do Thomas ir vorderer beichtiger gestarb / fannd ich vier quattern in seinem gewalt / die het er von der juncckfrawen Katherina geschriben / daran stünnd die auslegung do sy ains mals entzuckt was. Do leernet sy / do Christus seinen blütigen schweiß schwitzt auff dem berg an seinem gebeet / das het er auch für die geton die kain frucht von seinem leiden enpfahen solten. Vnd daz geschach nach seiner menscheit auß barmhertzigkeit allain /

Aber darumb das er auch gerecht was / nach d gothait / vñ nit allain barmhertzig / do sprach er. dein will werd / vñ nit der mein / Vnd het er dz nit gesprochen / wär kain mensch verloren worden / wann es wär vñmüglich geweest das gott sein sun versaget vnd verzygen het. ¶ Sy sprach auch zu mir / kain mensch möcht als grof marter erleiden als der gottes sun erlitten hatt / wann die liebe die er zu vns het / vnd noch hat / die was grösser dann alles daz leiden das man im mocht angelegen / Wer möcht glauben das im die dornen giengē durch sein haupt vnd durch das bain bis in sein hirt das er es möcht erzeuget haben / het in sein liebe nit auffgehalten / Vnd das sein gebain alles zerrüttet was Als die geschicht spricht / Sy haben gezelet alle meine gebain. Vnd das was die maist sach / das er vns sein liebe erzaigen wolt mit seinem grofen leiden / vñnd darumb haben in die negel nit gehafft an das Creütz / es thet nur die grof liebe / So hatt in die sterck der menschen nit überwunden / es thet nur die liebe / wann do er nur ain wort sprach do vielen seine feind nider auff das erdtrich / ¶ Sy sprach auch / vnser her Christus het kain le den nye gehebt / sy het sein etwas empfunden an irem leib. Sy sprach / das gröst leiden dz christus am Creütz gelitten het / das wär das / do im sein hertzband zerbrochen ward / vñ zerlöset / Davon sprach sy / Do ir aller schmerz vergieng / den sy gehabt het von dem leidn Jesu christi / do wär ir derselb



nye vergangen ¶ Sy laid emfig-  
klichen grossen siechtumb von dem  
darmgicht / vnd grossen schmerzū  
in dem haupt / dannocht sprach sy /  
es wär der selb vil grösser / darumb  
das es dem hertzen als nahen wär  
Wan die selben geband seind von  
natur also geordnet das sy vmbge-  
ben seind mit dem hertzen / vnd mit  
der lungē / dauon müg es gar kaum  
zerstört werden / wenn es aber ge-  
schähe so müst der mensch sterben /  
Es wolt dann got der herr ain be-  
sunder zaichen thūn.

### Da starb Katerina vor grosser liebe.

**O** sy nu die marter vnser  
herrn Jesu chusti vil tag in  
irem hertzen geliten het / do  
ward an ir gemert die krafft irs lei-  
bes / vnd die götlich lieb / wan sy ai-  
genlichen empfunden het seins ley-  
dens / als vil müglich was / vnd da-  
von als vil sy seins leidens mer em-  
pfunden het. als vil mocht sy bas er-  
kennen sein grosse lieb die er zū ir het  
vñ zū allem menschliche geschlecht  
Vnd darumb ward ir lieb hynwi-  
der als groß / vñ als vngestüm / das  
sich ir hertz zerspalten müst / Wann  
so ain faß zū vol ist so bücht es / Vñ  
darumb (was soll ich meer sagen)  
also geschach diser junckfrauen / Ir  
hertz vnd ir seel was als voller göt-  
licher lieb / das es sich zerspielt von  
oben herab bis auff die nidersten /  
durch vnd durch / vnd darvon zer-  
brachen all ir leiblich adern / vñ das  
sy verschied nur vō übriger lieb / die  
sy zū got het / vñ von keiner andern

sach. Wunderst du dich darumb / so  
soltu wissen / das sy des gar vil zeu-  
gen het / die da gegenwertig warn  
¶ Ir sollent wissen / do dise Kate-  
rina wolt verschaidn / do lieffen ir  
gspilen auß / vñ brachten iren beicht-  
uater Thomas / das er nach gewon-  
lichen sitten solt ob ir lesen / vnd die  
seel got beuelhen / Der nam mit jm  
ain anderen brüder / hieß Thomas  
Antoni / die kamen dar / vnd vmb-  
stündē sy mit grossem laid. Do das  
innen ward brüder Bartholomeus  
do nam er mitt jm Brüder Johan-  
nem den Cöuersen / die vier kamen  
all dartzū / vnd ir nachbauren vnd  
vmbfassen / Dise vmbständen dise  
junckfrauen mit grossem laide /  
Nemptwar / do sy nun verschid / do  
geschache / das brüder Johannsen  
dem cöuers von wegen seins durch-  
schossen schmerzens ain ader zer-  
braß an seinem hertzen / von über-  
flüssigem wainen vnd seüßzen das  
er thet / dz jm das blüt knollenweiß  
durch seinen mund für / das wir all  
forchten er würd sterben / oder ain  
Ewigen siechtumb darnach han /  
oder er würd zū mal ersticken / Do  
was ye ain trübsal grösser dan die  
ander / vnd die darsfür heten / so sol-  
ten bewainen den tod diser junck-  
frauen / die müsten wainen auff  
den gāhen tod des andechtigen brü-  
ders. Do sprach brüder Thomas ir  
beichtiger / Ich main / dise junckfro  
sey als gewaltig vor gott / wenn ir  
nun legten ir todten hand über sein  
gebresten / er würd zūhand gesund /  
Do sy das theten. ward er vō stand  
an gesund / Das sahen alle die / die

## Katherina

zū irer grebnus kōmen waren / das jaget der selb Johannes allen den die es hören wolten / Vnnd wār es not er wōlt es behaben mit schwōren. ¶ Zū diser junckfrawen was kōmen ain grosse schar / ir freünnd vnd ir vnbjassen, baide mann vnd auch frawen / vnd ir gespiln / vnd ir tōchtern / zū Katherina von Senis / vnd Alleria / die noch lebet / do ward es mir gesagt das sy tod wār. Do kam ich dar / do was sy wider erstanden / do bat ich sy fleissiglich das sy mir die warhait sagen wōlt wie ir geschehen wār / Do brach sy auß mit vnsäglichem wainen vnd seuffzen / vnd mocht mit lang nit geantwurten / Darnach sprach sy / vater / habt ir nit ain mit leiden mit meiner s. l. / die was erlöset von dem kercker der vinstere / vnd do sach sy das götlich liecht / do müst sy zūhande wider in die vorige finstere / Ich bin es / die arm / der dise ding wider faren seind von der götlichen sūrsicht gkait / vnd das ich es mit meinen sünden wol verdienet hab. Do ich das hort / do was mir noch ernster darnach / das ich die wunderberlichen warhait gern recht het gewist / vnd sprach / Ich bit dich liebe mütter das du mir sagest / was dein sel gānzlich auß deinem leib gefarn. Do sprach sy / her / Ich het ain als grosse inhitze lieb vnd begird das ich gern bey dem wār gewesen den ich lieb han / vnnnd wār mein hertz stainin gewesen oder eisin es müst zerpalten sein worden / vnd waiff halt kain creatur die so starck ist die mein hertz bey als grosser lieb ganz

## von Benis

mōcht behabt haben. Secht / darüb sollen ir wissen on allen zweyfel / das sich zerspielt mein hertz lautterlich von oben herab / vnd das zaichen diser klüfft sicht man noch klärlichen in meinem hertzen / vnd darbey mag man wol merckē das mein seel gānzlich geschaiden was von dem leibe / vnd wenn ich hör reden von der materi / das ist mir ain vnsägliche pein / das ich gedenck / das ich von dem Edelsten gefallen bin auff das schmahest / das mag ich vnbeweisset vnd vnbeseuffzet nit hören. Do sprach ich / liebe mütter / nun hast du mir vil haimlichs ding gesagt / Ich bit dich / das du nit vor mir verhällest / vnd das du mir das grof wunder sagest nach ordnung wie es dir gangen sey. Do sprach sy / In den selben tagen het ich grosse gsicht gesehen leiblich vñ gaislich vnd got het mir als grof güt geton das ich als gar entzündet ward in seiner lieb / das ich vor rechter liebe siech ward / vnd zū bedt lag / do bat ich den herren on vnderlaf / das er mich entledigt von diesem tödtlichn leib / vnd das ich zūmal gannz mit im veraint würd / do das nit gesein mochte / do hatt ich in / das er mich doch mit seinem leiden zū im gleichete / vñ das kain leiden wār ich müst sein empfinden an meinem leib / Vnd do sagt sy mir von dem leidn vnfers herren / als vor geschriben ist. Do sprach sy / secht / do ich seins leydens als a genlichen empfannd in meinem leibe / do kunnd ich erst geschätzen / wie bitter sein leiden was gewesen / vnnnd wie grof sein liebe

gewesenn was / die in dartzu ge-  
bracht het / Davon ward mein lieb  
so seer gemeret / vnd het nit anders  
begert dann das ich tod wär. Was  
sol ich mer sagen. die groß lieb nam  
täglich also zu in meinem hertzen /  
das es mein flaischlich hertz nitt er-  
leiden mocht / vnd do was die liebe  
stercker dann der tod / vnd darvon  
zerspielt sich mein hertz / vnd ward  
mein sel ledig / laider nur ain klaine  
weil. Do sprach ich / wie lang ? Do  
sprach sy / mein seele wond sy wär  
eingangen in die Ewigkait / vnd  
darumb was sy vn bekümeret vmb  
dise welt / Aber die bey meinem tod  
waren / die sprachen / Es wär wol  
vier stund / wann vnserer nachbau-  
ren waren vil dar kummen / das sy  
mein mütter trösten wolten. Do  
sprach ich. Ich bit dich liebe mütter  
was sahest du die weil. Do sprach  
sy / vatter / ir solt wissen / das ich al-  
les das sach das in der künfftigen  
welt ist / Ich sach vnd bekant die  
glou der hailigen / vnd die pein der  
sünder / Ich künd es mit Worten nit  
auflegen / Aber doch will ich euch  
davon sagen als vil es möglich ist  
Ich sag euch sicherlich. das ich sach  
das wesen der hayligen gotthait /  
vnd darumb bin ich auch als vn-  
geren in dem kercker dis leibs. Vnd  
wenn mich nit auffhielt die lieb die  
ich zu got hon / vñ zu meinem näch-  
sten / durch den ich auch her gesen-  
det bin / ich verdurb vor bitterer trau-  
rigkait / Das ist doch mein gröster  
trost / das ich gott dester klarlicher  
dort sich / So ich hye etwas leide  
Von des selben wegen ist mir das

leiden nitt allain gering / es ist mir  
halt ain trost / als die mercken mü-  
gen die mit mir wandlen. Ich sach  
auch als grosse pein in dem segfeur  
der ich halt zu Worten nitt bringen  
kan / vnd westen die menschen nur  
die minnsten pein / sy sturben lieber  
zehen mal. Es sy das ainen tag lit-  
ten / Vnd sonderlich die ir. Es nicht  
ordenlich gehalten hetten / vnd nur  
irem lust nach seind gangen / die sel-  
ben leiden vngemesne pein. ¶ Do  
fragt ich sy. warumb sy grösser pein  
litten dann die da grösser sünd ge-  
thon hetten. Do sprach sy / darumb  
das sy nimmer ain gewissen vnd  
reuw haben über dise sünd / vnd für  
ain gemaine schlechte sünd haben /  
vnd öfter geschicht / Vnd wie klain  
ain sünd ist die man für sünd nicht  
schätzt / da muß man groß pein vn-  
leiden. Vnd do ich die ding (sprach  
sy) alle sach / do wond ich / ich solt  
ewiglich dabey bleiben. Do sprach  
mein gemahel Jesus cristus zu mei-  
ner seele / hast du wol gesehen wie  
grosser eern berauben sy sich selber  
die mich ertzürnen / vnd wie grosse  
pein müssen sy leiden / darumb solt  
wider gon zu dem leib / vnd solt in  
verkünden ir irsal / vnd den grossen  
schaden / vnd die grossen nodt / Es  
sollen noch vil menschen hailwer-  
tig vnd behalten werdñ durch dich  
Du wirst fürbaß kain soliche weiß  
haben als du bis her gehabt hast /  
du wirst nitt meer in der zell sitzen /  
du wirst gon in ander stöt / vñ das  
muß sein vnd geschehen durch das  
hail der seelen / ich will zu allen zeit  
ten mitt dir sein / vnd will dich hyn

## Katherina

laiten / vnd herwider belaiten / Du wirst füren gaistlich leere / vnd die Kere meines namens schaffen vor den klainen / vnd vor den grossen / vor Pfaffen vnd vor Layen / vnnnd vor den gaistlichen / Ich wil dir geben ainen munnnd / vnd auch weisheit / die niemandt widersprechen kan / Ich will dich bringgen für die bischoff / vnd für die richter der christenheit. vñ des christenlichen volck Vnd durch daz weiblich geschlecht will ich nach meiner gewonhait schennden die starcken vnd weysen mann. Do der herr also redete mit meiner seel / do ward sy innigklich betrübt das sy herwider solt kómen Vnd wie sy wider in den leib kam das wais ich nitt / Aber do ich empfand das ich wider lebendig worden was / do ward ich also seer betrübt / das ich drey tag vnd drey nacht eon vnder los wainen müst / vñ so ich nach daran gedencke so mag ich nitt gelassen ich müß wainen / Vatter des bedarff sich nyemandt verwandern / man solt sich billicher wundern das mein hertz nit anders zerspaltten wirt / das ich laider täglich beraubert müß sein der grossen Kere vnd wurdigkait die ich besessen hett / das ist mir laider theur worden / vnnnd das ist alles beschehen durch das hail meines nachtē. Do verbot ich brüder Reimund allen schwóstern vnd brüdern das sy es solten vndertrucken / vñ nichz darvon reden die weil sy lebt / Aber nun do sy volendet het den lauff dieser zeit / vnd gezucket ist in das hymmelreich / so dauchte es mich billich

## von Benis

das ich es öffnen solt / vnd nitt verbergen ain als groß wunnder / das gechehen ist von der gab der götlichen miltigkait.

## Von dem todt ires

vaters / vnd wie sy zú im kam do er an dem rodtbeth lag / vnd fraget in wie sein hertz vnd mainung zú got stünd / vnd do sy mercket das er willig was zú sterben / vnd sein fürsatz güt gegen got / wurd sy seer erfreut vnd bat got treulich für in.



**O** Allen zweyfel sollend it wissen / wolt ich alle wunnder schreiber die got der allmächtig mit der junckfrauen gethon hat nur bey meinen zeiten / ich müst vil Bücher darauf machen / aber durch der kúrte willen las ich es vnderwegen. Nembt war / it vater Jacob ward sieche / Do synum des innen ward / do ward sy seer be

trübet/vnnd got andächtiglich  
 antüssen vmb das hailites vatters  
 Do ward ir von got dem allmächtigen  
 geantwurt / ir vatter müßt ye  
 sterben/vnd im süget nit lenger zu  
 leben. Do machet sy sich auff vnnd  
 kam zu irem vatter / vnd do sy ver  
 stündaignlich wie sein hertz stünd  
 do brüeffet vnd mercket sy das er ge  
 ren starb/des dancket sy gott dem  
 herren mit andacht/vnnd bat got/  
 daz er nach seinem tod on alles mit  
 tel gen hymel für/vnd on alle pein  
 Do ward ir geantwurt von seiner  
 gerechtigkeit/das es nit geseyn mö  
 chte/das die seel geklaidt würd mit  
 dem scheyn der Ewigen glou/die  
 noch nit gar geleüteret wär/vnd  
 sprach/wie wol doch ist/das er ain  
 frummer Keman gewesen ist/vnd  
 vil güter ding gethon hat / vnd be  
 sunder die mir gefallen haben/dan  
 noch so haischet das mein gerech  
 tigkeit/das er die sünd büßen müß  
 die er in der irdischen zeit gethon  
 hat durch böß geworhait. Do spra  
 che sy/aller liebster herr vnd gema  
 hel meiner/wie mécht ich geiden  
 das der mensch der mich geboren  
 hat/vnd flaischlichen gezogen hat  
 Vnd mir vil treü bey seinem leben  
 gethon hat/das der bünnen solt in  
 sollichem flammenden feuer/Dar  
 umb bit ich dich durch all dein güte  
 vnd beschwör dich / das du die seel  
 auß irem leib nit kummen lassest /  
 weder in yener weis / noch in diser  
 weis/vntz sy aller dinng geleüteret  
 werd/das sy des segfeiuwers nit be  
 dürff. Vnd do sy got lang gebeeten  
 het/do geschah ain wunderbarlich

ding/wan gott was gehorsam der  
 begird dises menschen/vñ wiewol  
 das was / das er überfrancet was/  
 danocht toist sein seel nit auffarr  
 Do nun der hailig streit lanng hett  
 gewert / das der herr sein gerecht  
 kait ye haben wolt/vnd Katherina  
 genad begeret / Vnd nach vil rede  
 die sy thett/do sprach sy/ Herr mag  
 vns die genad nit widerfaren / du  
 wöllest dein gerechtigkeit auch üb  
 en/so bit ich doch dich / das du mir  
 wöllest auff legen alle die pein die  
 mein vatter leiden solt / so will ich  
 die williglichen für in tragen / die  
 weil ich leb. Do sprach der herr/dar  
 umb/das du deinn leib als gar auff  
 mich geleet hast / so will ich dein  
 gebet erhören/aber du wirst es büß  
 fen die weil du lebest. Do sprach sy  
 mit freuden / Du oberster herr/ich  
 will thun als du gesprochen hast /  
 Do lieff sy gen irem vatter / der da  
 was in angsten des todts / vnd sa  
 get im die güten mår die ir got het  
 kund gethon / Do ward er fro / vñ  
 dancket ir darumb / Also belait sy  
 bey im bis er verschiede / do sach sy  
 sein seel do sy auß seinem munn  
 schied / das sy für on alles mittel in  
 die ewig freud / Do ward sy erfüllte  
 mit vnßäglichen freuden/vñ ward  
 lachen/vnnd sprach/wolt gott das  
 ich wär da du bist / Allen menschn  
 erzaiert sy die fröwd des hertzen/  
 wann sy mocht sein nit verhalten/  
 Sy tröstet ir müter / vnd die ann  
 dern die da waineten / Al er sy thet  
 als ob es sy gar nichts angienge/  
 ¶ Nembt war/an derselben stund  
 do ir vatter verschied do gewan sy

## Katherina

den schmerzen des daringichts /  
der verlief sy nye zu kainer stund /  
bis an iren todt muß sy gepeyniget  
werden von dem selben schmerz  
Do fragt ich sy aines mals wen es  
ir geschehen war / do thet sy mir es  
kund / Den selben schmerzen hiefs  
sy zu aller zeit das süß leidenn / das  
thet sy nit on ursach / wann sy wist  
wol das ir lon auch dauon gemert  
würdt in dem ewigen leben. ¶ Sy  
sagt mir auch haimlich / das irs vat  
ters seel offtz zu ir war komen / vnd  
het ir gedancket / vnd het ir etwas  
kund gethon hymlicher ding / vnd  
het sy etwan gewarnt vor den bö  
sen gaisten / vnd sy offtz behüt vor  
bösem vngelück.

## Von ainem mann

der das bild verbrannt

**D**o man zalt von Christi ge  
burt M.ccc.lxx.jar / do was  
ain burger in der statt Se  
nenfis / der hieß Andreas / der was  
gar reich an zeitlichem güt / aber al  
ler göttlicher genaden was er ver  
tailet / Er hett weder göttliche lieb  
noch forcht / Sein zeit vertrib er  
mit spilen / vñ mit sündlichen din  
gen / vnd was ain vneerer gottes /  
vnd der hailigen. Do er nu vierzig  
jar alt ward / vnd in dem Monedt  
Decembri do ward er als siech / das  
die artz an im verzagten / Do kam  
ain Püester / vnd manet in das er  
reuw hett vmb sein sünd / vnd das  
sein dinng schickte / Dartzu kund er

## von Benis

in nit bringen / das was seiner wir  
tin vnd allen seinen freunden laid /  
Darumb sandten sy nach gaistlich  
en andächtigen leütten / das sy dar  
kämen / ob sy sein hertz möchten ver  
wandlen / Sy sagten vil von der  
göttlichen barmhertzigkait / vnd von  
der hellischen pein / vnd alles das  
sy ertrachten kunden / Das halff al  
les nicht / vnd er wolt nit beichten /  
Vnd zu Mettin zeit kam aber der  
püester / ob got noch sein hertz befo  
ret het / vnd redt im aber vil vor / es  
halff aber laider nitt / wann er ver  
herttet was in seiner boshait / Do  
brüder Thomas das innen ward /  
do lieff er bald zu dem haufs diser  
junctfrauen. Vnd do er dar kam do  
was sy entzuckt / das man nit mit ir  
gereden toist / Do mocht er auch nit  
lenger gewarten / vnd darumb en  
pfalch er es irer gespilenn / die hieß  
auch Katerina / das sy Katherinen  
sagen sölt von im / Er bät sy in göt  
licher lieb / vnd in der hailigen ge  
horsame / das sy got bäte für die ar  
men seel dises menschens / das sy ir  
barmhertziglich hulffen / der wor  
ten / das sy nit ewiglichen verloren  
würdt / vnd das sy ir kund thät wie  
den sachen war / Das gehieß sy im  
aigentlich / vnd thet es auch. Also  
was sy entzucket bis zu der fünfften  
stund der nacht in irem Contempli  
ren / Vnd do sy nun zu iren außern  
sinnen kam / do saget ir Katherina  
das ir der beichtiger bey der gehor  
sam geboten het / das sy die seel mit  
allem fleiß gott dem allmächtigen  
beuelhen solt. Zu hand ward sy ent  
zunt mit dem feür vñ lieb mit ganzē

mitleiden / vnd zühanndt gieng sy wider an ir gebeet / vnd rüffet gott an mit ganzer begird ives hertzen / vnd sprach / Herz ich bit dich / daz du nicht verderben lassst die seel meines nächsten / vnd meines brüders vnd meines landtmanns / den du mit deinem kostperlichen blüt erlöset hast. Do antwort ir der herz / vñ sprach / sein sünd seind vor mir auffgangen bis in den hymel / Er hatt mich nit allain verspott / vnd mein hailigen / Er hatt halt die Tafel da mein bild anstünd / vnd anderer lieben hailigen / in das feur geworffen Darumb soll er billich ewiglichen pünnen / vnd ist würdig des ewigñ todes. Do viel sy im zü füssen irem aller süßesten gemabel Jesu chusto vnd bat in mit wainenden augen / vñ sprach / du allerliebster herz / wolest du liebhaben vnser gerechtigkeit wer wurd dann behalten / Bist du darumb herab kōmen in der junckfrawen leib / vnd hast den tod vnd die bitteren marter gelitten / das du vnser sünd behalten wolest / oder daz du sy vertilgen wolest / Du sagest mir ymmerdar von den grossen sünden des verdorben menschen / Waist du nitt das du die selben sünd auff deinem götlichen rucken getragen hast / Du hast mich herz erwölt. daz ich fürdern sol das hail der seelen / Nun hon ich hye in diser zeit kain andre widerbungung dan das ich sich das mein nächster beköret werd / vnd vmb das selb leid ich gedulchtiglich / das ich dein nit mangeln muß. Vnd darumb tröstest du mich yetz nit / so waist ich arme nitt

was ich thun sol / Du allernädigster herz mein / vertreib mich nicht / vnd gib mir wider meinen brüder / den die hell will verschlinden von seinem verstainnten hertzen / Wie lang soll ich noch reden / nun hon ich es doch mit dir getriben seid der süßsten stund / vnd bin gestander mit wainenden augen bis zu der morgenröde / Als lang hert sy mit dem herren gedispulieret / vñnd er warff ir ymmerdar für sein sünd / die muß er von seiner gerechtigkeit büßen / Vnd sy hynwider ermanet in seiner barmhertzigkeit / vñnd ermanet in / das er ir gehaissen het / er wölte vil seelen durch sy behalten / Sy ermant in auch / daz er mensch was worden / vnd alles seines leydens. Do nun die morgenröde auffgieng / do sprach Christus zü seiner gemahlin / Nym war / du allerliebste tochter Katherina / ich will dich geweren / darumb das du mich als begirlichen gebeten hast / vnd will in yezund bekören / Vnd zühanndt an der stund erschein Christus seinem feind / vnd sprach / Sag an du allerliebster / warumb wilt du deiner sünd nit verzeihen / die du wider mich gethon hast / beicht gänglichẽ all dein sünde / wannn ich will dir frölichen vergeben all dein schuld / vnd was du ye wider mich gethon hast / Vnd zühand von den worten ward in sein hertz gewaichet / das er schray mit lautter stym / Senden bald auß nach ainem priester / wañ ich will beichten / ich sich Christum meinen behalter / vnd seligmacher der ermanet mich das ich beichte /

## Katherina von Benis

do sandten sy bald auß mit grossen fröwden nach dem beichtiger. Do beichtet er lauterlichñ all sein sünd mit grosser reü/ vñ schüß sein ding ordenlich/ vnd do starb er kurzliche mit grosser reü/ vnd mit grosser an dacht. O her: Jesu chüste das seind alles gewesen deine milte wercke/ wer het brüder Thomas die genad geben das er Katherinā bitten solt/ das sy got für in bāt: niemand anders dann du / Du hast es alls an bracht/ Wer hat Katerinen die kün hait geben/ das sy got zwingē solt: nyemand dan du / Du hast es alles zügetriben auß deine grossen barm hertzigkeit.

### Da wolt man zwen mann verbrennen



**B**ey den selben zeiten waren zwen mann/ die waren verdambt zü dem todt / vmb ir

grosse bosheit/ vnd vmb die gerechtigkeit des glaubens/ Des het man sy bald zü samen gebunden auff ainem wagen mit eysnin zangen/ mit grossen gewalte / das man sy verbrennen wolt/ do kund sy niemand darzü bringen das sy reü woltten haben über ir sünd / oder das sy yemand beichten woltten/ Sy begereten auch nicht das man für sy bät: Vnd do sy also gebrennet wurden mit feürin zanngen/ do schulten sy die götlichen Majestatt/ vnd seine hailigen/ Vnd also wurden sy von dem zergänglichen feür gezogen zü dem ewigen/ Do geschach es vō der fürsichtigkeit gottes / das man sy zoch für das hauf Alexia/ bey der was Katherina die nacht gewesen Vnd do man sy nun her zoch mitt ainem grossen geschray/ do sach Alexia an dem fenster wie grimmiglichñ die zwen an den wagen geschmidet waren. Do lieff sy bald zü Katherina/ vnd sprach/ O mütter/ wie jämmerlich zeücht man zwen man da hyn für/ die will man yetz undt tödten. Do gieng Katherina an das fenster/ vnd sach ain blick herauf/ Nembt war/ do sach sy ain grosse schar der bösen gaist bey ain yeglichen besunder/ die zündten ir ir hertz an mitt bösen worten/ meer dann die ächter außwendig theten Do ward sy beweget mitt grossen mitleiden von der zwifeltigen marter die sy hetten/ vnd lieff bald hyn vnd macht sich an iren gemahel Jesum chistum vnsern herren / vñ zwang in / daz er sy erhören woltte/ vñ bald kante den armen seelen



zū hilff/ vnnnd sprach. Ach du aller-  
genädigster herr Jesu chüste/ war-  
umb verjchmächst du dein creatur/  
die nach deiner gleichnuß seind ge-  
bildet / vnd mitt deinem kostbaren  
blüt erlöset seind / Also das sy bitter-  
lichen gemüet werden von den bö-  
sen gaisten/ vnd an dem leib grosse  
marter leiden. Herr/ nu hast du den  
schacher an dem creütz als klärliche  
erleücht / do die zwölffspoten zweif-  
felten. do veriach vnd bekant dich  
der Schacher / das hast du darumb  
gethon / das er vnd all gleichen de-  
ster mer hoffnung zū dir heten. Ich  
bitt dich durch all dein schmach vñ  
schand / die du durch vnsern willen  
gelitten hast / das du iren seelen zū  
hilff kömest. Nempt war / do ward  
sy erhöret von dem barmhertzigem  
got / vnd die gnad verlich er ir / das  
sy mitt in gieng in dem gaist bis zū  
der stat thor / vnnnd stercket ir hertz/  
vnd strit wider die bösen gaist / Do  
sy das sahen / do schryen die bösen  
gaist sy an. vnd sprachen / bist du nit  
vnbekümert / so wöllen wir machñ  
das dich ir gaist erwürgen / vnd pei-  
nigen müssen / vñ wir wöllen dich  
besitzen das du behafft wirst. Do  
sprach sy / was got will das wil ich  
auch / aber ich laß nicht ab. Do nun  
chistus sach das sein gmabel nicht  
geschicken kund / do erschain er sel-  
ber den armen menschen / vnnnd er-  
zaigt sich mit sein fließenden wun-  
den. Do sy kömen warn zū der stat  
thor / vnd manet sy / sy solten sich be-  
kören / so wölt er sy empfahen / Do  
wurden ire hertz zū hand bekört vñ  
seinem götlichen liecht / vnd batten

stättiglich vmb ainen priester / das  
sy beichteten ir sünd mit grosser reü  
vnd bekanten vnd verjehen offen-  
lich / sy hetten die marter / vnd hale  
noch meer / wol verdient / vnd lob-  
ten got ymmerzū / vnd rügten sich  
selber / vnd süren als frölich zū der  
marter als zū ainer grossen wirt-  
schafft / Vnd do sy die ächter wur-  
den priennen / do sprachen sy / Nun  
kumien wir zū dem ewigen leben /  
in die ewig fröwd / das sprachen sy  
mit ainem ganzen gedingen / Alle  
die dz horten die namen groß wun-  
der von wannen dise bekörung kö-  
men wär / vnd die peiniger selber  
wurden gewaicher gegen in / do sy  
die grossen andacht horten / vñ gieng  
gen fürbaßs dester genädiglicher  
mit in vmb / vnnnd nyemandt weßt  
das Katherina solichen ernst vmb  
sy gehabt het. Aber ain andächtiger  
puester was mit in außgangen / ob  
er sy bekörn möcht / der kam zū dem  
beichtiger der junckfrawen / vnd sa-  
get im aigentlichen dise ding alle /  
Do kam Thomas vnnnd wolt dise  
junckfrawen fragen / ob im also  
wär als im der puester gesagt het /  
Do was sy entzucket / Darnach fra-  
get er sy darvon / do sagt sy im alle  
ding nach ordnung. ¶ Vnd nach  
etlichen tagen do die zwen verpren-  
net wurden / do horten ir gespilen  
das Katherina sprach an irem ge-  
beet / Herr ich danck dir / das du sy  
erlöft hast von dem andern kercker  
Do nun brüder Thomas des innen  
ward / bat er sy / das sy im sagt was  
sy mit den worten gemaint het die  
ij hett gesprochenn / Do sprach sy /

## Katherina

## von Senis

die zwen böß schacher wurden gefürt in das fegfeüwr / do bät sy got / Also het sy got gefürt in das Paradeiß der freüwden. Gregorius vnd Augustinus schreibn / es sey ain größer zaichen so man ain sündler bekört dann das man ain todten erkücte / wer ain sinder bekört der macht die seel lebenndig. Ich hab vil zaichen mit meinen augen gesehen von ir / aber ich schätz das zaichen für das allergrößt zaichen.

### Von dem vngeraten Sun

**I**n der stat Senense was ain man / hieß Franciscus / vnd het ain wirtin die hieß Rabes / die gewan ain vngeraten sun / der hieß Jacobus / der was ain vnfridsamer / vnnnd ain vngöttlicher mensch / vn forcht weder got noch die menschen / vnd in seiner iugend hett er zway menschen ertödt / vnd was recht als ain pferd das kainen zaum hat / Also ward er ye ain tag bößer dann den anderen / vnd was als fraißlich das in alle menschen fürchten müsten / Der het ain schwöster die hieß Ignacia / die was ain raine juncckfraw / vnd was auch zū mal weltlich mit klaidern / vnd mit hofieren / vnnnd mit allen sachen in aller eittelkait / darumb was ir mütter gar laidig / vnd vmb die andern schwöster Francisca / die auch weltlich was / wann sy forcht sy müsten ir seelen verlieren / Do gieng sy zū der hailigen juncckfrawen Katherina / vnd klagt ir ir laid / vnd bat sy

mit fleiß / daz sy got für sy bätt / vnd das sy mit ir reden wölt / ob sy iren sun auch bekört möcht zū got. Das thet sy mit fleiß / vnd bat got für sy / vnd sagt ir von vnserm herin Jesu chusto / also daz sy sie bekört von der welt / vnd schnaid ir har ab / des sy sich oft gerümet het / vnnnd legt an das klaid der schwöster von sant Dominicus reüw / vnd vertzeret ir zeit fürbas mit grosser andacht / bis an iren todt / vnd mit hailigem gebeet / vnd mit göttlicher betrachtung / vnd fürt als ain hertes vnd als ain strenges leben / das ich sy ettwent selber straffet / vnd der volget auch nach ir andere schwöster Francisca die kam auch in den selben Orden / Do das der vorgenannt ir Brüder Jacobus erhört / do ward er toben vorzoren / vnd schwür / er wölt sein schwöster ziehen auß der stat. vnd wölt in abziehen ir gaisstlichs klaid vnd sy müsten mit im zū seiner herberg / vnd er wölt sy nach im ziehen / Do sprach sein junger brüder / Ich sag dir Jacobe / kümst du in die stat Senis du wirst auch bekört / vnnnd wirst dein sünd beichten. Do flücht er seinem brüder bitterlich / vn sprach **E** das er beichten wölt / ee wölt er die Münch vnd die priester all tödten. Do sprach das kinnd aber / Ich will dich es sehen lassen das es geschicht. Do ward er flüchen / vnnnd tröwet / vnd thet fraißlichen / es geschäch ye nit. Also giengen sy in die stat Senis / do gieng Jacobus in seins vatters hauf / vnnnd sprach zū seiner mütter Rabes mit vnfinniger tobhait / Ist das meine schwöster

ir gaisstlichs klaid nit abziehen / vnd  
 nit mit gond / so will ich sy selb lee-  
 ren / das ir alle betrübt werden / vñ  
 wil in es selber abreißen. Do sprach  
 die müter / Liebs kind bait nur noch  
 heüt den tag / Des morgens sendet  
 sy schnelligklich nach brüder Tho-  
 mas / der kam / vñ auch brüder Bar-  
 tholomeus kam mitt im / Do gieng  
 brüder Thomas zu Jacobo / vnd re-  
 det mit im / er solt sich bekörien. Das  
 gieng im alles nit ein / Aber Katherina  
 hatt die weil stätigklichen on  
 vnderlaf für in mit grossem ernst /  
 Ir het nyemand ichtz daruon gesa-  
 gett / aber sy wist es in dem gaisst /  
 Was soll ich mer sagen / got mocht  
 aber seinem gemahel nichts versagen  
 / vnd Jacobus ward bekört mit  
 ainer grossen reüw von den gena-  
 den gots / Also das er seinen schwö-  
 steren nit allain gündet das sy gott  
 dienten / er beichtet halt brüder Bar-  
 tholomeo all sein sünd / vnd auch  
 etlich sünd die er nye gebeichtet het /  
 Vñ in der kurzen zeit ward auf  
 ainem leo ain lämlin / Daruon er-  
 schrack Rabes sein müter / vñ wur-  
 den erfrowet / vnd alles hauf gefind  
 das lobt gott / vnd die zwen brüder  
 Thomas vñ Bartholomeus die  
 wurden erfrowet. Katherina was  
 allmitten entzuckt. vnd sach es alles  
 in irem Contemplieren / Vnd do sy  
 wider kam zu iren leiblichñ sinnen  
 Do sprach sy zu iren gespilen / Lobt  
 gott alle sampt / wann Jacobus ist  
 heüt an dem morgen er löst wordñ  
 von der ketten des bösen gaissts / vñ  
 hat dem brüder Bartholome gebe-  
 chtet all sein sünd. Nempt war / do

eilten die Brüder all dar / vnd wol-  
 ten Katherina das güt mār sagen /  
 Do hüb sy an / vnd sagt in mit gros-  
 sen freüden wie es ergangen wär /  
 Do sprach irer gespilen aine / Ka-  
 therina hat vns das alles vorgesa-  
 get. Do sprach Katherina / Lieben  
 vätter / wir sollen got dancken vnd  
 loben / der böß gaisst hett darfür / er  
 solt vns das schäflin zucken / So  
 hat ims der barmherzig got abge-  
 nummen / Er het darfür er solt Ig-  
 nacia also gewinnen / so hat er Ja-  
 cobum darzu verlorn. Die selb Ig-  
 nacia was lang siech / vnd das laid  
 sy mit vnaußäglicher gedulte / dar-  
 nach starb sy stölich. Francisca vol-  
 get irer schwöster nach in aller güt-  
 ter übung / vnd starb kurzlich nach  
 ir / vnd starb mit lachendem mund.  
 Ir brüder Mattheus gab die welt  
 auff / vñ ward ain andächtiger  
 gaisstlicher brüder. Aber Nicolauß  
 belaid bey dem Welichen leben / Er  
 ward senft vnd frölich / vnd hütet  
 sich vor sünden.

**Wie sy ainen gewal-**  
 tigen man in der stat leeret /  
 vnd in vnderricht.

**I**n man was in der selben  
 stat / der hieß Mannes / der  
 was welt weiß / vñ eersam  
 In der selben statt was ain grosser  
 widertail / vnd darüb trüg er grosse  
 feindschafft / Do laid er haimlichñ  
 iren neid vnd has / Aber sy hüteten  
 sich meer vor im dann vor den an-  
 dern / wañ sy wepsten sein listigkait.  
 Sysanden offte würdig leüt an in

# Katherina



das er sich versönnen ließ / so sprach er zū ain yegklichen / es lāg nit an jm / er enrüchet sich ob frid würde oder nit / Do kam ain hailiger brüder zū jm der was von Engelland der redet mit jm / vnd bat in das er gon wölt zū der hailigen junckfrawen. Do sprach er / ich wil zū ir gon vnd will sy hören / aber ich will ir nit volgen. Do kam er an das hauf der junckfrawen / do gieng sein bot hinein / vnd sprach / Mannes ist hie vnd wolt geren mit der junckfrawen reden / Do ward ich vnmassen fro / vnd lieff behendiglich herab / vnd sagt jm sy wāt nit im hauf / vñ bat in / das er ain klaine weil gedul tig wāt / vnd do fūrt ich in hyn auff in ir kamer / do er ain klaine weil gesaß do wāt er geren gangen / vnd sprach / ich hab brüder Gwiglino gehaissen / ich wöll her kōmen zū Katherina / Seid sy dann nit hye ist so

# von Benis

will ich gon / ich hab vil zū schicken / Vnd saget ir / ich sey hye gewesen / do ward ich ser bekümmert / vñ ward do selber mit jm redn vmb den frid / Do sprach er / her / ir seind ain gaistlicher brüder / so hon ich gehört Katherina sey ain hailige junckfraw / darumb will ich nit liegen / vñ will euch die warhait sagen / ich bin der der den frid irret / vnd wölt ich allain / so wāt es schlecht / Aber ich thūn jm nit anders / das wölt ich vor allen menschen nit reden / vnd dauon lassent euch vngemuet / vnd saget darnach Katerinen alles das er darvor gesaget het / Do ward in Katerina fast straffen / vñ macht es in gar hert / das er nit ab wolt lassen. Do das alles nit half / do ward sy got anruffen in irem hertzen / vñ dieweil hielt ich in auff mit red / vñ kurzlich sprach er / nun hyn ich will gon / vnd wil nit thūn als ain pauer / Ich hab vier krieg vnder handen / thāt mitt dem ainen was ir wölt / Also stünd er auff / vnd wolt hyn gon / do sprach er / O her / mein got was greffer genad empfünd ich vō dem wort / das ich ainen krieg hab abgelassen / Do wāt er geren hyn gangen / vñnd mocht nit hyn gon / Do sprach er / her / was zeucht mich herwider / oder wer hebt mich / ich kan niendert kōmen / wer zwinget mich / vnd darüb kan ich euch nichts versagen / ich bin überwunden worden / ich mag euch nichts abschlahen / noch wider euch thūn. Nempt war / do brach er auß mit wainen / vnd knyet für Katherinam / vñnd sprach / Hailige junckfraw was du

mich haist das will ich thun. wann ich sich das mich der teüfel mit seinen ketten hatt gebunden / darumb bitt ich eüch / das ir mir radten wie mein seel auß iren hennden erlöset werden. Do sprach sy / lieber brüder erkennest du erst dein großs übel / ich hab dir gesagt von der barmhertzigkait vnnsers hailmachers / das hast du verschmächt / aber got hat mein red nitt verschmächt / darumb hab reüw vmb dein sünd / das nit groß trübsal kurzlich über dich ergang / Was sol ich lang darvon sagen / er hüb an vñ beichtet mir all sein sünd Vnd gehief der junckfrawen an ir hand / er wölt frid haben mitt gott vnd mit den menschen / vnd versönet sich mitt allen seinen feinnden / nach irem radt / Vnd kurzlich darnach ward er gefangen / vnnd ich höret man wölt in enthaupten / do ward ich seer betrübet / vnd sprach zü Katherinen / dieweil der den teüfeln gedienet hatt so ist es im wol gangen / aber so er sich nun zü gott gekert hat so ist hymel vnd erd wider in / Mütter ich fürcht so er noch ain neüer pflantz ist / er werd zümal verzagen / ich bitt dich das du gott für in bitest. Do sprach sy / warumb seind ir darumb betrübet / darvon ir eüch fröwen solten / wann got hatt im die ewigen gefäncknuß gewandelt in die zeitlich / der in vō der hell erlöset hat / der wirt in auch von diesem übel erlösen. Das geschach / Er ward kurzlich ledig von dem selbñ kercker / Do het er vor der statt wol vier meil brait / das selb veld gab er Katherinen / dauon bauwet sy ain

Closter mit ainer äbtissin / vnd thet vil töchtern darein / vnd das haist sant Maria ain künigin der engel / **E** Wölt ich beschreiben all die sich bekört vñ gebessert haben von irem gebeet / vnd wie sy die siechen vnnd die betrübten stercket vnd getröstet het / so müst ich vil bücher schreiben Aber wer möcht außgesagen wie vil sündler sy bekört het / die lang zeit verstaint vñ verhert waren in iren hertzen / mann vnd frawen / die sich bekörten / vñ in clöster kamen. Sich erlich / vnd wären all mein gelidert zungen / ich künd es nit außgesagen wie vil sy seelen gewüchert vnd gewonnen hat mitt irem gebeet / vnd mit irer leer. Ich sach es offte / vnnd nit ain mal / das etwo tausent menschen zü ir kamen auß dem gebirg / vnd auß den stöten / man vnd frawen / das sy sie sehen vnd hören wolten / vnd so sy dann zü ir kamen / so wurden sy als traurig das sy ir sünd beichteten mitt wainenden augen / **E** Vnd der papst Gregorius der. xj do er des innen ward / do sendet er vnns ainen Pöpstlichen brieß / mir vnd meinen zwayen gesellen / das wir als vil gewalts hetten als die Prelaten oder bischoff / die menschen zü Absoluieren / die sich bekörten von der leer / vnd von irem gebeet / Got waist es wol / der die warhait ist / das als groß beichten da was / das ich vnd mein gesellen offte vasten sassen bis zü vesper zeit / wann es kamen offte groß sündler für vns die nye gebeicht hetten / vnd gottes leichnam nye ordenlich vnnd recht empfangen hetten / Vnnd darvon

## Katherina

ward ich als offte müed das es on  
maß was / Aber Katherina was  
fro / vnd beetet die weil ymmer zü /  
vnd erzaiget halt solich freud auß /  
wendig / das vns vnser arbeit de-  
ster ringer ward / Vnd zü vesper ge-  
bot sy iren kinden das sy vns dien-  
en solten. ¶ Dise ding hab ich kurz-  
lich geschriben / vnd hon sein vil vn-  
der wegen gelassen / das eüch das  
lesen dester minder verdrieff.

## Von ainem schönen

zaichen / vnd wie ir / ir müetter starb  
on gebeichtet / vñ sy ir erwarb  
von got / das sy wider  
lebendig ward.

**B**ey vnsern zeiten ist gesche-  
hen ain wunderlich ding /  
wiewol das was / das Lappa  
pa ain schlechte vnschuldige frau  
was / doch het sy nit groß götlicher  
lieb. Nach dem als ir man Jacob  
gestarb / do ward sy gar siech / Do  
das Katerina innen ward / do hüß  
sy sich mit ganzem ernst an vnsern  
herin / das er irer müter zü hilf kaim  
Do ward ir geantwurt / es wär ir  
yezund nützer das sy starb dan hyn-  
nach. oder sy müß noch grösser trüb-  
säl leiden. Do gieng Katherina zü  
irer müetter / vnd prediget ir mit süß-  
sen worten / das sy iren willen gäb  
in den willen gotes / ob got über sy  
gebieten wird. Do mocht sy sich nit  
ergeben / wann sy het sich zü ser ein-  
gewöltzet mitt weltlichen dingen /  
vnd bat ir tochter / das sy got hätte  
das sy gesund wüerde / vnd das sy ir  
nit züspräch von dem tod. Do rüßte

## von Benis

sy gott an mit grossen ernst / das er  
nit gestattet das ir müetter stürb / bis  
sy iren willen gäb in den willen vn-  
sern herren. Do was ir der herz ge-  
her sam / also das sy bitterlich gepei-  
niget ward mit grossen siechtumb  
vnd mocht doch nit sterben. Vnd  
dieweil was sy ain mitlerin zwisch  
en got vnd irer müetter. Do sprach  
zü ir der herz / Sag deiner müetter /  
wöll sy yez nit sterbē so werd noch  
ain zeit kōmen das sy geren starbe /  
vnd nit gesterben möcht / Vnd das  
geschach / Ir gieng als mancher lay  
leiden zü / das sy offte sprach zü den /  
die bey ir waren / Got hat mein seel  
zwerchs gesetzt in meinen leib / das  
sy nit herauf mag / Mir seind vil  
kind tod / vnd töchter kind / vnd ich  
müß nun als lanng leben / bis mit  
die schmerzen all zü giengen. Nemt  
war / Lappa was als gar verbertet  
das sy nit beichten wolt / vnd was  
auch vnbesorget vmb ir seel. Vnd  
do got nun lanng durch das gebeet  
Katherinen auf gespert het den tod  
irer müetter / do starb sy vngebeich-  
tet / vnd on alle genad / Do Kathe-  
rina sach das ir müter tod was / do  
hüß sy ire augen auff zü gott / vnd  
sprach mit ainem ganzen gedingen  
Herz / seind das die gelübde die du  
mir gethon hast / Du hast gesproch  
en / kaim mensch in vnserm hauf  
sol verderben / So ist mein müetter  
heit vrschaiden on alle chistenli-  
che recht / Ich bit dich herz durch all  
dein genädigkeit / das du mir deine  
wort wor lassst werden / wann  
von der stat will ich nit kōmen bis  
du mir mein müter wider lebendig

gibst. Nempt war / da baitteten sy mit der grebnus. wan sy sahen wol das chistus Katherina nichts versagen mocht / Vnd do sy nun allso beetet mit grosser begird ires hertzū vñ mit wainenden augen / do kam ir ernst für got / vnd do erholt sy der barmhertzig got / vñ ir müter ward sich regen / vnd ir gaist kam herwider / vnd stünd auff / vnd thet was nodt was / vnd lebt. lxxxix. jar / aber doch mitt grossen leiden / vnd mitt grosser widerwertigkeit / das sy lieber tod wär / als ir der herz vor gesaght het / vnd auch enpoten bey irer tochter Katherina.

Wie sy Mattheū gewaltiglichen hies auffstou.



**A**Ins mals was ain grosser sterbent in der stat Senen se / das die leüt gähling sturben. Ains lag nur ain tag / vnd etlichs zwen / aber gemainlich lagen

sy nur drey tag / des selbñ mals was ich lesmaister in der selben stat / vñ darumb das vnser orden darun ge stiftet ist / das wir den seeln sollen nüz sein. do sagt ich mir für / vñ sölt ich darvon sterben / dannocht wölt ich helffen den seelen meines näch sten / darun so für ich tag vñ nacht zū den siechñ / vnd darumb kam ich auch emssigklich zū dem hauf das da haift Maria matere / des selben hauf pfleger was ain frumier eersamer man / der hies Mattheus / der was der junckfrawen gar hold / in des hauf gieng ich / als ich offt thet vnd wolt sy beschauwen wie es in gieng / Do sach ich / das den selben Mattheū brüder vnd pfaffen trü gen in sein kamer für halb tod / vñ d er hett alle sein gestalt verloren / do gieng ich hynzū / vnd fraget in / wo im wee wär / do was er also krank das er mir nit kund antwurten / Do erschrack ich gar seer / vnd fragt das hauf gefind was im gebräst. Sprachen sy / do er heüt erwachet in der sibendñ stund do ward im gar wee in dem leib / vñ zūhand ward er als krank / als ir wol secht. Do ward ich betrübt / vnd gieng in die kamer zū im / vnd do er ain weil getüet do rüfft er mir zū im / vnd beichtet sein sünd / vñ do ich im den ablas sprach Do fraget ich in wie im wære. Do sprach er / vnnden leid ich als grosse pein vñ weetagen / das mich dunckt er wöll mir mein hüfft vnnd mein hertz von ainander zerren / dartzū thät mir mein hertz allso wee / das mich dunckt es sey mir an vier endē zerspalten / Vñnd do ich im an die

## Katherina

deren graiff do gesiel er mir gar  
 ibel/do riedt ich / man solt die artz  
 sein pinnen lassen sehen/ Vnd die  
 artz sprachen / er het ain schelmige  
 suchte/er würd kaum genesen. Do  
 sprach ich/ Möcht man jm nitt ain  
 artzney darfür geben. Do sprachen  
 sy/das wöllen wir heint versuchen  
 Aber wir haben sein kain gedingen  
 Also schied ich von dannen/vnnd  
 rüfte got für in an/daz er den güten  
 bildner/vnnd den nützen man der  
 welt lenger lief. Do nu Katherina  
 innen ward / das Matheus siech  
 was / do was ir gar laid vmb in /  
 wan vmb sein frümkeit het sy in zu  
 mal lieb/do eilet sy bald zu jm/vnd  
 ce sy zu jm kam zu dem bedt/do rüft  
 sy.vnd sprach/stand auff Matheus  
 stand auff/es soll nit sein das ir an  
 dem bedt also rüen. An der selbigen  
 weil verlief in aller sein siechtumb.  
 vnd all sein krankheit/vn er stünd  
 auff / vnd was frisch vnd gesund/  
 Nembt war/do sach ich Katherina  
 gon auß dem hauf des siechen / do  
 was mir mein hertz voller laides/  
 vnd sprach mit ainer bitteren stym/  
 Mütter warumb laßt ir disen men-  
 schen yetzund sterben / der vns also  
 lieb vnd also nütz ist. Do sprach sy/  
 was sagt ir/bin ich dan got das ich  
 die leüt von dem tod erlösen sol. Do  
 sprach ich/sag die red wem du wöl-  
 lest/ich wais dein haimlichkeit wol  
 darumb bedarffstu der red gen mir  
 nit/ich wais wol was du gott von  
 hertzen bittest des wirst du gewert/  
 Do naigt sy ir haupt/vnd ward la-  
 chen/darnach sach sy auff mit ain  
 frölichen antlüz/vn sprach/gehabe

## von Benis

euch wol wan er stirbt yetz zu disem  
 mal nitt recht. Do vergaß ich alles  
 meins leiden. Also gieng sy ir straf  
 vnd ich gieng hinein vnd wolt den  
 siechen aber beschawen / do saß er  
 auff dem bedt mit grossen freuden/  
 vnd sagt herwider wie in Katheri-  
 na gesund het gemacht. Do sagt ich  
 jm / wie sy mir gehaissen het er solt  
 des siechtumbs nit sterben. Sprach  
 Matheus/wist ir nit wie es vnns  
 hie mit ergangen ist. Do sprach ich  
 Ich wais nitt / so hatt sy mir auch  
 nichts gesagt dauon. Also stünd er  
 frölich auff von dem bedt / vn sagt  
 mir herwider wie es jm gegangen  
 was / vn wie in Katherina gewal-  
 tiglich geboten het das er auffstünd  
 sy wolt nitt das er siech wär. Also  
 saß Matheus mit vns zu tisch/vnd  
 der vor/zarter gericht vnd speiß nit  
 mocht hinein bringē / der auß da mit  
 vns ops / vnd roch zibel / vnd was  
 wir hetten / Vnd der des morgens  
 nit gereden mocht/der lachet / vnd  
 was wol gemütt / Darab namen  
 wir all groß wunnder / vnd hetten  
 als groß fröwd darvon / das gott  
 durch sein gemabel als groß wun-  
 der worch. Es waren mit dan.rr.  
 menschen gegenwertig die es sahn  
 von pfaffen vnd von layen / vnnd  
 von andern püestern / die dar kom-  
 men waren das sy in klagen wol-  
 ten vmb seinen tod.

## Von ainem guten ainsidel.

**I**n stat Senense was ain  
 güter man / der hieß der hay-  
 lig ainsidel. oder brüder / der



ward auch siech an dem brechen /  
 der wonet auff wendig der stat in  
 seiner zell. Do das Katerina innen  
 ward / do hieß sy in bringen zu dem  
 hauf vnser frawen barmhertzigait.  
 Do kam sy zu jm mit iren gespilen /  
 vnd klaget in. vñ verricht / das man  
 jm geben solt. was jm nodt wäre /  
 Wir forchten all er würd sterben /  
 als übel mocht er / Aber sy raunett  
 jm haimlich vnd sprach / Fürcht dir  
 nitt / wann du stirbst nitt an disem  
 siechtag / Vnd allso lag er vil tag /  
 vnd mocht ye lenger ye wirsch / vñ  
 darnach mocht er als übel das ains  
 daucht / er verstünd nichts meer / vñ  
 jm war das gespräch gelegen / Dar  
 umb stünnden wir da mit grossen  
 laid / wan er was vns zu mal lieb /  
 Vnd do er nun an dem letzten end  
 lag / do hetten wir kein zweifel er  
 würd verschaiden als bald / vñ dar  
 umb wurden wir beraiten was zu  
 der grebnuß not was / Do kam Ka  
 therina zühant zu jm / vnd sprach /  
 Ich gebeüt dir in dem namen Jesu  
 christi das du nit sterbest / Zühant  
 ward der hailig man also gesterckt  
 das er in dem bedt auffsaß / vnd bat  
 das man jm zu essen gäb / Also lebet  
 er manig jar hynnach / vnd was ob  
 irem tod do sy starb. Darnach saget  
 vns der hailig brüder / was sy jm in  
 sein or geraunet het / vnd wie grosse  
 krafft er von ir empfangen het. Do  
 sprach er / vñ schätzt es als groß das  
 er gesund was worden / als ob sy in  
 vñ dem tod erkücht het. Wol. xxvj.  
 jar füret er das leben der Ainsidel /  
 vnd all menschen kannten in wol /  
 vñ eerten in vmb sein hailigs leben

## Da leeret Katerina

iren beichtuater Keimmund  
 er solt den menschen  
 trostlich sein.

**S**echt / do ich brüder Reyn-  
 mund nu lang in der gros-  
 sen stat vñ gelauffen was.  
 vnd kam siechen scheühet / vnd mir  
 ernster was vmb das hail der selen  
 dan vmb mein leib / das ich die men-  
 schen stercket vnd vnderweist die  
 verschaiden wolten / wan das thet  
 ich nahend allain in 8 ganzen stat.  
 Senense / Dartzu bracht mich Ka-  
 therina / darumb sandten die siech  
 stätiglich nach mir / allso das ich  
 kaum essen vñ schlaffen mocht /  
 Nempt war / do geschach es aines  
 nachts. do ich ain weil gerüwet het  
 do ward mir als wee / das ich mitt  
 der hand dar griff / vñ was mir der  
 brech hoch aufgeschossen / do ward  
 mir wee in dem haupt / als in allen  
 geschach die den weetagen hetten /  
 do baitet ich kaum bis es tag ward /  
 vnd sendet behendiglich nach der  
 junckfrawen / do was sy nit dabai-  
 men / vñ was ob ainem siechen /  
 Darnach sant ich aber auß do kam  
 sy / vnd knyeet nider für mein bedt /  
 das weret wol ain halbe stund / vñ  
 do dauchte mich / wie sich all mein  
 ingedärm bewegte / als den gescha-  
 he die am brechē starben / aber mich  
 daucht wie das selb etwas zu mein  
 leib zug / vnd dauon ward es lang  
 sam ye lenger ye pesser vmb mich /  
 Was soll ich mer sagen / ee das Ka-  
 therina wider zu iren sinnen kam /  
 do was ich gänzlich gesund wor-

## Katherina

den / dan̄ das ich etwas blöd was / do hief sy mir zū essen machen / Do af ich von iren hailigen heinden / darnach sprach sy / ich solt ain weil rüen / Dat thet ich / vnd do ich auffstünd do was ich als gesund vnn̄d als frisch / als ob ich nye siech wär gewesen / Do sprach sy / nun geend vnd arbeitent vmb das hail der see len / vnd danckent got / der eüch geholffen hat. Do danckt ich got / das er dem mägtlichen geslecht so grossen gewalt verlihen het. ¶ Ain solliches zaichen thet sy auch an mein̄ gesellen Bartholomeo / der yetz ain anrichter ist in der Prouinzen zū Rom: der het den siechtumb lenger gehabt dan̄ ich / Das würd zū lang solt man es alles besunder sagen / wann sy het die pestilentz mit allain vertriben in der statt Senense / sy hat es an anderen ennden auch gethan / ich hab dir das nur zū ainem ebenbild gesagt.

## Von beschloffen

Closterfrawen.

**E**S waren zū den selben zeiten man vnd frawen / vnd der waren vil / in der statt Pissana / die vil horten von irer hailigkeit / vnd begerten das sy Katherinam sehen vnd hören solten / vnd besonder beschloffen closterfrawen die horten vil von ir wunderlichen leer / vnd darüb sandten sy mit boten vnd bñef dar / vnd begerten das sy zū in kām / vnd schreiben ir / es wär iren seelen nüt̄z das sy zū in kām / vñ wär die eer gotes. Darumb nam sy

## von Benis

radt von iren haufgenossen. Etlich riedten irs / etlich widerriedten irs / Davon fraget sy den herren / do erschain er ir / vnd gebot ir / sy solt der begird seiner diener vñ dienerin genüg thun in der stat Pissana / vnn̄d sprach / Es ist mein̄ Ker / vnd wirfst vil frucht den selen da schaffen. als ich deiner seel vorgesagt hab ee sy zū dem leib kame. Also nam sy vñlaub von mir / vñ kam in die stat Pissana. Vñ das ich wol wefst / wer sich bekört von irem radt / vnd von irer le den hief sy zūhand lauterlich beichten / vnd darumb das vns der papst grossen gewalt verlihen hett über die / die von ir leer bekört wurden / do kam ich hynnach / vnd do wir zū Pisan kamen / do waren wir an ainer herberg aines burgers / der hief Gerhardus / der het ains tags ain̄ jüngling mit im in sein hauf gefüret / der was bey. xx. jaren / der was als siech / das er in. xvij. monadten kain̄ gesunden tag nye gehabt hett / Vnd in halff Katherina ertzneyen vnd sein krafft vnd gestalt was int entgangen. Darumb bat sy Gerhardus das sy got für in bāt / Do fraget sy in wen̄ er gebeichtet het. Sprach er / er het in vil jaren nye gebeichtet / Do sprach sy / darumb hat dich gott billich gestrafft / darumb gang hyn vnd wirff auß dir die vnsauberkeit die dein seel vnd deinen leib verderbet hatt / Zūhand kam brüder Thomas / vnd dem beichtet er / Vnd do er wider zū ir kam / do leget sy im ir hand auff sein achseln / vnd sprach / Sun / nun gang in dem frid gotes Jesu chüsti / ich will nitt das du die

sucht lennger habest / Vnnd an der stund vergieng im der siechtumb aller / vnd darnach kam er wider zü ir / vnd dancket ir / vnd sagt vns offentlich / aller der siechtumb hett in nit meer berüret. Das zaichen kam überal in die statt Pisana von dem burger Gerharde / vnd von seinen hauffgenossen / vnd auch von den andern die gegenwertig waren gewesen. Vnnd darnach über vil jar begegnet mir der selb jüngling / der was do faist vnd schön / vnd saget da offentlichen / das in der siechtumb fürbaß nye meer berüret het.

## Von ainem grossen schönen zaichen.

**A**In schwöster von der Keü-  
sant Dominici die hieß Ge-  
mina / die was Katherinen  
besonderlich haimlich / die het ain  
siechtumb in der keelen / den hießen  
die artzt Sequana / des ersten flos  
ir ain flus von dem haupt in die ke-  
len / Da thet sy kain artzney dartzü /  
vnd dauon ward sich der flus in ir  
keelen also meren / das man forcht sy  
wölt ersticken / Do gieng sy zü der  
hailigen juncckfrawen / vnd sprach /  
Mütter mein / ich müß sterben / du  
helffest mir dann. Do sy sach das ir  
als wee was das sy den atem kaum  
gezichen mochte / das erbarmet sy  
gar seer / Do leget sy ir hand auff ir  
keelen / vnd thet ir da ain creütz dar-  
über / vnd an der stund ward sy ge-  
sunnd / Vnd do gieng Gemina zü  
irem beichtiger brüder Thomas vñ  
saget im wie sy Katherina gesund  
het gemacht.

## Da macht sy ain

tochter ledig von den  
bösen gaisten.



**D**ieser juncckfrawen waren  
nit allain die irdischen crea-  
tur gehorsam / ir warn halt  
gehorsam die hymelischen vnd die  
hellischen. Ain geleerter schreiber  
was in ainer stat. der hieß Michael  
den hab ich wol hundert mal gese-  
hen / der sagt mir das zaichen auß  
seinem mund. Do der schreiber nun  
alt ward / do macht er sich vnd sein  
haufffraw zü ainem closter / do wa-  
ren frawen inn / die besorget er mit  
zeitlichen dingen / vnd was in vor  
mit treuen. Sy heten zwü tochteren  
die ain hieß Alleria / die ander hieß  
Laurencia / Vnd über etwan vil jar  
do Laurencia was. xvij. jar alt / do  
ward sy besessen mitt dem bösen  
gaist / vnd der müet sy emsiglichen

## Katherina

als bitterlich / daz das gantz closter darvon leiden het / Secht da wolten die frawen der tochter nitt lenger bey in leiden / vñ zwangen iren vatter Michael / das er sy auß dem closter müß nemen. Sy kunnd nitt latein / aber der böß gaist redt meisterlich durch sy mitt irem munn / vnd kund schwär frag verantwurtten / vnd haimlich sünd saget sy in latein / Darumb waren ir freünd all betrübt. vnd versüchten allerlay darmit sy ir helffen möchten / vñ besonder hetten sy ainen gedingen an den hailgen Ambrosium den prediger / der hett wol hundert jar zai-chen gethon / wenn man sein Cap-pen / oder seinen schappern auff ain behaffren menschen leget / so floch der böß gaist / Aber an der junckfrowen halff kain ding / Darnach sendeten sy zü Katherinen / daz sy diser tochter wölt zü hilff kommen. Do sprach sy / ir dürfft sy nitt zü mir füren / wann ich würd täglich von dem bösen gaist selb gepeiniget / vñ verbarg sich / das man sy nitt finden künd. Do giengn der tochter fründ zü brüder Thomas / vnd klagten im ir laid / Do nam er Laurenciã vnd füret sy in die kamer da Katherina gwonlich inn beetet / vnd sprach zü irer gespilen / wenn Katherina kum / so sprich / ich hab ir bey der gehorsame gebotten / das sy die Tochter heint hynnen laß / bis morgen. Kurtzlichen do kam Katherina vnd sand Laurenciam / vnd do sy sie nur ansach / do sach sy wol das sy die was darumb man sy gebeeten hett / vnd vol böser gaist was / vnd sprach zü

## von Benis

irer gespilen / wer hatt die Tochter herein gefürt. Do sprach sy / der prediger hat dir bey der gehorsame geboten / das du sy heint hynnen laßest / Do knyet sy zühand nider / vnd beetet / vnd hieß Laurenciam auch beeten / Also sacht Katherina die ganzen nacht mit dem bösen gaist das sy nitt schlieff. Was sol ich meer sagen / ee der tag ye auffgieng do schiede der böß gaist von dannen / vnd ließ Laurenciam on allen schaden / Vnd an dem morgen het es Alleria ir gespil Brüder Thomas kund / do kam er dar / vñ nam ire freünd mit im / vnd do sy sahen daz sy was ledig worden / do danckten sy dem allmächtigen gott / vnd der junckfrawen Katherina / mit weinenden augen / vñ wolten Laurenciã haim gefürt haben / do weft Katherina wol was künstig was die sprach / lond sy noch hye etwan vil zeit bey vns / das ist ir güt / Also lieffen sy ir tochter / vñ schieden sich von dannen mitt grossen freunden. Do verbot sy ir. sy solt auß dem hauf nitt kōmen / vñ weiset sy freuntlichen wie sy sich halten solte. Dise ding geschahen in dem hauf Alleria irer gespilen / das stünd nitt ver vñ irem hauf / Do geschach es das Katherina in ir hauf wolt mit irer gespilen Alleria / vnd dauon lieffen sy Laurenciã allain in dem hauf mitt ainer dienerin den tag / vñ do es nun finster was. do rüfft Katherina Alleria. vnd sprach / eil bald vnd leg dein mantel an / vnd laß vns gon / Do sprach Alleria / es ist vnzymlich das die frauwen yetzundt über die

straf gangen. Do sprach Katherina / wir müssen gon / wann der hellisch wolff ist wider kōmen in vnser schäfflin / das wir kaum auß seinem gomen erledigett haben. Do sy nu dar kamen / do funden sy Laurenciam also rōbig / vnd ir anlütz het sy verwandelt / vnd was rodt / Do sprach Katherina / du hellischer tract / wie getarst du es gewogen daz du geest in die vnschuldig junckfrawen / Ich getraw vnserm herren Jesu chusto meinem gesponsen du werdest yetzund also vertriben / daz du nymermer tūrest herein kōmen / Vnd allso zoch sy Laurenciam an die statt do sy gewonlichen beetet / vnd kurzlich für der böß gaist von ir / Do gebot sy / man solt sy nider legen / vñ des morgens sandt sy nach iren freunden / vnd sprach / nun fürrent eüwer tochter hyn sicherlich / wann ir geschicht fürbaß kein laid mer. Do fürten sy sie wider in ir closter / vnd da belyb sy bis an iren tod / Vnd ir vatter Michael het fürbaß Katherinam als ainen rechten hayligen / Vnd das zeichn mocht sy on wainen nitt herwider sagen. Dar nach fragt ich Katerinen haimlich warumb man dem bösen gaist nitt mocht angesigen / weder mit hayltumb / oder mitt beschwören / noch mit andern sachen. Do sprach sy / da ist er zūmal ain herter böser geist gewesen / ich strit mit jm bis zū der vierden stund der nacht / vnd do gebot ich jm bey dem gewalt des hailmachers / das er außgieng / Do ich lang mit jm strait / do müßt er außgon / Do sprach er / nun dar / gang

ich auß so wil ich in dich. Do sprach ich / ich waif wol das du on gottes verhencnuss nichts vermagst / vnd darumb het er es allso geordnet / so wölt ich dirs vngerer weren / vnd ich will allzeit mitt seinem willen hellen / Vnd von der demütigkait wegen verlor er all sein krafft / vnd in ir keelen ward er sich außspären / vnd do sy ir ain creütz mit irer hand an ir keelen machet / do müßt er zū hand außfliehen.

### Da erlöset sy aber aine von dem bösen gaist.

**I**n edle fraw hieß Plantina / die saß auß ainer Burg die hieß Rotha / die het ain dienerin die ward behafft mit dem bösen gaist / vnd die frawen müctt er also ser / daz die gang burg leiden damit het / Do schickt Planina daz man sy fürret für die junckfrawen / wann sy mainet / so sy ir jamerkait sach / so würd es sy erbarmen / vnd würd ir zū hilff kōmen / also geschah es / Do sy aines tags solt gon in ain hauf / darinn was groß widerwertigkait vñ krieg / das solt sy versönen / Vñ do sy vnder wegen gieng do für man die behafften frawen für sy / Do keret sy sich zū der edlen frawen / vnd sprach / Frau der gewaltig got der müß eüch übersehen / was ist das / warumb habt ir mir dise frawen zūgefürt / hon ich nitt selber leiden genüg von dem bösen gaist / ir müßt mir die eüweren dartzū auch zū fürren. Vnd do keret sy sich zū der behafften frawen /

## Katherina

## von Benis

vnd sprach / Wee dir du vnseeliger / du bist auch schuldig an diesem vn-  
 frid / nun leg hin deinn kopff in des  
 hailigen brüders schofs / vnd wart  
 mein bis ich herwider kum / an der  
 stund viel die frau nider / vnd legt  
 ir haupt in des ainsidels schof / von  
 dem wir auch vor gesagett haben /  
 vnd der selb hat mir das zaichen ge-  
 sagt. Secht / do nun Katerina hyn  
 gieng / do müst sy stätiglich in ligen  
 in der schof / vnd ward bitterlich ge-  
 peinigt / vnd schray mit lauter stym  
 Warumb hebt ir mich / laßt mich  
 das bit ich eüch / wann ich wird hie  
 bitterlich gecreuziget / Do stunden  
 meer dann .xxx. menschen vmb sy /  
 die sprachen / wer hebt dich / warüb  
 geest du nit deinen weg / nun ist die  
 thür offen. Do sprach sy. da mag ich  
 nit fürbaß / wann ain verflüchte hatt  
 mich gebunden. Do sprachen sy /  
 wer ist yene. Do sprach er / es ist ye-  
 ne / yene ist es / Vnd wie oft man  
 in fraget / wer sy wär / so sprach er  
 nit anders / dann yene mein feindin  
 Das wir maineten er möcht ir nit  
 genennen. Do sprach der brüder / ist  
 sy dein grosser feind. Do sprach er /  
 Ja der aller grösser den ich in der  
 welte hab / Do er also greülichen  
 schray / do hetten sy in geren gestillt  
 vnd sprachen / schweig / Katherina  
 wirt yetz kumen. Do sprach er zü in /  
 Nain / sy kumpt nitt / sy ist aller erst  
 da gewesen. Do sprachen sy / was  
 thüt sy. Do sprach er / Sy thüt ain  
 ding nach irer gewonhait / das ist  
 mir zümal wider / Do hüß er aber  
 an vnd schray laut / Wassen / war-  
 umb wird ich hye also gepeinigett

vnd gehebt / Vnd dannocht lag er  
 also still / das er sein haupt niendert  
 reget. Do sprach er aber / yene ver-  
 flüchte kumbt. Do sprach das volck  
 wo ist sy yetz und: Do sprach er / sy ist  
 nit meer an der stat da sy vor was /  
 sy ist da / vnd zü yedem mal nennet  
 er die stat da sy was / Vnd über ain  
 Elaine weile do sprach er / sy kumpt  
 yetz und geend zü der thür auß / Do  
 sy nun kam / do ward er laut schrey-  
 en / Ach warumb behabt ir mich hie  
 Do sprach sy / stand auff du armer  
 vnd gang bald auß / vnd laß die cre-  
 atur vnser herren Jesu chusti vn-  
 gemüet / vnd trutz das du sy fürbaß  
 peinigest. Do ward er sich regen in  
 der kelen / vnd bárt sich fast auß / do  
 legt sy ir mäglich hand auff ir ke-  
 len / vnd macht das zaichen des hai-  
 ligen creuzs. do für er auß on allen  
 schaden / aber sy ward gar krank /  
 vnd begert das man ir zü essen gäb  
 Vnd darnach gieng sy selber haim  
 mit günnen sinnen. ¶ Der zaichen  
 hat sy als vil gethon das ich ir aller  
 nit geschreiben kan.

**Da straffer sy ainen**  
 weltlichen Ritter / der wolt  
 nit beichten.

**U**lleicht wär es eüch vnge-  
 laublich das ich eüch sagen  
 will / aber gott waist wol  
 das ich nitt vnwar sag. Katherina  
 het ainen gaist der weiffagung vol-  
 kommenlich / das ir nichts verbor-  
 borgen was. des feind all die innen  
 worden die mit ir gewonet haben /  
 oder die freundschaft / oder haim-



lichait zü ir gehabt haben. Wenn sy nit anheimisch bey vns mocht sein geschäfts halb / was vns dann begegnet grof / das was ir nit verholen / sy weft halt die haimlichen gedennck vnfers hertzen. Ich vergich halt vor aller Chriſtenhait / das sy mich oft ſtrafft vmb mein gedennck der ich mich ſchämpt / also zü ſagen Vnd ſo ich mich etwann wolt entſchuldiget haben / ſo ſprach ſy / wie mügt ir der gedennck also gelaugen / die ich klärlicher ſich dann ir ſelber. Vnd zü den gedancken gab ſy mir ain hailſamen radt / das iſt mir gar oft widerfaren. Vnd darumb ſag ich eüch. Ain namhafter vnd ain kecker Ritter was in der ſtatt Senenſe / der hieß Herz Nicolaus / der was Edel von geſchlechte. Do er nun alles ſein leben verzeret hett in frömbden landen mit krieggen vnd mit ſtreitten / do für er wider haim in ſein hauß / vnd wolt fürbaß wol

leben mit ſeinen burgern / vñ maint er wölt noch lanng leben. Er was ain weltlicher man / vnd wolt nit beichten / das was ſeinen freunden laid / vnd ſeiner frawen / vnd wurden jm faſt anligen das er beichten ſolt / Aber es gieng jm nit ein / vnd het nur ſeinn ſchimpff darauf. Zü den ſelben zeitten blüet die wirdig junckfraw Katherina in der ſtatt Senenſe mit groſſem wunder / vñ zaichen / an den herdten vnd verſtainten hertzen / wann ſy ſach wol wie eitel vñ üppig ain menſch was So ſy mit jm redet ſo ward er bekört / Vnd darumb ſo begeret ſy von jm das er zü ir kām vnd mit ir redet / Das wolt der frech Ritter nit thun vnd ſprach / das ich tauſent jar mit dem freülin redete was künd mich das gehelffen. Do gieng ſein fraw zü der junckfrawen / vnd klagt ir da ir laid / vnd bat ſy / das ſy got für ir bät. Do geſchach ain wunderlich ding / der zü ir nit gon wolt / zü dem gieng aber ſy / vnd aines nachts erſchain jm Katherina in dem ſchlaff vnd ſprach / Wilt du entrinnen der ewigen verdammuß ſo volg deiner frawen. Do er erwachet / ſprach er zü ſeiner frawen / warlichen fraw / die Katerina / von der ir mir geſagt haben / die iſt mir ſicherlich heint erſchinen in dem ſchlaff / Ich wölt ſy halt geren ſehen ob es die ſelb wär die ich heint geſegen hab. Do ward die güet fraw ſer fro / vnd gieng behendiglich zü der hailigen junckfrawen / das ſy jm ain zil ſetzte wen er zü ir kumen ſolt. Was ſol ich eüch mer ſagen / er kām vnd redet mit ir /

## Katherina

vnd zūhand ward sein hertz bekört /  
vñ gehieß ir / er wolt kurzlich beich-  
ten. Darnach gieng der ritter zū bü  
der Thomas vñnd beichttet all sein  
sünd. ¶ Darnach begegnet ich jm  
ains mals / do erkannt er mich wol  
Do sprach er / wa Katherina wär.  
Do sprach ich / ich wän sy sey in der  
Kirchen. Do sprach er / ich bitt eüch /  
das ir mir helfft / das ich zū ir kum /  
wän ich müß ain nörrigs wort mit  
ir reden. Das thet ich geren / vñnd  
gieng mit jm in die kirchñ / vñnd ruf-  
fet irer gespilen / vñnd sprach / das sy  
Katherinen solt sagen / der Ritter  
wolt geren zū ir. Do stünd sy behen-  
diglich auff / vñnd gieng freuntlich  
zū jm. Vñnd der ritter sprach gar eer-  
samlich zū ir / Fraw ich hab eüer ge-  
bot gehalten / Ich hab brüder Tho-  
mas gebeichttet / vñnd er hat mir ain  
büß geben die will ich volbrängen  
nach meiner mainung. Do sprach  
sy / ir habt wolgethan / vñnd warten  
das ir seyt fürbas ain Ritter vnser  
herren Jesu christi / als ir gewesen  
seind ain Ritter der welt / vñnd legt  
von eüch alle vngerechtigait. Sagt  
mir / habt ir jm allem recht gethon.  
Do sprach er / sicherlich / alles das  
ich gethon han das hab ich gesagt /  
Also nam er vrlaub von ir / vñnd do  
sprach sy zūhand zū ir gespilen / das  
sy in herwider hiesse kōmen. Do er  
kam / do sprach sy aber / gond in eü-  
wer gewissen / ob ir ichts vergessen  
habt. Do sprach er als vor. Do zoch  
sy in ain ort / vñnd raunet jm zū /  
ain haimliche sünd die het er geton  
in dem lanndt Epurle. Do das der  
Ritter hort / erschriack er gar ser / vñnd

## von Benis

vertiach / es wär war / aber er het ir  
gänzlich vergessen / Vñnd sandt zū  
hand nach dem beichtiger / vñnd beich-  
tet lauterlichen die selben sünd.  
¶ Aber des grossen zaichen mocht  
er nitt geschweigen / vñnd schray of-  
fenlich / vñnd sprach / als die frauw  
Samaritana / kumend her vñnd se-  
hend ain junckfrauw / die hatt mir  
mein sünd gesagt die ich in verren-  
landen gethon hab / Ist sy dann nit  
hailig / vñnd volkumen / ja sy on allen  
zweifel / vñnd sy hat mich ainer sünd  
ermanet / die kain mensch auff erde-  
rich waist dann ich / Also was er ir  
fürbas vnderthänig als die junger  
vnserm herren / Vñnd kurzlichñ dar-  
nach ward er siech / vñnd starb sällig  
klichen in dem namen Jesu christi.

## Von ainer Kloster

frawen ires orden.

**B**ey dem berg Pollicano da  
was ain frawenkloster / vn-  
ser Ordens / der beichtiger  
was ich wol vier jar gewesen. aber  
kain Brüder kloster hetten wir dar-  
bey / vñnd darumb wenn die Brüder  
dar kamen die mir haimlich waren  
Besonnder von den nachligenden  
Conuenten / so waren sy bey mir /  
Vñnd do für brüder Thomas aines  
mals auß seinem Conuent mit sei-  
nem gesellen Georgio / vñnd wär ge-  
ren zū mir kōmen / der worten / das  
wir ainen gaislichen trost mit ain-  
ander hetten. Do het brüder Tho-  
mas zway roß mit jm genommen /  
der worten / das er dester ee wider  
kam zū der junckfrawen / der beich-



tiger er was das selb jar. Do sy nu sechß meil geriten waren / do wolten sy ain weil rüwen in ungeuärllichen stöten / da waren mer dan zehen mann in ainem liecht hauf für das sy gefaren warn / haimlich rauber / die hetten erspechet was sy hyn wolten / Vnnd do schieden sy sich haimlich von iren gesellen / vñ machten sich frü auff die fart / vnd auf den weg / vnd verbargen sich / vnd do die brüder dar kamen / do fürn sy herfür / vñ kamen an sy mit schwertern vnd mit spiessen / vnd mit grosser fraißlichkeit / vnd triben sy gwaltiglichen schnell ab iren rossen / vñ zugen sy in ainm finstern wald mit grosser grymmigkeit / vnd beraubten sy etwann vil irer klaiden / Do wurden sy etwas fast mitainander rauner. Do warn sy in tods nöten vnd gedachten / sy legten an / daz sy sie tödten wölten / vñ wölten sy haimlich begraben. Vnnd do sy sie ye lenger ye verier fürten / do sahen sy wol das in aller menschen hilff entgangen was / Do weßt Thomas wol (ir beichtiger) daz sein tochter würdig vñ werd was vor got Darumb ward er sy anruffen / vnd sprach. O du allerliebste tochter Katherina / vnd du begirige gegen got Kum vñns zü hilff in disen gegenwertigen bitteren nöden. Vnd so bald er die wort ye in seinem hertzn gesprochen hett / do stünd ainer nahendt bey jm / von dem gedacht er / es wär jm empfolhen das er in tödten solt / der selb sprach / secht / warumb wölten wir die güten brüder ertöden / sy haben vñs nie kain laid

gethon / warlich es ist vñs ain grosse sünd / wir wölten sy gon lassen in dem namen vnser herin / es sind güte leüt / sy melden vñs nit / Do ließen sy all ab ainmütiglich / vnd gaben in alles das wider daz sy in genömen heten / ros / vnd ander ding on ain wenig gelts / das behielten sy / Do ritten sy zü mir / vñnd sagten mir wie es in ergangen was / Vnd do brüder Thomas wider haim came zü der juncckfrauen / do sagten sy im herwider / wie Katherina auf die selben stund bey irer gespilen gewesen wär / vnd an der stund (als sy mercken kunden / das Thomas ir hilff begeret hett in seinem hertzen / do sprach Katherina / Mein vatter rufft mir. ich waif wol das in grosser nott dartzü zwingt / do stünd sy zü hand auff / vnd gieng an ir gebeet.

Je wol das ist / daz all christenliche Reich bey vnsern zeitten in göttlichen sachen den Pápsten gehorsam waren / do geschach es doch zü den zeitten Do man zalt von christi geburt. M.ccc. lxxv. jar. bey den zeitten des Pápsts Gregouij des .xj. das nahenndt alle reich wider in waren / Vnd zü den selben zeitten was ich vñ Katherina in der stat Pisana / vnd in den selbē tagñ erhüb sich ain neüer krieg zwischen der stat Paris / vnd dem Römischen hof / Do was Katerina in ainem spital. daz stünd nit verri von vnserm Conuent zü Pisan / Do ich das vernam / do ward ich übermaß betrübt. Do sach ich die christenmenschen kain forcht habenn auff den Römischen stül / noch im kain eer er

## Katherina

bieten / vnd kaines banns achten /  
Dauon ward ich inwendig berürt  
mit hertzlich: m laid / darumb gieng  
ich mitt meinem gesellen Petro de  
Deletro / zü der juncfrawen in daz  
spital. vnd klagt ir den neuen jamer  
mit wainenden augen. Do klagt sy  
von hertzen mit mir die groß erger-  
nuß der Chriſtenhait / vnd die ver-  
damnuß irer seelen. Vnd do sy sach  
das ich als innigklich wainett / do  
sprach sy / Ir solt yetz nitt wainen /  
wann es ist noch nit wainens zeit /  
wann das ir yetzund secht das ist al-  
les honig vñ milch gegen dem das  
darnach gat. Vnd do ich das hort /  
do ließ ich mein wainen sein / vor re-  
chtem ernst / das ich das end geren  
gewißt het / darumb bat ich sy / vnd  
sprach / Sag an liebe müter mein /  
werden wir noch grösser jamer se-  
hen / Wie möcht es grösser gesein /  
dañ das chriſtenmenschen den Rö-  
mischen stül weder fürchten noch  
Leren / vnd nicht achten irs gebots  
noch ires banns / vnd seind als gar  
wider den Römischen stül / als ob  
sy nit chriſten seyen / Es möcht halt  
nitt grösser gesein / sy verleugneten  
dann den chriſtengelauen zūmal /  
Do sprach sy / Vater das thünd yetz  
und die Layen / aber ir werdt schier  
sehen / das es böser wirdt so es die  
pfaffhait thün wirdt. Do erschrack  
ich noch meer vnd sprach / Ach wee  
mir armen / wirt dañ die gaisstlich-  
hait auch streiten wider den Römi-  
schen stüle : Do sprach Katherina /  
das werdent ir sehen so der Papst  
nun sy straffen wirt vmb ir böß sit-  
ten / so werden sy ain ergerung auf

## von Benis

richten in der ganzen chriſtenhait /  
vnd dauon wirt die hailig chriſten-  
hait zerspaltten vñ betrübt / als von  
ainer schelmigen kätzerrey. Do er-  
schrack ich als seer das ich nahendt  
in ain vnkrasft was kōmen / vñnd  
sprach / Müter mein / werden dann  
neü kätzerreyen auffstōn. Do sprach  
sy / es wirt kain kätzerrey genannt / es  
wirt aber als ain kätzerrey / vñ wirt  
ain zertailung der ganzen chriſten-  
hait / vnd darumb beraiten eüch zū  
gedult / wañ ir werden es sehen mit  
eüweren augen. Do geschwig ich /  
wañ ich het dafür es solt alles zer-  
gon bey dem selben papst Gregorio  
¶ Vnd do ich der weissagung na-  
hendt vergessen hett / do hüb es sich  
erst an bey dem papst Urbano dem  
sechsten / do ergieng es alles sampt  
warlichen als sy es gesagt het / Do  
het ich geren meer gefragt do was  
sy nit bey mir.



## Da sandt der papst nach Katherinen

**A**ls sich nun der krieg anhub  
do sandt der papst Urbanus  
nach ir / vnnd ich kam auch  
zu ir / vnd ich ermanet sy der red die  
sy mir gesagt het in der stat Pisana  
Des gedacht sy wol / vnnd sprach /  
Aber das ich des mals sagt / es wär  
milch vnd honig / Also sag ich eüch  
nu vnd yetzund / das es noch ist ain  
kinndtspil / weder das / vnd es noch  
wirt / Vnd do nannt sy mir beson-  
der das land Sicilia / wie sich das  
setzen würde wider das Römische  
reich / Des nym ich hymel vnd erdt  
zu zeüg / das sy mir die ding vorhyn  
gesagt hat / Die künigin Johanna  
lebet dannocht. Aber wie vil trüb-  
sal ir vnd allem irem reich / vnd irn  
nachkömen / begegnet / vnd wie vil  
schloß zerstöret werden / das waist  
die Römisch stat nitt recht / Darbey  
merckt man wol. dz kain groß merk-  
lich ding vor ir verborgen was / vn-  
der worten / das du nit sprechest als  
der König Achab sprach von dem  
weissagen Michea / Er weissagete  
vns nimmer kain güts. er sagt vns all  
zeit nur böß. Vnd darüb wil ich dir  
das güte auch sagen. Vnd do sy mir  
die ding alle gesagt het. do fragt ich  
sy aber / vnnd sprach / ich bit dich du  
allerliebste müter / wie ergat es dar-  
nach in der hailigen Christenhait.  
Do sprach sy / mit trübsal vnnd mit  
angsten wirt got leüttern sein chri-  
stenhait / vnnd darnach wirt er er-  
lücken den gaisst seiner erwöltenn /

Secht / darnach wirt got sein chri-  
stenhait widerbungen / vnd erneü-  
ern mit hailigen hirten / vnd wenn  
ich nur daran gedencck / so freüt sich  
mein gaisst in got / Vnd als ich eüch  
offt gesagt hab / die gemabel christi  
die yetzund vngestalt ist / vnd jäme-  
rig / die wirt den wider schön wer-  
den / vnd wolgestalt / vnd gezieret  
mit hochgültigen klainaten der tu-  
gend / vnd so wirt sich alles glaudi-  
ges volck freuen / das es gezieret ist  
mitt als hailigen hirten / vnnd das  
vnglaubig volck wirt züziehen / vn-  
zügezogen werden von dem güten  
geschmack / vnd wirt wider köm zu  
dem christenlichen schaffstal / vnd  
werden sich bekören zu dem waren  
hirten / vnd zu dem bischoff irer seel  
Vnd dauon sölt ir got dancken / der  
nach disem grossen vngewiter gar  
ain lauters güts wetters geben wil  
Bey disen dingen hort ich wol / das  
Katherina ain ware weissagin ge-  
wesen ist / Aber ettlich gethüren ir  
weissagung gedürstiglich wider-  
sprechen / darumb das die vergan-  
gen seind / Vnd das sy geweissaget  
het / es solt schier ain mösart wer-  
den außgerüfft / Vnd do es bey iren  
zeiten nitt geschach / darumb ver-  
wurffen ettlich ir weissagung / Sy  
wolten nit verstön daz. das vor got  
ain kurze zeit ist / die vns dunckt hye  
lang / das ist on laugnen / Katerina  
het die mösart geren gesehen / vnd  
het vil arbeit darumb / vnd was die  
maist sache / darumb sy gen Rom  
kam zu dem papst Gregorio dem. xi.  
Vnd do sy mitt dem Papst daruon  
redt / do was ich gegenwertig / vnd

## Katherina

was ir Tulinätsch / wann der Papst verstand ir sprach nitt / do kund sy nit latein reden / Vnd do sy also bat do antwort ir der papst vnd sprach Es möcht nit gesein / vnnnd sprach / Wir müssen des ersten ain frid machen in der christenhait / darnach so ordnen wir ain mörfart / wann alle mensche die das gewer angefangē haben vnder den vnglaubigen / die giengen geren dauon mit iren wercken / vnd dienten got / wann ir seind wenig die als böß seind die got nitt dienen in gütten wercken / darzü sy gnad haben / vnd die mit der arbeit der mörfart ir sünd nit gern büßen. Wenn man den zünder erlöschet so erlischt das feür auch / Thät ir das / so kämen zway güt dauon / die christen wurden versönt / vnd die Heiden (die sunst verloren werden) bekehrt / daran sol sy nyemand fälschē ob ir weissagüg bald oder lang zergang / wann ich kund sy nit überkommen / weder haimlich noch offentlich / das sy mir noch kain zal nye genannte. Do Jesus christus zaichen thert / do sprach er / Sälig ist der mensch der von mir nit geergeret wirt. Haben sy sich geergeret von dem gottes sun / so ist es nitt vnbillich das sy sich von seiner dienerin auch ergeren / Es muß sein von aigner boßhait. das sy sich ergeren von dem wunder das got vō seiner militigkait thüt. Von dem sy gebesseret solten werden / dauon werden sy entrichtet vnd geirret / Die propheeten haben vil dinnngs geweissaget / es geschäch bald / das über hundert jar erst geschäch / darumb hießen sy

## von Benis

doch nitt falsch Propheeten. Isaias weissaget dem König Ezechias / er müst sterben / vnd das erzaiht auch all sein natur / vnnnd do erhört gott sein andächtigs gebeet. vnd gab im fünffzehen jar zū. Jonas weissaget / die statt Ninuie solt versincken / Do ließ got ab / darumb was er doch nicht falsch / wann das vitail das sy mit irem sündnen verdienet vnd verschuldet hetten / das ward verwandelt / von wegen irer reuē das inen gott das nachliese / Das wolt in d hailig gaist nit auflegen.

**E**S geschach aines mals / das wir aber kōmen war n für den Papst Gregorium den ailfften / do was ich tulinätsch zwischen ir / Do sprach Katerina / Mir ist laid vmb den Rōmischen hof / der solt billich sein als ain lustlich Paradeis der tugennnd / so ist er als ain hellischer schmaek der sünden / Do ich im das herwider saget in latein. Do sprach er / ist sy lanng hye gewesen. Do sprach ich / nain / nicht vil tag. Do sprach der Papst / wie kund sy als bald innen werden der weiß des Rōmischen hofs. Do ward sy iren leib vnd ire augen aufrichten / vnnnd sprach gewaltiglich mitt gewaltigen Worten / durch die Ker gottes des allmächtigen getat ich es wol reden vnd sprechen / das ich bößern geschmack der sünden in dem Rōmischen hoff geschmeckete hab / dann in meiner stat / in der ich geboren bin / den sy von iren sünden empfangen haben / vnd noch täglich empfaben. Do geschwaig der

Papst. Aber ich erschreck / vnd trachtet mit angst / wie ich es in latein solt hynwider sagen vor ainem als grossen herren / das wir mitt genaden von jm kainen.

**Wie die Florentzer**  
den Römischen stül beraubten /  
vnd vil Bistumb vnd Stöt  
vnder sich brachten.

**A**S geschache auch / do man zalt von Christi geburt Tausent / Dreihundert / vnd fünff vnd sibentzig jar / das die statt Florentz / die da allzeit gewesen was vnder andern stöten ain vngetreue tochter der Römischen kirchen / das der böß gaist zu den selben zeiten seinen famen darein säet mit mancherlay sachenn / das sy gar widerwertig wurden / Ob das wär von der hofart der Florentzer / oder ob es die Römischen amptleüt überschlagen hetten / das sy sich gesellen würden mit den feinden der Römischen kirchen / Vnd die all giengen darauff das sy zu mal geren zerstört hetten den zeitlichen gewalt des Papsts / Vnd darumb verdarbtten sy im in Wälschem land wol sibentzig Bistumb / vnd ain grosse zal der stöt / die vnder seiner herschafft waren / das dem Papst der selben stöt lüzgel beliben / oder kaine / Vnd darvon ward er gar vngemüt / vnd gebott in aller welt / allen seinn vnderthonen / das man sy solt fahen / vnd berauben alles irs güts. wa sy in dem lannd süren mit kauffmanschafft / Do das die Florentzer sahen / do

müßten sy von node trachten vmb ainem frid mit dem obersten bischof mit den personen die im gleich waren / oder gemain / Vnd do hetten sy wol vernummen / das Katherina werd was vor dem Papst Gregorio / vnd das er sy zu mal lieb hett vmb ir grosse hailigkeit. Secht darvon wurden sy zu radt / sy solten zu mir sendden / das ich den papst bat von Katerina wegen / das er durch iren willen ablies. Darnach brachten sy dartzu / das Katherina selb zu in kam gen Florentz / Do giengen die besten von der stat zu ir / vnd baten sy / das sy doch sy wölt versönnen mit dem obergosten Bischoff / Kurtzlich darnach do kame sy gen Auion / vnd sand mich da / Secht / do kam ich mit ir zu dem papst / vnd was sy redt in irer sprochen / das saget ich im in latein herwider / do ward ich gar ernstlich / vnd bat den papst mit vil worten / das er ab wölt lassen. Do nam der Papst dise redt tugendlich ein / vnd sprach zu ir / der worten / das du sehest das ich geren frid hett / so setz ich es in dein hand / vnd laßs dir allain empfolhen sein die Ker der Römischen kirchen. Do sandt der papst Katherina gen Florentz / das sy frid solt machen zwischen im vnd den burgern von Florentz / aber die burger die die Statt aufrichten die waren falsch / sy gaben dem volck für / sy hetten geren frid mitt der hailigen Römischen kirchen / vnd sy thätten dartzu was sy möchten / aber ir mainung was / Sy wölten kainen frid lassen werden bis das sy den Papst als arm

## Katherina

machten an zeitlichen dingen / das er sich an in nicht gerechen möcht / vnd dauon irren sy den frid wo sy kunden oder möchten / vñ darumb sprachñ sy zū der junckfrawen / wir bitten dich das du als wol thüest / vnd die müe von vnsern wegen habest / das du wider hyn gen Auion gangest / so wöllen wir vnser botten vnd rechtsprecher hynnach senden / den wöllen wir empfelhenn / das sy weder klains noch groß thüen dan daz du sy haist. Do kam Katherina zū dem Papst / aber die botten kamen nit. Do sprach der Papst Gelaub mir Katherina / sy haben dich betrogen / sy senden kainen botten her / werden sy aber senden / so werden sy es also tün. daz kain nutz daran leitt. Also kamen die botten gen Auion / do kam Katherina zū in / vnd sprach / Vnser hailiger vatter hat disen vnfrid gesetzet in mein hand / vnd darumb so mügt ir wol fride haben / ob ir selber wölt / So haben mir die Richter eüwer statt gehaissen sy wöllen botten zū mir senden / die sollen thün was ich sy haif. Do sprachenn sy / man hett in nichts empfolhen. Do verstünd Katherina. das es alles falsch was gewesen / vnd sy sprach / Der Papst wär ain rechter weissag / Aber darumb lief sy dannocht nit ab / sy raihet den Papst / das er thäte als ain vatter / vnd nit als ain richter / Do riedt sy dem Papst / er solt kommen gen Rom zū seinem aigen stül / darumb / das er wär ain Vicari vnser herren Jesu christi / als er auch thet / Do füren wir all wider in Italia /

## von Benis

vnd richten ettlich ding die der seel nütz waren in der statt Cristan / vñ über ettlich vil zeit / do sendet mich Katherina wider zū dem Papst / wann sy het etwas güts ertrachtet von dem frid. Also ward ich Prior zū Rom auff die selben zeit / das ich zū Katherina nit wider kund kommen / Aber ee ich zū Rome kam / do kam ain burger zū mir von Florenz der hieß Nicolaus / der was ain götlicher man / vñnd was mit rechten treüen mit der christenheit / vnd het groß gnad zū Katherina / dem sagt ich herwider die grossen falschheit die die Florentzer getriben hetten / Do sprach der tugendlich man zū mir / Vatter / ir solt wissen / das alles volck / vnd all frum leüt / in der stat / geren sähen das es frid würd dann nur ettlich böf leüt / die vnser statt richten / das wir lecht mit vnsern sünden verdient haben / das sy kainen frid wöllen werden lassen. Do sprach ich / möcht wir es nit vnderkumen. Do sprach er / man vnderkams wol / der sich des güttlich mit ernst darumb annam / Vñ das man die selben / die das haupt seind an dem krieg / vnd die offnen feind ains gemainen nutz vnd güts briefete vnd merckte / vñnd das man sy beraubt irs ampts / zū dem maisten wären ir kaum zwölff. Darnach gieng ich zū vnserm vatter dem Papst / vñnd sagt im die botschafft die mir Katherina empfolhen het / vnd sagt im auch / wie der Burger geredet het. Vnd nach ettlicher zeit do came ain bott zū mir an ainem Sonntag / vñnd er sprach zū mir /

Der Papst hett mir entbotten / ich solt mit den seinen essen / des was ich im gehorsam / vnnnd nach tisch gieng der Papst zü mir / vnd sprach Es ist geschriben / es werd kain frid es kün dann Katherina de Senis selber gen Florenz. Do sprach ich / hailiger vater / es sol Katherina nit allain gon / wir wollen all mitt ir gon. vnd wollen gehorsam sein bis in den tod. Do sprach er / nain / ich will nit daz du dar gangest / sy wurden dich schändlichen handeln / Aber darumb das sy ain frauw ist / so werden sy ir schonen / vnd thünd ir kain laid / der gib ich dartzü mein Bullen / die dartzü nodt seind / vnd bring du irs / vnd verman mich morgen daran / der worten das es desto er ee verricht werde. Das thet ich / Do mir der brieff warde / do sandt ich behendiglich zü der junckfrauen Vnd do ir der brieff nun ward do macht sy sich auff / vñ kam gen Florenz / da ward sy würdiglich empfangen von den frumen. vnd von den götlichen burgern / Das het Nicolaus zügericht mit in / vnd darüb ward sy von den sachen reden mitt etlichen frumen burgern / vñ sprach sy wären irer selen vn sicher in dem krieg / den sy heten mit dem hirten / vñ heten ir seel vn sauber gemacht / darvon so solten sy sich versönen so sy beldest möchten / mit dem Vicari Jesu christi / Darnach halff ir der selbig Nicolaus / das sy kam zü den amptleütten / die das haupt waren an dem krieg / zü den sprach sy / Die die den frid irreten (der doch wenig ist) den solt man billich ir ampt ne-

men / wañ sy haissen nit richter die den vnfrid zwischen dem vater vñ den kinnden machen / Aber sy seind zerstörer des gemainen gütes / der ganzen statt / sy bedörfften kain gewissen darun haben das sy die stat erloften von dem irsal / das als lützel burger iren / wañ es ist leiblich er vnnnd auch gaisstlicher schad / Ir habt grosse ding gethon wider euren vatter den Papst / die eüch nyemand ab mag nemen dan er / wañ ir habt alles euer vermügen dartzü gethon das ir die hailigen Kirchen beraubten alles ires gütes / vnd das ir das an eüch ziehen / Hetten ir das nur ainer person gethon ir müsten ir das widerlegen. Mit solicher red bracht sy dartzü die selben amptleüt vnnnd etlich götlich Burger / das sy frids begereten / Aber etlich sagten sich offenlich darwider / Vnd darumb beraubt man etlich ires ampts Vnd dauon ward angezündt ain zwifach feüt / wañ angst vnd nodt hüb sich an in der statt / den man ir ampt genömen hett die tobten ainhalb / so schryen etlich vñ neid / man solt etlich andern ir ampt auch nemen / Do wolten etlich ir widerwertigkeit rechen an etlichen iren feinden / vnd die selben warn schödllicher dan die anndern alle sampt / Darumb ward als ain grosser aufflauf vnd schändliche tobung / das es über all maß was. Ir warn och als vil die sy irer ampt beraubt hetten / das es Katherinen zoren thet / vnd sprach / sy solten es nit als vnbeschaidenlich angegriffen haben / ¶ Nemendt war / die da Richter

## Katherina

## von Genis

waren dieses kriegs die gesellten zu  
in die gewaffneten leüt / vnnnd das  
vnachtbar volck samlet sich zu in /  
zu ainer verderbnuß irer stat / Vnd  
die ain anfang waren gewesen die  
triben sy auß der statt / vnd zundten  
ir heüser an / Vnd als ich vernam /  
so schlügen sy etlich zu tod. In dem  
vngewitter kamen etlich menschen  
(die vnschuldig waren) in grosses  
leiden / vnd all die mit dem frid wa-  
ren / wurden bezwungen / das sy  
müsten in das ellend / der was Ka-  
therina aine / darumb das sy es ge-  
raten het von den amptleüten / Do  
ward sy vertriben von den bösen  
leüten / vnd von dem vngelernten  
volck / die schryen / wa ist Katherina  
wir wollen sy verbrennen / die aller  
böst fraw / Oder wir sollen sy auff  
die laitern stellen. Do das der wirt  
innen ward / da sy zu herberg was /  
do gab er ir vrlaub / vnd wolt nicht  
das man in sein hauf verbrannte  
durch iren willen. Do lachet sy / vñ  
ward mitt kainer vngedult nye be-  
wegt / vnd tröstet die iren / vnd dar-  
nach thet sy ains / vnd gieng in ain  
garten / da ward sy beetet / Do ka-  
men die diener des bösen gaists mit  
schwertern vnd mitt stecken / vnnnd  
schryen / wa ist die böst fraw / wa ist  
sy. Do gieng sy mit solchen freuden  
herfür / als ob man sy gefüret het zu  
ainer grossen wirtschafft / vnd be-  
raitet sich zu der marter / der sy lang  
begert het. Do kam ainer mit ainem  
blossen schwert / der thet fraißlicher  
dan die andern / vñ tobet / vñ schray  
Wo ist dise Katherina. Do gieng  
sy zu in mit ainem frölichñ antlüz

vnd knyet für in nider / vnd sprach /  
Ich bin es Katerina / alles das got  
über mich verhengt hat daz thü mit  
mir / Aber ich gebeüt dir bey dem ge-  
waltigen got / das du den kain laid  
thüest die mitt mir seind. Do sy die  
wort sprach / do ward er in sich sel-  
ber geschlagen / vnd verlor alle sein  
krafft / das er ain schlag nit gethün  
mocht / Vnd die er fleißlich gesücht  
het / der mocht er nichts gethün / vñ  
sprach zu ir / Gang nur dein straf /  
Vnd darumb das sy geren gemar-  
tert wär worden / do sprach sy hyn-  
wider / Ich stand dir gar eben hye /  
wann ich bin beraitt / das ich durch  
got vnd durch sein chrißtenhait den  
tod geren leiden will / des ich lang  
begert hab / Solich nun fliehen / so  
ich gesunnden han das ich gesücht  
hab / ich will mich lebendig opffern  
meinem gemahel / Bist du geordnet  
dartzü / das du mich tödten solt / so  
thü es frölich / ich will dir nit ent-  
weichen. Also für er vnd all sein ge-  
sellen von dannen. Do vmbgaben  
sy ir gaistlich sün vnd töchtern mit  
grossen freuden / das sy got erlöset  
het / Aber sy was betrübt von gan-  
zem hertzen / vnnnd sprach mit wai-  
nenden augen / Wee mit armen /  
ich het darsfür / got würd mirn heüt  
mein Ker / als er mir von seiner ge-  
naden bescheret hat die weissen lili-  
gen des magthümb / also wurd er  
mir heüt fügen die roten Rosen der  
marterer / So hab ich laider ver-  
schuldt mit mein sünden / das es nit  
geschehen ist / O wie sällig wär ich  
gewesen / wen das geschehen wär /  
das ich mein blütt vergossen hette



durch des willen/der daz sein auch durch meinen willen vergossen hat Do dise not also vergieng do roust sy noch niemandt in der stat beherbergen/Do sprachen ire kinnd/das sy wider haim für. Do sprach sy/dz getar ich nit thun/wan der herz hat mir enpfolhen/ich sol nit von dannen ziehen bis daz es frid werd zwischen dem vatter vnd den kinden/Do gieng sy vnd die iren an ain wüste stat / da die ainidel wonen/ Vnd von der götlichen fürsichtigkeit ward ir tobung gestillt/ wann sy beliben nit vngelübt / vnd wurden zertailt allenthalben / vnd kam Katerina wider in die stat Florenz vnd belib darin bis das papst Gregorius starb/do ward Urbanus der sechste erwolt/do ward es frid zwischen inen.



**Da machett sy ain**  
kind gesund das was groß geswollen/vnd als bald sy es an iren arm nam do ward es gesund.

**I**n der zeit do der papst Gregorius füre von Auion gen Rom / do waren zwen andächtig jüngling in vnser gesellschaft / der ain hieß Nerius / der gab die welt auff/vn ward ain ainidel. Der ander hieß Steffanus/der ward nach dem tod Katherine von irem gebeet ain Cartheüser/vn ward kurtzlich Prior in dem Conuent zu Mailand/da verrichtet er den orden mit fleiß vn mit andacht Vnd mit allen güten bilden/vnd

het ain güten leumbt vö allen menschen / Die zwen waren andächtig jüngling / vnd schuben der junckfrawen all ir buess. Do wir nu waren in der stat Janua/do ward Nerius siech / vnd ward als bitterlich gecreuziget/das wir all vngelübliches leiden mit im hetten / wann tag vnd nacht schray er von bitterer marter / die er laid in seinem eingedärm / vnd ain weil mocht er an ain stat nit bleiben / vnd für ye von ain bedt zu dem andn. Do klagten wir es 8 junckfrawen / Aber sy wolt vns kainn trost geben zu seiner gesundhait / vnd sprach / wir solten nach dem artzt sendē/Do bracht ich zwen artzt / den was er gehorsam nach allen irem willn/das half in nit Es ward ye lenger ye böser. Do kamē die artzt zu vns über den tisch vn sprachen / sy wärn gleich an im verzagt. sy möchten in nit gehelfen

## Katherina

Do stünd Steffanus auff vō dem  
rīsch / vnd vor rechtē ernst gieng  
er in das gadem / vnd viel Katheri-  
nen zū fūß / vñ bat sy mit wainen-  
den augen / vnd sprach / Ich bit dich  
daz du meinen brüder nit verderben  
lassest / den ich auff dem weg in gōt-  
licher lieb zū mir gesellet hab / das  
sein leichnam nit belig in den frōm-  
den lannden . Do was ir gar laid  
vmb in / vnd sprach / Ich will heint  
vmb in arbeiten gegen got nach al-  
lem meinem vermügen . Do gieng  
Steffanus zū dem siechen / vnd ge-  
hieß im besserung gegen gott / Des  
anderen tags gieng Katherina zū  
dem siechen / vñ sprach / Ich gebeüt  
dir bey dem gewalt des allmächtī-  
gen gots / das dein siechtumb nicht  
fürbaser ganng / Darnach gebot sy  
dem siechen das er gesund würde /  
vnd an der selben stund ward es  
weger vmb in / vñd kurtzlich dar-  
nach ward er als frisch als ob er nie  
krank wār gewesen / Aber der selb  
Steffanus hett als groß laid vmb  
in / vnd auch arbeit mit im gehabt /  
daz er auch ain starcke sucht gewan  
vnd müst sich nider legen / do stün-  
den wir all mit grossē laid ob im.  
wan er was vns allen zū mal lieb /  
Do theten wir es Katherina kund /  
Do was ir gar laid vmb in / wann  
seine freünd hetten ir in empfolhen  
getreülichen / wan er was ain erst-  
geborner sun / Vnd datumb gieng  
Katherina zū im in einprünstigem  
ernstires gaists / vnd fragt in / wie  
im wār / Do sagt man ir / er het ain  
grosse sucht . Do sprach sy / ich gebüt  
dir in der krafft der hailigen gehor-

## von Benis

same / das du die sucht nit lenger ha-  
best . Do geschach ain wunderbar-  
lich ding / die natur was gehorsam  
den mägtlichen worten / vñd er  
ward an der selben statt gesund on  
alle artzney / als ob es got selber ge-  
sprochē het / vnd die sucht berürt in  
nymermer . ¶ Zū den selben zeitten  
do Katerina was gefaren gen Flo-  
renz / von dem gebot des Paps  
Gregorij / vñd ir vngestümigkait  
fliehen müst / do was ain frauw in  
irer gesellschaft / die hieß Johana  
der was als wee an ainem bain daz  
sy niendert kōmen mocht / also was  
es ir auffgeschwollen / Dartzū ge-  
wan sy ain starcke sucht . Des ward  
Katherina gewar / vnd was ir laid  
vmb sy / wan sy het Johannā lieb /  
vnd ließ sy nit geren hynder ir / dar-  
umb rüfft sy got an / das er Johan-  
nam gesund wōlt machē . Do ward  
Johanna süßiglich entschlaffen /  
vnd in dem schlaff ward ir der fūß  
gesund / vnd ward auch erlōst von  
ir sucht . Vnd do sy erwachet / stünd  
sy schnelligklich auff / vñd machet  
sich auff den weg mitt Katherina /  
vnd mit ir gesellschaft / vnd gieng  
als frischlich als ob sy nie siech wār  
gewesen / Do das ir gesellschaft sa-  
he / erschracken sy all / vñ lobten got  
¶ Vnd do wir aines mals füren  
vō Auion in ain stat die haist Tho-  
lon / vnd do wir an ain herberg ka-  
men do gieng Katherina zūhand  
in das rüwgädemlin nach irer ge-  
wonhait / zūhand ward sein innen  
alles das in der stat was / das Ka-  
therina dar kōmen was / vñd das  
wir nyemandt gesaget hetten / das

# Das LI blat

betten villeicht die stain außgeschryen. Des ersten kamen die frauwen / vnd darnach die mañ / an das hauf vn̄ fragten wa die junckfraw wär / die von Rom kōmen wär / Do sagt in vnser wirt / sy wär da innen. Do begerten sy / das man doch nur die frauwen hynein lief / Do trüg ain fraw ain kind mit ir / das was seer auffgeschwollen / do giengen die frauwen zū Katherina vnd baten sy das sy das kind nur an iren arm nām. Das thet sy gar vngern / doch ward sy überwunden von irem glauben / vnd auch von irem grossen mitleiden / das sy es thet / vnd do sy das kind nur an iren arm genam / do giengen vngemessen großwind von seinem leib / also das es ye lenger ye klainer ward. vnd also ward es gānzlich gesunnd / Des selbigen mals was ich nit gegenwertig / aber der bischop in der stat sandt nach mir / vnd sagt mir wie sy das kind gesund hett gemacht / vnd das selb kind wär seins Vicariers / vnd darumb begert er das ich im hulff das er auch mit ir redete / Das thet ich / vnd halff im das sy zū im kam vnd mit im redet.

**I**n den zeitten do ich Katherinam des ersten erkannte / do was ain jüngling in der stat Senense. der was edel an dem geschlecht / er was aber vnedel an den sitten / der hieß Franciscus / dem entgiengen seine freünd in seinen jungen tagen / vnd darumb ward er als frech / das er viel in groß sünd / Do gab man im ain frauwen / das

half an im nit / er lief dannocht nit von seiner bösen gewonhait / Do het er ainen gesellen dem was laid vmb in / vn̄ bracht in dartzū / das er gieng in diser junckfrawen hauf / Vnnd ich sach in selber / das er offte mit vns auß vn̄ ein gieng / Die junckfraw hort er geren von gott reden / aber er bessert sich nit / vnd spilt hyn nach als vor mit wurffeln / vnd lebet vnennlich. Do bat Katherina emsiglich für in / vnnd aines tags sprach sy von einbrünstiger begirde iren hertzen / Du kumpst emsiglich zū mir / vnd fleügst denn wider / als ain vnfinniger vogel / zū allen vntugenden / darumb gang hyn vnnd fleüg wa du wöllest / wañ ich wird dir aines mals ain hand an die keelen legen mitt der hilff gottes / das du fürbas nit fliegen magst. Das wort mercket er vnd die andern mit fleiß / Aber dannocht lief er von seiner bösen gewonhait nit. Aber nach dem als Katerina gestarb / do starb sein hauswirtin auch / vnd seiner gesellen vil / die im ain irsal gewesen waren an dem hail seiner seele / do köret er in sich selber / vnnd gab die welt gānzlich auff / vn̄ mit grosser anndacht kam er in den Orden der Brüder vom ölberg / da hatt er andächtiglich verharret.

## Da prediget Katherina den Cartheüßern.

**B**artholomeus von Raven. der prior Cartheüßer ordens bey der Innsel die da ist genant Gorgoni / der richtet alle die

# Katherina

# von Genis



clöster auß die seines ordens waren in .xxx. meilen / der was ain weyser man / vnd ain götlicher / do er höret von den zaichen diser juncckfrawen do begeret er vil vnd offte / das Katherina zü jm kām / vnd seinen brüdern etwas saget / daruon sy gebessert würden / vñ bat mich auch das ich es an sy werbenwölt. Do erhört sy sein gebeet von dem gebot gotes vnd kām dar wol mit .xx. personen / baide mann vnd frawen / Vnd des nachts do wir dar kamen / do schicket er Katherinen vnd ir geferten nahend ain meil von dem closter / vnd des andern tags lüd er all sein brüder zü sammen / vnd hieß Katerinam zü jm kōmen / vnd begert innigklich von ir / das sy seinen brüdern etwas gūts wölt sagen. Do was sy lanng darwider / vnd sprach / sy wārn puester vnd diener gots / vñd wār zymlicher das sy etwas gūts sagten dan das sy es thāt. Do begerten sein die

herren all / der prior / vñnd sein sūn / mit grosser begird. Nempt war / do thet sy iren munnd auff / vnd redet was ir der hailig geist zü reden gab vnd berüret hübschlichen ains yegklichen ansechtüg / die der böß geist gewonlich den ainsideln eintregt / Vnd sagt in auch ordenlichen wie sy sich solten ausschliessen außs den selben strickn des bösen gaists / vnd wie sy leben solten das sy kāmen zü ainer volkommenen signus / Das sagt sy alles aigentlichen / das wir alle dauon wunder namen. vnd erschrecken. Darnach kōrt sich der Prior zü mir vnd sprach / Brüder Keymund du solt wissen / nach dem vnd ich alain all Brüder zü beicht höre nach dem siten vnser ordens / so hat Katherina als aigentlich geredet was yegklichem zugehört zü thūn vnd zü lassen / vnd hett sy ir aller beicht gehört / sy künd nit aigentlicher dauon geredet haben. Ich wais warlich wol / das sy auff mich selber geredet hat die ding die ich selber nit erkānt hab / vñnd die doch also seind. Sy hat den vil leidens geweissaget die wider den christenlichen papst waren / das in alles ergangen ist / Aber dauon das sy noch leben so will ich sein geschweigen / das ich sy erkücke zü ainer nachred.

**Da halffe ir Maria**  
den taig würcen / vnd machten  
güt prot mitainander.

**M**aria was ain junge wittib  
vnd die het als groß liebi zü  
Katherina / das sy on sy nit



beleiben mocht / Vnnd Katherina was emsiglich bey ir / der worten / das man sy deſter minnder finden künd / vnd deſter minnder gemüet wurd. Do geschach es aines mals das korn zerran in d̄ stat Senense / dauon litten sy groſſe pein vnd gebrechen / darnach funden sy in den grüben faul vnd schmeckends korn vnd das kauſſet das volck gemainlich / wañ sy nit anders hetten. Do es nun dem ſäet nahend was / kam güts koren auff den markt / Do gedacht Alexia / ſy wölt das vnſauber korn hynwerffen / vnd wölt des güten kauſſen. Do sprach Katherina / wa wilt du das hyn ſchütten das got wachsen hat laſſen das ſich die menschen dauon neren / wilt du es nit nützen ſo gib es armen leütten / Do sprach Alexia / Ich hab ain gewiſſen darumb. Do sprach Katherina / bring mir das mel her / vñ ain wasser. Do Alexia das brachte / do

kam Maria die hymel künigin vnd knat den taig mit iren keüſchen henden / vnd in ainer ſtund het sy in zūſamen gewollen / vnd den ſo nam es Katherina auß iren m̄glichen henden. vnd raicht es der dirn oder Alexia irer geſpilen / die leget denn den hyn / Aber kaine ſach vnſer ſrawen dan Katherina / Do ward als vil taigs auß dem klainen melb das vier mal als vil prots ward als dar auß ſolt ſein wordenn / das alle die erſchracken die es ſahen / vnd in ainer kurzen weil het sy es gemacht / Do das prot gebachē was / do was es als süß vnd als wolgeſchmack / das sy ſprachen (die es aſſen) ſy hetten nye beſſers prot geessen. Do das brüder Thomas innen ward / kam er dar. mit vil brüdern / vnd erſchracken von dem groſſen wunder das sy ſahen vnnd ſchmackten in diſem prot / Von dem prot aſſen die prediger vnd die armen leüt überflüſſiglichen / dannoch wolt das prot nie end nemen / es wüchs on vnderlaß in dem ſchrein / alſo das sy nahendt zwen monat daran heten. Vnd do ſoliche groſſe zaichen geſchahen in diſem prot do behielten ſy es für ain hailtumb. Vnd do. xx. jar vergiengē do zaigeten ſy es dannoch / Do ich die m̄r horte do was mir wee darnach / vnd machet mich aber zū ir / vnd ſraget ſy ernſtlich vnd haimlichen wie dem prot geſchehen w̄r / Do sprach ſy / mich beſtünd als ain groſſer ernſt / daz das nit verdurbe das vns got geben het. vñ auch das mit leiden der armen / darumb ſandt ich mit rechter begird meins hertzen

## Katherina

nach dem melb. Nemt war / do kam  
zū stund mein allersüffeste mütter  
Maria mit vil hailgen vnd engeln  
vnd gebott mir / das ich volbrächte  
daz ich angefangen het / vñ do was  
ir gnad vnd tugend also groß do sy  
meinen grossen ernst sach do trat sy  
selber hynzū / vñ graiff dar. mit iren  
hailigen vnd juncckfrülichen hen-  
den / vñ walcket den taig allensamit  
selb auß / vñ so sy ains zū aint kugel  
macht so gab sy mirs in mein hend  
so raicht ich es dann der diren oder  
meiner gespilen Alexia / vnd dauon  
ist es als süß worden / vnd hat also  
gewachsen. Do sprach ich / Mütter  
mein / so ist es nit zū wunderen das  
ich vnd die andern solche süffigkeit  
von disem prot empfangen haben /  
vñ es die gebenedeiten hend ge-  
macht der hymel künigin / die da ge-  
tragen hat in irem leib das prot das  
von hymel herab gegangen ist / vñ  
daz das leben geit allen gelaubigen  
christlichen menschen.

**I**n ir geschwey / vñnd Jo-  
hāna de Capite / die zwū fü-  
ren von dem lannd Tuscie /  
mit Katherina / bißs gen Rom / do  
der papst Gregorius nach ir gesen-  
det het / vñ vielleicht das sy beschawen  
wolten die hailigen statt / oder das  
sy genad von dem Papst erwerben  
wolten / vnd auch das sy geren bey  
ir waren / vnd geren horten ir süffe  
leer. Der papst het auch geladn mit  
ir etlich geleert diener gotes / die fü-  
ren auch mit ir / Vnd darumb das  
sy nit heten weder silber noch gold  
in irem beygürttel / do ernötten sy  
sich mit dem das sy erbeteten / aber

## von Benis

wie vil gest zū ir kamen die namen  
sy frölich ein / wan sy getrawet got  
er fürsäch sy miltiglichen / vnd da  
von waren in irem hauf zūm min-  
sten. xxx. oder. xl. menschen / vnd all  
wochen hett ye ain frauw vnder in  
das ampt / dz sy die andern all müß  
besorgen mitt prot / dannoht so ge-  
schach etwan das sy nit genüg het-  
ten an dem prot das sy erbeteten /  
vñnd darumb so hett es Katherina  
also geordnet / wölcher wochnerin  
daz prot zerrān / die solt ir das ainet  
tag vor kund thun. daz sy zū etwan  
sandten / oder selber außgieng nach  
prot. Do geschach es ains mals das  
Johāna de Capite wochnerin was  
das des prots zerrān / vnd das sy es  
Katherinen nit kunnd het gethon /  
vnd daz sy auch kain genömen het  
Vnd do sy nun essen wolten do het  
sy kaum als vil prots das vier men-  
schen genüg daran hetten / Do kam  
Johanna mit laid zū der juncckfrau-  
wen / vnd klagt ir / das sy vergessen  
het das sy kain prot het verricht. Do  
sprach Katherina / übersech dir der  
gewaltig gott liebe schwöster / das  
du mein ordnung übergangen hast  
Das gesind ist hungerig / vnd wis-  
sen nit wa wir yetzund als vil prots  
sollen finden das sy all genüg habē  
Do sprach Johanna / sy wār büßs  
würdig / das sy sein vergessen het /  
Do sprach Katherina / sag den die-  
nern vnnsers herren / das sy zū tisch  
sitzen. Do sprach Johanna / Es ist  
gar lüzgel prots da / es wirt yetzlich  
ein kaum ain wenig. Do sprach sy /  
haif sy die weil das essen biß das sy  
got meer beradt. Do gieng sy an ir

andächtigs geheet/dieweil trüg Jo-  
hanna ir prot herfür/ Do waren sy  
all gar hungtig/wañ sy heren lang  
gefastet/ vnd hetten auch sunst nitte  
vil dartzu / vnd darumb so assen sy  
gar begirlich/ vnd dannocht ward  
ain yeglicher gefattet nach allem  
seinem willen/do erschracken sy all  
vñ nam sy groß wunder von disen  
dingen/vñ sprachen.was thüt Ka-  
therina yezund.Do sprach man/da  
stetet sy ernstlich/do sprachē die.vij  
man ob dem tisch ainmütiglich/dz  
geheet hat vns erworben ain hyme-  
lisch prot.Nem̄t war/wir seyen all  
satt worden von dem klainen prot/  
vnd dannocht ist es gemeret/Dar-  
nach assen sy von disem prott/dan-  
nocht ward sein über/do gebot Ka-  
therina man solt es armen leütten  
geben. In dem selben jar geschach  
ain solichs zaichen auch in dem sel-  
ben hauf.

## Von dem lären was

**D**e sy ains mals was in der  
stat Pisana/do was sy vnd  
ir gefind zü herberg bey ai-  
nem Burger/hief Gerhardus/als  
vor gesagt ist.Do was sy ains tags  
als krank das wir forchten sy wölt  
sterbē/Das was mir gar laid/wañ  
ich forcht wir wurden sy verlieren/  
wañ vns daucht sy läg an dem jüg-  
sten /do kund ich nichts ertrachten  
darmit wir sy hetten widerbracht/  
dauon das sy nitte af/weder flaisch  
noch milch/noch latwery.noch ain  
wasser mit zucker /do wurden wir  
ängstlich trachten.vnd Gerhardus  
mit vns/vnd sprachen/was thuen



wir dz sy stercker werd/do kam mir  
in mein syn das ich wol etwas ge-  
sehen hett von denen die den siech-  
tumb heren/das man in die aderen  
vnd die schinbain mit wein solt rey-  
ben/vnd das sy kressig dauon wur-  
den/vnd darumb sprach ich zü Ger-  
hardo/mügen wir sy nitte getrostet  
mit inwendiger ertzney.so laßt vns  
die außwendigen versüchen/ Do  
sprach Gerhardus.ich hab ain nach-  
bahren der ist mein gütter freünd/  
der hat ain feslin mit wein/zü dem  
will ich sennden / ich waif wol er-  
sendt vn s. Also lieff d pot vñ warb  
es behendiglich von Gerhardo we-  
gen.Do sprach er/warlich vnd het  
ich ain wein ich sendet im das vaf  
vol.es ist aber yezund das vaf wol  
drey monat lâr gestanden/das ain  
tropff nitte darinnen ist / so han ich  
auch sunst kainen/gang mit mir so  
will ich dir das vaf zaigen/das du  
mein zeüg seyest/vnd also fürt er in

## Katherina

über allen seinen willen in den Keller / vnd zaiget jm das lår vaf / vnd stieß ain rot darein / damit man den wein versücht. Nemtwar / do spritzte der wein von den gnaden gots bis auff das erdtrich / ain zarter gütter wein / Do erschrack er ser / vnd nam auch groß wunder vō disen dingen vñ rüfft allem sein haus gefind dar vnd fraget sy wer den wein in das vaf gethon het / sy swürn allsamt es hets ir kains gethon / so möcht es on ir wissen nyemant zūbracht hōder es gethon het / do verstūden sy all wol das chistus das vaf gefült het durch Katherine willn / do kam der bot wider zū vns mitt freuden / vnd bracht vns das geschirz gantz vol / vnd sagt vns herwider wie es ergangē was / Do wurden wir all erfüllt mit freuden / vnd mit wunder / vnd danckten got / vñ die gantz stat ward des zaichens vol / vnd die handwerker schlügen ir heuser vñ ir krām zū vnd lieffen dar / vnd wolten das wunder sehen / vnd sprachē wer ist die / die kain wein trinckt / vñ doch das vaf fült mit wein. Do Katherina sach dz ain solichs zūlauffen was zū irem haus / vnd daz das zaichen offenbar was worden / do ward sy betrübet von allem irem hertzen / Vnd als sy mir darnach haimlich sagt / gieng sy an ir geheet mit grosser traurigkeit / vnd sprach / herz warumb peinigestu das hertz deiner dienen als jamerlichē / bin ich doch zū ainem waisen worden allen menschen / all dein diener beleiben wol on ich allain / wer hat dein miltigkeit geheeten vmb disen wein / ich

## von Benis

hab mir lanng wein durch deinen willen abgebrochen / vnd dennoch müß ich genōdt werden mitt dem wein. ich bit dich herz durch all dein barmhertzigkeit / das du disen wein also verschwendest / das der red geschwigen werd die also vnder das volck gebrochē ist. Das thet der herz recht als ob ers nit leiden möcht dz sy traurig wāre / vnd erhört sy / also daz der wein zūhand saur ward vñ schmecket / das in niemand getrincken mocht. Do ward sy fro / vñ dancket irem gesponsen Jesu chusto / dz er sy erlöset het von dem offen lob / Aber vil Burger hetten des weins getruncken mit grosser andacht / vñ das des weins nit minnder ward. Das zaichen kam für den patriarchen / der was neulich von Rom dar gesandt vō dem papst. Secht also ward ir hailigkeit mit dem andern zaichen mer bewāret dan von dem erstenn / Das erst thet der herz on ir wissen / daz ander thet er durch ir geheet / der zaichen hat sy vil gethon.

## Da enpfieng sy das hochwirdig Sacrament.

**G**roß vñ vngemefne begird het sy nach dem sacrament / vñ wöliches tags ir das nit werden mocht / so ward sy als seer dauon gepeinigt / als ob sy des tags siech wār gelegen / Die selben marter laid sy ains mals lange zeit von vnbeschaidē prelaten vnd prelätin vnd auch von iren hausgenossen / die bey ir wonten / vnd darumb het sy mer trosts von mir dan von dem andern beichtigern die sy vor ghebt





het/wann ich flis mich nach allem  
meim vermügen das ich ir vnsern  
herren gāb nach ir begird/ vnd dar  
umb wen ir hertz also begirig was  
nach dem sacrament so sprach sy ge  
wonlich zū mir/vater/mich hūgert  
ich bit eūch durch got daz ir mir spei  
sen mein seel. Der papst Gregorius  
der. xj. gab ir selb bullen / das sy ain  
bichtiger möcht nemen wa sy wōlt  
Vnd der ir vnsern herren fronleich  
nam gāb / vnd erlaubet/das sy ain  
altar machet in irem hauf/darauff  
man ir ain mes sprach wen sy wōlt  
Vnd ir vnsern herren gāb mit seim  
vrlaub wen sy wōlt/vnd ir das nie  
mant wōren solt. Es geschach ains  
mals do wir kamen von Auion/vñ  
kōmen waren aufferhalb der statt  
Senense/do wolten wir beschaw  
en die diener gots /vnd wolten ain  
gaisstlichs trōstlin mit in han/ Des  
morgens an sant Marx tag kamen  
wir in die stat vñ giengn in ir hauf

vnd nach tertzzeit sprach sy zū mir/  
O vater/westren ir wie mein sel so  
seer hungert. Do sprach ich/es ist zū  
spat worden/so bin ich och als mūd  
das ich mich nit wol darzū geschick  
en mag. Do geschwaig sy ain weil  
vnd darnach mocht sy sich nit ent  
halten / sy sprach aber / O wie seer  
mein sel hūgert. Do macht ich mich  
auff/vnd gieng in die Capellen/die  
sy in irem hauf het/ vñnd beichtet/  
vnd legt an das mesgewand/ vnd  
sprach ir mes von sant Marx / do  
segnet ich mir ain groß oblaten/vñ  
darzū durch iren willen ain klains  
Vnd do ich vnsern herren empfan  
gen het/do kōrt ich mich gen ir vnd  
wolt ir den pāpstlichn ablas sprech  
en/do schin ir antlūz als ain engel  
vnd giengen liecht strymen dauon  
vnd het ain ander form vnd ain an  
dere gestalt gewonnen/vnd do ge  
dacht ich / zwar das antlūz ist nit  
Katerinen antlūz / do sprach ich in  
mir selber/herz. warlich das ist dein  
getreue gemāhlin die dir genām ist  
Do kōrt ich mich wider zū dem al  
tar vnd sprach/herz/kum her zū dei  
ner gesponsen/Vñ als bald ich das  
gedacht do volbracht ich daz opffer  
vnd ee das ich das oblat anturt do  
was daz oblat näher zū mir geruckt  
das ich ir geben wolt mer dan drey  
zwerch finger breit/vñ wie das ob  
lat auff das paten kōmen was das  
waif ich nit. Also widersfuren mir  
die zway zaichen des ainen tags vō  
ir/mit dem ain gab sy mir zū erken  
nen ir rainigkait vnd ir hailigkait/  
Mit dem anderen gab er mir zū er  
kennen wie begirlich er zū ir gieng.

## Katherina von dem sacramēt

**D**S geschach zū ainer an /  
dern zeit / do ich lesmaister  
was zū Senense in 8 stat /  
vnd het sy neulich erkannt / do gab  
ich ir das sacrament gar geren / do  
rufft sy mich auch mer an dann die  
andern / Vnd do geschach es aines  
morgens dz sy groß begird het nach  
dem sacrament / do ward sy gar ser  
gemuet von dem darmgicht / vnd  
von andern gewonlichen frechtun  
Darnach lieff sy nit ab / sy het ainem  
gedingen es wurd weger / vnd do  
sandt sy irer gespiln aine zū mir / do  
ich yetzund in die kirchen gieng das  
ich mess wol sprechen / do begegnet  
sy mir / vnd sprach / Katherina hat  
euch beeten / das ir euch enthalten  
mitt der mess bis es weger vmb sy  
werd / so wolt sy geren vnsern her-  
ren nemen / Do gieng ich wider in  
den kor / vñ wartet als lang bis der  
Conuent all sein zeit gesungen het /  
Vnd vmb die dritten stund do kam  
Katherina in die kirchen / Ir gespi-  
len werten ir gwonhait wol / weñ  
sy Communiciert so lag sy allzeit drey  
oder vier stund das sy niemant von  
der stat bewegen kund / dauon das  
sy entzuckt ward / vnd darumb lief-  
sen sy die kirchen offen / vnd do mur-  
melten die brüder seer / vnd sy ried-  
ten ir sy solt es des tags lassen / dar-  
umb das die brüder nit erzürnt wür-  
den / Vnd do gieng sy demütiglich  
vnd saß auff ain sessel / vñ rufft iren  
gemahel an mit ganzem ernst / vñ  
begeret / das er selber volbrächt das  
sy von den menschen nitt gehalten

## von Benis

mocht / het er ir die genad gegeben  
das sy sein begert das er ir dan hulf  
das sy es volbrächt / Also erhört sy  
der herz / wañ ich kam in die kirchen  
vnd wuest nicht vmb die märe / vnd  
wond sy wär dahaimen / vnd wolt  
es faren lassen / vnd darumb gieng  
ich hyn vnd legt mich an / vñ macht  
mich zū ainem altar / der am haupt  
der kirchē stünd / do was sy an dem  
end der kirch / das wuest ich nit / vnd  
sprach mes / vnd in der stillmess ds  
ich den Pater noster gesprochen het  
do brach ich das Oblat in drey tail /  
als gewon ist / do wurden vier tail  
darauf / vnd das vierd stücklin für  
auff über den kelch / vñ lieff sich ain-  
halb des kelchs nider / do het ich dar  
für es wär auff das corporal gefal-  
len / do fand ich sein nit / do gedacht  
ich es wär dauon das das Corporal  
weiss was / vñ das oblat och weiss  
was / darumb mocht ich es nit gese-  
hen / vnd ich hett kain sorg ich sünd  
es / deshalb das weder wind noch  
schöddlich ding da was / Vnd do ich  
das Agnus dei gelaf / vñ das sacra-  
ment genossen het / do ward ich das  
vierd stücklin süchen / aber ich fand  
sein nit / wañ der es gemacht vñ ab-  
gebrochen het der het es auch versto-  
len. den solt ich es billich gezigen ha-  
ben / das thet ich nit / wann ich ver-  
stünd es nit / wie wol das was / das  
anders niemant als nahen da was  
als der herz / ich graiff hyn vnd her /  
ich kund sein nit vindē / do ward ich  
als betrübt dz ich wol gewaint het.  
aber vor den weltlichen leütten die  
hynder mir stündn tost ich nit wai-  
nen / do müst ich mein mess ausspre

chen/ Vnnd do nun das volck hyn  
kam/ do sucht ich aber mit fleiß vnd  
mit grossen angsten auff dem Cor-  
poral/ vnd auff dem altar/ an allen  
orten/ darnach sucht ich es auf dem  
erdtrich vmb vnd vmb. vmb den al-  
tar/ vnd fand sein nit/ do dackte ich  
den altar mit fleiß/ vñ beualch dem  
sacristen/ das er nieman hynzü lief-  
gon/ vñ mein wartet bis ich wider  
kam. wañ ich gedacht ich wolt radt  
nemen von dem prior/ der was ain  
fliger gotzforchtiger man. vnd dar-  
umb zoch ich mir behendiglich ab  
mein mesgenwannet/ do begegnet  
mir ain Prior Cartheuser Ordens/  
dem was ich gar lieb/ vnd ich was  
im gar hold/ der begeret/ das ich im  
hulf das Katherina ain klains mit  
im reden möcht. Do sprach ich/ das  
er ain klaine weil baitrete / ich müß  
ain nötige sacht mit ir vor aufrichtn  
Do sprach er / es ist heüt ain wirdi-  
ger tag/ vñ dauon müß ich mit mei-  
nen brüdern in das Reuenter gon/  
zü essen/ so wist ir wol das ich drey  
meil haim hon/ vnd darumb bit ich  
eüch durch got das ir mich fürdern.  
wañ ich bin etwas seer bekümmert  
von meiner gewissen Also giengen  
wir vnd sucheten Katherinam da  
haim/ Do ward vns geantwurt sy  
wät noch in der kirchen / Darvon  
nam ich groß wunder/ vnd do wir  
für die kirchē kamen do funden wir  
ir gespilen aussert halben/ do sprach  
en sy/ sie knyet in der kirchen/ vñnd  
hat sich gelainet über ain sessel. vnd  
ist entzuckt nach irer gwonhait. Do  
bat ich sy das sy thäten wie sy möch-  
ten das sy sie erkücketen/ wann wir

möchten nit gebaiten/ das theten sy  
Also sassen wir zü ir nider/ do was  
mein hertz gebunnden mitt grossen  
angsten. vnd darüb sprach ich haim-  
lich zü ir/ ich bin in grossem leiden/  
ich hab ain stücklin ainer gesegnet-  
en oblaten verloren. Do erzaiget sy  
mir kain mitleiden/ als sy offt zü an-  
dern dingen gethon het. vnd sprach  
mit lachendem mund/ habt ir es ab-  
er allenthalben mitt fleiß gesüchet.  
Do sprach ich / ich hab es wol drey-  
stend gesücht/ wät es ain senffköm-  
lin ich het es gefunden/ vor meinen  
augen naigt es sich nider/ vnd also  
kund ich es nit mer finden. Do spra-  
che sy/ warüb habt ir als groß trüb-  
sal darab genommen/ do mocht sy  
sich nitt enthalten sy ward aber la-  
chen/ wañ sy wol west wie grossen  
nutz vnd trost sy dauon gehebt het/  
Vnd also geschwaig ich/ vnd ver-  
gieng mir alles mein leiden/ wann  
ich verstünd an irer weis vñ an irer  
red wol wie im was. Do sich nun  
der Cartheuser Prior mit ir verricht  
het/ do ward ich aber mitt ir reden/  
vnd sprach/ warlich mütter ich ge-  
laub du habest mir mein oblat ge-  
nōmen. Do ward sy lachen/ vñnd  
sprach/ vater ir dürft mir kain schul-  
de geben/ es hats ain andrer geton.  
ich thet sein nitt / Aber das sag ich  
eüch/ sucht sein nit mer/ wañ ir fin-  
den es nit. Do zwang ich sy/ das sy  
mir die warhait sagen solte wie es  
ergangē wät. Do sprach sy/ ich wil  
eüch sagen die ganzen warhait. als  
meinem beichtiger/ vñ als meinem  
gaislichen vater/ vmb das stücklin  
sollent ir kainen trübsal haben/ Do

## Katherina

## von Benis

mir meine gespilen riedten ich solt  
mit cōmunicieren / do wolt ich sy nit  
betrüben / Aber ich rüfft an meinen  
herren / meinen gütigen gesponsen /  
do erschain er mir selber in der still-  
mess in seiner aigen person / vñ gab  
mir mitt seinen göelichen hennenden  
das tail das er eüch ob dem altar ge-  
nōmen het / Darumb frōwent eüch  
in got / eüch ist kein übel widerfarn  
Do ich das hort do ward ich erfreü-  
et mitt grossen freüden / do gedacht  
ich mir in meinem hertzen / der nōt-  
ten sach ich dz das tail für über den  
kelch. ¶ Mir haben auch frōmbd  
leüt gesagt / den wol zü glauben ist /  
mann vnd frawen / die hetten mitt  
iren augen gesehen so sy gotes leich-  
nam empfienge von mir / vnd von  
den andern / daz das oblat von vn-  
sern henden flog in iren mund / vnd  
mocht nit erbaitē bis wir es zü irem  
mund brächten. Das hab ich oft ge-  
höret so ich ir gottes leichnam gab /  
das der herr ain laut gebräche het in  
irem mund. als ob ain stainlin oder  
sunst etwas schwäres in irem müd-  
lung. ¶ Bartholomeus der Pro-  
uincial der Rōmischen Provinzen /  
der sagt mir auch mit seinem mund  
wenn er ir gottes leichnam raichte  
das sich das oblat gewaltiglichen  
auf seinen hennenden bräche / vnd in  
iren mund flög.

## Von sant Agnes

ires Ordens.

¶ Ir vnd den vordern beichti-  
gern het Katerina kund daz  
sy vnd sant Agnes de monte Poli-  
cano gleichen lon in dem hymmel



erich haben solten / darumb begert  
sy mit gantzem hertzen das sy ir hail-  
tumb beschawen solt. Aber das du  
das nit verwerffest / so will ich ett-  
was von ir sagenn. Ich was wol  
vier jar beichtiger in dem closter da  
die selb hailig juncfraw sant Ag-  
nes leit / aber do ich da was do was  
sy dannocht nit geschriben in die zal  
der hailigen / Aber ich sannd grosse  
wunder da. von ir geschriben / So  
sagten mir auch ir töchtern vñ gros-  
ser hailigkeit / vnd darumb schreib  
ich ir legend so ich kürzest mocht.

¶ Do die selb juncfraw geboren  
solt werden / do erschienen binnend  
kerzen in der kamer da ir mütter in-  
nen lag / vnd die warn binnnen als  
lang bis das hailig Agneslin gebo-  
ren ward / Das sahen alle / die da  
waren. Damit wolt gott erzaigen  
wie hailig dise juncfraw solt wer-  
den / das die engel die kerzen selber  
müsten brennen zü irer geburt. Do

sy öltter ward do bawet sy zway clö-  
 ster mitt irem gütt/ da thet sy gros-  
 wunder vnd zaichn die weil sy lebt  
 das es von grossen wunder dartzu  
 kam/das man sy nit begrabn wolt  
 Vnd darumb ligt sy noch heüt vn-  
 begraben leibhaftig vnd vnuerwe-  
 sen. Do die hailig junckfraw nun  
 auff der bar als grosse zaichen thet  
 Do wolten sy iren leib gesalbet ha-  
 ben / das sy dester lenger wär belib-  
 ben vnuerwesenn. Nemptwar/do  
 flussen von iren hennenden vnd von  
 iren füßen zart tropffen. als der bal-  
 sam/das siengen die schwöster in  
 ain glas/das haben sy behalten/vn  
 zaigen es etwan dem volck/vn hat  
 ain farb recht als ain balsam / vnd  
 ich main es sey kostperlicher dann  
 der balsam/damit wolt got bewei-  
 sen das diser mäglichen hailig wir-  
 dig leib wunderbarlichen gesalbet  
 wär/vnd über all natur/das er des  
 irdischen balsams nit bedöfft. Vn  
 in 8 nacht do sy starb do lagn sechß  
 kind bey iren freunden an den bedt-  
 en/die schryen/ Schwöster Agnes  
 fert dahyn/vnd ist yetzund verschai-  
 den/vnd ist hailig in dem hymmel/  
 von der ordnung gottes / Vnd des  
 morgens kam ain grosse schar dar/  
 mit eitteln vnuermailigten kinden/  
 die trügen binnendt kerten in iren  
 henden/vnd giengen all nach ain-  
 ander mit der proces in dem closter  
 vnd kain vermailigts kind wolten  
 sy vnder in lassen / vnd giengen in  
 die kirchen/vn do giengen ye zway  
 vnd zway für den altar/vnd also  
 brachten die mäglin der rainen  
 magt ir opffer/Darüb von des zai-

chens wegen begat man all ir jar-  
 zeit gar ordenlich vnd redlichn mit  
 vil grossen kerten vnd opfferen /  
 Vnd darumb wolt Katerina auch  
 ains mals dargon/das sy iren hay-  
 ligen leichnam sach / vn im ain eer-  
 entbut / des nam sy vrlaub von mir  
 vnd kam dar mit grosser andacht /  
 do folgten wir ir nach/wann wir  
 hetten ain gedingen / der allmäch-  
 tig got würd ain zaichen thun von  
 der gegenwertigkeit seiner zwayen  
 gemählin. Vnd ee das ich vnd bü-  
 der Thomas dar kamen / do gieng  
 sy in das closter/vnd mit grosser an-  
 dacht gieng sy an die statt da dise  
 junckfraw lag/vnd der meerer tail  
 der schwösteren von der reün sant  
 Dominici die giengen mit ir/ Vnd  
 do sy ansach die hailgen junckfraw-  
 en/do knyet sy zühand nider zü iren  
 hailigen füßen/vnd naigt ir haupt  
 mit grosser andacht/das sy kuste ir  
 hailig füß. Do hüb sant Agnes auff  
 iren hailigen füß / vnd raichet Ka-  
 therina den füß in die höhe / das sy  
 sich darnach nit bucken döfft/Dar-  
 nach lief sy in nider / vnd raichet ir  
 den andern. Vnd do wir des andn  
 tags dar kamen / do ward vns das  
 zaichen gesagt / aber etlich verwurf-  
 fen das götlich zaichen vnd werck/  
 Vnd darumb das ich gewalt über  
 sy hett / do hieß ich sy all zü Capittel  
 kōmen / vnd gebot in bey der haili-  
 gen gehorsame / das sy mir die war-  
 hait von dem zaichen solten sagen /  
 Do veriahen sy mir all im wär lau-  
 terlich also / Do büefft ich sonderli-  
 chen aine die het meer geredt dann  
 die andern/die berüfft ich auch son

## Katherina

derlich / vnd fraget sy / ob jm allso  
wâr als die andern geredt hetten /  
Do sprach sy / jm wâr also / vnd do  
wolt sy mit ain mainung für habn  
gelegt / warumb es sant Agnes ge-  
thon het. Do sprach ich / liebe schwe-  
ster / wir fragen dich nit was mai-  
nung sant Agnes gehebt hab / wân  
wir wissen wol / daz du sant Agnes  
haimliche radtegeberin nit bist / wir  
fragenn dich nur / ob das war sey /  
das sy den füß gegen ir auffgehebt  
hab. Do veriach sy aber / jm wâr al-  
so / Do gab ich ir ain büßs / den an-  
deren zû ain ebenbild. Darnach zû  
ainer andern zeit do wolt Lisa ir ge-  
schwey zwû töchtern eintün in das  
selb closter / Do für Katherina mitt  
jn dar / vmb das sy ires brüders töch-  
tern waren. Vnd do sy dar kamen /  
do gieng Katherina zûhand in das  
closter / das sy sant Agnes beschaw-  
en wolt / vnd die frauen die mitt ir  
dar kômen waren die giengen mitt  
ir / Do gieng sy mit grosser begird  
ires hertzen zû den haupten / vñ nai-  
get ir anelütz auff sant Agnesen an-  
lütz / das was verdeckt mit seyden  
vnd mit gold / Vnd über ain gütte  
weil do kôrt sich Katherina herüb /  
vñ sprach mitt grossen freüden /  
Warumb merckt ir nitt die gab die  
cûch gott von hymel herab sendet /  
warumb seidt ir als vñ dancknam /  
Do hüben sy alle ire augen auff / do  
saben sy weißs hymelbrot von der  
höch herab fallen / gleich wie ain  
schnee / vñ als ain regen / das es  
überflüssiglichen bedackte die zwû  
junctfrauen Katherinam vñ sant  
Agnes / vnd all die da stünden / vñ

## von Benis

Lisa der kind mäter die man in das  
closter wolt thun / die heten ir hend  
gefült mit dem hymelbrot / vnd das  
taillet sy mit vil menschen darnach.  
vnd zaiget es auch vil menschen /  
Vnd do wir dar kamen do zaigt sy  
vns die wunder: Ir legend schreib  
ich auch do ich gar jung was / Vnd  
do die junckfraw Agnes dannocht  
lebt / do geschach es gar offt / dz das  
hymelbrot auff sy reget / vnd beson-  
der so sy beet so raif das hymelbrot  
auff sy / das ir mantel ettwan was  
als ob sy beschwebt oder besprenzt  
wâr / So kamen dann ir töchtern  
(die sy durch gotes willen ertzogen  
het) vnd weften nit das es ain göt-  
lich tau was / vñ woltten ir den  
mantel geschütet haben / das wôret  
sy in den gar züchtiglich. Das selb  
hymelbrot was als weißs / das es  
schain vor rechter weiffin / vnd het  
klaine kômlin.

## Da sandt der papst

Vrbanus nach Katherinen  
vnd nam radt von ir.

Katherina het zwen schrei-  
ber / die schriben ir brief die  
sy allenthalben auff sandt /  
den empfalch sy / das sy darauff sol-  
ten mercken was sy redet / vnd wên  
sy entzuckt wâr / das solten sy beson-  
der mit fleiß schreiben. Das theten  
sy / vñ brachten ain gros büch zû-  
samen / das was nach irer spruch /  
Vnd ich hab kainn zweiffel daran /  
wer daz büch lãf der verstünd wol  
das es gieng von der einsprechung  
des hailigen gaifts. ¶ Vrbanus



der. vj. do er ain erzbischoff was in Ahero / do sach er Katherinam in der stat zü Aulion / vnd er empfieng groß genad vnd andacht von iren worten / vnd von iren sitten / Vnd do er nun Papst ward / do weft er wol das ich ir beichtiger was / dar umb gebot er mir / das ich ir schube das sy zü mir kame gen Rom / das thet ich. Do schub sy mir gar weiblichen / Vater ir solt wissen das vil brüder vnd schwöstern vnseres Ordens seind die sich von mir ergeren das ich also vil hyn vnd her gang / vnd sprechen es getzym ainer gaistlichen person nit das sy als vil umb lauff / Wiewol das ist / das ich wol waif das ich wider got daran nit thü / so wil ich doch kain vsach sein irer örgerung / es beger es dann der vicari Jesu christi / das er seinn brief her sandte / das man denn sech das ich es nicht thü von meinem aigen willen. Do mir die botschaft ward

do gieng ich zü vnserm hailigen vater dem papst / vnd viel im zü jüssen vnd saget im was mir Katherina entpotten het. Do sprach der Papst / so spuch / das man ir schreib vö mir Ich gebiet ir bey rechter gehorsame das sy her kum zü mir. Do ir die botschaft kam do hüb sy sich behendig klich auff / vnd kam in die statt gen Rom mit ainer micheln gselschaft strawen vnd mann / die kamen alle mit ir dar in williger armüt / vnd liessen sich an die götlichen fürsichtigkeit / wañ die giengen lieber betlen mit ir dann das sy on sie genüg hetten da haimen. Do sy der Papst ersach / was er gar fro / vnd bat sy / das sy etwas redete vor im vnd vor den Cardinälen was ir got gäb zü reden von der widerwertigkeit wegen / die sich angefangen het in der christenheit. Nempt war / do ward sy kuntlichen reden. vnd stercket ain yetlichen besonder mit iren worten vnd mit der hailigen geschriffte das sy stat wären / vnd kam zweifel daran solten hon die götlich gnädigkeit würd in zü hilf kōmen / vnd also beschloß sy ir red / sy solten nit verzagē in dem gewer / das sich het angefangen / vñ solten richten mit fleiß das got angehört / vnd solten daran niemant fürchten. Von der red ward der papst erfreuet / vnd do sy nu het außgeredt. kōt sich der papst zü den cardinälen / vñ sprach zü in. Nempt war lieben brüder / wir werden billich gestrafft vor dem götlichen angesicht / das wir als forchtig seind / das fröwlin schendet vns allsamt Ich schmach sy nit damit das ich sy

## Katherina

## von Senis

ain freülin genant hab / ich main  
 das sy des francken geschlechts ist /  
 vnd das sy vns leeren müß / von na-  
 tur solt sy sich fürchten / so hat sy keck  
 Ichñ geredt / vnd hat vns gesterckt  
 Das ist vns wol ain schand das  
 wir vns fürchten so wir wol sicher  
 wären. Do sprach Katherina / wen  
 solt der Vicari Jesu chisti fürchten  
 Das all dise welt wider in war so  
 solt er sich dannocht nit fürchten /  
 Wan chistus ist allain gewaltiger  
 dan all dis welt / vñ ist vnmüglich  
 daz er sein chistenhait las. Mit den  
 worten vnd mit andernworten ster-  
 cket sy den obersten bischoff vñ sein  
 Cardinal. Also empfalch er sy vn-  
 serm herren / vnd verlich ir vnd den  
 iren vil gaistlicher genad / die mit ir  
 dar kōmen waren. Vnd nach etlich  
 en tagen kam dem papst in sein syn  
 das er Katherinam geren gesandt  
 het in das land Cilicia. vñ das junck  
 frau Katherina mit ir gefarn war  
 die was ain tochter Bude / die der  
 papst Bonifacius neulichen erhebt  
 het / daz sy die künigin Johannam  
 bekört heten / wan sy kannt die zwü  
 junckfrauen baid wol / wann die  
 selb was nach des bösen geists rade  
 offentlich streiten wider den Römi-  
 schen hoff / vnd gab andern vnend-  
 lichen leuten solchs in ir hertz. Das  
 wolt junckfrau Katherina von  
 Schweden nit thun / vnd versagte  
 es vor meinem angesicht. Aber Ka-  
 therina von Senis wolt geren ge-  
 horsam sein / Do kam ich zum papst  
 vñ legt im für mein sorg die ich het /  
 vñ sprach / ich weßt wol das die kün-  
 igin Johāna vil vnendlicher rade

geben hett / die wurden villeicht zu-  
 richten das die bösen leut die junck-  
 frauen vneeren würden auff dem  
 weg / vñ das wir vnser sach zu kai-  
 nem günnen end bingen möchten /  
 vnd möchten die junckfrauen ain  
 böß wort gewinnen. Do das d papst  
 hort / schwaig er ain weil / darnach  
 sprach er / du hast war / Es ist besser  
 sy lassen es faren. Do ich das Kate-  
 rinen herwider saget do kōt sy sich  
 gegen mir / vñ sprach mit lautter  
 stym / het sant Agnes vñ sant Ma-  
 greth des gedacht / vnd auch die an-  
 dern / so hetten sy der kron der mar-  
 trer nit verdient / haben wir nit ain  
 gemahel der vns erlösen mag von  
 den heinden der bösen menschen /  
 vnd der vnder der menig der bösen  
 beschirmen mag vnser eer. Dise ge-  
 denck zwingen nit / sy gond mer vñ  
 ainem francken glauben dan von  
 rechter weisheit. Der red schambe-  
 ich mich / vñ ward doch erfreut vñ  
 irer weisheit / Aber das der papst  
 gesprochen hett wir solt. n es lassen  
 faren do sprach ich nichts meer dar-  
 von. Darnach sandt mich der papst  
 in das land Galicie / zu dem künig  
 von Franckreich / der da hieß Caro-  
 lus / ob ich in möcht abgelaiten von  
 seiner irsal / Aber sein hertz was im  
 verherit recht als Pharon / das sagt  
 ich Katherinen wie des papsts mai-  
 nung was / Do was es ir nit lieb /  
 das sy mein geraten solt / aber doch  
 riet sy mir dz ich im gehorsam war.  
 vñ vnder andern worten sprach sy  
 zu mir / ir solt wissen für die ganzñ  
 warhait daz Urbanus d recht papst  
 ist / vnd lassen die vnfridlichen vnd



die widerwertigen sagenn was sy  
wöllen/vñ darumb so will ich das  
ir eüch mitt rechten kressen darein  
setzen mit predigen vnd mit andern  
sachen die warhait zü beschirmen/  
vnd darumb so arbeitent recht als  
vmb chüstenlichen glauben / vnd  
vestiglich streiten wider die vngel-  
laubigen / vñ den papst beschirmen  
nach allem eüerem vermügen. Ich  
thet nach irem radt / vnd bog mich  
vnder die hailigen gehorsame / vnd  
wenn ich in angsten was so het ich  
ain trost von den Worten / vñ ee daz  
ich für do kam sy zü mir / vnd saget  
mir vil haimliches ding vnd trost  
den ir got geton het / Also saß sy bey  
mir / vnd do sy lang mit mir geredt  
het do sprach sy / nun gond zü gott /  
wan ich glaub das wir nymer als  
lang mit ainander reden / vnd das  
geschach / wann sy belait zü Rom /  
vnd starb dieweil ich auß was / dar-  
umb glaub ich / sy hab mir zü ainer  
lege geben das sy als lang mit mir  
redt / Vnd do wir nu faren wolten  
do kam sy zü vns bis zü dem schiff /  
vnd knyet nider vnd beetet mit wai-  
nenden augen / vnd thet ain Creütz  
über vnns mit irer hailigen hand /  
recht als ob sy sprach / sun far sicher-  
lich / das zaichen des hailigen creütz  
wirt dich beschirmen / aber dein mü-  
ter gesichst du nymer mer / Es wa-  
ren vil schiff auff dem möre / durch  
die füren wir fridlich bis zü Pisana  
Vñnd do wir kamen zü Janua / do  
füren wir vn sicherlich / do begegne-  
ten vns vil grosse schiff mit vnser  
widerwertigkeit / die warn gericht  
gegen Anion / Also füren wir gen

der stat die da haist Tumulū / vñnd  
wären wir icht lennger gefaren so  
wären wir vnsern feindē in ir hend  
gefarn / Aber von dem willen gots  
beliben wir ain tag in der statt Ja-  
nua / da ward mir ain brieff von ai-  
nem brüder vnser ordens / & sprach  
du solt dich hüten das du farest für  
die stat Tumulum / wan da wartet  
man auß dich / vñ er greiffen sy dich  
so mag dir nyemandt gehelffen sy  
töden dich / vñ do füren wir wider  
hynder sich / ich vnd mein gesellen /  
vnd do entbot ich dem Papst / vnd  
fraget in wie ich thün solt / do ent-  
bot er mir herwiderumb / ich solt be-  
leiben in & stat Janua / vnd solt den  
gewalt haben das ich das Creütz  
predigett wider die vngeloubigen /  
vnd dauon ward mein fart gelen-  
gert / das ich nit hynwider kam bis  
Katherina gestarb.

## Von irer grossen ge

dult die sy all zeit gehabt hat.

Issen das ich von ir gedult  
w grosse ding sagen will / die  
sy in grossen vngehörtem  
leiden hat gehabt / wan sy hat gelit-  
ten vngesame ding von den men-  
schen / vnd auch von den Teüfeln /  
Sy was sein von kainem menschn  
überhebt die bey ir wonten / sy war-  
de von in bekümert vnd betrübt / vñ  
sy veriach mir / es thät ir vil wirsch-  
er von iren fründen dann von den  
frembden / danocht ward sy zü kai-  
ner vngedult nye bewegt / Ich ver-  
gich es vor allen menschen / das ich  
mer gedult von ir geleernt hab dan  
E ij

## Katherina

## von Benis

von kainen menschen. Ich spüch /  
 das ich kain vngedult weder an ire  
 anclüg / noch an iren geberde / noch  
 an kainen dingen / nymer gemerck-  
 en kund. ¶ Es was ain brüder vn-  
 sers ordens / der was verlaiten vnd  
 verwisen von dem bösen gaist / das  
 er sy oft schalt / das etwan ir gespi-  
 len anhorten / dem hat sy kain vnged-  
 ult weder mitt worten noch mitt  
 zaichen nie erzaigt / vnd sy bat ir ge-  
 spilen dz sy jin kain laid noch schma-  
 chait thäten / das sy es nyemant sol-  
 ten sagen / Das half alles nit an jm  
 er ward nur desten erger / vnd wen  
 man der junckfrawen etwas gab  
 das wendet er wa er mochte / vnd  
 das hielt sy alles in ainer gehaim /  
 Sy hett einfiglichen groß leiden  
 von dem darmgicht / vnd ain wee-  
 tagen in dem haupt / vnd bitteren  
 schmerzen getragen an irem hertz-  
 en / von der zeit das sy Christus sein  
 leiden versüchen ließ / vnd der selb  
 schmerz thet ir wirser dann alles  
 das leiden das sy hett. ¶ Do die  
 schwösteren von sant Dominicus  
 reiw sahen das Katherina all fra-  
 wen übertraff mitt irem strenngen  
 leben / mit gebeet / mit contempliern  
 vnd mit aller andacht / Do saet die  
 alt schlannng iren somen des neyds  
 vnder sy / Sy wurden ir nachreden  
 offenlich vnd haimlich / vnd wur-  
 den sy rügen gen den prelaten / Sy  
 gleichten sich zu den gleisnern / vnd  
 sprachen / ir zaichen thät sy in Beel-  
 zebub / mitt dem fürsten der bösen  
 gaist / vnd beraubten sy der beicht /  
 vnd des beichtigers / vnd des sacra-  
 ments / Das laid sy alles gedultig-

lichen / vnd on alles murmeln /  
 vnd thet recht als ob sy es nit wär /  
 von dem man es redete / vnd klaget  
 auch nyemant icht dauon / sy wond  
 auch sy thäten es in güter mainung  
 vñ sy wär desten mer gebunden das  
 sy got für sy bät / als für ire freünd /  
 Wenn sy aber empfieng das hailig  
 Sacrament so wolten sy / das sy zu  
 hand aufgestandn wär / des mochte  
 sy nit gethün / wañ sy enpfieng das  
 Sacrament zu yeglichem mal mit  
 als grosser begird dz sy allzeit lang  
 entzucket was. Aber die menschchen  
 den es die schwösteren von der Reü  
 sant Dominici eingetragen hetten /  
 die wurden entzündet gegen ir mitt  
 zoren / das sy sie gewaltiglich auff-  
 zuckten vnd ir wiffen sy also auffer-  
 halb der kirchen mitt grosser vnges-  
 tünigkait / da lag sy an der hitzigen  
 Sonnen bis auff den mittag /  
 vnd ir gespielen hüten ir diweil bis  
 sy widerkame / Danoch ward sy  
 nye zornig / Vnd ye gedultiger sy  
 was ye schwärlicher es gott selber  
 rach / Wann als ich vernumen hab  
 von iren vorigen beichtigern / Ain  
 fraw het ains mals mit iren füßen  
 mit vntugenden in sy getretten do  
 sy entzucket was / do gieng sy haim  
 in ir hauf / vnd ward begriffen mit  
 ainem tödtlichen schmerzen / vnd  
 über ain klaine weil starb sy on alle  
 gotstrecht. ¶ Es was auch ain an-  
 dert vnßäliger mensch / dem wär  
 besser gewesen er wär nye geboren.  
 der trat auch in seinem zorn mit den  
 füßen in sy / vnd mitt grosser vntu-  
 gend satz er sy für die kirchen / Dar-  
 nach auff ain zeit do sücht er sy vnd

wolt sy ertödt haben / dann das er sy des selben mals nitt fand / das weft sy selber nitt / aber ir gemahel Jesus chistus weft es wol / vñ der rach es auch / wann kurzlichn darnach gieng er an ain stat frisch vnd gesund / vnd (hailiger ding) kam er von seinen sinnen / vñnd schray tag vnd nacht / helfft mir allsamt von dannen der official wil mich fahen vnd wil mir das haupt abschlahen Do erschracken die haufgenossen / vnd giengen zü im. vnd sterckten in Er solt im nitt fürchten / sy wölten im kain laid lassen beschehenn. Im gieng kain red ein / vnd halff nichts an im / do müsten sy in gar fleiflich behüten / wann er wolt sich nur selber ertöden / vnd kurzlich darnach do man sein nit als emfiglichn hüt do gieng er aines nachts haimlich auß / vnd erhieng sich selber an ainem baum / vnd do begrüb man in haimlich auff das veld / das hett er verdienet mit seiner vntugend.

### Da ward Katerina hart geschlagen von den bösen gaisten.

**E**R honnd wol gehöret wie groß leiden sy gehabt hat vñ den menschen / so will ich eüch nu sagen wie groß leiden vnd marter sy gelitten hat von dem bösen gaist. Der lieb Anthonius hett grosse begird nach der marter / vnd bat got / das er im hulffe das er ain marterer würd / Des gewert in got vñnd verhenget den bösen gaisten das sy in bitterlichen schlügen. Also



ist es der hailigen juncckfrauen auch ergangen / die het zü allen zeiten begert mit inbigiger begird der marterer lon / des hat sy gott geweret / wann sy ist tod für die chustenhait. Do Katerina sach die grossen mischat / die da was in der chustenhait vnd das der vicarier Christi allenthalben geschmächt vnd geunereet ward / do bat sy gott tag vnd nacht vñ waint on vnderlaf vor got / das er frid gäb der chustenhait. Do tröstet sy Christus in den weg / das der papst gesigt wider die burg genant die Engelburg / vnd wider annder widerwertigen in der stat zü Rom / wan die Römer waren auch zü den selben zeiten wider den Papst / vnd die egenannt burg was auch wider in / wann bis an den selben tag hetten sy der statt zü Rom vil leidens angelegt mit iren gewafferten schilt knechten / vnd mit dem gewer her-

## Katherina von Benis

ten sy das land ganz verwüst / vnd wurden die besten der weisheit / vnd ander vil erschlagen / Vnd do daz versönt ward do kam der papst von dem radt Katherinen wider zu der kirchen der zwayer Fürsten Petri vnd Pauli / wann von der selben burg wegen mocht er da nit ge wonen / vnd gieng fürbas dar auff seinen füßen / do folgten jm nach das volck alles / vnd danckten gott von den gnaden / vnd von andern gnaden / das sich die hailig chris tenhait etwas versonet het mit irem haupt bischof / vñ Katherina ward erwan vil darumb erfrouwet / aber kurtzlich darnach ward ir schmerz wider erneuet. wann die böß schlang (die sy in ainem volck nit mocht zu bringen das versüchet sy in ainem andern die grösser vnd schödlicher was) wann er ward seinen samen säen vñ vnder das volck / das als ain grosse zwittrachtüg vnder dem volk ward / das sy dar auff vmbgiengen das sy den papst selber erschlagen wolten han. Vnd das gewerz nam also zu / das es offentlichen geredet warde. Do das Katherina innen ward / do ward sy betrübt von gan zem hertzn / vnd inacht sich an iren gesponsen mit ganzem ernst / vnd bat in / das er der grossen sünd nit gestaten wölt. Nemptwar / do sach sy in dem gaist dz die ganz stat vol was der bösen gaist / die erkücketen das volck allenthalben mit der mai nung vnd einsprechung / das sy den papst ertöden solten / Do ward ir noch ernster dann vor / vnd bat in / das ers thät durch die eer seines na-

mens / vnd zu hilf kam der hailigen chris tenhait / das er dem bösen gaist nit gestaten wölt dz ir will für sich gieng. Do kamen die bösen gaist an sy mit ainem grossen geschray / vnd mitt grausamlichen stymmen / vnd sprachen mitt grosser töbigkait / Du verfluchte / warumb wilt du vns ir ren / last du nit darvon wir wöllen dich töden ains herden tods / Also bat sy ains mals aber für die hailig chris tenhait. Do sprach der her / das volck vñ erret meinen namen täglich / vnd darumb laß ich sy fallen in die grossen sünd / der woiten / das ich es richt nach meiner gerechtigkeit / vnd das ich es zu mal vertilgt / wann ir vngerechtigkait will ich nit lenger leiden. Do sprach sy / du aller genädigster her / du waist wol. das dein gemabel (die du er löst hast mit deinem blüt) laider nahend zerzeret vñ angefochten wirt von aller welt / Vnd waist auch wol / das sy wenig beschirmer vnd helffer hat / Vnd waist auch wol / wie fro ir wi derwertigen wären das dein Vica rier sturb / vnd so es also ergieng so wär es nit allain dem volck vñ der stat schödlich / es wär halt allen cri stenmenschen ain schad vñ ain schand / Darumb bit ich dich herz meiner / das du wöllest mässigenn deinen zorn / vnd verschmäch nit dein volck / das du als sauwr er löst hast. Dise disputation weret vil tag das sy got den herren bat das er ab ließ / vnd das er ir herwider warff sein gerechtigkeit / vñ das sy iren leib peiniget tag vñ nacht mit gros ser köstigung / das die feind on vñ

der laß an sy schulden / vñ grif gramten wider sy / vñnd ir ernst was als groß / das sy mir selber schreib / hett got meinen leib mit stercke nit ombgeben / recht als ain vāflin dz man mit raiffen bindt / ich wār on zweifel verdorben / vñd mein hertz wār von ainander gespaltten / Vñd wie wol das was / das sy als in ainem grossen streit was / zū dem jungsten sy doch müst vnder ligen / wān der herz wolt nit ablassen / er wolt sein gerechtigkeit üben. Do sprach Katherina / herz / mag es nit anders geseyn du wöllest ye dein gerechtigkeit üben / so bitt ich dich lieber herz / das du nit verschmähest das gebeet deiner armen dirn / du waißt wol / seid ich dich von deiner gab lieb gewan so hab ich zū allen zeiten begert das ich gemartert wüde / Darumb bitt ich dich / alle die büß / vñd alles das leiden / das du disem volck wilt anlegen / das leg alles sampt auff meinen leib / das will ich alles williglich tragen durch die eer deines namens / vñd durch die hailigen christenhait / so will ich den kelich des leidens geren trincken / wār es halt der bitter tod. Do schwaig die stym do verstünd sy wol das er sy erhört het / Vñd zū hand vergieng ye lenger ye bas von dem papst das murmeln vnder dem volck. Aber die bösen gaisst verstünden / daz in erlaubt was von der göttlichen verhengēnuß dz sy peinigen solten iren mägtlichen leib / do kamen sy an sy mit solicher grymigkeit vñd tobhait / vñd schryen sy an mit solicher grausamlicher stym als die wütenden hund.

vñd sprachen / du verflüchte / die zeit ist nun kōmen / das wir an dir rechnen wōllen alles das du jons ye gethon hast / du wilt vnns vertreiben auß der stat / das wōllen wir dir gelten / vñd wōllen dich peinigen also lang bis wir bringen dein seel von deinem leib / vñd vielen den auff sy vñd gaisleten sy / vñnd schlügen sy nach aller ir fraiþhait / Das hūben sy an .xiiij. tag vor fastnacht / an dem sonntag Circumdedertit / vñd triben es all tag mit ir / vñnd triben es die ganzen fasten / bis nach Ostern an sant Peters tag des Predigers / vñd ir gwonlicher siechtumb meret sich Vñd das sy als gar verschwanndt das sy nichts an ir hett dan die bair vñd die haut / vñd was nit als ain lebendiger mensch / vñd schain als ain mensch den man auß der erden thūt / Also hetten sy die hellischen schlangen durchgebissen / dannoch gieng sy vñd arbeitete / vñd lief nit von iren langen gebeeten. Die sün vñd die tōchtern die sy in chusto geboren het die sahen offentlich die zai chen vñd wunden die ir die schlangen gebissen hetten / Aber kain erzney thet sy / wān sy wolt wider den götlichen willen nit streiten / Wie wol das was das sy seer hett abgenommen / danocht lieff sy frōlich zū ir marter. Do nu die zeit kam dz sy sterben solt / teten sy fraiþlicher dan vor

**I**n der selben zeit geschach ain wunderlich ding (als sy mir selbs sagt vñd schrib) das laid. das sy vor gehebt het von dem darmgicht / vñ von anderm siechtumb / daz verließ sy all tag bis nach mes zū Tertz zeit

# Katherina

# von Benis

Vnnd dauon gieng sy alltag frů in sant Peters kirchen / vnd hort mess vnnd beetet lang / vnd gieng denn wider haim vnd legt sich nider vnd was als kranck als vor / vnd wer sy het angesehen der het wol geschwo- ren sy möcht sich nitt geregen / Do stünd sy auff des andern tags / vnd gieng behendiglich durch den weg des Papsts biß zů sant Peter / vnnd gieng den als bald das es ain grof wunder was / So lag sy etlich tag zů mal darnider / das sy nyemandt nütz was / das laid sy alles willig- lichen mit grosser gedult.

## Da ward sy kranck von den schlögen der bösen gaist.

**D**enn Katerina was durch marteret worden von den hellischen tieren / vnd auch von grossen siechtumb / den sy all tag laid / das ir natur ganz verdor- ben was / das sy nicht lenger leben mocht / do hieß sy ir Sün vnnd ire töchtern (die ir nachgeuolgt heten) all zů samen kumen / vnd redet des ersten mit in allen / wie sy leben sol- ten / vnd hüb an / vnnd sprach / Sy solten sich des Ersten üben in dem dienst gotes / vnd sprach auch / Wer got besitzen wölt der müst sein hertz gänzlich erledigen von allen cre- aturen / vernünfftigen vnd vnuer- nünfftigen / vnnd nyemand möcht sein hertz gänzlich geben es wäre dan ledig aller andern lieb in / vnd sprach auch weiter / Ich bekenn das man darzů nitt kōmen kan on ain



andächtigs gebeet / vñ das müß an- dächtig sein / Also das der mensch keinen gedingen oder trost hab auf sein selbs verdienen / Vnd darumb so hab ich mich allzeit geflissen das ich mich übet in andächtigem ge- beet / der worten / das ich gewunne die krafft die daran ligt / wann alle tugend werden gemeeret von dem gebeet / vnd on das gebeet gemin- dert / vñ nimbt ab. Do gab sy in ain vnderscheid von zwayen gebeeten. vñ sprach / sy solten des ersten wort- lichen beeten / vnd darnach in dem gemüt begirlichen. Darnach sprach sy / ich hab es gesehen klärlichen in dem liecht des lebendigen glauben Das alles / das vns widerfert das gibt vnd verhenget got alles sampt von rechter liebe die er hat zů seiner Creatur / vnd darumb so hab ich in dester inhitziger liebgehebt / vnd bin dester gehorsamer gewesen sei- nen gebotten. vñ den prelaten / wan

ich gedacht allzeit es gieng vō got. Ir solt allzeit behalten euer lauterkeit eüwers gemütes / vnd solt eüch hüten das ir eüern nächsten nit verlaitten oder verurtailent vmb kainsach / vnd in nit verdambt vnd verschmächet ob er halt ain grosse sündthäte / Vnd hüten eüch vor vnnützer red / Wen ir aber wissen das ain mensch gesündet hat / so solt ir gott für in bitten / vnd solt in nit verdammen. Ir solt auch haben grosse hoffnung zū der götlichen fürsichtkait / wann ich bekenn es. vnd bin sein in der warhait innen worden / vnd ir auch / daz sein gnad vñ fürsichtkait vnsäglich groß ist / vñ das vns vnser heri wunderlich offte zū hilff ist kōmen in vnser notturfft / wañ wer im getrawet den last er nitt. Das sprach sy offte mit grosser begird / ich bit eüch das ir ain ander liebhaben / daran will ich erkennen das ir meine gaisliche kinnd seind / Ob ir lieb ainander habt / so will ich eüch erzaiigen das ich eüer mäter bin / wañ denn so seind ir mein Ker / vnd ich will eüch empfaben zū ewigen kinden / vnd will got bitten das er die gnad überflüssiglichen gieß in eüwer seele / das er überflüssiglichen gossen hat in mein seel. Ich gebeütt eüch auch bey rechtem ernst / das ir ernstlichen bitten für die Christenhait / vnd für den Vicari Jesu christi / wañ das hab ich allzeit gethon von sibem jaren auff / vñnd darumb so hab ich grosse marter vnd siechtagen gelitten an meinem leib / vnd leid es noch yetzund. Recht als gott den bösen gaysten erlaubet das sy

Job solten angreifen mitt allerlay leiden vñnd trübsal / Also hat er in erlaubt dz sy mich selber sollen marteren mitt manigerlay pein. Die bösen gaist hetten sy durchschlagen das sy von den füßen bis an die schaitteln kain gesunde stat an irem leib was / vnd kain gesund glid het sy an irem leib / als alle die wol sahen die da gegenwirtig waren. Sy sprach / die marter die sy gelitten het die wär als groß das sy gedauchte / sy möcht sein nit erzeugen / wenn sy nit groß auffenthaltung darinn gehet her von der götlichen genad.

Do namen wir all groß wunnder das sy als mit grosser vernunfft vñ als mit güttem gemüt in solicher marter reden mochte / Do wurden ire kind vnd ir güt freünd bitterlich erseüffzen mit grosser traurigkait / Do sprach sy / ir solt nit traurig sein ir solt eüch mit mir frōwen / wann ich laß die stat der jamerkait / vñnd gang zū dem meerer des freids / das ist / zū dem ewigen leben / wañ das gehais ich eüch sicherlichen / das ich eüch nach meinem todt nützer will sein dann ich eüch hye gewesen bin Mein leben vnd meinen tod setz ich in die hend meines gemahels Jesu christi / waist er das ich ainer creatur noch nütz möcht gesein / so will ich mich durch die eer seines namen geren ergeben in alle arbeit die er mir auff mag legen vmb das hail meins nächsten / Geselt es aber got das ich von hynnen schaid / so solt ir wissen gänzlichlichen ir allerliebsten kind meine das ich doch mein leben geben hab für die hailigen cri

## Katherina

stenhait / vnd das schazt ich für ain  
besondere gnad das mir das verly-  
hen was. ¶ Darnach berufft sy ai-  
nen yeglichen besonder zu ir / vnd  
sagt in wie sy sich nach irem tod hal-  
ten solten / wann all die emsiglich  
bey ir gewonet hetten die haben ir  
all nachgeuolgt in grosser vollkum-  
menhait. Alleria het gehebt ain Ed-  
len vnd ainen vernünfftigen man /  
der starb in iren jungen tagen / Do  
versmächt sy fürbaß all flaischliche  
gelüst / vnd volgt Katherinen nach  
mit inbrünstiger begird / vnd het sy  
als lieb dz sy on sy nit gesein mocht  
Vnd darumb nam sy ir klaid vnd  
iren orden an sich / vnd alles das sy  
hett das gab sy armen leütten nach  
irem radt / vnd het ain hertes leben  
mit wachen vnd mit wainen / vnd  
mit fasten peiniget sy iren leib / mitt  
gebeet vnd in contempl. erung über  
sy sich emsiglich / Die fand ich dan-  
nocht lebenndig do ich wider gen  
Rom kam / die sagt mir vil was got  
wunders mitt Katherinen gethon  
het. ¶ Die ander hieß Francisca de  
Senis / do ir man nun gestarb do  
nam sy auch den orden an sich / vnd  
het drey sün / die thet sy in der predi-  
ger orden. die starben all drey vor ir.  
Alleria vnd Francisca die lebten nit  
lang nach Katherinen. ¶ Die drit  
hieß Lisa / die het iren brüder gehebt  
die lob ich nit seer / wan sy lebt noch  
Aber doch ist sy schämig / vnd hatt  
ain güten leumbden / vnd iren nach-  
buren riedt sy / das sy solten bleibn  
bey der ordnung sant Dominici.  
¶ Item vil mann die ob irem todt  
waren gewesenn / der will ich nur

## von Senis

vier nennen / die bekenn ich das sy  
geziert waren mit allen tugenden /  
Der erst hieß der hailig brüder mitt  
dem namen / vnd was hailig an  
dem leben / der ließ alles sein vatter  
land vnd sein freünd durch got / vñ  
kam zu d stat Senis / da für er. xxx.  
jar ain Ainsidel leben / vnd lebet on  
Klag nach dem radt gaislicher vnd  
andächtiger leüt / der wonet emsig  
lichen bey diser junckstrawen / von  
den grossen wundern vnd zaichen  
die sy an im thet / vñ an andern leü-  
ten / der sagt / er het vil tugend vor  
ir geleernet / besonder groß gedult /  
die sy het in vngemessnem grossen  
leiden / der für vnlang nach ir gen  
hymel. ¶ Der ander was ain rai-  
ner mensch / vnd was jung an der  
zeit / vnd alt an den sitten / der was  
bürtig von Florenz / mich daucht er  
wår gezieret mitt allen tugenden /  
der hieß Sorducius / der ließ seine  
brüder vnd va erland / vnd all sein  
freünd / vnd kam gen Rom zu der  
junckstrawen / vnd belaid bey ir bis  
das sy gestarb / Den het Katherina  
lieber dann die andern / Ich main  
es wåre darvon das er ain rainer  
mensch was / den hieß sy das er bey  
mir solt bleiben / vnd solt sein leben  
richten nach meinem radte. Vnd  
nachdem do sy verschied do ward  
er kurtzlichen siech / do sandte ich in  
gen Senis. wan ich forcht im wår  
der lust schad / vnd do starb er kurtz-  
lich / Vñ do er sterben wolt / sach er  
vmb sich mit ain frölichen ant. üz /  
vñ mit lachendem mund gieng im  
sein seel auß / vñ dannocht do er ge-  
starb do stünd im sein mund als ob



er lachte. Der düt was auch jung vnd hieß Steffanus von Senis / der het sy als lieb daz er vater vñ müter vnd gewister got lief vnd volgt ir nach wo sy hinfür. Do sprach sy zü jm do sy sterben wolt / sun es ist der will gots / vñ ich gebeit dir / das du die welt lassst vnd ain Cartheüser werdest / Das tet er vñ hielt sich also gaistlich dz man wol sach dz das wort auß gottes munnnd gegangen was / wan do er nu gehorsam was do ward er prior zü Mailand / vnd über vil clöster ain visitierer. Der vierd hieß Romearius. der was bürtig von Senis / der ward ain ainsidel nach irem tod / Er vnd Steffanus vnd Sorducius die waren ir schreiber / vnd schriben ir all ir brieffe vnd was sy redt so sy entzuckt was. Vnd von den vier mannen hab ich geschriben / das sy mir gesagt haben was vor irem tod vñ nach irem tod geschach dieweil ich auß was. wan sy waren bey irem tod gewesen / vñ waren vor auch emsiglich bey ir gewesen / Sy empfalch in das sy mir alle dinng solten herwider sagen / vñ das sy allzeit ain züflucht zü mir solten haben an irer stat. Vnd also thet sy ainen yeglichen kund wöliches leben jm aller nitzeft wär. Ain schickt sy in ain closter / vnd ain hieß sy ain priester werden / vnd den andern ain ainsidel. Darnach sprach sy ir schuld / vnd sprach / ir allerliebsten / wie das ist das ich allzeit mit grosser begird begert hab euer seligkeit / dan noch wais ich wol daz ich samig bin gewesen an güten werken vnd an güten ebenbilden / das

ich solt vnd möcht gethon haben / wär ich ain recht gemahel Jesu christi gewesen. Ich bin auch nit fleissig vnd besorgt gewesen vmb euer leiblich nordurfft als ich solt / Darumb bit ich eüch das ir mir das vergeb / Ich bit eüch auch allsamt. vnd ain yeglichen besonder / das ir nit vergessent der leere die ich eüch gesagt hab. ¶ Sy beichtet in ir tranckheit all tag / vnd erwan mer dan aineft im tag / vnd bat allzeit demütiglich vmb das hailig sacrament / vnd vñ alle gotes recht / Darnach hieß sy ir sprechen den ablas den ir geben hetten die zwen Pöpst Gregorius vnd Urbanus / darnach ward sy zuehen vnnd strait mit den bösen gaisten / das verständig die bey ir warn wol an irer red / wan sy schwaig ye ain weil als ob sy zühöret / so antwurte sy dann. Sy sprach aines mals / die eitlen eer hon ich nit gesücht / Darnach ward sy seer tranck / vnd darnoch lief sy nit ab sy manet ire kind die da gegenwertig warn. do sprach sy / was eüch gebücht / oder waran ir zweifelt / so kumt zü Brüder Keimund / vnd sagt jm von mir / er soll stark sein / vnd soll jm nit fürchten was jm begegnet / wan ich will emsiglich bey jm sein / vnd will in erlösen von allen nöten. Thüt er aber ichts das er nit thün soll so will ich in disciplinen / das er sich richt vnd besser / Das sprach sy gar offte / vnnd waren auch die letsten wort.

**Da ward Katerina**

geladen von irem gemahel  
Jesu in das ewig leben



**W**ann Katerina sach das sy ir gmahel Jesus christus lād zū seiner frōwdreichen wirtschafft / do sprach sy dise wort / Herz in dein hend enpfilch ich meinen gaist / mit den worten schied ir seel von irem hailigen leib / do man zalt nach christi geburt M.ccc.lxxxvj / an ain sonntag den man nennt Jubilate / am .xxix. tag des monats Apillis / das was an sannt Peters tag des Prediger Ordenns / vor der driten stund. Zū der selben zeit was ich in d stat Janua / do kam ir gaist zū mir / vnd sprach die vorgenanten wort / die sy zū mir gesprochen hett / do sy dannoch lebt / Aber mein hertz was als blind / vñ verstünd sein nit wannen dise wort giengen. ¶ Zū den selben zeitten was ich Provincial / vnd andrer brüder vnd maister warn vil bey mir in der stat Janua vnd wolten vns beraiten auff die

fart gen Bononia / da wolten wir ain capitel haben / vnd wolten wölen ain neuen General / vnd do füren wir durch das mör bis zū Phisfas / darnach kamen wir gen Bononia / da dingten wir ain schiff / vnd wären geren geschiffet. do gieng es vns nit glücklich / deshalb das es sant Peters tag was des predigers / do machet ich mich des morgens in die kirchen vnd wolt mess sprechen vnd do ich mess sprach do gieng ich für vnser frawen bild / vñ kniet nider / vñ sprach ain Ave maria / do ward ains mit mir reden in meinem gemüe / vnd sprach also zū mir Du solt dir nit fürchten / wann ich bin hyc von deinen wegen vnd bitt in dem hymel für dich / darumb bis sicher ich will dich beschirmen / darumb fürcht dir nit ich stand vor dir Dise wort wurden mir zūgesprochen nit mit aussprechlicher stim / aber ich verstünd sy bas dann ob man mir mit lauter stym geschryen het / Von den worten was ich nit in klainen angsten / wan ich gedacht mir. was ist der trost / vnd was ist die sicherhait / vnd gedacht / es wär villeicht Maria / dauon das ich das Ave maria gesprochen het / vnd gedacht mir es wär villeicht ain grof leiden vorhanden / in dem wölt sy mir zū hilff kōmen / vñ het mich gewarner das ich dester sicherer wär / vnd gedacht darumb das ich von dem Creütz geprediget het wider die vngelaubigū die wurden vns villeicht begegnen auff dem weg des mörs / vnd wurden sich an vns rechen.

## Von den zaichen

nach irem tod.

**A**In edle fraw was in 8 stat  
 zü Rom/die was warhaff-  
 tig vnd eersam / der beicht-  
 uatter was ich wol. xx. jar gewesen.  
 die sagt mir das gesicht/das hye ge-  
 schriben ist / die fraw hieß Senna/  
 vnd het ain groß geschlecht in der  
 stat zü Rom / vnd het zwen sün die  
 dieneren got mit grossen fleiß / vnd  
 sy het die gewonhait dz sy all nacht  
 auffstünd vñ beetet bis das die mor-  
 genrödt auffgieng / so naiget sy sich  
 den ain weil auff ain küßin durch  
 iredes hauptes willen. Sy hett dise  
 junckfraw Katherinam zü mal lieb  
 vnd gieng emsiglich in das haus /  
 Aber doch waren etwo vil tag das  
 sy zü ir nitt gangen was / wann sy  
 weest nit das sy als übel mocht / vnd  
 do Katherina rodt was do nahnet  
 es sich aber gen dem tag / vnd kurz-  
 lich do wolt sy nach irer gewonheit  
 auffgestanden sein / do erschain ir  
 ain klains vnd ain schöns kind bey  
 .ix. jaren / vnd sprach zü ir / ich will  
 nit das du auffstandest bis an den  
 tag / wan ich dir zaigen will etwas  
 Do het sy grossen lust von der gros-  
 sen schöne des kinds / vnd sprach zü  
 im / O du güts kind / laß mich auff-  
 ston / wann es fügt mir nit das ich  
 die mess versäum an dem hailigen  
 sonntag. Do sprach das kind hynwi-  
 der / ich will in kainer weis das du  
 auffstandest / du sehest dann vor die  
 wunder die ich dir von gebot gotes  
 zaigē will. Do daucht sy / wie sy das  
 kind auffzug / vnd für auff an ain

weite stat / darin stünd ain kirch / vñ  
 in der höch was ain schöns taberna-  
 kel. das was aussen silbin / vñ was  
 verschlossen. Do sprach das kind zü  
 ir / bait ain klain weil so wirst du se-  
 hen was in dem tabernackel ist / vñ  
 do erschain ir ain annder kind / das  
 was dem vordern kind geleich / das  
 trüg ain silbin laiter auff seinem ru-  
 ckan / vnd ain guldin schlüssel in sei-  
 ner hand / do lainet es die laiter an  
 den tabernackel / vnd gieng hinauff  
 vñ sperret auf. Do sach Senna ain  
 schöne junckfrauen / die was geziert  
 mit schönen klaidern / vñ geschmeid  
 vnd drey kronen het sy auff irem hau-  
 pte / vnd stunden als aigenlich auff  
 ainander / das man ain yede aigen-  
 lich sach / die vnderst kron was sil-  
 bin. vñ das silber was als ain weis-  
 ser schne. Die ander kron was rodt  
 vñ was von gold darein geschmide  
 Als da man mit gold auff ain tüch  
 näet. Die drit kron was lauter gul-  
 din / es warn aber allenthalben dar-  
 ein gewürckt margariten / vnd edel-  
 gestain / Do gedacht Senna / wer  
 mag nur dise junckfrau sein die als  
 zierlich geklaidt ist / vñ do sy die junck-  
 frauen mit fleiß ansach / do daucht  
 sy wol sy wär gstat als Katerina  
 von Senis / dann daz sy wunnig-  
 licher gestalt was dan Katerina /  
 dauon daucht sy / es wär ain andre  
 Do sprach das kind / das ir erschain  
 am ersten / kennest du die / die du da  
 siehst. Do sprach Senna / sy hat ain  
 anclütz als Katerina / aber Katerina  
 ist ölder gestalt. Do ward Katerina  
 lachen vñ sprach zü den zwayen kin-  
 den / secht die kēnt mich nit. darnach

## Katherina

do kamen vier kind die waren den vordern gleich / die trügen ain bett das was geziert als ain praut bedt / mit guldin tüchern / die waren gestalt als ain purpur / das sagten sy nider bey dem tabernackel / vnd da namen sy die junckfrawen vnder ir arm / vnd wolten sy legen an das praut bedte / Do sprach sy / Baiten / lond mich zu der gon die mich kent vnd doch nit erkennt / vnd do was sy behendiglich bey ir / als ob sy geflogen wär / vñ sprach / Senna ken nest du mich nit / ich bins Katherina von Senis . Do sprach die frauw / Bist du mein gaistliche mütter Katherina . Do sprach sy / Ja / ich bins / du solt eben mercken was du sichst Do kamen die vordern kind vñ fürten sy noch höher / vnd legten sy an das zierlich bedt . Vnd do ir Senna also nach sach / do sach sy ainn stül / darauff saß ain künig / der was geklaidt mit ainem klaid das was vol Gemma vñ edel gestain / vnd er het ain kron auf seinem haupt / vnd het ain offens büch in seiner hand . vnd die kind hüben das bedt auff / vñ trügen es in die höch / vñ sagten es dem Künig für sein füß / Do stünd die junckfraw auff / vñ viel dem künig zu füßen / vnd beetet in an . Do sprach der künig / bist mir wilkummen Katherina allerliebste tochter / vnd gesponsz meine / do hieß sy der künig auffstou / Das thet sy / vnd stünd zu seinem stül / vnd wolt der Künigin warten / do kam sy / vnd bracht ain grosse schar der junckfrawen / do begegnet ir Katherina behendiglich / vnd viel für sy nider auff die knye /

## von Senis

Do braitet Maria auf ir hend . vnd enpfieng sy lieblich / vnd sprach / bist gott vnd mir willkomen du liebste tochter / vñ do hüß sy Katherina auf vnd wolt ir gebn den kuf des frids . Do gebot ir die kayserin / das sy sölt zu den andern junckfrawen auch gan / Das sach die frauw Senna alles aigentlich / als ob sy gestanden wär bey iren füßen / Sy erkant och ain yeder hailgen bey seinem zaichē Sant Katherina trüg ain rad / sant margret het ain tracken vnder iren füßen / darüb nannt sy ain yegliche bey irem namen / vñ sprach / O Maria müter chusti bit got für mich / O Maria magdalena / o Barbara / O Katherina / o Margareta / o Agnes / o Agatha / o Alfra / o Ursula / Lucia / Ottilia / o Dorothea / Regina / Christina / Appolonia / bit got für mich / Vnd do fröwten sich die junckfrawen all mit Katherinen der edlen junckfrawen / Vñ do ward sy gesetzt mit grossen eern vnd würdigkait vnder die selbē junckfrawen . Do erwachet Senna / do sach sy wol das die sunschain / vnd das es wol was umbertzzeit / do ward sy gar laidig das sy versaumpt het die mess / Vnd do gedacht sy an das gesicht das sy gesehen het / vnd weßt nit was es beütet / wann sy weßt nit das Katherina tod was . sy weßt aber wol das sy siech was / vnd gedacht / sy wär villeicht entzucket gewesen / die weil sy das gsicht von ir gesehen het / vñ ir het villeicht got aber etwas geöffnet . Vñ do was ir auch laid umb ir zwen sün / dz sy in ir speiß nit geordnet het / vñ sagt wol bald ain hasen

zū dem feur / vnd lieff in die kirch. ob  
 ir ain mesz möcht werden / do sy dar  
 kam do hett man das ewangeli ge-  
 sungen / do ward sy betrübet / vnd  
 sprach / O mir armen / Mich hatt  
 recht der böß gaist betrogē mit dem  
 gesicht / der worten / dz ich mich der  
 mesz versaumpte / Vnd wolt nu be-  
 sehen in ain andre kirchen / ob ir ain  
 ganze mesz möcht werden / do hort  
 sy in ainem frawen closter mesz leu-  
 ten / die warn nahen bey irem hauf  
 Do ward sy gar fro / vnd lief behen-  
 diglich dar / do hüß man als bald  
 mesz an / doch was sy ser bekümmert  
 vmb ir Sün / das ir essen nit bereit  
 was / wan sy waren nun zū iren ta-  
 gen kōmen / das sy iren zoren fürch-  
 ten müß / wan sy waren herdt leut  
 Vnd do empfalch sy got alle ding /  
 vnd hort mesz / vnd nach der mesz  
 kamen ir die sün auff dem weg vnd  
 sprachen / müter es ist spat. schick daz  
 wir schier essen / do lieff sy haim vñ  
 wolt das essen bereit habē / do fand  
 sy / das es alles sampt schon bereit  
 was / vnd das flaisch was gesotten  
 nach allem wunsch / vnd sassen zū  
 dem tisch / Darnach sagt sy iren sū-  
 nen / was sy gesehen het. vnd wie es  
 ir mit dem essen ergangen was / vñ  
 nach dem tisch lieff sy an das hauf  
 Katherinen / vnd klopfet an / Do  
 wolt ir niemand antwurten / wan  
 sy warn alle sampt als betrübt vñ  
 ir gaistliche müter / das sy niemand  
 wolten hynein lassen / vnd klagten  
 mit grossen laid ir maisterin / Ir  
 todt hetten sy geren verholen / der  
 worten. das die vnrüw / vnd das zū  
 laufen des volcks nit zū groß würd

vnd dauon theten sy die thür nit ge-  
 ren auff / Vñ darnach an dem näch-  
 sten tag trügen sy den mäglichen  
 leib in 8 prediger kirchen. so sy haim-  
 lichest mochten / Do man sy nu hyn-  
 bracht / do kam das volck gescharet /  
 tringend mit grosser begird / vñ vie-  
 len all an den hailigen leichnam /  
 das sy in berüren mochten ir hend /  
 oder ir süß / oder ire klaid / Do for-  
 chten ire kind / vnd auch die brüder /  
 man würd ir das klaid vō irem leib  
 alles verschneiden / vnd würden  
 auch den leib entgängen / Do trü-  
 gen sy iren leib in die Capellen / die  
 stünd in der kirchen / vnd legten sy  
 in ain eifnin truchen. Do kam Sen-  
 na von geschicht zū der selben kirch-  
 en / vnd do sy das groß volck vnder  
 ainander sach schreyen / do frage sy  
 was dem volck geschehen wär / vñ  
 warumb sy all dar kōmen wāren /  
 Do ward ir geantwurt / Katerina  
 von Senis wär verschaiden / vnd  
 man het sy in die kirchen getragen /  
 Do sy das hort. do schray sy / vñ wai-  
 net / vnd gieng zū iren töchtern vnd  
 sprach / O ir aller bösesten frawen /  
 warumb habt ir mir verholen den  
 tod meiner liebsten müter. Do wur-  
 den sy sich fast entschuldigen. Do  
 sprach sy zū in / sagt mir / wenn ist sy  
 verschaidē. Do sprachen sy / gestern  
 vmb Terz zeit am sonntag. Do hüß  
 Senna an / vnd schray / ich hab sy  
 gesehen mein allerliebste müter daz  
 sy die engel aufgefürt haben in den  
 hymel / vnd das sy auff irem haupt  
 het drey kronen / Got hatt mir groß  
 güt gethon / er hat mir getzaiget die  
 hymmelfart meiner allersüßestenn

## Katherina

mütter / vnd ir Ker / vnd hat mir die  
mes wunderbarlichen gefügt / vnd  
do saget sy hynwider wie alle ding  
ergangen waren.

### Da stünd ir leib

vnbegeben.

**O** man Katherinam gelegt  
hett in die eifnin truben / das  
ir leib nicht würd gemindert vnd  
verstolen / do hatten sy die francken  
mit grossen glauben / vnd die siech-  
en / vnd begerten von ir / das sy in  
vmb gott erwerbe gesundhait irs  
leibs. Ain schwöster der regel sant  
Francisci / die hiefs Dominica / die  
was bürtig von Lamparten / vnd  
het gewont in der stat zu Rom / der  
was ir arm erkumpt wol. xj. mo-  
nat / das er ir vnnütz was / vñ was  
ir gleich dürr worden. Do sy höret  
das man die hailigen junckfrawen  
in die kirchen bracht het / do machet  
sy sich auff mit grossen freuden / vñ  
kam in die selben kirchen / vnd do sy  
zü dem hailigen leichnam nit kom-  
men mocht do zoch sy ain tuch her-  
für / vnd schray / vnd begeret / das  
man das tuch nur legte auf den hai-  
ligen leichnam / vnd irs den wider  
gab / Das erwarb sy kaum / vnd do  
ir das tuch ward wider gegeben do  
wand sy es vmb iren krummen arm /  
do ward er ir zü hand gerecht vnd  
gesund / Do schray sy vnder in allen  
vnd sprach / dise junckfraw hat mir  
meinen arm gehailt / der mir lanng  
verdorben was. Do sy das horten /  
do ward das geschray noch grösser  
dann vor / vnd was das volck noch  
begiriger / vñ brachten dar die siechē

## von Benis

vnd begerten / das man sy nur berü-  
ren ließ den sam irer klaiden.

**A**ber ain zaichen

**V**nder den andern bracht man  
ain kind das was vier jar alt / dem  
waren von grossen siechtumb alle  
die band seiner kelen in ainander ge-  
rumpffen / dz in sein haupt lag auff  
seiner achseln / vnd mocht sich nit  
auffrichten / Das kind trügen sein  
freund zü der junckfrawen / vnd leg-  
ten in ain hand auff seinen schmer-  
zen / vnd irer tücher aines wunden  
sy in vmb sein keelen / vnd über ain  
klaine weil ward sich das kind auff-  
richten / vnd ward gesund / do ließ  
das volck ye lenger ye fester zü / wañ  
es geschahen grosse zaichen / vnd  
liessen iren leichnam ston drey tag /  
Do kam ain grosser maister der hai-  
ligen geschafft / vnd gieng auff den  
predig stül / vnd wolt gepredigt ha-  
ben von der junckfrawen / do kund  
man das volck mit nichten gestillen  
Do müst er dauon lassen / vñ sprach  
Ich sich wol / die junckfraw bedarf  
vnser predigen nit. wañ sy kan sich  
selber wol auffrichten mit predigen

**A**ber ain zaichen.

**D**o kam ain Römer der hieß Lu-  
cianus / der het ainen grossen siech-  
tumb an ainem bain / vnd hett vil  
güts mitt den ärtzen verzeret / das  
halff in nichts / vnd wenn er ainen  
kurzē weg gegieng mit ainem stab  
so mocht er nymer gon / Do er hort  
die grossen zaichen die der herz wür-  
cket durch sein gesponsen Katerinā  
do kam er kaum mit grossen nöden  
zü dem gotshaus / mit der hilff an-  
dier menschen / vnd man fürt in zü

der juncckfrauen / do nam er ir hand  
vnd legt die auff sein bain mit gros  
ser andacht / vnd zü hand empfand  
er das er krefftiger was worden /  
vnd ee er von danen kam do ward  
er gänglich gesund / Do lobten die  
menschen alle got die darbey stün  
den / vnnnd gieng darnach haim on  
aller menschen hilff.

### Von ainem grossen zaichen.

**I**n tochter hieß Kitola / die  
het ain scheüßliche aussetzig  
kait vnder irem anlüt / also daz ir  
die nass / vnd die obern leffzen ires  
munds / schmackten / vñ waren faul  
Do sy die zaichen hort die Katheri  
na thet do kam sy auch in die kirchñ  
vnd wär geren zü der bar gangen /  
do was des volcks als vil daz sy nit  
hynzū mocht / do begert sy / daz man  
sy hynzū ließ / vnd als oft sy vertri  
ben was als oft trang sy wider hin  
zū / vnd zü dem letzten für sy hynzū  
mit als grosser vngestümigkait daz  
ir niemant abgessigen mocht / vnd  
straich ir anlüt an ir hend / vnd an  
ir füß / vnd ir anlüt auff das ant  
lüt der juncckfrauen / do ward sy al  
ler ding gesund. ¶ Aber ain zaichñ

**E**s was ain Römer der hieß  
Cipius / der hett ain wirtin  
die hieß Sella / die gebar ain tocht  
er / die gewan in iren jungen tagen  
die schwind sucht / Do wolt sy kain  
ertzney helffen / Vnd do ir freünnd  
horten von den zaichen sant Katheri  
nen / do empfalhen sy ir kinnd der  
hailigen juncckfrauen / vnd lieffen  
es berüren mit dem tüch / vnnnd mit

dem Pater noster der hailigen junc  
ckfrauen / do ward es aller ding ge  
sund.

¶ Aber ain zaichen.

**O**ir hailiger leichnam dan  
nocht also lag vnbegeben /  
do was ain burger zü Rom der hieß  
Antonius / der stünd aines tags in  
der kirchen sant Peters des zwölff  
poten / do hort er reden von grossen  
zaichen die Katerina thät / der was  
als siech / das er kaum gon mocht /  
das was im geschehen von grosser  
arbeit / vnnnd kain ertzney mocht im  
gehelffen das er gesund würd / Do  
empfalh er sich sant Katherina mit  
rechter andacht / vnnnd gehieß ir / er  
wölt ir etwas eerung thün / Do ge  
schahen wunderliche ding / an der  
stund do er das gelübt thet do hüß  
er sich auff vnd gieng frölich zü sei  
ner helfferin / vnd sagt ir danck / vñ  
volbracht sein gelübt.

¶ Aber ain zaichen.

**E**s was ain andächtige edle  
fraw / die beherbergt die junc  
ckfrauen Katherinam emsiglichen  
mit aller irer gesellschaft / die hieß  
Paula. die het vier moner groß siech  
tumb gelitten / vnnnd het das darm  
gicht / vnnnd niemant kund zü den  
zwayen siechtumben / wan was zü  
dem ain güte was das was zü dem  
andern schad / Ainer müßt lufft ha  
ben / den andern müßt man verdeck  
en / vnd die fraw ward gar seer ge  
martert / daz sy daucht sy müßt ster  
ben / Vnd do Katherina gestarb do  
begert sy. daz man ir etwas gäb daz  
ir hailiger leib berüret het / das thet  
man / vnd bracht ir spat etwas / vnd

## Katherina

am morgens stünd sy auff/vñ was gesund. ¶ Aber ain zaichen.

**U**nd do sy nu begrabē ward do lief dannocht der allmechtig got mit ab/er zieret seinen gemahel mit grossen vngemeßnen zaichen. Es was ain Römer hieß Johannes/der het ain sun/der het als tranck süß daz er darauff nit geston mocht/do hort er sagen von den grossen zaichen der junckfrawen/vnd thet ain gelübde/vnd fürte das kind offte zü irem grab/vnd satz es auff ir grab/zü hanndt ward es frisch vnd gesund.

¶ Aber ain zaichen.

**I**nes mals was ain frau von Teütschen landen dar kōmen/die het lang grossa leiden gehebt an iren augen/das sy schier zü mal nichtz gesach/vnd ver zweifelt/das es nit wāger wurde/do empfalch sy sich sant Katerinen vnd thet ir ain gelübde/do ward ir ir gesicht gesund.

¶ Aber ain zaichen.

**I**nder stat zü Rom was ain frau/hieß Maria/die kam in ainn siechtüz ihres hauptes vnd mit maniger lay het sy sich verdörbt/daz sy das ain aug verlos/vñ vor rechtem laid vnd scham wolt sy nymmer auf gon / Do sy nu hort von Katherinen/do thet sy ir ain gelübt vnd in der nächsten nacht erschain Katherina der frauen dirn/vnd sprach / sag deiner frauen Maria/daz sy kain erzney mer thū/vnd daz sy all morgen gen kirchen gang/vñ das götlich ampt hör/so wirt sy gesund. Die dirn sagt irer frauen die

## von Benis

bottschafft/Do volget sy der magt/vnd gieng gen kirchen/do ward sy zü hand gesund.

¶ Ain ander hübsch zaichen

**I**n edle frau hieß Johāna/die het Katherinam lieb/die weil sy dannocht lebet do was sy ir gar haimlich/vñ do sy sach die grossen zaichen/do gewan sy ain gedirgen zü ir / vnd wo sy zü den siechen gieng so riedt sy in sy solten nur Katherinen anruffen/so wüdt es wegger / daruon wurden vil mensches gesund/die ir folgten / Vnd do geschach es on gefärd / dz irer kind aines luff auf dem soler/vnd viel herab on alle aufenthebung/das es die mütter sach mitt ir n augen / do erschriack sy seer/vnd forcht/es het sich zü tod gefallen/od es müßt ain ewiger dürfftig sein / do schray sy/hailige junckfraw ich empfilch dir mein sun / Do geschach ain wunderlich ding/wiewol das was.dz das kind hoch geuallen was/vnd das kinnd zart vnd mürb was/do lag es/vnd was im kain laid nye geschehen/do lieff die müter behendiglich herab vnd fand das kind frisch vñ gesund

¶ Von ainem andern zaichen

**I**nes mals was ain frau/die wüsch den leüten omb lon/die hieß/die güt johāna/also wüsch sy bey dem wasser Tibus ire tücher Vnd ain leinin golter wüsch sy als vnbesorgt/das er in daz wasser viel Do was sy in grossen laid/wañ sy weft wol daz sy in nicht vergelten mocht/vnd buckt sich in das wasser vnd wolt in wider herauf zyehen/



do viel sy in das wasser/ vnnnd sach wol das ir die menschen nit gehelfen mochten/darum richt sy sich zu got/vnd gedacht an Katerinen/vn rufft sy begirlichen an/ vnd sprach/ Hailige junckfraw hilf mir in disen nödten/vnd an der stund do sy das sprach do hüß sich das wasser krefftiglich auff/vn fand den golter wider/do lobet sy gott/vnd die hailig junckfraw. ¶ Die zaichen/vnd andere zaichen vil thet got durch sein gesponsen / der man nicht all mag geschreiben. ¶ Ain ander zaichen. ¶ **E**S was ain artzt/hieß Jacob/der was ain rechter meister vn güter freünd/der gieng zu mir von ertzney willen/der sagt mir/es wär ain junger burger/8 hieß Nicolaus. der was ains namhafftigen mans sun zu Rom / vnd der het ain siech- tumb an der keelen/der was gleich verzagt an aller ertzney / vnd do er nu lang gelag /bis das man im der sel wartet/Des ward Alexia innen do was ir gar laid vmb in / wann sein stieffuatter het Katherinam zu allen zeien lieb gehebt/vn alles sein gefind/Do kam Alexia zu dem jungling/vnd bracht mit ir ainn zan der was Katherinen/den behielt sy für ain wirdigen schatz/vnd do sy sach daz das geschwer seiner keelen yetzo wolt verschwellen/vnd das er nahent erstickt was.do zoch sy den zan herfür/vnd legt im den zan auff die keelen/vnd an der stund zerbrach im sein geswer/das macht ain grossen lautern knal/ als ob ain stain gefallen wär / Do richtert der siech das haupt auff/ do gieng im gross vn-

sauberkait auß seiner keelen durch seinen mund/vnd ward gantzlich gesund/vnd dancket got/vnd der hailigen junckfrawen sant Katherina von der zan er gesund worden was vnd erlediget von dem tod.

¶ Vnnnd von dem zaichen namen all menschen gross wunder/vnd besonder die ärzte / wann sy westen wol den grossen wee des siechtüßs.

¶ **E**S geschach aines mals daz ich offentlich prediget von der junckfrawen/do saß der selb Nicolaus auch da/der stünd auff vor allem volck/vnd schray mit lauter stym/ Herz es ist wor/wann ich bin der/an dem sant Katherina das zaichen gethon hat. ¶ Vnd wölten wir die zaichen alle besonder sagen die si nach irem tod gethon hett / so würd es gar zu lang / Aber do ich gen Rome kam/vnd über ir grab gieng/do fand ich gar vil wächfinner bild / den sy allen geholffen hett. Das vergich ich vor got vnd vor seinen engeln.

¶ Aber ain anders zaichen.

¶ **E**S geschach aines mals do die künigin Johanna kriegt wider den papst Urbanü.daz sy ain man sandt gen Rom/der hieß Reinmund.mit grossen gefind der vngelaubigen/die heten sich all angewapnet daz sy den papst vahn solten/Do waren die Römer treulich mit irem bischoff/vnd wörten sich kecklichen vnd weiflich/Also geschach es daz der Römer vil ergriffen wurden/vnd die mächtig waren/etlich bunnden sy an die böum/vnd etlich bunnden sy mit eifnin zangen/das sy sich mit gelt müßten von in lösen

## Katherina

Aber alle die Katherinen anrufften die wurden all wunderbarlich ledig/ der selben kam ainer zü mir/ der saget mir selber auß seinem munnnd/ den heten sy an ainen baum gebunden/ vnd do er Katherinā anruffte do ward er ledig/ vnnnd lieff wider in die stat.

¶ Aber ain zaichen.

**B**ey vnserm Conuent waren fünff natürliche bad/ do het ich des mals ain siechtumb/ das ich desselben bad nott was/ do riedten mir die ärzt ich solt da innen sein/ do kamen ir geistliche kind zü mir vñ batten mich mit grossen ernst daz ich ir leben schreiben wölt/ vnd das thet ich/ vnd gedacht an das zaichn Do man ir haupt bracht in die statt Senense/ do zieret ich es nach meinem vermügen so ich best mochte/ Aber ich wolt nit das man es tailet bis sy angeschriben würd von dem Papst an die zal der hailgen/ do het ich geren gesehen daz man es würdiglich empfangen het/ Darumb bracht ich ain groß volck züsamen/ ich vnd ir gaisstlich sün vñ töchtern. vnd auch erber burger/ vnd brachten das haupt mit gesang/ vnd mit kerzen/ vnd mit grosser Ker/ in vnser closter/ vnd mit grossen freuden ich vnd ire gaisstliche kind/ darumb gab ich den brüder ain tag ain ergözlichait/ vnd lüde alle ire besondere kind vnnnd freünd/ vnd do wir das götlich ampt volbrachten/ vnd wir essen solten. do gieng der kelner zü dem prior/ vnd klagt im mit laid das er kaum fünff menschen prots genüg het/ Do sandt der Prior auß

## von Benis

Brüder Thomam/ der Katherinen erster beichtiger was/ zü ainem burger/ der was des ordens güter fründ/ das er in prott lyhe/ Do sy nun lang auß waren do was dem Prior laid vñ die frömbden leüt/ do hieß er sy zü tisch sitzen/ vnd hieß dieweil ain tail prots auß dem gaden bängen/ vnd das annder ligen lassen/ Vnnnd hieß die brüder auch zü tisch gan/ vnd hieß das prot auß der kammer bängen/ vnd der brüder waren fünffzig/ Das prot was gewachsen auß dem tisch/ vnd wüchß on vnderlaß/ vnd gewunnen all prots genüg. Do die Brüder kamen mit irem prot/ do hetten sy geessen/ Do hieß der Prior/ man solt es behalten bis auff ainen andern tag/ vnnnd nach tisch saß ich lang/ vñ redt mit den gesten von 8 junckfrawen/ Do kam der prior für vns. vnd sagt vns das zaichen das Katherina gethon het mit dem prot an irer hochzeit/ Vnd das zaichen daz sy lebendig gethon het das wolt sy erneüwern/ vnd wolt vnns zü erkennen geben das ir vnser dienst genäm wär/ vnnnd die Ker die wir ir entpotten heten/ darumb sollen wir Jesu christo/ vnd ir/ billichen danck sagen. ¶ Der zaichen vnd wunder hat sy vil gethon/ Vnd so man etwas in den heüßern verlos/ oder wenn den leüten etwas zerbrach oder verdarb Das laß ich omb der kürzin willen alles vnderwegen.

**Wie der herz Jesus mit Katherinen redet.**

**E**sus redet ains mals mit seiner gemählin vil ding/vñ vñ der annderer red sprach er/ Ich hab dir gesagt das die gehorsam ist ain schlüssel der porten des himels/vñ im ist auch also. Vñd hab dir gesagt von dem frid den die gehorsam geit Vñd von dem gewer: das die vñgehorisam macht/vñ wie die vñgehorisame betreügt. Wann von der vñgehorisame ist der tod in die welt gangen/Aber nu habt ir das lebē durch mein gehorsame/so ich meinem hymelischen vater gehorsam gewesen bin bis in den tod des Creützs/dar durch ich eüch auffgeschlossen hab das Reich der Ewigen sälligkait/Vñnd als ir an eüch gezogen habe den tod von dem ersten menschlichen Adam / Also habenn alle die von mir das leben/die den schlüssel der gehorsame tragen wollen / Wann do der recht weg zü dem hymel ver wüßt vñd verrunnen ward/do machet ich in zü ainer puock/vñd zü ainem rechten weg/durch den ir sicherlich gon mügt zü dem ewigen leben / Vñnd darumb sperzt auff die porten der vñgehorisame / mit dem schlüssel der gehorsame / auff das ich müg auffsperrren die porten des hymels. Sy antwurt/Herz/ich vergich/das du mich hast liebgehebt ee das ich ye mensch geboren ward/vñd all dein creatur hast du vñsäglich lieb/recht als ain mensch das von grosser liebe ist von seinen sinnen kommen/wann du bist gefangen worden von der schöne deiner creatur.ꝛc.

**A**lso ist kurtzlich geendet die legend der hailigen junckfrauen Katherinen von Senis/wie sy ire andächtigen beichtuäter/zwen oder drey/beschriben han/die täglich vmb sy/vñ bey ir/wonung gehebt hond/vñd die ir hailigs/vñ sälligs/götlichs leben/gesehen/gehört/vñnd erkennen haben/in thün vñd in lassen/in irem leben/in irem sterben/vñnd nach irem tod / Wie es dan auch klarlich begriffen vñd antzaigt ist in Pöpstlicher Bull/die in der nachgesetzten predig vñd sermon gantz warhafftiglich gemele wirt.ꝛc.

### Laus deo



## Ein schöne Bermo

oder Predig / die da gesetzt ist durch den berümbten hochgelerten Bruder Robertū de Licio / der mindern brüder Ordens sant Franciscen / bischoffen Aquinaten. die er geprediget hat zu Rom / do die sällig junckfraw Katherina von Senis herrlich erhebt worden ist / vnnnd eingeschriben in das büch der hailigen / von vnserm hailigsten vater papst Pius des namens / in beywesen vil gaislicher vätter / Cardinal / Erzbischoff / vnd bischoff / vnd anderer vil andächtiger menschen / In dem jar do man zalt von Christi geburt M. cccc. vnd. lxi. Vnd in dem driten jar des genannten hailigen vatters papst Pius / päpstlichen stüls besitzung. ic.



## ulte filie

congregauerūt diuicias: tu supergressa es vniuersas. Prouer. Vlti.

Vil töchtern haben gesammelt reichthum / du aber hast sy übertrossen all. Dise wort seind geschriben in dem büch 8 sprüch am letzten Capi.

Es seind gefunnden worden bis auff disen heütigen tag gar vil hailig personen auß fröwischem weiblichem geschlecht. die in dem gaislichen gewand des hailigen vaters sant Dominici gedienet haben Jesu christo / vnd gescheindt haben / vnd erleucht gewesen seind mit wunderbarem schein 8 tugend vnd hailigkeit. Aber denen allen ist

(mit allain gleich gewesen / sonder die all hat übertrossen die sällig Katherina von Senis / die zu vnsern zeitten / von vnserm hailigsten vater dem papst / des namens Pius erhebt / vnd eingeschriben ist worden in das gemain büch 8 hailigen / vnd vnder den andern hailigen gezelet / Vnd darumb das ir hailigkeit / ire güte werck vñ tugenden dester mer vnd volkōmenlicher an den tag kōmen vnd offenbar werden. so wöll wir in diser predig reden von der aller übertrossenlichsten hailigkeit diser angenāme junckfrawen vnd sponsen Jesu christi / von wōlicher wir nit vnbillich. besonder allerfüglichest / sprechen mügen die fürgelegten wort / die innhalten die materia diser ding die in diser predig gesagt werden / In wōlichen fürgehaltenen Worten in dem anfang / dise hailig junckfraw gelobt vñ gerümbt wirt das sy die reichthum der tugenden volkōmenlicher über die andern gesammelt hatt. Bernhardus spricht in ainer predig / die er gethon hat vō dem gaislichen Reich / Die woren reichthumen seind nit zeitliche güter / sonder tugenden / die da das gewissen bey ir tragt / das sy ewiglich reich werd. Mit solichen reichthumen hat sich beladen dise Katerina / vnd ist damit eingegangen in das reich der hymel. Von wōlicher Katerinen übertressenlichkeit seind dreü ding (das ist / drey gaislich leeren / oder haimlichkeiten) zu mercken. Das erst. Ob es müglich sey gewesen dz die sällig Katerina in dem stadt weibliches geschlechts mitt so grossen

vnd hohen übertrefflichen vor-  
goben begabt sey worden. ¶ Das  
ander / mit was tugenden sy in son-  
derhait sey geziert gewesen. ¶ Das  
drit / das sy mit übernatürlichen ge-  
naden von got begabt vnd erhöcht  
ist worden. ¶ Von dem ersten sagt  
das erst Capitel diser Predig.

**O** Als kain mensch gedenncken  
söl. noch mainen / dz die ding  
die von diser hailigen junckfrawen  
gesagt werden / vnmüglich seyen /  
so doch got in vil vnd in mancher-  
lay weiß hat wöllen großmachen  
vnd erheben auch das weiblich ge-  
schlecht. ¶ Wiewol etlich vns an-  
fechten / vnd spotlich auffheben / so  
wir von diser hailigen junckfrawen  
soliche grosse übertreffliche werck  
vnd übungen aussprechen / die vil-  
leicht durch menschlich beweglich  
anfechtungen / oder durch vermes-  
lich erhebung oder hochmüt / oder  
das noch böser ist / durch gebrechlich-  
hait vnd mangel des rechten gelau-  
ben / rechter gaisstlichkeit vñ andacht  
irren vnd vnwissend sein / so sy spre-  
chen / es gezym nit noch sey bequem  
oder sügklich / so grosse vngewon-  
liche ding außsprüffen / sagen / vnd  
schreiben / von ainer frauwen. Vnd  
sy sprechen auch / es sey jnen vnmü-  
glich zü glauben / wan es sey der war-  
hait vngleich / das dise gespons chri-  
sti souil grosser übertrefflicher werck  
gethon hab / wie dan dauon gesagt  
vnd geschriben ist. Solchen wider-  
sprechen vnd anfechtern antwur-  
ten wir mit vnser gegenred / vnd  
sprechen / dz got der allmächtig das  
weiblich geschlecht ( nach seinem

wolgefallen ) groß gemacht / vnd  
erhöcht hat in vil sachen / vnd näm-  
lich in sibensachen.

Zum ersten / in edler beschaffung.

Zum andern / in übertrefflicher  
hoher bezaihung.

Zum driten / in erleichter prophecey

Zum vierden / in müterlicher erwo-  
lung.

Zum fünfften / in frölicher wunn-  
samer erscheinung.

Zum sechsten / in wunderbarlicher  
sterckung.

Zum sibenden / in glouificierter vr-  
stend.

¶ Zum ersten ( sprich ich ) hat gott  
8 herz das weiblich geschlecht groß  
gemacht in edler beschaffung. wan  
der gebenedeit got ( der da allain ist  
ain auffsetzer vnd stifter der natur )  
hat mögen den man lediglich ma-  
chen vnd formieren auß dem laym  
der erden / vnd das weib auß dem  
ripp des mans / wie es jm gefallen  
hat. Augustinus redt dauon in dem  
.ix. büch über Genes. vnd spricht /  
Bawen / formieren / oder machen /  
das ripp / das es ain weib wär / das  
hat nyemant mügen thun dan got /  
von dem die ganz gemainsam na-  
tur besteet vnd auffenthalten wirt.  
Ob aber die Enngel dienstbarkeit  
got bewysen haben in formierung  
des weibs / das wiß wir nit / Das  
ist aber gewiß / das zü gleicher weiß  
wie der cörper des manns auß dem  
laym nit gemachet ist vom Enngel /  
also ist auch nit gemacht der cörper  
der frauwen vñ dem ripp des mans  
von dem engel. Got hat beschaffen  
die frauwen zü ainer hilff des mans.

## Katherina

## von Benis

(Genes. ca. ij.) nämlich zu ainr hilf in geberung / Vnd auch ( als Aristotiles spricht ) zu ainer hilff des hauslichen geschäfts / vnd menschlichen hynkömens vnd lebens / Vnd darumb so ist die frau ain nottürfftige auffenthaltung / zugehörig der volkömtheit der gmainen menschlichen natur. Vnd ( als Richardus spricht ) Wie wol das ist / daz das weib geboren wirt on fürnehmung vnd mainung der sonderlichen natur / so geschicht doch das auß fürnehmung vnd anschlag der gemain nature / die da baide geschlecht erfordert zu volkömner geburt des menschlichen geschlechts. Daz aber got den adel der ersten beschaffnen frauen zu erkennen gab / do er sye von dem ripp ( daz da gezogen was auß dem Adam ) formieren wolt / gab er ein den schlaff in den Adam Wölicher schlaff ( als Augustinus spricht ) ist gewesen ain verzückung oder ain entsetzung auß im selbs / wann als den hat er velleicht gesehen das wesen gots / oder ist gewesen beyden Engeln in dem hymelischen hofe / Als auch Paulus entzückt was in den driten himel. Vnd das selb ripp ist also genömen worden on wee / vnd on verletzung / vñ schmerzen / auß der seiten Adams / durch dienstparfait der engel / wie wol sy durch dienstparfait der Engel nit ward erschaffen.

¶ Zu dem andern / hat got der heri groß gemacht das weiblich geschlechte in ainer übertreflichen bezaichung / wann got wolt die frauen och mit seiner bildnuß bezaichen / wann

nemptwar / do die geschüfft yetz gesagt het ( Genes. ij. ) Got hat beschaffen den menschen nach seiner bildnuß / zu der bildung gottes hat er in beschaffen. ( Darnach setzet er als bald ) man vnd weib hat er sy beschaffen / auff dz man also vernäm daz auch das weib beschaffen wär nach der bildung gotes. Dis klärlichen zu versteen / spricht sanct Bonaventura / So es also ist / daz man spricht / der mensch sey nach der verständlichen natur / nach der bildung gotes gemacht / so mag der mensch nach der verständlichen natur allermaist got nachuolgen / Nun volget nach die verständlich natur allermaist got / deshalb daz got sich selb versteet vnd lieb hat. Vnd also nit allain in dem man / sonder auch in der frauen / wirt funden die bildung gotes / deshalb darinn allermaist / vnd voraus die eigenschafft der bildung stat hatt nämlich in der verständlichen natur / Aber etlicher anderer nachuolgender ding halb / so wirt die bildung gots gefunden in dem man / die nit gefunden wirt in dem weib / wann der man ist ain anfang vnd end des weibs. als got der heri ist ain anfang vnd end der gannzen creatur. Darumb spricht sanct Paulus zu den Corinthiern. Der man ist ain bildung gots / aber die frau ist ain bildung des mans / Vnd also / sollen die wort verstanden werden / so die geschüfft spricht xij. q. v. c. hec imago. et c. Mulier. Die frau ist nit nach der bildung gots / ja der andern nachuolgender ding halb / Sy ist aber nach der bil

ding gots der ersten fürderlichsten ding halb. Also spricht auch Richardus von dem engel vnd dem menschen / Deshalb / in dem wesenlich steet das wesen vnd die sach der bildung / so ist außdrucklicher vnd klarlicher die bildung gottes im Engel dan im menschen. wan wiewol der mensch geschaffen ist nach der bildung gottes / so hat er doch etlicher maß etwas grössers dem engel zugelegt / Also daz der engel genennt wirt nit allain ain gleichnuß / sonder ain signackel / ain sonderlich zeichen der bildung vñ gleichnuß gots / Deshalb so der engel subtiler ist vñ blosser in der natur / daz auch des selben halb in im die gleichnuß gotes meer vnd volkomlicher erschein vñ gelaubt wurd / Aber etlicher zufälliger ding halb / so ist die bildung gottes außdrucklicher vñ scheinbarlicher in der seel dan in dem engel / deshalb daz die seel behalt vnd regieret iren ganzen körper / in dem sy ist / als ir gantz vnderton / die da wesenlich ist in yeklichem tail des leibs als got behalt vnd regiert die gantz welt / der da ist überal in yedem tail der gantz welt / Vñ also der man vñ das weib hond ain gleichen vertrag vnd ainigung in der bildung / deshalb / das da wesentlich ist der bildnuß ( als vor anzaiget ist ) wiewol der man das weib übertriffet in dem das da zufällig ist.

¶ Zum dritten / hat got 8 herz groß gemacht das weiblich geschlecht in erleuchtung der weissagung / wan er hatt auch gar vil weiber erleuchtet mit dem liecht der prophecey / als da

gewesen ist Maria die schwöster Aaron / Als geschriben ist Exodi. xv. Vnd Anna profetissa / Luce. ij. Vnd die Sibillen / von den Lactantius redt / Vñnd als geschriben ist in der glos. Judicū. iiii. Daz die weiber angenömen seind zu der gnad der prophecey ist darumb geschehen / daz in vsach gegeben wurd dz sy nit durch krankheit verzweifleten / sonder gesterckt wurden in hoffnung / daz sy auch macht hetten ( so ver sy in got glauben ) kinder gots zu werden.

¶ Zum vierden hat got erhebt vnd groß gemacht das weiblich geschlecht in mütterlicher erwölung / Wan do got der herz im wolt zufügen vñnd verainigen menschlich natur / hatt er die junckfrawen Mariam ( nach dem geschlecht ain weib ) zu ainer mütter erwölt / der er so grosse vñ braite gab seiner gnad verlyhen hat / Daz sy nicht allain im verdienst / ja auch in dem lon / nach seinem sun / all creatur übertroffen hat / Engliche vñ menschliche / wölcher junckfrawen / wiewol die oberst götlich Ker vnd anbeutung nit erboten sol werden / so sol doch ir die eer 8 wurdigsten Ker erbietung / oder anbitung vmb hilff / nit entzogen werde / Also daz sy mer vñ höher zu eeren ist dann kain anderer hailig oder Burger des reichs der himel.

¶ Zum fünfften / hat got der herz groß gemacht das weiblich geschlecht / in der frölichen glorificierten erscheinung / Wann do aufferstanden ist der künig der welt / ist er am ersten erschienen den frauwen / vñ hat sich zu sehen inen anzaigt / Dar

## Katherina

von spricht Marcus an dem letzten Ca. Do Jesus auffstünd am morgn an dem ersten tag der wochen / das ist an dem ostertag / ist er am ersten erschienen Marie magdalene / Das weib ward außgewolet das sy wär ain pot des lebens / auff das nit veracht wurd das weiblich geschlecht auf dem / das das weib ain pot gewesen was des tods.

¶ Zum sechsten / hat got gegröste vnd erhebt das weiblich geschlecht in wunderbarlicher sterck. Es seind fürwar vil vnd vnerzallich weiber geweest / die in lieb der junckfrawschaft gebunnen haben / vnd in der lieb des gelaubens chusti also angezünt gewesen seind / das sy erfundn seind als starck / dz sy weder troung der grymigen wütrich geförcht haben / noch auch ab den mancherlay grausamen gschlechten Speinungen (jn angelegt) erschrocken seind. Noch och den fräuelen tod (so inen zugefügt worden ist) geflohñ / Dise ding alle seind offenbar vnd kundpar an sant Katherina junckfraw vñ marterin / An sant Cecilia / Agatha / Lucia / Agnete / Eufemia / Rufina / Secunda. Anastasia / Eulalia Püsca / Dorotea / Cristina / Justina / Margareta / Martina / Emerencia / Apolonia / Sabina / Barbara / Ursula. vñ an den ailtrausent junckfrawen sant Ursulen gespilen / vnd vil ander / der namen vnd wunderbar geschichten / lang wär zü erzeilen / Die da all wider die natur vnd wider ir natürliche weiblich aigenschaft / mit starckem beständigen gemüt yetlich vnd mangerlay peim

## von Benis

nungen überwunden / vnd darzñ auch den tod gelitten haben / Vñnd die ding mochten nit beschehen on beystand götlicher hilff / so die weiber von irer natur waich vñ vorcht sam seind / vnd mitleidig gegen andern menschen / wie vil mit seind sy waich vñnd vnleidsam gegen in selb / wañ ( als Aristotiles sagt ) so seind in allen geschlechten der thier die weib von natur waich sensst vñ gütig. vnd forchtsamer dan die man aufgenömen die berin vnd Leopardin / die grym vñnd vngütig seind / Darumb solche grosse sterck vnd beständigkait des gemüts in den vorberürten junckfrawen her nit mögē sein / es wär dan die hilff gotes mit in gewesen / Daher kumpt / das die hailig chüstenlich kirch also redt zñ got. Allmächtiger got der du vnder andern wunnderwercken deiner macht auch dem blöden weiblichn geschlechte sig vnd überwindung der marter gegeben hast. ac.

¶ Zum sibenden / hat got der herzog gemacht das weiblich geschlecht in der glorificierten vñstend am dem jungsten tag. Es bezeügt sant Augustin. libro. xxiij. vñ der stat gotes vnd spricht. Die weiber werden in der gemainen vñstende in weiblichem geschlecht aufferstein / wañ das erforscht die natur aines yetlichen sonderlichen menschen / vnd ist bequemlich der volkōmenhait des geschlechts / vnd soliches wirt ain vrsach sein zu loben die götliche weisheit. Spricht weiter sant Augustin Die gelider der weiber werden nit dargegeben dem vorigen alten ge-



brauch/sonder sy werden mit neuer  
klarheit geziert / durch wöliche zier  
die begird des anschawers mit wirt  
geraitz vnd gezogen zü begerung/  
wann solich begird wirt mit da sein  
Sonder da wirt gelobet die weis-  
hait vnd sensftmütigkeit gots.

**S**o nu diser aller weifest werck  
maister der welt / gott der herz./das  
weiblich geschlecht mit wunderbar  
lichen vnd mit mancherlay weisen  
hat wöllen würdig vnd groß mach  
en/warumb ist es dan vnglaublich  
daz er die sälligen Katherinam von  
Senis groß gemacht hat vnd wir-  
dig vnder andern hailigen / Es ist  
kein wort vnmüglich bey got / Der  
selb allmächtig got hatt dise junck-  
frawen wöllen geboren werden in  
ainer berühmten lobsamem weiten  
vnd grossen stat Senis/ von vater  
vnd müter / schlechten gotföchtigh  
vñ erbern menschn / güts leumbdes  
vñ wol gehalten bey allen mensche  
Der vater genant Jacobus Bene-  
casa / die müter Lappa / von denen  
entspungen vñ aufgangen ist dise  
tochter / die da in irem jungen kindt  
lichen alter allen menschen ange-  
näm vnd lieblich gewesen ist / Do  
sy noch kaum sünff jar alt was hat  
sy sich gekört zü d andacht vñ dienst  
perfait der hochgelobten junckfraw  
Marie / vñ gar oft ist gesehen wor-  
den / wenn sy auf oder ab gieng an  
den stafeln d stiegen die da im hauf  
was /daz sy gegrüft vnd gebeet hat  
das Ave maria . Wölicher iunckfra-  
wen tugenden / in den sy zügenöm-  
en hatt / in dem nachuolgenden Ca-  
pitel weiter erklärt werden.

**Die annder haimli-  
chait / oder gaistlich leer / ist von den  
siben sirtreffenden vnd sonderlich  
en tugenden / in den da gegrünet  
vnd auffgenommen hat die  
sällig Katherina. Das  
ander Capitel.**

**S** sind nämlich siben ed-  
ler tugenden (über annder  
tugenden (die dise Katheri-  
na an ir gehabt hatt / mit den sy be-  
gab gewesen ist von Christo irem  
gemahel.

Die erst / ist junckfröwlichait.

Die ander / großmütigkeit.

Die drit / strenge hertigkeit.

Die vierd / gütigkeit.

Die sünfft / gedult.

Die sechft / demütigkeit.

Die sibend / beständige verharrung

**Die erst tugend ist gewesen junck  
frawschafft / die da in ir gar loblich  
gewesen ist dreyer sachen halb. Zum  
ersten / von wegen des alters . Zum  
andn / von wegen des widerstants  
Zum dritten / von wegen der lauter  
kait. **Zum ersten / ist loblich gewe-  
sen die junckfröwlichait Katherine  
von wegen des alters / wann in dem  
sibenden jar ired alters hat sy gelo-  
bet vñ verhaissen außdrucklich junck  
frawschafft zu halten / vnd wiewol  
sy dannocht nit kömen was zü dem  
alter vnd jaren der beschaidenheit /  
oder der geberung / nämlich zü. xij.  
jaren / so hat sy doch solich gelübt  
wol mügen thun / wann so die bos-  
hait erfollen mag das alter (als die  
leerer wöllen) so mag auch gar vil  
mer das tün die gnad gots. Als wir****

# Katherina

auch glauben v̄ dem hailigen Ni-  
colao/der da all mitwoch vnd frei-  
tag/do er noch ain vnredens kinnd  
was / nur ainst die milch von der  
brust seiner m̄ter genommen hat/  
vñ nit mer hat w̄llen nemen / Vñ  
also hat auch gem̄cht die gnad des  
hailigen gaistes den freyen willen  
dise Katherinen f̄rk̄men / das sy  
vor dem gesetzten alter / vnd vor der  
zal der jaren geeylet hat / ir junc̄fr̄  
lichait z̄ geloben vñnd z̄ halten /  
Solichs mag gar leicht verstand̄n  
werden auß dem wunderbaren ge-  
sicht / das ir gezeitigt wurd von gott  
in irer kindthait / Wann do sy noch



nur sechß jar alt was / als sy gieng  
von dem hauß irer Schw̄ster / die  
da verm̄helet was / sach sy oben  
in dem lufft auß der kirchen der br̄  
der Prediger ordens / den hailmach  
r̄ Jesum christum sitzend auß dem

# von Senis

thron / mit P̄pstlichen gewanden  
geziert / vnd bezaichnet / vnd bey im  
etlich seiner junger sitzen / Der sach  
sy an / vnd mit aufferhebter hand  
bezaichnet er sy mit dem zeichen des  
hailigen creuzs / Vñnd do sy solich  
gesicht gehabt het / wurd sy so groß  
lich in dem heren gestercket / das sy  
nichts anders s̄cht dan̄ nur allain  
still haimlich st̄tt / die da geschickte  
waren vnd bequem z̄ dem geheet /  
vnd das sy die andern junc̄frawen  
die bey ir warn / z̄och vnd bewegte /  
vnd einf̄rte z̄ beeten.

¶ Zum andern / ist loblich gewe-  
sen die junc̄frawschafft Katerine  
von wegen des widerstannds irer  
eltern / Wan̄ wie wol ir vatter vnd  
m̄ter vil vnd lang zeit gesehen het-  
ten in irer tochter souil zaichen vnd  
anf̄ng der hailigkait / so was inen  
doch vnwissennde das gel̄bdt der  
junc̄frawschafft das sy gethon het  
Da von do die tochter nun das .xij.  
jar begriffen het / do sach die m̄-  
ter sy an / das sy anf̄ng sich z̄ zie-  
ren / als die andern t̄chtern gewon-  
waren z̄ t̄nd / die verm̄helet wol-  
ten werdenn / Solichs z̄ th̄nde  
schl̄g ab dise Katherina / vnd ver-  
schm̄cht das gehais irer m̄tter /  
Vnd darnach do ir schw̄ster (die  
yetz verm̄helet was) sy auch dartz̄  
vermanet / vnd ir radret sy s̄lt sich  
auffinuzen vnd zieren andern t̄ch-  
tern gleich / zieret sy sich gar schlecht-  
lich / nit dar̄b das sy w̄lt schw̄ch-  
en den f̄rsatz die junc̄frawschafft  
zu halten / sonnder darumb thet sy  
das / das sy ettlicher maß der vnḡ-  
st̄men vermanung / vñnd emf̄iger

anligung irer schwöster zu willen  
 wurd / Aber gar schnell gieng sy in  
 sich selbs / vnd strafft sich selbs / vnd  
 köret sich widerumb in das klagen  
 vnd trauern der penitens / als ob sy  
 etwas grosser sünd gethon het / wie  
 wol sy doch in rechter warhait gar  
 kom ain lässliche sünd volbracht het  
 Vnd do sy nun darnach fleissiglich  
 er vnd einpüustlicher sich gab der  
 andacht vnd dem gebeet. vnd ganz  
 kain sorg noch fleiß in ir was der zie  
 rung halb des leib / Do baten ir öl  
 tern vater vñ müter ainen gaistlich  
 en andächtigen gotfürchtigen man  
 der in wol bekant was / daz er mit  
 irer tochter red hielt / vnd sy verma  
 net / vnd ir riedte / daz sy sich beraite  
 in kurzer zeit ainen man zu nemen /  
 Aber derselb gaistlich man als er er  
 kannt vnd erfahren het die mainung  
 vnd fürsatz diser junckfrawen / ster  
 cket er sy in dem herren / vnd manet  
 sy / daz sy ir har abschneitt / Das thet  
 sy zu hand. Do nun ire freünd noch  
 nit wisten ires hertzen haimlichait  
 was sy ir selbs für gesetzt het / berau  
 pten sy die tochter aller freyheit / vñ  
 irer haimlichen stat / vnd züordneten  
 sy allen schnöden wercken vnd ge  
 schässen / vñnd aller dienstparkait  
 des hauf / Wölche ding alle nam sy  
 gedultigklich an / vñ köret sich in ain  
 kamer ires Brüders die kain schloß  
 het / darinn beetet sy an Chrißtu den  
 gesponsen aller junckfrawen / Nun  
 zü letst als er wouil zeit hyngangen  
 was / berüfft sy ire freünd zü samen  
 vnd endecket inen offentlich das ge  
 lübdt daz sy in irer kindthait gethon  
 vnd gelobt het / Vnd also ir öltern

vater vnd müter legten ab ir hertig  
 kait vnd vnwillen / gegen ir gehabt  
 vnd benedeiten sy / Vnd der vatter  
 verbot / vñnd enpfalch in allen / die  
 in seinem hauf warn / dz iren kains  
 sy fürhyn betrüben noch belaidi  
 gen solte.

¶ Zum dritten / ist loblich gewesen  
 die junckfrawschafft diser Katheri  
 nen. von wegen der rainigkait oder  
 lautterkait / wann nit allain hatt sy  
 behalten gånze des leibs / sonnder  
 auch lautterkait des gemüts hatt sy  
 behalten bis in iren todt / Das hatt  
 angezaigt ir wunderbare vermähe  
 lung / in solcher gestalt / wan es be  
 gab sich zü etlicher zeit in der Fast  
 nacht / daz Katerina (als sy alle zeit  
 liche begird vnd glüßt verschmächte  
 het) ir gebeet andächtlich mit fleiß  
 figem auffmercken zü got volbracht  
 Erschyn ir der herr / vnd sprach zü ir  
 So du alle weltliche fröwd durch  
 mein lieb vnder getreten hast / hab  
 ich gedacht / dich mit herlich vñnd  
 offentlich wöllen vergmäheln / Vñ  
 als bald ist da erschienen die würdig  
 gebererin gots. Johannes ewange  
 lista / Der apostel Paulus / der hai  
 lig vatter Dominicus / vnd der Pro  
 phet David mit seiner harpffen vñ  
 psalter / Vñ die gebererin gots nam  
 die gerecht hand der junckfrawen /  
 mit irer hand / vñnd strackte auß ire  
 aigne finger gegen irem sun / vñnd  
 begert / daz er dise junckfrawen wir  
 digen wölt / sy im zü vermäheln / do  
 nam er den gemähel ring. vnd stieß  
 den an iren goldfinger irer gerech  
 ten hand / vnd sprach / Ich vermäh  
 el dich zu mir

## Katherina

hel dich mit deinem schöpffer vnnnd hailmacher in dem glauben / als lang biß du in den hymmeln dein hochzeit mit mir loblich vnd herrlich begon vnd haben wirst. .x.

**D**Je ander fürtrefflich vñ sunderlich tugend der sälligen Katherinen / ist gewesen Grofmütigkeit vnnnd keckhait / Durch die sy kecklich die welt verschmächt hatt / vnd den habitum / das ist / das gaisstlich klaid des Ordens / von der reüw sant Dominici andächtlich angenömen / wölicher orden in drey dingen wirt gelobt. Zum ersten / wann er ist von sanct Dominico gestiffet vnd auffgesetzt. Zum andern / wann er ist von der christenlichen kirch bewärt vnd angenommen. Zum dritten / wann er ist von gott groß geacht. ¶ Zum ersten (sprich ich) so ist diser orden loblich / deshalb daz er auffgesetzt ist vnnnd angefangen von sant Dominico / Wann er selb der hailg vater Dominicus hat in Lombardey disen Orden gestiffet / den er genant hat am anfang / den orden von der Ritterschafft Jesu christi / der ursach halb / daz die brüder dis ordens den Käzern / die da die güter der kirchen vnnrechtlich an sich zugen vnd innhielten / manlich widerstandt theten / vnd stritten mit ganzer macht wider sy / daz sy widerum an sich brächten die güter so den genanten brüdern zugehört. Aber darnach / do die Käzer durch sant Dominicum / vnnnd durch den

## von Senis

hailigen marterer sant Peter Prediger ordens / vnd durch ander brüder des ordens / überwunden wurden vnd vndergetrucket / vnnnd gar nach ganzz außgerüert / do ist der nam (Ritterschafft) verwandelt worden in den namen (Reüw) also daz sy nun haissen Brüder vnnnd schwöster von der reüw sant Dominici.

¶ Zum andern / ist diser Ordo von der kirchen bewaret / das bezeüget wirt durch honouum den vierden des namen s / Durch Johānem den xxiij. Durch Bonifaciu den neündert. Vnd durch Innocentiū den. viij. die all disem Orden vil freyungen verlyhen vnd gegeben hond.

¶ Zum dritten / so ist diser orden gebreift berümbt vnd erhöcht vō got. Wann got der herr hatt gewölt vil hailig frauen die darinn gelebt haben / vnd darin gestorben seind / mit vil vnd manicherlay wunderzaichē erleuchten / Als da gewesen ist sant Johanna von der alten statt / Die hailig neüw Margaritha von der stat Castelli / Die hailig Helena vō Hungarn / vnd sant Katherina vō Senis / von der wir hie reden / vnd ander vil mer. ¶ Wie aber dise Katherina disem hailigen Orden sich ergeben hab / das anzaigt gar klärllich ir legend vor hye beschriben / in der gesagt wirt / daz sy von iren jungen jarn zū dem hailigen vater sant Dominicū in inprünstiger andacht gezogen wurd / Vnd als sy auff ain zeit den herren hatt / daz er sy in der verhaissen juncckfrawschafft behielt wurd sy mitt sollichem gesicht ver-

## Das LXXII blat

manet vnd gestercket / wann es erschynen ir vil hailig vätter / stiffter manicherlay orden / Vnnder denen was sant Dominicus / der da het in ainer hand ain Lilien / die da prant on verlegung / vnd in der andern hand sein gewonliche beklaidung / damit die Closterfrauen beklaidet solten werden / Vnd do ir durch die yezgemelten Vätter fürgehalten wurd / wöliches Ordenns klaid sy wölt erwölen . Antwurdt sy / das klaid sant Dominici wölt sy annehmen . Do sprach der hailig vatter Dominicus / O mein Tochter / sey starcks gemüts / wann fürwor mit disem klaid / als du begerst / wirst du angethon / vnd also verschwannnd vnd zergienng das gesicht / vnd sy be laib gestercket in dem herren. ¶ Zü letst / nach dem sy iren ölttern vatter vnd mütter geöffnet hett / vnd ver yehen / daz sy die junckfrawschafft gelobt het / durch der ölttern verwil ligung hat sy in der kirchen der Prediger brüder zü Senis / den Habitü gaisstlicher beklaidung (des sy lang begeret hett mit grosser hitziger begird) angenömen.

**D**ie drit fürtreffend vnd sonderlich tugend diser seligen Katherinen. haist Streng kait / oder herdtigkait / Wann sy ist irem leib fürwar herdt vnd streng gewesen vmb gotes willen / vnnd nämlich in drey dingen.

Zum ersten / in speiß vnd tranck.

Zum andern / in klaid vnd bedt.

Zum driten / in wachung vn̄ gebeet.

¶ Zum Ersten (sprich ich) ist sy irem leib herdt gewesen in speiß vn̄ tranck / wann von juget auff hatt sy selten flaisch geessen / das sy darnach zü letst ir gannz abgebrochen hat / vnd sich gewönet vnd gegeben hat nur allain prot vnd roch vngelocht kraut zü essen / Vnnd do sy. xij. jar alt worden ist / hatt sy allain genossen vnd gebraucht das safft der kreüter / vnd weñ sy zü etlichen zeiten wein genossen hat / irer krankheit halb / so hat sy in also vermüschet / das da kein geschmack / oder gar wenig des weins empfunden wurd / Vnd do sy nach dem fünffzehenden jar den wein ganz hynlegt zü trincken / hat sy gar vil hungers vnd dursts durch mangel der speiß vnd getrancks offt vnnd vil tag erlitten.

¶ Zum andern / ist sy ir selb herdt vnnd streng geweest in klaidung vnd bedt / Sy hat sich allain beklaidet mit wollin klaidern / vnnd kam dartzü / daz sy Winter vnd Summer nur ainen rock antrüg / vnd zü zeitten hatt sy angeleget ain härin hembd / vnd darnach das ver wandelt in ain eisnin ketten / vnd nachvolgend dem hailigen vatter Dominico / nam sy täglich drey herdt disciplinen. Ir bedt / darauff sy lag / was hölzin bretter / vnnd ir küßin was ain hölzin blocke / darauff sy nichts anders legt dan ir haupt.

¶ Zum driten / was sy herdt vnnd streng in wachung vn̄ gebeet / wann es kam offt dartzü daz sy in zwayen

# Katherina

# von Senis

tagen kaum anderthalb stüd schlief  
 Vnd darumb auß solicher hertigkeit  
 ist ir leib gefürt vnd gebracht zü soli-  
 cher dünnhait vnd mögerin daz ir  
 nabel (do sy gestorben was / vnd ir  
 leib gesehen wurd) iren nieren an-  
 gehengt was als on mittel. ¶ Itē  
 es haben auch gesagt die sy in ir ju-  
 gend / vnd auch in irem alter / geken-  
 net haben / daz sy in irer töchterlich-  
 er juget noch ainst als brait gewe-  
 sen sey als do sy. xxviij. jar alt was.  
 ¶ Dise ding alle befestnet vnd be-  
 stätet der hailig vatter Papst Pius  
 des namens / in der bull irer erheb-  
 ung / darin er also spricht. Dise Ka-  
 therina von Senis ist geweest ho-  
 her vnd grosser abstinenz / vñ wun-  
 derlicher hertigkeit ires leben / wañ  
 nach dem vnd sy die brauchung vñ  
 nyesung des weins vñ des flaischs  
 ganz hyngeleget het / noch auch ai-  
 nerlay gemüses gebrauchet / ist sy zü  
 letst dartzü kōmen / daz sy auch we-  
 der gemain kuchen speiß noch / noch  
 prot ass / nur allain das hymelbrot /  
 das ain worer Christenmensch in  
 dem sacrament des altars enpfacht

**D**ie vierd übertreffend vnd  
 sonderlich tugent diser jück-  
 frawen / ist genant Gütig-  
 kait. wañ sy ist ganz gütig vnd milt  
 gewesen. vnd fürderlich gegen drey  
 erlay geschlechten der personen.  
 Zum ersten / gegen den armen.  
 Zum andern / gegen den francken.  
 Zum dritten / gegen den sündern.  
 ¶ Zü dem ersten gegen den arm-  
 en / wann der papst Pius spricht in  
 der Bull vorberürt / Sy ist den ar-

men christi mit milter hand zü hilff  
 kōmen. Es wirt auch gelesen in irer



legend / daz sy erlaubnuß erlangete  
 hat von irem vatter / daz sy hat mü-  
 gen den armen das allmüsen auß-  
 tailen. Vnd es geschach auß ain zeit  
 ( als sy mit franckhait ires leibs be-  
 schwärt was ) hort sy von vilen die  
 da sagten / wie ain wittib / ir nach-  
 beirin / vnd ire Sün vnd töchtern  
 nottürfftiger speisung beraubt wä-  
 ren / Also daz sy durch mangel groß-  
 lich gepeiniget wurden / Do thet sy  
 ir gebeet zü got dem allmächtigen /  
 vnd wurd so krefftig vnd starck. daz  
 sy traitzen / mein vñnd öl / gar nach  
 bey hundert pfunden schwäre /  
 frü bey nacht auß iren aignen ach-  
 seln mit schneller behendigkeit trüg /  
 vñ wunderbarlich durch geöffnere  
 thür / so sy haimlicher vñ stiller mo-  
 chte / in dem hauf der wittib nyder

sagt/wiewol durch götlich verhenckruff sy ( als der ander Nicolaus ) begriffen wurd. ¶ Item es geschah auch aines mals / als sy was in der prediger kirchen / daz ain armer betler von ir das allmüsen begeret / vnd do sy nicht anders het dan ain silbin creüzlin / das da was an ainem Pater noster / alsbald trennet sy das creüzlin von dem Pater noster vnd gab es dem armen / Vnd darnach erschyn ir der heri vñ zaigt ir das creüzlin / das da yetz gezieret was mit kostlichen edlen gestainen vñ sprach zü ir / Du hast mir das Creüz gestern an dem nächst vergangnen tag gegeben / darumb verhaß ich dir / daz ich an dem tag des vitails vor dem angesicht aller Enggel vnd menschen / das dir will antwurten zü merung des hauffen deiner freud. ¶ Item vnd wenn dise sällig Katherina das allmüsen auftailt / vnd gewonlich vñ dem allerbesten vñ reichlich gab / so geschach es auch gewonlich dz der wein den sy überflüssiglich aufgab / also gemeeret wurde / so das hauff gesinnd schazt sy wurdñ noch bey vier oder fünff wochen vngesfarlich wein nemen auß dem vaf / so geschach es / daz sy für sich vñnd auch für die armen offte zwen monat vnd darüber gnügsamlich auß dem vaf namen. ¶ Zum andern ist dise junckfraw gütig vnd milt gewesen gegen den krancken / wann den krancken sy mit dem aller höchsten fleißs gedienett hat. Es fügt sich auff ain zeit daz sy ainer krancken frawen dienet / mit namen Andrea / die da von allenn

menschen verlassen was / vnd hilff loß / die was zūmal vnsauber vñnd vnlustig / vollen geswer / noch dan dient sy ir / vnd seübert ir wunden / vnd pflag ir gar schon / Vnd wenn sy zü weilen ain grollen darab het / so sy sach vnd handelt den wüß vñ vnflut / den sy abgewäschen het / vñ gesamelt in ain schüssel / trannct sy die abwäschung / das ayter / vñ den vnflut gannz auß / vnd sprach / In der lieb meins gesponsen Jesu christi will ich meinen leib also köstign Vnd do das geschach / vergieng ir der vnwill vnd der groll gantz den sy vor gehabt het / vnd bekant das vor irem beichtuatter / daz sy vor nye ainicher lay ding so süß vnd wolgeschmack versücht hett / Vnd an der nächsten nacht darnach erschyn ir der heri Jesus christus / vnd zaigt ir sein allerhailigsten wunden / vnd sprach / so du in meiner lieb als ain vnlustig / vnsauber / stinckend trank / getruncken hast / will ich dir nit vñ danckbar sein. vñ züfügt den mund der junckfrawen der wunden sein aignen seiten / vnd sprach / Trinck tochter auß meiner seiten das trank durch wöliches trank dein seel als mit grosser süßigkeit erfüllt würt / daz es auch in den leib / den du vmb meinen wegen verschmächt hast / wunderbarlich einfließen wirt. Do das geschach / wurd sy in der sel vñ auch in dem leib mit vnglaublicher süßigkeit vnd smackhaftigkeit erfüllt. ¶ Zum dritten / ist dise Katherina gütig vnd milt gewesen gegen den sündern / wann sy hat gar vil menschen mit irem innigen gebeet /

## Katherina

## von Senis

mit irem verdienst geholffen daz sy  
 nit verdürbē/ Als das weit vñ brait  
 in ir legend gesetzt ist/ Nämlich hat  
 sy ain genant Andreas von Belan-  
 tis/ der da was ain Burger zu Se-  
 nis/ reich in zeitlichn gütern/ do der  
 selb krank ward zu dem tod/ vñ  
 doch ganz veracht die penitens be-  
 kö. t mit irem gebeet zu got dem her-  
 ren/ Wan als sy hitzigglich den her-  
 ren für in bat/ erschayn Jesus chri-  
 stus disem kranken/ vñ ermant in  
 daz er sölt beichten sein sünd/ wan  
 er wär bereit in die sünd zu verzey-  
 hen/ Zuhand schnelligklich gewan-  
 er ain misfal über sein sünd/ vñ bei-  
 chtet die/ Vnd als er sein testament  
 gemacht het/ kam er in sein letzten  
 nöt/ vñ für von hynnen zu got dem  
 herren. ¶ Es waren och noch zwen  
 man in der genannten statt Senis  
 vmb irer übeltat wegen verurtailet  
 zum tod/ do die gefürt wurden auff  
 den wägen/ vñ die nachrichter mit  
 eifnin zwangen oder hocken ir kör-  
 per zerrissen/ lesteren sy vnmltig-  
 klich vñ böflich gott den herren/  
 Vnd do das Katerina innen wurd  
 bat sy got mit betrübtem hertzen für  
 sy/ Vnd als die zwen zu der stat tor  
 kömen waren/ erschyn der herr Je-  
 sus inen ganz verwundet/ ladet sy  
 zu besserung vñ bekörung/ Vnd zu  
 hand mit grosser reiw beichteten sy  
 dem priester/ vñ korten die lesterung  
 gots in das lob gots/ vñ litten al-  
 so den auffgelegten tod mit fröden  
 ¶ Wer möcht antzaigen vñ auf-  
 sprechen die bekörungen der bösen/  
 die fürderung der güten/ sterckung  
 der vnuolkommen/ Trostung der

verlafnen zweifelhaftigen/ verma-  
 nung zu fliehen gaislichen schaden  
 Durch geschafft vñ auch durch ir-  
 stymlich gebeet/ daz sy gethon hatt  
 bey den personen/ wölicherlay ge-  
 schlechts/ eigenschafft/ oder stands  
 sy gewesen seyen/ die durch dise junk-  
 frauen getröst vñ gebessert wor-  
 den seind. ¶ Item wievil sünders sy  
 auß dem rachen der helle abzogen  
 hab/ Wievil verstockter vñ verblen-  
 ter widerumb sichselb zu erkennen  
 bracht hab/ wievil weltlicher men-  
 schen sy beweget hab zu verschmä-  
 hung der welt/ Wievil (baiderlay  
 geschlechts/ man vñ weib) zu gais-  
 licher verbindung eingefürt vñ ver-  
 mant hat/ Wievil sy von den strick-  
 en der schödlichen anfechtungen er-  
 löst hat Das wär alles schwarzlich  
 zu bedencken/ wan gar offte vñ al-  
 lermait in Wälschem lannd/ von  
 verren gegenden seind zu ir kömen  
 baider geschlecht personen/ sy zu se-  
 hen/ vñ mit ir zu reden/ vñ rade  
 bey ir zu süchen/ die in solicher weis-  
 reu vñ laid vmb ir sünd heten/ daz  
 sy on verlengerung luffen ire sünd  
 zu beichten Deshalb Gregorius der  
 zwölffte des namens zu hilff diser  
 junkfrauen/ drey sunderlich beicht-  
 uätter da ordnet/ die zu etlicher zeit  
 also überstanden warn/ dz sy kaum  
 zeit mochten haben zu essen.

¶ Je sünnst fürtreffennlich  
 vñ sonderlich tugend diser  
 junkfrauen/ ist gewesen  
 Gedult/ wan sy gesein ist grosser ge-  
 dult/ Vnd nämlich in drey dingen/  
 In durchächtung/ in anfechtung/  
 vñ in leidung.



**Z**um ersten / ist sy gedultig gewe-  
 sen in durchachtung / das die nach-  
 uolgenden Exempel antzaigen. Es  
 was zū Senis zū der reu sant Do-  
 minici ain frauw / die was ( durch  
 eingebung vnd reizung des bösen  
 gaists ) diser Katherinen so hässig  
 vnd feind / das sy nicht iren namen  
 mocht hören nennen / vnd übel redt  
 ir allweg / Aber Katherina nichts  
 destet minder bat got den herren für  
 sy / Vnd do die gemelt frauw in swä-  
 re krankheit viel / kam Katherina  
 sye zū beschowen in mitleidung /  
 wurd die krankt frauw dardurch  
 noch herdter / vñ befalch / man solt  
 sy auß dem hauß treiben / noch dan  
 ließ Katherina mit ab für sy zū bitten  
 Also das sy durch ir gebeet erlanget  
 das sy mit ir versönt ward / vñ also  
 durch reu vnd laid mit den sacra-  
 menten / vnd mit der gnad gots / be-  
 wart / schied sy in dem herren auß di-  
 ser welt. **I**tem des gleichen do sy  
 dicnet vñ pflag 8 siechen verwund-  
 ten frauwen / mit namen Andrea / vñ  
 der oben gesagte ist / die selb als sy  
 vngedultig was in irer krankheit /  
 schmähet vnd lesteret sy Katherinā  
 mit vil bösen worten / vnd durch zū-  
 richtung des bösen gaists / beschul-  
 diget sy Katherinam vneerlicher sa-  
 chen vor den anndern schwöstem /  
 Dannoche wurd Katerina mit vn-  
 wirt noch zornig gegen ir / sy höret  
 och nit auff / noch stünd ab / ir zū die-  
 nen. Vñ do die siech frauw vñ tag zū  
 tag in irer herten bosheit verharret  
 gab sich Katherina in ir andächtg  
 gebeet / vñ beklagt sich gütiglich vñ  
 der vngerechtigait vnd schmachait

ir zūgelegt do erschien ir der herz chri-  
 stus / vñnd zaiget ir zwen krön / ain  
 domin vnd ain guldin / vnd sprach /  
 Erwölest du hie die guldin kron / so  
 wirst du dort die domin tragen. Er  
 wölestu aber hie die domin so wirst  
 du darnach die guldin erobern. Do  
 sy das hort / ergab sy sich williglich  
 vnd gänzlich dem herren / vnd em-  
 pfieng vñ der hand gots die domin  
 kron / vnd sagt die auff ir haupt / vñ  
 damit empfannd sy vil tag grossen  
 schmerzen in irem haupt / vnd also  
 wurd sy vom herren gesterckt durch  
 die waffen der gedulte / das sy wol  
 bewart was / Vnd die krankt frauw  
 durch die gedult der junckfrauwen  
 Katherinen ward überwunden /  
 vnd kam zū reu vnd laid / vnd mit  
 hoher stym sagt sy / Katherina wär  
 frum vnd hailig / vnd bekant sich  
 selb schuldig irer irrung / vñ begeret  
 vertzeyung der red / die sy falschlich  
 außgesagt het wider Katherinam.  
**V**nd do Katherina iren aignen  
 leib mit solicher grosser köstigung  
 vnd abbruch peiniget / vñ das hoch-  
 würdig sacrament des altar empfa-  
 hen wolt / waren da gar vil / mann  
 vnd frauwen. die vil vnnütz gewäz  
 außstieffen / als dan gewonlich ge-  
 schicht / Etlich sprachen / es solt nie-  
 mand ain solche aigne weiß vñ son-  
 ders leben führen / Etlich sprachen /  
 es wär got nit geuällig wenn der  
 mensch etwas zū vil oder zū wenig  
 thät dann ander menschen / Etlich  
 sprachen / dise Katherina erzai gete  
 sich falschlich in solicher gestalt / vñ  
 mit sollicher weise / das sy die leute  
 wölt betriegen . Etlich sprachen / sy

thät dise ding alle vmb rüms vnnnd  
üppiger erhebung willen / Aber sy/  
gott dem herren wol zu gefallen /  
laid dise nachred alle gedultiglich.

¶ Zum andern / ist sy gewesen ge-  
dultig in ansechtung vnd versüch-  
ung der bösen gaist / Wann als da  
spricht der hailig vatter papst Pius /  
in der Bull irer erhebung / Sy hab  
zumal oft gestritten mit den teüfeln  
vnd sey mit vil beküternuß vmbge-  
triben vnd geraitzt worden / Aber sy  
sprach mitt dem Apostel Paulus /  
wen ich krank bin vnd ansechtung  
leid so bin ich destert mer starck / Vñ  
als in irer legend gelesen wirt / daz  
die bösen gaist durch verhengknus  
gots den leib Katerinen mit solcher  
pein vnd marter verletzt haben / daz  
offenbarlich in ir gesehen wurden  
die zaichen der schlog strach vnnnd  
gaistlung / also daz sy gleich ainem  
mörwunder gesehen vnd geschätzt  
wurd von allen menschen. ¶ Zum  
dritten / was sy gedultig vnnnd leid-  
sam in büß / in straffungen vñ pein-  
lichkeiten / die sy freywilliglich selb  
annam. on krankheiten die täglich  
irem leib züuelen / wann auß gezeüig-  
nuß der vorberürten Bull / so hett sy  
täglich groß haupt wee / vnd wurd  
getruckt durch das sieber on vnder-  
laf.

**O** Je sechst sonderlich vnnnd  
wunderlich tugend der sä-  
ligen Katherinen ist gewe-  
sen (Demütigkeit) die sy allermaist  
erzaigt hat in dreü dingen / nämlich  
in forcht / in verschmähung / vnd in  
dem wandel in thün vnd lassen.

¶ Zum ersten hat sy ir demütigkeit

erzaigt in der vorcht / wann do sy an-  
fieng in den gesichten / gaistlichen  
vnd leiblichen / von dem herren Je-  
su Christo haimgesüchet werden /  
fieng sy an / sich seer zü fürchten / vñ  
empfalch sich got dem herren / von  
dem sy vollkommenlich vnderricht  
wurd / wie sy die güten gesicht. oder  
die bösen solt erkennen / Vnd do sy  
auff ain zeit irem beichtuatter von  
iren gesichten (die ir geschähen) sa-  
get etlich haimlichaiten / do wurd  
der anheben zweisehen / vnd sach sy  
an / do sach er daz sy ganz entstellte  
was in irem antlüz / vñ geformiert  
was nach der bildung Christi / als  
ob er in ansäch / vnd do er dauon er-  
schrack / schray er / vñ sprach / O wer  
ist der / der mich ansicht. Antwortte  
Katerina / Der / der da ist / Vnd als  
das geredt wurd / verschwand das  
angesicht / Vnd allso der genante  
beichtuatter durch dise weiß von der  
hailigkeit der junckfrawen blib ge-  
sterckt. ¶ Zum andern hat Kateri-  
na erzaigt demütigkeit in ir versmä-  
hung / vnd dise demütigkeit hatt sy  
geleert von Christo / der ir erschyn  
vnd redt zü ir / waist du nit tochter /  
wer du bist / vnd wer ich bin / Wann  
du bist die / die du nit bist / Aber ich  
bin der / der ich bin. Ist sach daz du  
dise bekantnuß hast in deiner seel /  
so mag dich der böß veind nymmer  
betriegen. Sich an / die creatur ist  
beschaffen auß nicht / vnd. wenn sy  
ir selb gelassen wurd / so wirt sy zü  
nichten / Vnd durch sich selb velt sy  
in die sünd / wölche sünd ist nichts /  
vñ auß irselb mag sy nichts güts ge-  
dencken / vnd darumb in ansehung

vnd zümessung gegen got/der da ist vngemessen vnd vngeendet/so wirt rechtlich beschlossē / daz die creatur nichts ist gegen got/darum̄ so ist sy/die da nit ist/Aber so got ist der pun̄ des ganzen wesens / vnd das vnanhangend wesen/darumb ist er allain das/das da ist.

**E**zū dem dritten/hat Katherina demüctigkeit erzaiget in irem wandel / in thūn vnd lassen/wann sy hat sich offentlich herfür thon/vnd grosser ding sich vnderstanden vñ angenōmen/nicht in irem willen/sunder in dem willen des herren/Wan̄ so bald sy das gaisstlich klaid angenōmen het/hielt sy das schweigen on vnderlaf durch dreü jar/vñ behielt ir zell wol beschlossē / außgenōmen so sy in die kirchen gieng/Sy verzoeh ir wachen bis zū dem andern zaichen der mettin/vnd den̄ so sy schätzet die prediger brüder wāren zū chor gegangen/got zū loben So gieng sy an ir bedt / ain wenig zū rüwen/vnnd sprach / Nym̄ war herz/mein brüder:dein diener/hond vnz her geschlaffen/aber yetz seind sy auffgestanden dich zū loben/behalt du sy / vnd ich will ain wenig rüwen/Vnd nach vil vnnd langer täglicher übung in gaisstlichem leben/vnd nach vil beschowungen/vnd gesichten/die chistus ir erzaiget erschyn er ir aber ain fart / vnd gebot ir/daz sy auß der zell gienge vñ der die anderen schwōsteren/vnnd hail schüff den seelen anderer menschen/mit Worten/vnd mit güttem Exempel/vnd verhieß ir / daz er in allen dingen die sy thūn würde zū

hail der seelen wōlt er durch sy sein oberste götliche hilff ir verleyhen / Vnd solichs ist warlich geschehen: als das nachuōlglich bewärt ist.

**D**ie sibend tugend der hayligen Katherinen/ist gewesen / Verharrung. Jeronimus redt zū dem ainsidel Luciano/Es seind vil die anfahen/aber wenig die zū dem end kommen seind/Aber Katherina ist nitt allain verharret bis in das ennd/sunder sy ist für vnd für gangen von tugend in tugend/Danon schreibt von ir dreü lobswirdige ding der hailig vatter papst Pius in der bull oben anzaigt Das Erst/das da anrisset den anfang irer hailigkeit/wann die bull laut also / Die junckfraw Katherina/von der stat Senense entsprungē/von schlechten/mittelmaßsigen eltern vatter vnd mütter geboren/hat sich selb vor got gegeben ee dan̄ sy mocht durch ir alter got erkennen.

**D**as ander / das da got ansicht den fürgang ires lebens/Sagt die Bull also / Es ist kain wort (das nit chüstlich / gaisstlich / oder haylig gewesen ist) außgangen von irem mund/All ir red ist gesein von gütten sitten/von gaisstlichkeit/von gütigkeit/von verschmähung der welt/von der lieb gotes /vnnd des nächsten/vnd von dem hymelischen vatterland.

**D**as drit wirt gezogen auff das end ires leben/danon die Bull also meldet / In dem drey vnd dreißigsten jar ires alters / oder darbey/in

## Katherina

der stat Rom beschloß sy den leßten tag ires lebens / Von wölllicher junckfrawen seel / in den hymmel lobsamlicher aufferhebung vnd enpfabung / erschrockenlich vnd wunderbarlich offenbarungen geschehen vnd erfunden seind.

### Die drit haimlikait

wie got der herz erhöcht hat Katherinam mit sibem genadreichen vnd wunderbaren freyhaiten vnd vorgaben. Das drit Capitel.

**G**ot der herz hatt dise sälligen junckfrawen Katherinam Senensem erhebt vnd gefreyt mit sibem wunderlichen gnaden vnd vorgaben.

Die erst ist erleüchtung des gemüts.

Die ander eingießung d prophecey.

Die drit ist gewesen tröstung durch das gesicht.

Die vierd / süßigkait der speysung.

Die fünfft / ist gewesen / wunderliche erscheinung.

Die sechßt / ist gewesen / Offenbarung der sälligkait.

Die sibend / ist gewesen / erhebung in die zal der hailigen.

**D**ie erst vorgab / durch die Katherina erhöcht ist von gott / haist gemütlich erleüchtung / Wann got hat ir verstentnuß also mit dem lichte der schmackhafftigen weisheit vnd götlicher leer erleücht / daz von ir der hailig vatter Paps Pius in der offft angezaigten Bullen allso spricht / Es ist nyemand zu ir gegangen der da nit geleerter vnd besser von ir ganngen sey / Ir wissenhait

## von Senis

ist nit durch fleissige arbeit überkommen / sonder durch eingießung got des hailigen gaists. Sy ist erkennen worden / vor / ain maisterin / dann ain jungerin / wann auff die schwarzen fragen so die leerer der hailigen geschafft ir fürhüben / von der gotheit / vnd götlichen wercken / hat sy gar weislich vñ künstlich antwort gegeben / vnd hat sy also geschwayget / vnd ire fragen auffgelöst / daz sy von ir abschieden als die senffmütigen schäflin / die da gar fraulich / wie die löwen vnd wolff zu ir traten / Vnder denen etliche die sich verwunderten der götlichen weisheit in diser junckfrawen / ire zeitliche gütter vnd besitzungen zu hand armen leuten auftailten / vnd an sich namen das creutz des herren vnd darnach das Ewangelißch leben trügen.

**D**ie ander vorgab vnd freyhait / was eingegofne prophecey / Von der spricht die Pöpstlich Bull / Es ist in ir gewesen der gaist der prophecey / also daz sy vil sachen vor gesagt hatt ee dan sy geschahen / vnd die aller haimlichsten ding hat geoffenbaret. Es seind och in irer legend gar vilding geschubten / auß den wir erwoilt er zelen wollen. Es ist gewesen in der stat Senense / etlicher edler Ritter genannt / herz Nicolaus von den Sarracenern / der da sunnst in vil landen gewesen was im harnasch vnd waffen / Vnd do er zu letz in sein haimat / in die stat Senensem widerumb kommen was / wurd er vermant von seiner hausfrawen



Das er red hielt mit diser Katerinen. Vnd do er das nit tün wolt / gieng die hauffraw des ritters zü Katherinen / vnd empfalch ir mit grossen ernst / das sy gott fleissiglich bitten wölte für iren man den Ritter / damit das er beköret wurd. Vnd also darnach in ainer nacht erschyn die junckfraw Katherina dem Ritter in dem schlaff / vnnnd ermanet in / wölt er sällig werden so sölt er dem radt seiner wirtin volgen. Vnd do er erwachet / sagt er das gesicht seiner wirtin / vnnnd thet sich darnach zü der junckfrawen vnd redt mit ir / Do wurd er durch solich gespräche vñ beywesung bewegt zü andacht / das er nach radt diser hailigen Katherinen zü reu vnd laid kam / vnd sein sünd andächtlich beichtet / Do das geschach / gieng er widerumb zü Katherinen / vnd saget ir / das er gebeichtet het sein sünd dem püester

Vnd do er gefragt wurd von ir / ob er all sein sünd gesagt het. Anwurt er / vnd saget. ja. Do füret sy in auff ain ort / vnd sagt im vnderschiedlich ain grosse scheüzliche sünde / die er nit gebeicht het / wöliche sünd er in Apulia verbracht hett. Darvon der Ritter sich seer verwunderet / vnnnd bekant das sy wor sagt / vnd beichtet die sünd / vnd Keret darnach die hailigen junckfrawen mit grosser andacht. ¶ Item do brüder Thomas de Fonte / der erst ir beichtuatter / vnd brüder Georgius / giengen zü dem closter sant Agnes de monte Polciano / vnd auff dem weg vö etlichen strafrobern vnd mordern gefangen wurden / vñ gefürt wurden in ainen finstern wald. sy da zü tödten. Do hüb an brüder Thomas mit zähern vnd wainen zü sprechen / O tochter Katherina kün vnns zü hilff mit deinem gebeet in diser erschrocklichen not. Als dise wort gesprochen wurden / do wurden die möder zühandt also verwandelt vnd bekört / das sy nit allain das leben / sonder auch die hab so sy in abgenömen heten / widerumb gaben / vñ also in das closter (dareinsy gon wolten) starck vnd gesund kamen / Do sy aber darnach gen Senis wider kamen / erfür der genant Brüder Thomas / das auff die selbenn stund (in der er angerüffet het Katherinam) sy ir gespilen gesagt het / mein beichuatter rüfft mir / vnd ich wais das er in grossen nödren ist / Vñ do sy das gesprach / gieng sy an ir gebeet. Auf wölches gbeets kraft ist güt zü glauben / die hertzen der

morder seyen gewent worden von irem bösen fürnemen. ¶ Item sy sagt auch vor lang/ die zükünfftigen trennung oder scisma/die da geschehen wurd in der chriſtenhait / nach dem tod ſant Gregorij des ailfften Papſts des namens / vnd vil ander künfftig sachen prophetisirt sy / die all anzaigt ſeind in irer legend.

**D**ie dritt genad vnd freyhait durch die ſant Katherina von Genis erhöcht iſt worden / wirt genant / das troſtlich geſicht / wañ mit übernatürlichen geſichten hat ſy verdient von dem herren getröſt werden / wölche geſicht des meerern tail ir geſchehen ſeind in verzuckung / vnd auß entſetzung des gemüts / Davon alſo ſpricht der hailig vater papſt Pius in der Bull irer erhebung / ſy iſt offte gezuckt vō dem gaiſt / vnd geſtelt vnd außgehencet in dem luſt / Sy wurd geſpeiſt mit götlichen betrachtungen alſo gröſlich auß ir ſelbs geton / daz ſy durch ſtupffung oder ſchlahung ganz nichts empfand ic. ¶ Au vnder vil andrn geſichten ſo ſy gehabt hat / willich hyc nur ains ſchreiben / von des wegen vnder den Barfüſſern vnd Predigern ain gezänck erſtanden iſt. Do Katerina was in d ſtat Piſana / vnd an ain morgen in der kirch ſant Chriſtinen das hailig ſacrament enpfangen het / vnd alſo bey dem altar verzucket ward / vnd im gaiſt da belib / Do ſy nu lang alſo gelegen was / ſach ſy Chriſtū geheſt am creütz / der da mit groſſem liecht auß ſy abſtig / vñ außlieſ auß



ſein allerhailigſten fünff wundenzaichen blüttig ſtrymen / Vnd do ſy darnach ſich außgericht het (als daz alles volk / die da warteten / geſchri hond ) knyet ſy auß iren knyen mit leüchtendem angeſicht / mit außgehenden armen vnd henden / vnd bat got / daz die wundenzaichen / die ſy het in irem leib / nit vō außſen erſchynen / Do wurden die blüttſtrymen verwandelt in die ſtrymen der ſon / die da giengen von den zaichen der gecrüzigten / die da gehörten zū den henden vñ füſſen / vnd do ſy zū dem hertze kamen / do iſt gar ain empfindlicher groſſer ſchmerz in den verzeſagten tailen des leibs gelaffen worden / Auß wölichem ſmerzen / do ir leib lang alſo ſtünd in peinlichait / viel ſy zū leſt mit zügetonen augen nider als ob ir leib tödtlich verrotet wär / Vnd darnach do ſy etlicher maſ widerumb zū ir ſelbs kam /

wurd sy mit so grossen schmerzen begabt / daz sy von allen menschen geschätzt wurd gar bald zu sterben. Aber an dem nächsten sonntag darnach als sy da das sacrament empfieng. was sy ganz von dem smertzen erledigt. Dise ding findest du klarlich in irer legend. ¶ Nun nach dem vñ solch gesicht vñ verzuckung (oben berürt) beschehē was / warn etlich die an vil enden schüffen mit den malern / dz diser Katerinen bildung gemalet wurde / als ob sy die wundenzaichen von dem herren empfangen het / Haben sy das gethon in der mainung / daz man bey den sichtlichen dingen erkennen sol die vnichtigen / Vnd daz man bey dem sichtigen gemald erkennen sol iren vnichtigen schmerzenn / Wie wol der schmerz angezaiget wirt als empfindlich / so mocht solich gemald velleicht wol geduldet vñnd geschehen werden / Wen sy es aber darumb thünd in der mainung daz sy velleicht glauben vnd halten / daz dise junckfraw die wunden zaichen warlich vñnd sichtlich empfangen hab / vñnd daz dise junckfraw in sollicher empfangung zügelicht werd dem hailigen vater sant Francisco / so wär solich gemald verwerflich / vñnd nit zu gedulden / wan dadurch wurd den menschen die lug fürgehalten vñnd anzaigt / vñnd kámen die menschen in ain verworffne schádliche irrung / Wann sant Francisco allain bis auf dis ansteend zeit sind dis zaichen in sonderlicher weis vñ got wörllich gegeben vñ eingetruckt Wann als ich Robertus de Licio /

gesaget hab in der Predig von den hailigen wundenzaichen sant Francisci. so ist vnder den andern der grössten wunderzaichen vnser glaubn ains / die bezaihung vñnd eindruckung diser hailigen zaichen / so sanct Francisco götlich geschehē ist / wan dise zaichen seinnd im eingedrucket sichtlich vñnd empfindlich / von christo / also daz er sy trüg zway jar on vnderlaf / im leben vñnd im tod / die warlich vñnd kundlich von hailigē warhaftigen / dapffern männern gegriffen / berürt / vñnd gesehen sind Das hond bekennt die obersten bischof / nämlich papst Gregorius der neünd / Alexander der vierd / Benedictus / Nicolaus / vñnd ander die dise geschicht bewären vñnd bekenen / vñnd sprechen / daz dise zaichen wunderbarlich gezaichnet seyen in den füssen / vñnd henden / vñnd seiten / des hailigen vaters sant Francisci / von dem aller weyffesten werckmaister der da beschaffen hat himel vñnd erden / Was er aber fürs hyn thün werd (des haimliche verborgenheit wir nit erfarn mügen / nur er offenbar es) das waist er / vñnd wir nit / Nins waif ich aber (spucht Roberts) vñnd das on irrung / daz Franciscus bis zu diser zeit erwölt wordē ist von dem herren Jesu christo / daz er in seinem aignen leib / das baner des creützs zway jar / ee dan er stürb mit im trüg in den hymel. ¶ Dise ding sind nit mindern die würdigkait diser sáligen Katherinen / Sy entziehen auch kainem andern hailigen sein Zer noch lob. Ich vnwürdiger sündler / der dise predig zúsam-

# Katherina

# von Genis

en gesezet hab / dise hailigen junck-  
 frauen / vnd all ander hailigen /  
 mit aller andacht vnd lieb (so groß  
 ich mag) lob vnd Lere: Vnd zu der  
 zeit als vnser hailiger vatter Papst  
 Pius dise Katerina (nach dem wil-  
 len got des hailigen gaists) erhebt  
 hat in beywesen vil chüstlicher vät-  
 ter / Cardinäl / Erzbischoff. vnd bi-  
 schoff / Bin auch ich dabey gegen-  
 würtig gesein zu Rom / in dem jar  
 do man zalt von Christi geburt. M<sup>c</sup>  
 cccc. vnd :lxj. vnd in dem driten jar  
 des genanten hailigen vatter papst  
 Pius / päpstlichen stüls besizung /  
 Da ist (von denen die das leben: vñ  
 die miracel diser junckfrauen / ge-  
 sagt vnd angegeben hond) nichts  
 gesagt worden / noch meldung ge-  
 thon / von den wundenzaichn diser  
 Katherinen: Es ist auch kein figur  
 oder gemäld da fürbracht oder ge-  
 zaigt worden der wundenzaichen /  
 Es ist auch in der bull irer herlichn  
 vñ zierlichen erhebung / vñ gewon-  
 lichem gebieng (die wir oben in di-  
 ser predig gar offt anzaigt haben)  
 kein gdächtnuß davon gehabt wor-  
 den noch gesehen. Ich hab auch an  
 dem selben tag irer erhebung ain  
 predig zu dem gemainen volck ge-  
 thon / nach essens / in 8 kirchen Mi-  
 nerue / prediger ordens / vñ hab fleiß-  
 lich besehen / vnd offt gelesen / alle  
 die ding die da geschriben warn vñ  
 dem lob diser junckfrauen / vñ hab  
 nichts anders mögen finden / dan  
 nur allain wie oben gesagt vñ auß-  
 truckt ist / vñ dem schmerzen den sy  
 geliten hat / on die eingetruckten zai-  
 chen an irem leib / in irer gaistlichen

verruckung. Vnd ob wir in dem /  
 oder bey dem namen 8 zaichen ver-  
 nemen wölten den schmerzen so sy  
 an den orten des leibs gehabt hat /  
 so werden doch in disem schmerz  
 nit begriffen / noch eingeschlossen /  
 die wunderlichen eigenschafften  
 der wundenzaichn sant Franciscen  
 Vnd darumb so got vnser vnwar-  
 hait vnd lügen nit bedarff / noch ha-  
 ben will / so soll wir reden von sei-  
 nen hailigen die ding die in worer  
 sach: vñ nit in gedicht der menschen  
 jnen zugelegt mögen werden: Dise  
 hailig Katerina ist mit vil vñ groß-  
 sen freyhaiten vnd gnaden für an-  
 der / begabt vñ geziert worden / Als  
 oben zum dickern mal angezaigt ist  
 vnd nachuölglich kund geton wirt:  
 Aber mit gestalt der hailigen wun-  
 denzaichen ist sy nit (wie sant Fran-  
 ciscus) geziert worden / Vnd wenn  
 es geschäch das sy yetz glouficieret  
 widerum zu vns käm / sy würd mit  
 herter straff die ansaren die vnder  
 der gestalt der gütigkeit / mit lügen  
 ir glou wolten meren vñ weiterern /  
 Doch nach dem allem bit ich mein  
 andächtigen vätter Prediger / vnd  
 auch barfüßer ordens / das sy das ge-  
 main volck nit ergeren / denen sy so  
 vil grosser vnd wunderlicher ding  
 vñ den hailigen sagen vñ predigen:  
 vnd in sonderhait von diser junck-  
 frauen / dz sy die lügen (vñ wegen  
 der lügen: vnd auch von wegen der  
 überflüssigkeit der warhait: wölten  
 verlassen vnd verwerffen.



## Das LXXVIII blat

**D**ie vierd gnad vnd freihait diser saligen Katerinen / ist genant / ain süsse speysung / wann durch emfige vñ offte niesung des hailigen sacraments ist sy mit solicher grosser süßigkeit vnd trost des gaists erfült worden: daz sy (als der hailig vatter Papsst Pius in der offtgemelten bull anzaiget) vnder zeiten von der äscherigen mitwoch bis zü pfingsten gefastet hat / allain begnügig gewesen an der enpfahüg vnd niesung des Sacraments der güten genad / vnd bey acht jaren vn gefarlich / allain durch gar wenig safft der kreüter (des sy dannocht gar wenig mocht behalten) vñnd durch gemainsame vñ niesung des hochwirdigñ sacrament des altars auffgehalten: Sy gieng zü der leiblichen speiß als zü ainer peinigung mit ganzem grollen / Aber zü der geistlichen speiß des altars gieng sy frölich / als ob sy zü himlischer hochzeit geladen wär / Dise ding helt in ir die Bull vor anzaigt: ¶ So krefftig was ir reuerenz vñ eer erbietüg gegen dem vnaussprechlichen sacrament / daz das gemüt Gregorij des xi. des namens: gebogen vñ bewegt wurd / diser Katerinen zü geben vñ zü erlauben / daz sy möcht erwölen ain beichtuatter / der sy absoluierte / vñ das hailig sacrament des altars raichte / vnd ir mesß hielt auf ain geweicheten stain / der von stat zü stat gefürt oder getragen möcht werdñ nach irem willen / on anderer weiterer erlaubtnuß:

**O**ie fünfft genad vnd sonderlich vorgab der saligen Ka-

therinen / ist gewesen / Wunnder-  
same erscheinung: Got hat sy im le-  
ben vñ im tod gemacht erscheinen  
mit vil wunderwercken / Auf wöli-  
chen wir etliche außtruckentlich erze-  
len wollen: ¶ In der stat Se-  
nense was ain Edle frauw / Aleria  
genannt / die nam an durch radt di-  
ser Katherinen den habitü des Or-  
dens von der Keüw / wöliche Edle  
frauw bezwang Katherinam: daz sy  
bey ir / in irem hauf wonung hett /  
Vnd es begab sich / daz theüre vnd  
hungers halb das gesind in der sel-  
ben frauwen hauf Alerie / müßter  
prot essen / von verdorbem mel ge-  
bachen / Vnd als das neüw traide  
gewachsen vnd überkömen wurd /  
hett Aleria radt von Katherinen /  
vnd fraget sy / ob das überig verdo-  
ben mel hinweg zü werffen wär:  
Antwort Katerina / man solt es in  
kainen weg hynwerffen / sonder sy



## Katherina

hieß wasser bereiten / vnd das mell  
herzu tragen / vnd knat zum ersten  
das mel vnd wasser vnder ainan-  
der / vnd machet darnach prot oder  
laib in klainer größe auß disem taig  
Syndan geton allen vngeschmack  
des gemelbs / daz zühannnd güt prot  
darauf wurd / vnd souil laiblen daz  
auß vier oder fünf mal als vil sunst  
nit darauff möcht worden sein / also  
dz Alexia vñ die andern die da warn  
darab in verwunderung erschrack-  
en / Vnd do die prot von dem bach  
ofen getragen wurden / haben sy so  
ain wolriechenden geschmack ge-  
habt / daz die verwandlung des ge-  
schmacks gantz zu ainem wunder-  
werck gerechnet worden ist / Vnnd  
do von disen protten gegeben wurd  
den armen / vnd den Brüdern / vnd  
sy die assen / hetten all die im hauf  
waren vil zeit daran genüg / vnd sy  
wurden auch in der kysten gemert /  
Von wölichen protten etliche / von  
vil menschen / für hailumb / vnd zu  
ainem wunderwerck behalten wor-  
den seind .xc. ¶ Item zu der zeit do  
Katherina auch was in der stat zu  
Rom / vñ da ( in regione columne )  
mit irem hauf gesind lebt in armüt  
vnd in betlercy / vnd nit desten min-  
der frömd gest vnd ellend bilgram  
einnam / also das gewonlich bey  
dreifig personen in irem hauf assen  
fügt sich auff ain mal / daz an ain  
tag prott gebrache / daz sy nit genüg  
nach nottdurfft ersettiget mochten  
werden / Do das Katherinen kund  
gethon wurd / schüff sy daz sy all zu  
tisch sassen / vnd siengen an mit we-  
nig prot ( die sy noch hetten ) zu essen

## von Senis

Do gieng sy an ir gbeet / vñ erwarb  
daz sy all ( wiewol sy nüchter vnd  
hungerig waren ) an disem weni-  
gen prot genüg hetten / vnd wol ge-  
speist wurden / vnd belib dannocht  
souil überig daz dauon vil almüsen  
den armen gegeben wurden.

¶ Item vnd do sy was in der stat  
Senis / erfür sy / daz ain man / mit  
namen Mattheus / ain spital mai-  
ster / der fast andächtigt / vnd ir wol  
bekannt vñnd gehaim was / lag zu  
bedt / vñnd von der Pestilenz fast  
kranck was / gieng sy zu jm / vñ mit  
grosser inbünstigkeit vnd liebe sage



sy zu jm / Steend auf her: Matthee  
steend auff / es ist yetz nit die zeit im  
bedt zu rüwen / Vnd zühannnd als sy  
das redt vergieng jm das apostem  
vnd verlief in das fieber / vnd was  
gesund. Sy macht auch vil annder  
gesund die beschwäret waren mit

der pestilenz mit irem geheet. Nämlich mayster Raimundū. vñ maister Bartholomeum / die ir beichtuatter waren. ¶ Vnd das ich alle ding zū samen flecht / so redet von ir Papsst Pius in der bull irer erhebung also. Groß vnd hailig ist gewesen vnder dem gemainen volck der nam diser Katherinen / daz allenthalben her / zū ir gefüret wurden die krancken / vnd die besefnen vō den bösen gaissten / vnd es wurden vil gesund gemacht von iren kranckhaiten vñnd siechtummen durch ir fürbittung / Vñ in dem namen christi gebot sy / vnd bezwang die bösen gaisst daz sy müsten außgeen von den besefnen cörpern / Von wölicher sachen wegen wurd sy den zwayen obersten Römischen bischoffen / Gregorio dem ailfften / vnd Urbano dem sechften ganz angenam / also daz Katerina von jñ gesandt wurd Frid zū schaffen vnder den anfechtern der hailigen kirchen / vñ des römischen stüls Vnd wurd also von disen zwayen obersten Römischen bischoffen mit grossen gnaden vnd freyhaiten begabt / angesehen ir hailigkeit vnd ir wunderliche werck. Vnd laut weiter die Bull / vñ einmischer noch etliche ding / die nit durch Katherina geschēhē möchten / nur allain durch die mitwürckende krafft gots: Vnd spricht also die Bull / sy vnderstünd sich die zwitterächtigen mit ganzem ernst zū verainigen / vñ verricht vñ außleschet vil neid vnd has / vñ vil tödtlich feindschafften thet sy ab / vnd vmb frids wegen der florentiner (die vnains warn / vnd vng-

horsam der Römischen kirchn / vnd in den schwären Ban verkündert) gieng sy zū Appenniu / vnd über die Alpes / bis gen Auion / zū Gregorio dem ailfften / da Frid zū machen. etc.

**O** Jesechst gnad vnd sonderlich freyhait Katerine / ist / die selig offenbarung. wan do sy in der stat Rom (nach vil geschehen zeichen / vnd nach vil gaisstlichen vermanungen / vñ christlichen übungen) iren gaisst besalch in die hend irs gemahels Jesu christi / vnd starb an ainem sonntag vmb die dritten stund / an dem. xxix. tag Aprilis / des jars do man zalt von christi geburt. M.ccc. vnd. lxxx. Eben an dem selben tag maister Kaymund ir letster beichtuater was in dem cōuent zū Janua vnd richtet sich gen Bononiam zū gen in das gemain capitel / Do bat er die müter christi vnser herin vor ainem bild Marie / daz sy in beschirmen wölt vor schödlichen zufällern Do hort er als bald ain stym / die daz zū jm sprach / fürcht dir nit / wan ich bin hye für dich / Ich bin im hymel für dich / ich wird dich beschirmen / bis sicher / Vñ als er do zū mal zweyfelt wo her dise stym kame / fand er zū letst. wie eben in derselben stund Katherina abgeschaiden was auß diser welt / Do kam zū letst der genant maister gen Bononiam / da wurd er zū ain gemainen maister vnd General sätzlich vnd ordenlich erwölet / das jm Katherina yetz on zweyfel vor gesagt het.

Nun volgt nach in 8 bull / daz nach irem sterben vil krancker menschen gesunthait empfangen haben durch

## Katherina

## von Senis

berührung ihres leibs / vñ auch durch  
berührung d̄ ding die die glieder Ka-  
terine angegriffen od̄ berührt heten.  
Vnd darnach do dise junckfrau yetz  
genōmen ward in den hymel / hatt  
sy gar gütiglich die begirten vnd  
das gebet deren die sy angerüst ha-  
ben gehört / vnd gebeten / daz sy vō  
irem gesponsen Jesu chusto erhōret  
wurden / Vnd gar vil seind gesund  
vnd erlōst worden vō mancherlay  
franc̄haiten / wōlche (so sy gehört  
haben das groß lob vnd gūtes ge-  
schray vnd r̄m diser junckfrauen)  
haben sy ir hilff vnd fürbitung au-  
dächtlich begert. Hec ille. Vnd al-  
so hat es dem gütigen got gefallen  
seiner gemählin glori mit vnzallich  
en wunderwercken (also zū reden)  
bis auff disen tag zū offenbaren.

**D**ie sibend sunderlich gnad  
vnd freyhait Katherine / ist  
die herlich offentlich erhe-  
bung vnd einschreibung in das b̄ch  
der hailigen / Wann zū Rom in der  
kirch sant Peters / in beystand des  
volcks / vnd der priesterschaft / Vnd  
nach dem als der hailig vater papst  
Pius ain red geton het zū dem volk  
von den wunderlichen wercken di-  
ser junckfrauen / vnd die hochzeit-  
lichen ämpter vnd messen / vnd an-  
der gewonlich gebreng vnd sagun-  
gen ganz volbracht warden / gieng  
vnsrer hailger vater papst Pius / dise  
Katerinam zū erheben / mit solchen  
worten. Zū eer des almächtigen vñ  
ewigen got vatters / vnd suns / vnd  
hailgen gaissts / zū erhōhung des ge-  
mainen glauben / vnd zū merung  
vñ aufnemyng chistlicher verbindt

nus / in gewalt vnsers herren Jesu  
chusti / vnd seiner hailigen aposteln  
Petri vñ Pauli / vñ auch in vnsrem  
gewalt / Katherinā Senensem ain  
junckfro ainer durchleuchtigen vnd  
abtilglichen gedächtnus / deren cōr-  
per in der Prediger kirchen / die / de  
minerua genant wirt / hye zū Rom  
ligt / vnd in das hymelisch Jerusa-  
lem vnnder den chōren der s̄ligen  
jūckfrauen / so das ir tugend durch  
hilff götlicher genad verdienet hat /  
yetz nächst genōmen ist / vñ mit der  
tron der ewigen glori begabt / Auf-  
radt vnsrer b̄nder erklären wir / er-  
kennen / beschliessen / vnd gebieten /  
daz sy in das b̄ch der hailigen junck-  
frauen / die die Rōmisch kirch eeret  
gebracht vnd eingeschuben werd /  
Vnd setzen vnd ordnen / daz ir fest  
alle jar am ersten sonntag des Mo-  
nats May von der gemainen kirch  
begangen werd: Vnd also hat got  
der herr (der da wūderbar ist in sein  
hailigen) dise s̄ligen junckfrauen  
Katherinam Senensem in baiden  
kirchen / in der sigheffrige vñ streit-  
liche / höchlich erhebt / den wōll wir  
anrüssen vnd bitten / daz wir durch  
hilff ihres verdiensts vñ fürbitung /  
auch eingeschuben werden vō gott  
dem herren in das b̄ch des s̄ligen  
lebens / der da ist gebenedeyet von  
welt zū welt Amen:

**A**lso ist geendet die sermon oder  
predig von sant Katherina vō Se-  
nis / vñ volgt nach ain schöne pre-  
dig von dem hailigen leerer sant  
Vincentio. prediger ordens. ac.

**Von dem hayligen**  
leerer sant Vincentio / Prediger Or-  
dens / sancti Dominici / der da ain  
berühmter überrreflicher verkünder  
vnd außrüffer gewesen ist des göt-  
lichen worts.



**M**edio ecclesie a  
peruit os ei⁹:  
Ecclesiastici :  
am. xv. Capi-  
tulo Seind  
dis wort ge-

schriben vnsprünnglich / durch den  
weyßen Jesum sprach / in dem büch  
der gaislichen zucht / vnd lauten im  
Teütsch also: In dem mittel der kir-  
chen hat er auffgeton seinen mund.  
xc. Ist zü mercken / do die ansteend  
vnd gegenwertig nocturfft der zeit-  
ren / in denen die welt seer / vnd gar  
nach gantz bedecket vnd verfallen  
was mit vil lastern / vñ die chüsten-  
liche verbündnuß gesehen wurd  
als ob sy zü grund geen wölt / vñnd  
leiden den schiffpuuch / Hat erweckt  
got den gaisst des hailigen Vincen-  
cü / der da durch sein Predig vnzal-  
lich volck bekört vnd reformiert hat  
Disen Vincenti hat ( nit on merck-  
lich sach ) die Römisch kirch einge-  
schriben vnd gesetzt in das büch der  
hailigen / den der hailig vater papst  
Calixtus der drit des namen sinder  
stat Rom / mit hohem gebreng ge-  
hailiget vnd erhebt hat / vnd hat ge-  
setzt vnd geordnet / in von allem ge-  
laubigen volck geert werden / Hier  
umb / auff daz / sein fest mit grösser

vnd mer andacht begangen wurd  
hab ich gedacht / gar billich sein / in  
diser predig das lob vnd überrref-  
lichait dises berühmten vatters zü  
ertzelen / von wölchem gar bequem-  
lich mögen gesprochen werden die  
wort des anfangs so gesprochen ist  
In dem mittel der kirchen / das ist /  
in der versamlung der gelaubigen )  
hat er auffgeton seinen mund / inen  
zü verkünden das hailig ewangeli /  
In wölchen worten dreü ding für-  
derlich seind zü mercken.

¶ Zum ersten / die geschicklichait.  
Zum andern / die sunderlichait.  
Zum dritten die nutzbarckait.  
Nach dem vnd dis sermon getailet  
ist in dreü Capitel.

**O** Als erst sagt / daz der sällig  
Vincentius geschickt vñ to-  
genlich gewesen sey zü pre-  
gen. Zum ersten / deshalb / wañ die  
genad gots ist gewesen in im.  
Zum andern / deshalb / das er kunst-  
reich vnd hochgeleert gewesen ist.  
Zum dritten / von wegen der hailig-  
kait seines lebens.

¶ Nun von dem ersten das zü mer-  
ken ist / nämlich geschicklichait des  
hailigen vatters Vincentij / zü predi-  
gen das hailig Ewangeli / so seind  
drey sachen darumb er geschickt dar-  
zü gewesen ist.

¶ Zum ersten / der eingegebenen gnad  
halb.

¶ Zum andern / der überrreflichen  
kunst halb.

¶ Zum dritten / des scheinbarn erleuch-  
ten leben halb:

¶ Zum ersten / ist er gewesen togen-  
lich zü predigen: von wegen der ein-

## Bon fant

gegeben gnad/wann das ist gütig  
klich zu halten/daz im eingesprochen  
sey von got/daz er eingienge vñ an  
sich nam den orden sant Dominici/  
Wan als in seiner legend geschriben  
ist/so ist er geboren zu Valentia/vñ  
dem geschlecht Ferrariorum/von  
Keramen fürnamen vatter vñ müt  
ter/Die da drey sunn geboren haben  
Nämlich Petrum/Vincentium/vnd  
Bonifacium/Dieser Bonifacius ist  
gesein ain bewarter erfarter Do  
ctor/baider rechten/wölcher(als im  
sein hausfraw gestorben was) auf  
radt des hailigen Vincentij nam er  
an sich den habitum vnd orden der  
Cartheuser/in ainem closter aussen  
halb der mauren der stat Valentia/  
das da von den einwonern genant  
wird die hymel port/Vnd von we  
gen der dapfferkeit vnd strengkeit  
seins lebens/vnd seiner sitten/nach  
vier jaren wird er erwolt zu ainem  
gemainen regierer vnd general des  
selben ordens:Aber von sant Vin  
centio zu reden/so ist er durch etlich  
anzugungn geoffenbart wie groß  
er auffwachsen wird in seinem le  
ben/wan als sein vater ainer nacht  
schlieff/ist im ain gesicht fürkommen  
als ob er in der kirchen der prediger  
brüder wär/vnd da ainen eerlichen  
würdigen man in dem klayd vnd ha  
bitu sant Dominici hörte predigen:  
Vnd do er den auffmercklich vñ  
andächtiglich hört/sprach derselb  
prediger zu im / Ich fröw mich mit  
dir allerliebster sun/wan nach we  
nig tagen wird dein hausfraw ge  
berren ainen Sun/wölches leben  
wird so ganz vollkommen sein/vnd

## Vincentio

wölches leer wirt so nütz sein/vnd  
wölches leumbd vnd nam seiner  
wunnderbaren werck wirt so clar  
vñ groß sein/das alles volck der  
Hyspanier/vnd walhen/in/als ain  
auf den alten Aposteln eerwürdigh  
werden/vnd er wirt ain brüder des  
ordens des du mich sein:sichst:Vnd  
nach diser red:die menige die da bey  
wesennlich gesehen wird/sagten  
got mitt grossen stymen danck vnd  
lob/Vnd also do er sich stalt in ge  
leicher weiß got danck zu sagen mit  
der menig die da gesehen wird/er  
wachtet er zu hand/vnd mit grosser  
stym wecket er auff sein schlaffende  
hausfrawen:Vnd die mütter sant  
Vincentij/darnach als sy empfan  
gen hett die frucht/vnd schwanger  
worden was/trüg sy leichtlich/Vñ  
als sy in trüg in irem leib/hört sy  
offt stymen als die hund bellen/vñ  
solichs ballen wird außgelegt vnd  
gedulmetst von vil dienern gots  
Vnd zuoran von dem bischof Jo  
han der stat Valentia/dz die frucht  
die sy trüg in irem leib/ain hitziger  
künstiger prediger wird des ewan  
geli christi/Do aber das kind auß  
dem leib der mütter herfür kam/vñ  
zu dem tauff getragen wird/was  
ain grosse misshellung vñ vnainig  
keit des namen halb/Aber der prie  
ster der in tauffen solt/sprach/er sol  
genannt werden Vincentius/vnd  
also ist es auch geschehen:In seiner  
kindthait was er rüwig vnd still/  
vnd schön an seim angesicht/Vnd  
do er ain wenig grösser wird/gien  
ge er in die kirchen/vnd hort geret  
die da predigten:der gebärd vñ stym

vnd beweglichkeit / als ob er predigte / sagt er den andern kindern / Dar nach wurd er gegeben zu lernen die buchstaben vñ geschuift / vñ wuchß auff in ain hochgelerten man / also daz er vnder den zu Valenz der natürlichen vnd göttlichen künsten der oberst gehalten wurde. ¶ Do er aber das achtzehend jar begriffen het / redt mit jm sein vater vñ sprach Daz er vnder dreien ains erwölte / daz er ain hauffrawen name / oder gen Rom gieng daz er da erhöcht wurd in würdigkait / vnd in kunst / Oder geng in den orden der Prediger brüder. Antwort jm Vincentius. Er het yetz lang gedacht / an zu nemen den Orden sant Dominici / Do füret der vater in zu der müter / vnd hübr für den anschlag vñ fürsatz ihres suns / Vnd also mit gunst vnd mit güttem willen / vnd benedeyung / trat er in den Conuent der brüder Prediger ordens / wöliche in frölich in iren hailigen orden auffnamen.

Um andern / ist gewesen togenlich vnd geschickt sanct Vincentius zu predigen das wort gots / der übertreflichen hohen kunst vnd wissenhait halb / wann nach dem vnd er angenömen hett den orden / gab er sich ganz zu dem gebeet / vnd zu dem lesen / Vnd do sein leer offenbar was. wurd jm vö dem prior des conuents auffgelegt / daz er vmb zünemung wegen der jünngen etwas in der Logica / oder Philosophhey. jnen läß. Das nam er demütiglich vnd frölich an / Vnd do das erschal in den oren der Zur-

ger / kamen gar vil auß den weltlichen vnd horten sein lesung / deren warn bey sibenzig / in welchem lesen vñ übung er verharret dreü ganze jar on vnderlaß. Nach dem wurde er gesandt gen Barchinonā / vnd darnach gen Hileridā / in wölichen stöten zu der selben zeit grüneten die lernungen der freyen künst. Zu letst als er arbetet / vnd fleiß het zu der göttlichen geschuifte / do er im xxviij. jar was / wurd er geziert vnd bezaichnet mit der kron der maister schafft. Darnach kam er widerumb gen Valenz / da wurd er ersamlich vnd mit freuden empfangen / vnd laß vnd prediget da offentlich durch sechs jar / Zu dem kamen auch / vnd luffen zu / von den nächsten stöten vil / auff daz sy in horten predigen / damit daz sy von ain solchen namhaftten vnd berühmten in der leere vñ in sitten möchten gebessert werden / vnd in tugenden zünemen. In den selben zeitten kam gen Valentiam Petrus de Luna ain Cardinal Nämlich Clemens der da erwölet was in der stat Fundensi / von dem tail der Cardinal die gewichen waren von dem papst Urbano dem. vi. des namens / vnd der selb Petrus ward gesandt als ain legat zu Carolo dem künig in Franckreich / der selb Petrus als er gehöret hett das groß lob vñ rüm des hailigen Vincencij / fürt er in mit jm / vnd behielt in da bey jm als lang bis er verschüffe vnd aufrichtet sein geschuift / vñ befele seiner sendung so jm bevolhen was / Darnach für diser Legat widerumb zu dem bischoff od papst

## Von sant Vincentio

von dem er gesendet was worden. Vnd es was das leben vñ der wandel sant Vincentij so angenam vñ gefällig dem legaten / daz Vincencius kaum vnd hart mocht erwerbñ vnd erlangen mit vil bittungen / erlaubnuß von dem legaten / dz er widerumb kam gen Valenz / da nach gewonlicher Übung zū lesen vñ zū predigen / wie er dan vor geton het.

3 Dm dritten / ist gewesen geschickt vnd bequemlich sant Vincentius zū verkündend das wort gots / seins scheinbarn lebens halb / wan sein leben was geziert mit erleuchtung vnd scheinbarkeit der tugenden. Wan als vil gehört zū köstigung vñ tödtung des leibs / so hat er .xxxij. jar aneinander on vnderlaß gefastet / außgenommen die Sonntag / vnd an der Mittwoch vnd freitag hat er gefastet in prot vnd wasser. Von disem fasten hat er nit abgelaßen / nur er sey dan leiblich krank gewesen / Er ist gangen über das veld wider vnd für / vñ nit geritten / sunder mit sein eignen füßen gangen / vñ getragen in sein henden ainen stecken / daran er benügen gehabt hat / vñnd das hat er gethon fünff und zwainzig jar / Aber darnach als im etlich krankheit zūviel in seinen bainen / wurd er schwärer zū wandern / schüß er daz man im ainen esel gab / darauff er getragen vnd gefüret wurd als oft er von stat zū stat wandern wolt. ¶ Vnd von der zeit an / do er anhub hyn vnd her zū lauffen / das wort gots zū verkünden durch sein emsige predig / bis auf das lest end

seines lebens / ist er nye gelegen zū rüwen oder zū schlofen / nur allair auff söcken gefüllt mit blettern der baume / oder auff spreuweren / oder strosecken / oder auff aim nachgültigen säcklin / mit wenig wollen gefüllt / vnd eben in den klaidern mit denen er angethon was / Vnd von jugend auff als er nu manbar was worden / bis zū end seins leben / hat er seinen leib all nacht mit Denien oder disciplin geschlagen / vnd wenn zū zeitten er gehynderet wurd / vil leicht krankheit halb / dz er das selb nit selb gethün mochte / so wolt er / daz es von seinen getreuen gesellen vnd mitbüdern geschäch. ¶ Vnd was wöl wir dan reden von seiner demütigkeit / die so groß gewesen ist / das er all gaislich würdigkeiten gemütlich geflohen hat / wann er erwolt die würdigkeit der Cardinal nit annemen / wan als Clemens zū Auion durch den todt abgiennge / wurd erwölet Petrus de Luna / der da was Benedictus der zwölfft / vñ wölchem / Vincencius berüft wurd vnd auffgenommen zū seinem beichtvatter / vñ zū ainem maister des hailigen palastes / Vnd do zū der selb zeit die Römisch kirch in trennung vnd vnainigkeit was / wan es waren drey päpst / nämlich der selb Benedictus der zwölfft / Gregorius der zwölfft / vñ Johannes der xxxij. Als das concili zū Costanz zergangen was / in dem erwölet wurd der Papst Martinus der fünfft. Vñnd do Gregorius vnd Johannes iren stand aufgesagt heten / do riet Vincencius dem Benedicto daz er vmb



Das LXXXII blat

früds vnd ainigkeit wegen der Römischen kirchen auch abwich / vnd sein gerechtigkeit auffgab / Vnd do er das abschlug vnd nit thun wolt / begert Vincentius erlaubnuß hinweg zu geen. Aber der bischoff Benedictus berüßt vil auß den prelaten die nachuolgeten dem hof des bischoffs Benedicti / vnd als er zügericht het ain roten hüt / wolt in gemacht haben ain cardinal. Sagt Vincentius im danck / vnd die Ker die er im gethon wolt haben schlug er gantz ab / vñ begeret vrlaub / das wurd im zü letst zügesagt / auff daz er gienge in manig vnderscheidlich land vñ gegend d welt zü predigen das reich gots ¶ Wie groß aber gewesen sey sein rainigkeit vnd lautterkeit / vnd wie großlich er liebgehabt hab keuschheit vnd behäbikait / anzaigen fürderlich zway Exempel / die von im in warer sach gesagt werden. Das erst ist / do er prediget zü Valentz da was ain frauw die wurd im also hold / vnd in vnordenlicher lieb also gegen im gefanngen / daz sy sich krankheit annam / erzaygt sich als ob sy krank wär. vnd do sy also lag im bedt / begeret sy / daz Vincentius berüßt wurd / vnd zü ir kam / vnd ir beicht hörte. Vnd do er kam vñ eingieng in ir kamer / giengen die andern all auß / vnd er belib da allain vñ hüß an / die frauwen zü ermanen zü penitentz / vnd sy mit senften lieblichen Worten endeckt sy im ir haimlikait / vñ erzaygt im vneersam weis vnd gebärd ires leibs / Wölche vnzucht er veracht / vnd darab ain misfallen het / vnd vermanet sy vor in

brüderlicher lieb sy sölt abstecken von diser ansechtung / vñnd gieng also von ir. Do wurd sy zü schanden in ir selb / vnd gedacht / sy wölte schreyen vnd im schmachait vnd vneer zü legen / Vnd als bald sy wolt anheben zü schreyen / veriert vnd vntrib sy der böß gaist grausamlich vñnd swarlich / Vnd do das der böß gaist vil tag traib / zü letst fieng er an vñ sprach / Auß disem leib mügt ir mich nymmer treiben / es geschech dann daz hyeher kam der man / der da in das mittel des feürs gesetzt ist / vnd von dem feür nit mocht verbrennet werden. Vnd do die das horten die da waren / verstüenden sy die wort nit was sy bedeüten / vnd ainer der da bey stünd sprach / brüder Vincentius werd hyeher berüßt / d ir beicht hat gehört / der ist ain hailiger vñnd weyser man / der versteet villeicht die wort wol / Vñnd do er berüßt wurd / kam er dartzü / Vñnd nempt war / der böß gaist der Teüfel / lief außgeen ain greülich heülen vñnd geschray / vnd sprach / Heyw ist der man hye / der in dem mittel des feüwers gesetzt / vnd nit von dem feür verbunnen ist / Vnd do der böß gaist das gesprach / zühandt gieng er ab / vnd ließ den leichnam der frauwen / halb tod ligen. ¶ Das ander Exempel das von im gesagt wirt vnd geschehen ist do er noch zü Valentz was / der böß gaist der boshaftig teüfel / bließ etlichen hässigen vñnd neydischenn ein / daz sy ain härsch weib / die gar schön was / einfürten bey nacht in sein zell / die betten acht zü wölicher zeit soliches zü thun be-

## Von fant

quem wär/merckten sy wenn Vincentius nach seiner gewonhait in der kirch sein gebeet hielt/ do fürten sy die schönen frauwen in sein zell/ Vnd do Vincentius von seinem gebeet gieng auß der kirch fand er die thür beschlossen/ vnnnd do er zü der stat kam da er nach gewonhait solt schlaffen/ fand er das weib da sitzend/ vnd in dem ersten ansehen erschriack er seer/ vnd ee er mit ir redet het er vil züwällig gedanncken/ vnd schätzet doch nicht daz es ain weib wär/ besunder er maint es wär der teüfel/ der in villicht in gestalt des weibs betriegen wölt/ vnd hüb an in solicher gestalt zü reden. In was ursach bist du hyeher kōmen in solicher form du verflüchter teüfel/ der du den dienern gottes allweg mit neüwen betriegungen hässig bist/ Das weib antwurt vnd sprach/ ich bin ain weib/ vnnnd nit ain Teüfel/ Aber ich bitt dich/ du wöllest mich mit gedult hörn/ Es seind gar nach zwen monat hynganggen/ daz ich in deiner lieb gefanggen bin gewesen/ Ich hab oft versüchet wie ich (es wär tag oder nacht) zü dir möchte kōmen/ aber es ist mir nye sügliche zeit mögen werden/ nun aber bin ich herein ganggen/ vnd bin von nyemandt gesehen worden/ vnd es ist nodt daz wir in disem bedtlin in diser nacht beyainander schlaffen/ vnnnd ich wird dir sürohyn die aller gehorsamest/ vñ wird deinen leümbden vnd güten namen mit stillswiegen behalten/ Soliche vnd der gleichen wort redet sy zü im/ vnd damit viel sy an in vnd wolt in küssen

## Vincencio

vnd hällsen vnseuberlich vnnnd vn- schamhastigklich. Do thet Vincencius ir manlich widerstand/ vnnnd strafft sy hertigklich mit scharpffen Worten. Do ergab sy sich mit reüw vnd mit vergießung der zäher/ vnd sagt ursach warumb sy zü im (in zü versüchen) kommen was/ vnd begert demütigklich verzeihung/ vnd verhieß/ sy wölt das hürisch leben verlassen/ Also schied sy von im mit grosser reüw ires gemüts/ vnd verlief die hürischen vnflätigkait/ vnd nam ainen man/ vnd lebt sürohyn mässigklich vnd keüschlich. Durch wöliche zway exempel werden wir leichtlich eingefürt/ daz wir gelauben/ er sey mitt der kron der junc- frauwschafft geziert worden. Aber noch werden wir gezwungen sein sensstmitigkait zü verwundern/ die da so groß gewesen ist/ daz er die schmachaiten/ vngerechtigkaiten/ vnd hässigkaiten der boßhastigen/ mit gleichem gemüt trüg/ vnd inen gütigklich verzeige vnd ablas. Aber vnder anndern wunderlichen dingen die seines gemüts sensstmitigkait anzaigen begegnet aines/ vns auß zu legen/ das da in der stat Valentia geschehen ist. Etlicher sündlicher brüder/ ain maister der hailigen geschiffst/ verlassen vnd leichtfertig/ hässig dem leümbden vnnnd güten lob vnd glauben sanct Vincentij/ nach vil abziehung vnd hinderredung/ vnderstünd er sich/ den namen des hailgen mañs schwöchen/ in maß wie nachuolget. Er fürt bey nacht in den cōuent ain schwache frauwen/ ain hüren/ die da bey

im schließ / Dises weib was frömbd die in den selben tagen gen Valenz kommen was / vnd am morgen frü als er ir bezalt het iren lon / aber nit als vil vnnnd als reichlich als sy gehoffet hett / ließ er sy haimlich auß / Aber sy sach mitt fleiß an / das antlitz des brüders / auff daz sy in durch die gestalt des angesichts möcht erkennen / Vnd ee dan sy auß der zell gieng bat sy in / daz er ir seinen namen offenbarte. Vnd er sprach / ich haiff nämlich maister Vincentius / Das weib gieng hin. vnd sagt irem brüder an ir hieng / vnnnd vil andern / Sy wär in dem conuent der brüder zu den predigern die gantzen nacht bey maister Vincentio gelegen / vnnnd het doch nit zymlichen lon darumb empfangen / Vnd es ist also ergangen daz der schandlich leümbd vnd geschray außgangen ist durch die gantzen statt / Zu der selben zeit was auch zu Valenz der brüder sant Vincentzen Bonifacius genannt / von dem vor oben gesagt ist / der in dem selben jar vñ alter gewonhait wegen des selben vatterlands trüg die maisterschafft der geschwornen väter / dem selben sagten iren vil die rumor vnd sträfle ding die von Vincentio geredet wurden / Wöliche sag er doch nit geläuben wolt vnd mocht / sonder er schätzet wol daz die ding alle auß has der neydischen vnd haimlichñ nachstellern her kämen / Vnd also auß seinem radt die / so mitt im den gewalt der maisterschafft trügen / sagten vnd stalten / daz ain gemai-

ne Procession geschäch in der statt / dahyn all gaistlich Closterleüt solten kömen / Vnd als der tag gestelt wurd / stalt sich der selb Bonifacius er vnd die gantz burgerschafft / vnd die Edlen in der selben stat / an ain sunderliche statt / da sy wolten / daz dise offne straw auch bey inen stünd Vnd do die brüder sunderlich all fürgiengen / zu letst do maister Vincentius da gieng / fragten die edlen das weib / ob diser der wär bey dem sy geschlaffen hett. Andtwurt das weib / nain / vnd do der kam der die sünd vnd boshait gethon hett / zagget das weib mit den fingern auff in / Secht (sprach sy) das ist der vñ dan ckberbrüder von dem ich gesagt hab / Also do die procession geschehen was / berüfft Bonifacius / vnd die andern Edlen / den schandlichen eerlosen münich / Der. do er sein schuld nit mocht verdecken / bekant er das offenlich / vnd gieng zu dem sälligñ Vincentio / der das geschicht noch nit wist / vnnnd bat vmb verzeyhung mitt wainenden augen / das wurd im gütiglich zügesaget vnd verzygen.

**D**es ander Capitel sagt von der sunderlichen überrettenlichait der predigung des hailigen Vincentij / der nit allain vil jar / sunder auch vil vnd manigerlay völkern / vnd in getailten vnderschiedlichen lannden geprediget hat / mit hilff vnd mitwürckung des allmächtigen / der da die red

## Von sant

vnd predigen bewärt vnd geuestet hat mit schönen götlichen wunderzaichen. Wann sein predig ist gewesen in sonderhait fast übertrefflich / allermaist vñ dreyer sachen wegen

¶ Zum ersten / vñ wegen der langwichtige erstreckung.

¶ Zum andern / von wegen der gemainamkeit.

¶ Zum dritten / von wegen der befestigung.

¶ Zum ersten so ist sein predig volfür vñ erstreckt gewesen vil jar lang / wann wiewol das ist / daz er vorhyn an vil orten vnd stöcken geprediget hat das ewangelisch wort gotes / so sieng er doch an von dem achtundreissigsten jar seines alters sein emsige übung vnd arbeit seiner predig / vñ verharret darin on vnderlaf bis in das .lxxv. jar seines lebens / in dem er auß disem zeit gezogen vnd verschaiden ist. ¶ Vnd in dem sürgang seiner geschäfte ist die vñ soliche ordnung geweest / In der nacht hat er gegeben fünff stüd der rüw / die anderen teil der nacht hat er gebraucht zü dem gebeet / vñ zü der lesung der hailigen geschüften / An dem morgen früw gieng er an die stat da sein wartet das volck zü hören sein predig / vñ am ersten sang er Mess / vñ darnach hüß er an zü predigen / darnach ( damit er genüg thät der andacht des volcks ) raicht er die hend dar dem volck zü küssen / Vnd die krancken so im süßbracht wurden bezaichnet er mit dem zaichen des creüßs / vñ sprach

## Vincentio

Dise zaichen / deren die glauben / werden inen nachuolgen / Sy werden ire hend legen auf die krancken vñ sy werden sich wolgehaben / Darnach legt er hynzū / Jesus Mariae filius / das hail vñ der herr der welt / der dich gezogen hat zü dem gemainen christenlichen glauben / behalt dich in dem selben / vñ mach dich sällig / vñ wöll würdigen dich zü erlösen von diser kranckhait Am̄. Darnach mitt benedeyung gottes nam er die speiß / Er wolt nymmer dan nur ain speiß niessen. Vnd von dem jar in dem er eingegangū was in den orden / bis zü dem end seines lebens / enthielt er sich allweg von fleisch / wein gemüsch mit vil wasser tranck er zü aller zeit.

Vm andern was die predig  
3 sant Vincentij übertrefflich  
vñ sunderlich der gemain  
samkeit halb / wan sy wurd vil völkern vñ geschlechtern mitgetailt vñ gemainsamer / wann die land vñ gegenden in denen er geprediget hat seind dise / wie nachuolget / nämlich Catalonia / das reich Valentie. Arragonia / vnuerßa Hispania / in dem begriffen seind Portugalia / Gallicia / Navarra. Er hatt geprediget in Gallia / in Comitatu / in der gesellschafte Tholosano / In Linguadoch / in Delphinatu / in Auinione / in Sabandia / in Aluernia / in Hybernia / in Burgundia / in Normandia . Er ist auch gangen in die Insel Maioricarum / ad Angliam /

Das LXXXIII blat

ad Scociam / in Italiam / et vniuersam regionē pedis montis Iustrans. Zu letzt kam er gen Januam / vñnd prediget allweg vñd verkündet das Ewangeli. Er hat auch geprediget in Alexandria / dabey was sant Bernhardinus / der was noch ain jungling / von dem sant Vincentius offentlich redet in dem gaist der weisung / daz er ( das ist Bernhardinus ) in kurzer zukünfftiger zeit werden wurde ain liecht der gannzen Italey / das dann bald darnach geschach. Sant Vincentius ist Treissig jar vor gestorben. Er dann sanct Bernhardinus gestorben ist / Vñd sant Bernhardin ist erhebt worden vñd gehailiget. Fünfft jar ee dann sant Vincenz erhebt ist.

V dem dritten

3 ist die predig sant Vincenz in sonderhait ubertrefflich gewesen von wegen der beueftigung / wann sy ist nit vil wunderzaichen gewestnet worden / Auf wölchen wunderzaichen wir etlich wölchen erzelen / Als der man gotes auf der stat Cathalonie gieng / vñd sich gab zu geen gegen Barchinonam / vñd eingieng in ain herberg / Do frageten die schaffner ( denen die hauffsorg empfolhen was ) den wirt. ob etwas da war gekocht das er dem hailigen mann gottes / vñd denen die mit im giengen / zu essen fürlegete. Der wirt antwort vñnd sprach / Er het nichts dann ain we-

nig melbs / vñnd ain wenig weins in dem vaf. Dise sprachen / auf dem melb das da ist mach souil prots als vil du magst / daz doch der haylig man vñ diener gots müg zum mindesten gespeiset werden / vñnd etlich Edel die mit im kómen seind / Vñden wein der auf dem vaf gelassen was / hießen sy dar setzen in ainem hölzin geschirz oder schennckvaf / das bey dem selben volck genennet wirt Portatorium / darinn man den wein auffregt. Do es nun zeit was sieng an sanct Vincentius sich selb zu gärten zu tisch zu sitzen / vñnd die hauffschaffner sagten im / es wäre nit souil prots vñd weins vorhanden damit die ganz menige des volckes inöchten benügen haben. Do das der hailig man Vincentius gehört het / hefftet er sein gemüt in got vñd vertrawet der höchsten milten barmherzigkait gotes / vñnd gebot in daz sy nyemandt etwas darvon sagten / vñnd hieß sy die prot / so vil sy hetten / der menige des volcks darlegen vñd vñntailen / vñd den wein der in dem trag oder schennck vafs was einschencken nach gewonhait. Do sieng er an ( nach der benedeyung ) mit der ganzen vile der menschen / der da bey dreytausent waren zu essen vñd zu trincken / Vñd als bald die prot ( der da in zal fünffzehen waren ) dar ge leget wurden / vñd der wein eingeschenet / ist nit allain darvon dise menig ersettiget worden / Sonnder es ist auch der wein ( der da wol halbenn essich was ) gekóit in den allerbestn wein

## Von sant

## Vincencio

Do das der haufwirt vernam vnd sach/viel er nider auff die erden vñ begeret von sant Vincenz gebenedeyt werden/Do das mirackel gesehen wurd/sagten sy all sampt dank got dem heren/Aber an dem nächsten tag darnach/do der wirt frūw vor tag auffstehend vnd sich beraitet nach melb vñnd wein in die stat zū gehen / fand er den kassen vol melbs vnd das vaf vol gūts weins/Vnd nach sollichem berūffet er etlich die da giengen /saget in das geschehen ding. ¶ Darnach als sant Vincencius prediget in ainem dorff / begab sich/daz er sage dem volck das mirackel vnd wunnderlich geschicht/da gesaget wirt.sancta Margareta haben teüfel/der ir in menschlicher gestalt begegnet vnd erschin/auff die erden nider geworffen.Do was vnder denen die dem hailigen mann nachuolgten ain jūger Lombardus der seer ainseltig vnd schlecht was.do der hōret das gezānnck vnd den kampff den sant Margret mit dem bösen gaist gethon hett/sprach er in jm selb.wen es geschāch daz got vnderweilen verhangte daz der teüfel in sichtslicher gestalt mit mir kempffen wōlt/so wōlt ich in in gleicher weis nider werffen/vnd in mit den fūssen treten/als lanng vntz ich in überwünd/Vnd darumb do er vñ die.xj.stunnd auß dem dorff gieng/nam er jm für ain fūgliche stat zū beeten /biegend seine knye/ begeret von gott/ jm verlyhen werden/daz jm der teüfel in sichtslicher form erschyn/dauon er möcht sig erholen/

vnder den dingen kam ain fraw die trūg ain sichel in der handt/auf gesandt zū schneiden oder zū māgen grasfūter.des daselbst das veld vol was / vnd dises weib was von geburt ain stum/do die kam an die stat vnd sach den jūngling vñnder den sadten der korn mit gebogen knyen steen/erschrack sy seer / vnd trat ain wenig hynder sich / vnd schray stymlich on aussprechung der wort/vnd trowet dem jūngling mit etlichen zaichen der hend.vñ mit bewegung des hauptes . Do der jūngling sach daz das weib alt vnd gebogen was langs leibs / vnd magers anlūtz / zerrisne klaiden habend /auslassend mit geschray on formierung d wort ir stym/vnd jm trouwen mit der sichel/die sy in irer hand trūg / maint er /es wār der teüfel / vñnd schāzget sein geheet wār erhōrt /darumb viel er in sy/vnd wurff sy auff die erden vnd sprach / bist du kōmen du teüfel bist du kōmen : Du wirst warlich mich mit sichtigem kāmppfen nicht überwinden / als du mich oft mit vnlichtiger ansechtung überwinden hast / Vnd do er das redet zoch er sy hieher vnd dort hin / yetz schlūg er sy mit den henden / denn mit der sichel/die sy in iren henden was tragen/also lang schlūg er sy/vnd thet ir fouil wunden in irem anlūtz / vñ in andern tailen ires leibs / daz er sy halben todt verließe / Do luffen zū dem geschray nach ( das sy bayde thetten ) ain grosse menige volcks / Do die sahen was da geschehenn was / sienggen sy den jūngling /

vnd stießen in in ainen kercker / Do wurden die ding gesagt sant Vincentio / der hieß die verwundten frauen (gar nahend dem tod) eilendtz zu im tragen / vnd zühand die stirnen / darnach die prust / darnach zu dem letzten das hertz / der frauen bezichnet er mit dem creütz / vnd nempt war / der leichnam ( der da geschätzt was als tod ) hüb an den athem an sich zu ziehen / vnd erkücket werden / vnd das weib ( die all menschen zu Catalonia erkennet hetten stum sein ) sieng an zu reden / vnd begeret ains priester dem sy beichtet Do 8 selb kam / beichtet sy alle ding mundtlich vnd vnder schaidenlich / als ob sy nye stum gewesen wäre / Darnach begert sy dzir die andern sacrament auch geraicht wurden / vnd zu lest empfalch sy sich got / vñ hort nitte auff zu reden als lang bis sy iren gaist auffgab vñ starb. Aber der jüngling durch gebeet sant Vincencij wurd er löst von dem galgen vñ auß haissen sant Vincencij wandert er in Italam. ¶ Item in ain dorff sancti Matthei / nitte ver von der stat Valentz / in dem sant Vincenz etlich tag gewonet het / wurd gesehen ain Erwürdiger man / der het an im die gestalt vnd ain klaid aines ainsidels oder waldbüders / der ergab sich freywilliglich nach zu volgen mit den andern sant Vincentio / darumb wurd er mit fröden vnd gütiglich angenömen / vñ also im anfang was sein wandel / thün vnd lassen / allen sampt zu mal angenam / Aber nach wenigen tagen hüb er an die leer sant Vincencij zu

verwerffen / vnd darwider zu murmeln / also daz er etlich verköret. Die ding kamen für die oren der amptleüt / die siengen in / vnd also gebunden legten sy in gefangen in ainen kercker / Vnd an dem andern tag do sy in wolten fragen vnd überhören sandten sy diener in den kercker / die in fürfürten / do funden sy niemant nur allain die ketten. Zühand giengen sy zu Vincencio / vnd sagten im das ergangen dinng / Do schmoget er vnd lächlet / vnd sprach / er ist nitte ain mensch gewesen / als ir gemainet haben / es ist der teüfel geweest / der hat wollen hinderen die frucht vnd nutz den vil menschen auß meiner predig erlangen. ¶ Item durch das gebeet Vincencij / in Barbafen ist gestilt vnd abgestelt groß vngewitter daz sich beweget hett / do er dem volck wolt predigen / an dem fest der zwölspoten Petri vnd Pauli. Soliches ist auch geschehen zu Dolosen an dem fest sancti Martini. ¶ Item in der stat Carcasone von dem monat Junio bis zu dem monadt Januario / was ain soliche grosse dürre vnd kaywetter / daz all menschen an den früchten ( die gesammelt solten werden ) verzagten. Do berüßten die Burger sant Vincencium / der da zu Dolosa prediget Do er zühnen kam / an dem vierden tag darnach / als er eingangn was in die stat / do geendet was die predig / vermanet er das volck daz sy all solten biegen ire knye / vnd betende anrüßfen die barmhertzigkeit gotes / vnd er thet des gleichen auch Darnach richtet sich Vincencius auff

## Von sant

## Vincencio

vnd thet in den lufft ain haylsam  
zaichen / vnd sprach / Sagt got dem  
heren dannck von dem das ir habt  
euer gebeet seind erhört / Vnd kaum  
als er die wort geendet het / do ist ge  
sein der lufft vol wolcken / vñ wurd  
ain solch groß wasser gnügsamlich  
vñ reichlich vō dem hymel gelassen  
als die enwoner d gegenden nach  
irer gedächtnuß nye gesehen heten.  
Item in der stat Castrensi. die da ist  
in Gallia / an dem fest der Auffart  
christi / hat er ain lamen gichtbrüchi  
gen / der dise krankheit siben jar ge  
litten het / gebenedeyt / vnd er ist ge  
sund worden / In wölicher stat an  
dem nächsten tag darnach do er pre  
digt / hat er ain groß bewegung des  
vnwitters mit dem zaichen des creü  
zes gantz vertriben. ¶ Item in mö  
tesquino / nit weit vō Dolosa / was  
ain man mitt namen Gerhardus /  
der den schwären fallenden siech  
tumb het / als der enpfangen het die  
benedeyung von dem man gots Vin  
centio / wurd er erlediget. ¶ Item  
in der gegend die sy neñen / de mon  
te oliuo / nach bey Carcasonā / hat er  
ainen kauffman / der da hieß Gwil  
lermus / der dreü ganze jar seins ge  
sichts beraubt was / nach der bene  
deyung / im von sant Vincencio ge  
schehen / ist im sein gesicht widerüb  
gegeben worden. ¶ Item zu Va  
lencz hat er ain menschen / der vier  
zig jar stum gewesen was / do er in  
mit dem zaichen des creützs in dem  
mund bezaichnet / hat der zühandt  
geredt / vnd die macht der red behal  
ten als lang er gelebt hat. ¶ Item  
ain andern vngelörenden / der acht

jar lang nye gehört hett / als er das  
zaichen des creützs in sein oren geton  
het / macht er in volkōmenlich vnd  
wolgehörig. ¶ Item bey Nursiam  
ainer stat in Hispania geschach es /  
daz auff ain zeit im summer / so ain  
grosse menige der heuschrecken vnd  
kefer wurden / daz sy in wenigen ta  
gen / nāmlich in vier oder fünff ta  
gen / gar nach verzerten vñ verderb  
ten alles daz da grün was auff den  
veldern / vnd von den menschn solt  
genossen werde. Vincencius in den  
selben tagen kam in die selben stat /  
lieffen die Burger wainend zü im /  
vnd begereten daz er für sy bät / Do  
hieß er zühandt wasser zütragen das  
segnet vnd benedeyt er / darnach  
gieng er auß der stat vnd besprenzt  
das wasser wider die kefer vnd heü  
schrecken / An dem nachuolgenden  
tag wurden die tierlin dieses geschle  
chtes alle tod funden. ¶ Es wolt  
auch got den seligen Vincenciu mit  
dem gaist der weiffagung erleucht  
werden / wañ von Calixto (als mir  
der hailig vatter Calixtus darnach  
selber kund thet) sagt er vor hyn der  
mütter Calixti / ir sun wurd Papst  
werden. ¶ Item do er predigt dem  
volck zü Barchinona / zü der zeit do  
großer mangel vnd theüre da was  
sagt er vor hyn / daz zway schwäre  
schiff vol geladen zükünfftig wur  
den kōmen / von wölichen schiffen  
kein sag noch gedächtnuß was.  
Itē er verkündet vor hyn den tod ai  
nes waltbrüders / vñ och sunst ains  
andren münchs. ¶ Itē do er zü der  
edlen stat des lands Arragonie Ce  
saris Augustā prediget / vnderbrach



er die halben sermon / vnd sieng an gählingen häfftiglich zu wainen / Darnach als bald wust er ab die zäher / vnd zu letst mit frölichem an gesicht köret er sich gen dem volck / vnd sprach / yetz an diser stund ist mein mütter gestorben zu Valenz / vñ gefürt in die rüw des reichs der himel. An die hörer diser wort merckten die stund / vnd funden darnach daz es also warlich auff die stund ergangen was.

### Das dritt Capitel.

sagt / wie fruchtpar vnd nützlich gewesen sey das predigen sanct Vincentij / in bekörung der sündler / vnd in taußung der vnglaubigen / darumb er grosse glori eruelget hatt / Wan auß seiner predig ist erstandn dreyerlay nutzparkeit.

Die erst nutzparkeit ist bekörung der sündler.

Die ander ist / teüßung der vnglaubigen.

Die drit ist / sein selbs glouificierung.

**U**n der ersten ( sprich ich ) wer mag außrechnen oder gnügsamlich dauon reden wievil sündler ( die da gehört haben die wort des lebens von dem mund sant Vincentij ) bekört seind worden zu got dem herren / sy seind gewesen als vnzällich / vnder denen gewesen ist tödtlicher neid vnd hasß vil jar / todt schlog halb vnder den freunden erwachsen / die ( wenn er prediget ) mit grosser reüw an der predig auffstünden vnd schryen / sy wölten verzeyhen iren veinden vnd todt schlogern / Aber sant Vincentius

was gewon grosser behütsamkeit sich zu gebrauchen. Zum ersten hieß er dise büßer den kuf des frids den feinden geben / darnach in ansehüg alles volcks von ain offen notario den er / der sach halb allweg mit im fürt / hieß er die verzeyhung vnd verainigung auffgeschriben werden / Die härn vñ büben / rissfigener / das bübisch volck / die morder / die mörtauber / lesterer gots / vnd der hälligen / vnd dergleichen bösen menschen / bey viertausenden / hat er gezogen auß der tieffe der sünden / mit alain zu reü des hertzen / sonder auch zu würcken offne büß. Vnd das sol mit herdt sein zu glauben daz er so grossen nutz der seelen geschafft hat so er ( als vor gesagt ist ) geprediget hat in mitwürckung got des herren / vñ in beuestigung der red mit nachuolgenden wunderzaichen. Vnder wölichen das seer zu verwundern was / daz in dem ganzen gemainen volck / der Hispanier / Gallier / vnd Italier / sein predig geschach / vñ er allweg redet in seiner landtsprach / vnd doch all in / in seiner sproch verständen / vnd die frucht seiner leere begriffen / gleich als ob er redte mit der zungen ains yeglichen zühörers Des dings gezeügen sind gewesen vil Teütscher vnd Englischer / wölicher sproch / wie ver sy sey in vnder schaid von der sprach der Valencianer / waist vñ erkennt das ganz volck wol / Des ist auch gezeüg die gegend der Gallier / die nun zu vnsen zeiten Britania gehaissen wirt Da er zway jar gestanden ist / vñ da er och sein sälligs leben geendet hat

## Von sant

## Vincenzio

In dem selben land feind menschn  
baider gschlecht vnzalbar / die man  
haist Bitones bitonizantes / die ha  
ben die aller vnuerstentlichsten vn  
begreiflichsten sproch / deshalb / daz  
sy niemant versteet / noch reden kan  
weder sy vnderainander allain / die  
selbigen haben doch den hayligen  
man Vincentium nicht minder ge  
merckt vnd vernomen / dann het er  
in irer zungen geprediget. ¶ In der  
selben gegend hatt got vil mirackel  
durch in gewürcket / wañ die hauf  
fraw des Herzogen von Bitania  
vnd tochter des künigs von Franck  
reich / ain andächtige christenliche  
fraw / die vil jar lang vnberhasst  
was / Aber nach dem als sy den se  
gen vnd benedeyung von Vincen  
tio empfangen hett / empfieng vnd  
gebar sy sün / der ainer hieß Petrus /  
ain frömer gerechter man / der selb  
nach abgang seins vaters wurd er  
herzog der Bitanier. ¶ Vnd also  
ist gar ain grosse menig volcks ge  
zücket worden auß den henden des  
teufels mit dem schwert der predig  
Vincenzij / wañ er was in strafung  
der laster erschrecklich / also daz es  
offt sich begabe / daz vil die in den  
sünden erstocket waren / sein predig  
horten / vnd in solcher weis bewegt  
wurden daz sy auff die erd zitterend  
sich niderstrackten / vnd vor der gan  
zen menig vmb verzeyhung baten /  
Vnd wiewol er den sündern also  
erschrocklich vnd vorchtlich sich er  
zaigt / so miltiget er doch seine wort  
mit solicher massigkeit daz er sy dan  
nocht in wünderbarer etlicher weis  
beweget / daz sy in zü hören gezogen

wurden:

**D**Je ander nutzparkait die er  
wachsen ist auß der Predig  
sant Vincenzij ist / reuffung  
der vnglaubigen / wann wider die  
Juden ist er so ain scharpffer gnüg  
samer vñ herber bitterer disputierer  
gesein / vnd hat inen den syn vñ ver  
ständnuß der hailigen geschüfft al  
so aufgethon / daz er in vil maniger  
lay stöten ob den fünffundzwain  
zig tausent schüßf geteufft werden /  
Vnd vil Sarraceni (der in Hyspa  
nia ain grosse menig ist) die verlög  
neten vnd verliessen ir lügenhaftig  
sect vnd nation / vñnd durch seinen  
radt vñ glaubliche laitung empfieng  
gen sy den hailigenn Tauff / der zal  
was bey acht tausenden. ¶ Item  
also angenam vnd genadenreich  
was sein predig vnd leere daz auch  
die vnglaubigen gar offt freywil  
liglich lieffen sein predig zü hören.  
Bey der stat Carthusiam des lands  
Catalonie / do er auffstaig zü predi  
gen / sieng er nit bald an (als er ge  
won was zü tün) des verwundert  
sich das volck / das da wartet / was  
dis verzeyhung in stillschweigung  
bedeutet / Aber do er das in seinem  
gmüt mercket / sprach er. Es sol kain  
verwunderung sein in eüch / wann  
ich wart der gnad gots die eüch zü  
künfftig ist / wañ es werden hyeher  
kommen menschen / deren zükunfft  
eüch allen wirt seer angenam vnd  
wolgefällig sein / Die wort redet er  
kaum auß / nempt wat / do kam da  
her ain vile der Juden / vñ sprachens  
sy wölten die leer Vincenzij hören /  
Vnd Vincenzius vor der gannzen

menig fraget sy/ wer jnen geraten het daz sy da her giengen. Antwurten sy/ niemant het in das geraden sunder auf irem aignen willen wāren sy kōmen. Do hūb er an zū redn vnd gieng solich genad der red auf seinen leffzen / daz vil der Juden auff den selben tag zū dem glauben chusti bekōrt wurden. ¶ Der künig von Granat / do er gehōret het den loblichen leūmbden seiner wercke / schickt er auf ain legaten / ain hochgeleerten man in seinem gesatz / daz er sōlt kōmen in sein land / darumb bāt er in seer / nicht allain daz er in möcht sehen / sonder in auch hören predigen / Vnd mit ofnem glauben verhieß er jm / daz er in seinem reich möcht das gesatz Christi freylich on hyndernuß predigen / vnd das geschach auch / Vnd do der selb künig sach daz auf der vsach vil auf den seinen den hayligen tauß wurden annemen / vorcht er / daz er velleicht diser sach halb vertriben wurd von dem reich / hat er nicht geduldet daz der hailig man da das wort gottes auf gōß darumb er widerum gieng zū den Christen.

**D**ie dritt nutzparkeit die da entsprungē ist auf der predig sant Vincentij / ist / sein selbs glorificierung / wann got der herr wolt in Kerentreich machen / nit allain in dem sāligen leben / sonder auch in diser welt / im tod / vnd auch nach dem tod / Wan do er gedacht het vñ beschlossen ab zū schayden von Britania / auf der stat Venetensi / auff aim esel (als er gewon was) geseßen / machet er sich bey

nacht auff den weg / vnd do er vil meil geritten was / zū letst do der tag auffgieng / vernam er vnd erkant daz er vor der port der genannten statt was / darumb kōret er sich zū seinen brüder vnd gesellen die mit jm giengen / vnd sprach / ir brüder / wir wollen widerumb geen in die stat / wann es ist der will gotes das an disem ort der lauff vnser lebens geendet werd / Vnd wenig tag darnach wurd er beheffret mitt schwārem fieber / vnd berüffet sein brüder / saget jnen / er wurd auf disem leben abgeen / Vnd als er yetz gethon het sein demütige beicht / vñ mitt volkomner Absolution wurd absoluiert nach verleyhung der Rōmischen genad / die jm gegeben het der papst Martinus der fünfft / empfing der eerwirdig alt alle sacrament chistenlich vnd andächtlich / Do aber zūnähet das end seins lebens. begert er. daz da gelesen wurd der passion / das ist / das leiden chusti / nach beschreibūg der vier ewangelisten / Darnach wolt er hören die sibē penitentz oder büßpsalmen Aber am end ganz wunnsam vnd frōlich / mit zū samē vñ auffgehēten henden vnd augen in den hymmel für auf die sālīg sel zū got dem herren / Nonas Aprilis / das ist / in den tagen des monat Aprilis / Des jars do man zalt von chusti geburt Tausent / vierhundert / vnd Neunzehē jar. Vnd zū gleicher maß wie er geklārt gewesen ist do er gelebt hat mit vil miraceln / also nach seinem tod / biß auff den heütigen tag laßt er nit dauon mirakel zū wirken

## Von sant

Den hat der papst Calixtus der drit an dem tag vnnnd fest sancti Petri nach gewonnhait der Römischen chriſtenlichen kirchen eingeschriben in das buch der hailigen. Disen hailigen götlichen man die gantz kirch gots billich ereret. Disen sollen wir haben zu ain fürderliche patronen vnd fürsprechen/der denen die sein hilff in worten/gelaben/vnd andacht anruffen/miltiglichen hilff thut. Durch des verdienst woll wir got den herren bitten daz er vns geb den ewigen frid Amen.

## Es seind sechs lob-

sam vnnnd Erwidig hochgeacht männer gesein/des namens/Vincentius. Der erst Vincentius ist gewesen Aragonensis / von der statt Hostiensi/ain hailiger Archidyaconus des hailigen bischoffs sant Valerij/der da was bischoff Cesar Augustanus/wölchem Vincentio der bischoff Valerius sein ampt zu mal gantz beualch / deshalb/wann er was aufrichtiger vnnnd geschickter vnd hochgeleert das wort gots auß zu sprechen/vnd andere bischofliche werck zu volbringen / Vnd gab sich der hailig bischoff Valerius zu der andacht/vnd zu dem gebeet/vnd zu dem beschowenlichen leben. Diser Vincentius hat greüliche vnd manigerlay gestalt der peen vnd marter gelitten vnnnder dem wüterich Daciano / zu den zeitten Dyocleciani vnd Maximiani Römischen kaysern/vnnnd ligt begraben sein haili-

## Vincentio

ger cörper zu Valentz außserhalb der stat maur.

Der ander Vincentius ist gesein ain münch/vnd ain priester/monasterij lyrinensis insule/natione Gallus/hat etliche bücher geschriben.

Der drit Vincentius ist gewesen ain Priester / natione Gallus / ain übertrefflich geleert man / hat auch etlich bücher gemacht.

Der vierd Vincentius hat gehaissen Beluacensis / Gallus / natione Burgundus / ordinis Predicatorum / der hat geschriben vier grosse bücher / nämlich Speculum historiale / Naturale / Morale / Doctrinale / vnd vil ander volumina. &c.

Der fünfft hat gehaissen Vincentius Bruner / natione Teutonicus / hochgeleeret in den götlichen geschüften / vnd in den natürlichn künsten / Hat gelebt zu der zeit do die vniuersitet Pragensis gewendt ist in die schül zu Lpztg / Hat auch etliche bücher geschriben. Claruit Anno M. cccc. x.

Der sechst/ist gewesen Vincentius Ferrarius / oder Ferrariensis / de Valentia / ordinis fratrum Predicatorum / von dem diß sermon gesetzer ist durch Robertum de Licio / ordinis Minorū / pontificem Aquinaten. Diser Vincentius Ferrariens von Valentia. ist gewesen ain man in der götlichen geschüfte / vnnnd in Philosophia ain maüster / hochge-

Das LXXXVIII blat

leert / subtiler / klüger vernunfft / clarer red / andächtigt / vnd ernsthaft / vnd züchtig in sitten vnd wandel / Ain außrüffer des wort gots / zü seiner zeit der loblichest / vnd herrlichst / vnd übertrefflichst prediger / geschinen vnnd geleüchtet ( im leben vnd nach dem tod ) durch vil miracel. Hat geschriben vil predigen vñ der zeit / vnd von den hailigen / vnd von der vierzigträgigen fasten / vnd etlich Epistel / Der ist personaliter erschinen in dem concili zü Costantz Anno domini M cccc xvij. Vnd nach seinem todt ( von wegen der miracel die er thet vnd gethon hett in seinem leben / wurd er erhebt vñ Canonisieret durch den Papst Calixtum den drittenn / Anno domini Mllesimo. cccc. lv. Inditione. iij. Cuius festum nonas Aprilis.

Deo gracias

**Register / in dem berürt werden die materien vnd übergeschriben hyerinn begriffen / nach anzaigung der zal der bletter sy zü suchen vnnd zü finden / Am ersten**

Von vatter vnd mütter der junckfrawen Katherina von Senis / an dem andern blat.

Wie Katerina geborn ward. foli. ij.

Katherina stünd vor der Prediger closter vnd wurd verzuocht. ij. blat

Wie sy in irer kinndhait Disciplin nam / an dem dritten blat.

Sy het begird daz sy geren ain ain- fidel wär gewest / an dem. iij. blat.

Wie sy gott ir Keüchait verhief / an dem vierdten blat.

Wie sy sich zieret / am. iij. blat.

Wie sy vatter vnd mütter / vnd iren freünden bekant / sy hett gott dem herren ir rainigkait gelobt. v. blat.

Wie sy beetet in irem kãmerlin / an dem sechsten blat.

Als sy mit irer mütter in das wildbad für / vnd darnach in den orden kam / am sibenden blat.

Das sy niemand geleeret hat dann christus / am neünden blat.

Der herr Jesus leeret sy den vnder- schaid der gaisst / am neünden blat.

## Register

Wie der herz einfigklich bey ir wonet / an dem neünden blat.

Sy erwarb irem beichtuatter von gott gesundthait seel vnd leibs / an dem zehenden blat.

Sy sager irem beichtuatter / wie ir der herz Jesus aines mals erschyn / vnd red mit ir hielt / folio. xi.

Wie sy für auff dem mö: mitt den bösen gaisten / am ailfften blat.

Wie der herz Jesus freündtlich mit ir redet / vnd beetet ir tagzeit mit ir / an dem dreyzehenden blat.

Wie vnser herz sy im vermähelt / an dem dreyzehenden blat.

Der herz traib sy auß der zell. xiiij.

Wie sy verzuelt wurd / vñ darnach leichtlich bey den leüten wonet / an dem fünffzehenden blat.

Wie sy in das feür viel in andacht. an dem fünffzehenden blat.

Ir vater erlaubt ir almüßen zü geben / am fünffzehenden blat.

Katherina lag aines mals siech zü bedte / do höret sy von ainer armen frawen sagen die grossen mangel het / do stünd sy auff von irer krankhait vnd bracht der armen frawen das almüßen. folio. xvj.

Der herz kam zü ir in aines beetlers weis / am sechzehenden blat.

Der herz erschien ir aber in gestalt aines beetlers / an dem. xvij. blat.

Katerina gab selb personlich wein durch got / an dem. xvij. blat.

Katherina wurd übel gehandelt von der sunder siechen frawen Thea / an dem. xvij. blat.

Sy dienet ainer andern frawen die ir ganz abhold vnd hässig was an dem achzehenden blat.

Es kamen leüt zü ir / die begereten ires segens / an dem. xix. blat.

Sy dienet ainer schwöster ires ordens / an dem. xx. blat.

Sy tranck auß der seitten vnnsers herzen / an dem. xxj. blat.

Von dem hochwirdigen Sacrament / an dem. xxv. blat.

Die bösen gaist wurffen sy vō dem pferd darauff sy rait / am. xxvj. blat.

Zin fraw viel mit ainem till das da brach vnd einfiel / der halff Katherina daz sy wider gesund wurd an dem. xxvij. blat.

Der herz Jesus nam von Katherina ir hertz / wie dann sy in gebeeten het / an dem. xxvij. blat.

Der herz vñd Maria magdalena erschienen der hailigen Katherinen an dem. xxix. blat.

Wie Katherina den schmerzen der

## Das LXXXIX blat

hailigen fünff wundenzaichen empfieng von vnserm herren. xxxi. blat

Wie sy got bat für iren beichtuatter daz im got gâb wol zû thûn. xxx:

Von sant Pauls dem Apostel den sy sunderlich lieb het / am. xxxj. blat.

Wie sy sant Dominicû vnd ander hailigen sach / an dem. xxxj. blat.

Katherina ward von grosser liebe krankt / vnd der herz Jesus kam zû ir / an dem. xxxij. blat.

Katherina starb von grosser liebe. an dem. xxxij. blat.

Von dem tod ires vatters / vnd wie sy zû im kam do er an dem todtede lag / vnd fraget in wie sein hertz vñ mainung zû got stünd. xxxv. blat

Von ainem mann der das bild verbrant / an dem. xxxvj. blat.

Von zweyen mannen die man verbrinnen wolt / an dem. xxxvij. blat.

Von dem vngeraten sun. xxxviij.

Wie sy ainen gewaltigen man in der stat leeret / vñnd im vnderweysung gab / an dem. xxxix. blat.

Von ainem schônen zaichen / vñnd wie ir / ir mütter starb on gebeichtet vnd sy ir erwarb von got daz sy wider lebendig ward / an dem. xl. blat.

Wie sy den krankten Mattheum gewaltiglich hieff auffstou. xli.

Von ainem gûten ainsidel xliij

Katherina leeret vñ vermanet iren beichtuatter Keimund / er sôlt den menschen trostlich sein xliij

Von beschlofnen closterfrauen. an dem xliij blat

Von ainem grossen zaichen xliij

Sy machet ain tochter ledig von den bösen gaisten am. xliij. blat.

Sy erlôft ain dienerin der frawen Plantina auff ainer burg von den bösen gaist an dem. xliij. blat.

Sy straffet ainen weltlichen ritter der wolt nit beichten am. xlv. blat.

Von ainer closterfrawen ires Ordens / an dem xlv blat.

Der Papst sendet nach ir daz sy zû im kam gen Rom / am xlvij blat.

Wie die Florentzer den Rômischen stâl beraubeten / vñnd vil Bistumb vnd Stôt vnder sich brachten. an dem xlvij blat.

Sy machet ain kinnd gesund das was gross geschwollen / als bald sy es an iren arm nam do ward es gesund / an dem l blat.

Sy prediget aines mals den Cartheusern an dem lj blat.

Maria halff ir den taig knetten vñ aufwircken / vnd machten gût brot mit ainander an dem lj blat

## Register

Von dem lären vafs wie es wein  
gab/an dem liij blat.

Wie sy das hochwirdig sacrament  
empfieng/an dem liij blat.

Von dem Sacrament ain wunn-  
derzaichen/an dem liiij blat.

Von sant Agnes ires ordens lv.

Der papst Urbanus sandt nach Ka-  
therinen vnd nam radt von ir/ an  
dem lvij blat.

Von irer grossen gedulte die sy all  
zeit gehabt hat an dem lvij blat

Katherina wurd kranket von den  
schlögen der bösen gaist. lix. vnd. lx.

Katherina wurd geladen von irem  
gemahel Jesu in das Ewig leben/  
an dem. lxij. blat.

¶ Von den zaichen nach irem todt  
an dem lxij blat.

Ir leib stünd erwo lang vnbegra-  
ben an dem lxiiij blat.

Darnach volgen vil zaichen bis vff  
das lxxij blat

Wie der heri Jesus mit Katherinen  
geredt hat an dem lxxij blat.

¶ Also ist geendet die legend der  
säligen juncckfrauen sant Kather-  
inen von Senis. Nach der legend  
ist gesetzt ain schöne predig von di-  
ser juncckfrauen / getailet in dreü  
Capitel.

¶ Item darnach ain andere predig  
von dem hailigen vatter vnd leerer  
sant Vincentio / prediger Ordens/  
beschriben vnd gepredigt durch den  
Eerwirdigen vatter Robertum de  
Licio / barfüsser / ordens sant Fran-  
cisci / der zu den selben zeitten noch  
im leben gewesen ist.

¶ Also ist sälliglich geendet dis  
loblich büch / das da gedruet vnd  
fleislich geordnet ist in der Kayser-  
lichen statt Augspurg / durch Mai-  
ster Hannsen Otmar / wonend bey  
sant Ursulen closter am Lech / In  
verlegung des fürsichtigen herren/  
Johan Rynman von öringen / des  
jars do man zalt von Christi geburt  
Tausent / fünff hundred / vnd fünff  
zehen. .cc.

Got sey lob



5418  
CCDLL

640  
DME  
5/15/19

